



BIBL. NAZ.
VITT. EMANUELE III

111

A

14

NAPOLI

111.
A.
14.

94: 1)










83

H.

7.



PINDARI

OPERA OMNIA

VIDELICET,

OLYMPIA, PYTHIA,
NEMEA, & ISTHMIA,

*Latino carmine reddita per Nicolaum
Sudorium in Curia Parisiensi Inqui-
sitionum Præsidem.*

Eiusdem Commentarius in Nemea.




LVTETIÆ.

*Ex Officina Federici Morelli
Typographi Regij.*

1582.

CVM PRIVILEGIO.







IN OPERA PINDARI

*Prefatio ad Inuictissimum & poten-
tissimum Principē HENRICVM
Christianissimum Galliarum & Po-
loniæ Regem.*



VANTVM momenti
antiquitas esse existi-
mauerit, Rex Christia-
nissime & inuictissime,
ad hominum vitam re-
gendam, morésque cō-
formādos in graui qua-
dam & seuera scelerum flagitiorūque vitu-
peratione: rectè autem & sapienter & forti-
ter factorum cōmendatione luculenta, satis
indicāt funebres illæ orationes olim in cla-
rorum & illustrium virorū exequiis haberi
solitæ, quæ & antiquissimis Græcorum legi-
bus institutæ sunt & Romanorum moribus

ita solemniter vſurpatæ, vt ſæpe ipſi imperatores Romani gentiũ omnium terrarumq; domini, minimè auguſto illo maiestatis ſuæ faſtigio indignum eſſe duxerint: quibus in imperio ſucceſſerant, eorum vitam reſque præclarè & feliciter geſtas principali facundia exornare: ſed Encomiorum omniũ ſive ea mortuis fatóq; defunctis, ſeu viuentibus, tribuenda ſint, duo quodammodo genera conſtitui poſſunt: quædam enim pedestri & ſoluta oratione explicantur, quædam verò carminibus & modis, numeroſiſq; vocibus, quaſi inuecta & incitata violentiũs & vehementiũs ad hominum aures ſenſuſque perferũtur. Prioris generis Panegyricas orationes multas, & græca lingua & latina ſanè pereleganter ſcriptas legimus: ſub poſteriori continentur Homerici omnes, Pindaricique hymni, quibus in theatris Græciæ, & celeberrimis quatuor conuentibus, ſæpiſſimè decantatis, nihil quondam erudita illa natio nec attentius nec libentiũs audiuiſſe dicitur. Atque hæ duæ laudationũ ſpecies vt in plurimis conueniunt, ſic etiam in nõnullis diſſimiles inter ſe & diſcrepantes reperiuntur. Rectè enim, vt multa alia, ſic etiã hoc ipſum Cleanthes Philoſophus dicere cõſueuerat,

cam

eam scilicet differentiam esse inter solutam orationem & versum, quæ inter simplicem oris humani sonum, tubæque clangorem percipi ab omnibus & exaudiri soleret. Nā quemadmodum spiritus noster longè clariorem sonum edit, cū illū tuba per longi canalis angustias tractum patētiore nouissimè exitu effudit, sic animi nostri sensus clariores & sublimiores arcta illa cōstrictaque & modulata carminis necessitate reddūtur. Ac nescio quo fato id accidisse dicā, Rex Christianissime & inuictiss. vt quibus sæculis famosissima bella à potētissimis Regibus aut populis terra marique gesta sunt, iisdem etiam Poëtæ excellentes pænè diuinitus excitati, & omnibus ingenij dotibus à natura subornati extiterint ad eas res quæ tū gerebantur versibus decorandas, & in æternam posteritatis memoriam propagandas. qua in re demonstranda nullum opinor ex profanorum scriptorum monumentis nec clarius nec antiquius argumentum crui potest vetustissima illa Græcorum expeditione in Colchos, cui militiæ cū certatim omnes qui tum appellabantur Deorum filij, nomen dedissent, illi ipsi, vt à veteribus traditum est, suum in numerū Orpheum poë-

tarum omnium principem & parentem ag-
 gregandum adscribendumque censuerunt,
 sine quo Oeagri & Musæ Calliopes filio la-
 bores omnes suos, quamvis admirabiles,
 temporis tamen iniuria perituros, tandē-
 que in obscuro futuros existimabant. Post
 res Colchicas sequutum est non longo sa-
 nè interuallo bellum Troianum, & ab iis
 ferè ducibus administratum, quorum pa-
 rentes sub Iasone vellus aureum armis re-
 petente, ordines duxerant. Nec verò patri-
 bus ab Orpheo collaudatis filiorum glo-
 riæ Phemius & Demodocus vates egregij
 excellentesque defuere, quos Homerus di-
 uinis carminibus suis id consecutos ait, ne
 vnquam Achiuorum vel victoriæ memora-
 biles vel ærumnæ insignes obliuione dele-
 rentur: quinetiam Homerum ipsum non-
 nulli authores Iliensis obsidionis bellique
 & scriptorem & spectatorem fuisse memo-
 riæ prodiderunt. Cùm verò bello Troiano
 victores Argiui sibi & decus eximium & o-
 tium diuturnum peperissent, postea non
 penitus quidem motibus intestinis & tu-
 multibus caruere: sed nullo tamen vel for-
 midoloso vel valde memorabili bello à
 Barbaris petiti sunt vsque ad Darij Xerxis-
 que

que Persarum regum imperia, qui generosi
ambo & animosi principes cùm domina-
tionem & ditionem suam, vt scribit Hero-
dotus, non montibus nec fluminibus vllis,
sed cæli ambitu ipso definire & terminare
statuissent, per legatos superbè admodum à
Græcis vniuersis aquam terrámque popo-
scère, quorum elementorum non paucis v-
trumque porrigentibus & offerentibus, a-
liis autem liberè admodum & fortiter de-
negare ausis, bellum illud Persicum lógè o-
mnium maximum & periculosissimum ex-
arsit, quod diu varióque & ancipiti euentu
gestum est, cunctis Asiæ Europæque popu-
lis in id vnum omnes res & opes & copias
suas, omnē denique vim virtutemque con-
ferentibus: cùm Persę quidem præter innu-
meras Asiæ nationes & reges, ipsam etiam
Carthaginensiu ciuitatem Africæ tunc im-
perantem, in partes traxissent: Græci autem
ad commune ius libertatis defendendum,
non suorum tantum præsidia, sed Siculorū
etiam & Italorum longinqua auxilia cre-
bris legationibus missis sollicitare & implo-
rare cogerentur. Atque ab illis hoc tantum
iniquæ seruitutis discrimen tribus aut qua-
tuor præliis pedestribus, egregiis sanè &

memorabilibus depulsum est, vnâque potissimum valde insigni & illustri pugna naturali Salaminia. Quo quidem tempore, vt ab antiquis accepimus, ne tot fortibus & bellicosus viris nullum pro patria, fortunarum vitæque discrimen recusantibus iucundi imprimis & graues & canori præcones deessent, Euripides poëta natus est, Æschylus non minus gloria militari quàm poëtica facultate excellens floruit: Simonides, Archilochus, Bacchylides, viguere. Pindarus ipse, quē non immeritò Horatius vatem ab Homero secundum constituit, lyricis numeris & carminibus suis fertur per vniuersas nationes & gentes incredibilem quandam atque inauditā nominis celebritatem & claritatem cōsecutus. Sic autem, vti diximus, barbarorū copiis fuscis fugatisq; paulatim Græcia & corporum & ingeniorum exercitiis pertinaciter incumbēs, vim illam potentiamque adepta est, qua tandem Persarum dominatio omnis impulsæ & prostrata corruit. Alexandro Macedonum rege pulcherrimæ expeditionis longè præstantissimo Duce constituto: qui quidem, si antiquitati credimus, cū & bellandi cupiditate incenderetur, & incredibili quodam liberalium

liberalium artium scientiarumque studio &
 amore flagraret, arma illa inuicta toto orbe
 circumferens, non Centuriones tantum &
 tribunos & legatos fortissimos in comitatu
 habuit, sed Philosophos etiam complures
 & historicos nobiles, & poëtas celeberrimos
 scriptores rerum suarum: quorum ta-
 men ingeniis diuinius aliquid & sublimius
 desiderans eruditissimus Imperator, Achillem
 hoc vno sese feliciorum & fortunatio-
 rem fuisse dixit, quod laudatissimo Homeri
 poemate commendatus & celebratus ubi-
 que claruisset: nec sanè iniuria. Nam Herois
 inclyti fortitudo immortalitatem à poëta
 accepit, nulli temporum iniuriæ nec casu-
 um varietati obnoxiam. Alexandri verò
 imperium illud infinitum statim eo mortuo
 à proceribus in diuersa regna quasi ingen-
 tis cuiusdā corporis separata membra mise-
 rabiler distractum & dissipatum est: quæ
 tandem omnia concidē subacta & occu-
 pata à Romanis gentium omnium terra-
 rumque domitoribus & victoribus, apud
 quos ipsos bellicæ laudis & gloriæ appeten-
 tissimos, statim ab incunabulis conditæ vr-
 bis cum militari disciplina ars quoque poë-
 tica inuenta & exulta est, & in summo ho-

nore ac pretio habita. Scripsit enim in Originibus Cato, Romanos illos Heroas antiquissimis in epulis accubantes clarorum & fortium virorum laudes versibus mandatas & compositas canere ad tibiam cōsueuisse. Ac cū in omni Romana historia nihil Scipionibus duobus illustrius, nihilque Iuliis & Cæsaribus augustius reperiatur, in Scipionum monumento & sepulchro vnum ex Italis omnibus Enniū Poëtam è marmore positum & constitutum accepimus. Iulius autē Cæsar Augustus, qui magnitudine rerum suarum terræ totius habitabilis imperium complexus est, Publium Virgilium Maronem non cognitione tantummodo dignum existimavit: sed præmiis etiam & honoribus amplissimis affecit: cui quidem tantæ & tam admirabili summi principis beneficentiæ gratiam Poeta omnium atatum præstantissimus referens, vnum id clarissimo Æneidos opere potissimum egit, & studuit, vt Cæsares & Iulios à nobilissimo Æneæ Iulique sanguine ortos, & iam inde ab infinita annorum serie vniuerso terrarū orbi administrando per oracula sortēsque antiquissimas destinatos ostenderet. Itaque cū Homerus, vt nōnulli existimant, amplissimam

plissimam & maximè diuturnam Iuliorum
& Cæsarum potentiam in terris fore præ-
sagisset his versibus,

Η' δὲ δὴ Αἰνείδῳ βίη τέω' εἶσιν ἀνδ' ἔξ,
καὶ παῖδες παίδων, τοίχεν μετόπισθε γένωνται.
illos ipsos ita in Aencidem suam Virgilius
transtulit:

*At domus Aeneæ cunctis dominabitur oris,
Et nati natorum, & qui nascentur ab illis.*
Quod quidē si oraculum est, & non Roma-
næ iactantiæ commentum aliquod Iliadi
artificiose insertum, non video cur id ipsum
ad Romanos Æneadas tantum pertineat,
neque ad Francos etiam Hectoridas eadem
cum Ænea stirpe editos porrigi extendiq;
possit. Cum præsertim Carolus Magnus,
Rex Christianissime & inuictissime, proauo-
rum tuorum longè clarissimus Romanum
imperium, trecentessimum iam & trigesi-
mum annum in Italia prostratum & iacens,
ac barbarorum insolentia miserè conculca-
tum crexerit, & ditioni suæ adiunctis Galliis,
Hispaniis, Pannoniis, Germania, Italia, Bri-
tannia, Dalmatia, aliisque Europeis genti-
bus bellicosissimis, corroborarit, & quod
longè omnium primum est, Christianis ri-


tibus & moribus veréque pietatis & iustitiæ integerrima sanctitate firmarit: quæquidem rerum alienarum abstinentissima, nisi inuicti animi martios impetus sese efferentes cohibuisset, perfacile tanto imperatori fuit Græcis otio diuturno languētibus & effœminatis, Orientales omnes prouincias inuadere, & cum Occidentalibus vno absolutissimi imperij iure deuincire. Ac si quis à posterioribus Francorū imperatoribus & regibus Asiam tot victoriarum vestigiis signisq; impressam, Syriam subactam, Ægyptum oppugnatā, Africam perdomitā cogitet, is profectò intelliget nullas vnquā regiones & terras Romanorū duribus patuisse, ad quas non Francorū quoque victores aliquando exercitus penetrarint & peruaferint. Scio equidem hoc loco plures existimaturos in veteribus Francis maximā rerum militariū curam, summāq; liberalium artiū & sciētiarum incuriam fuisse. Quod cōtrā omnino est: Ipse enim cuius modò meminimus Carolus magnus græca latinaq; lingua eruditus, nec Hebraicarum literarum ignarus, duo in orbe terrarum maximè insignia Gymnasia, Bononiense scilicet & Lutetianum, instituit, eaque vndique accersitis &

libe-

liberalissimè inuitatis ingenuarum artium
 literarumque omnium magistris & docto-
 ribus instruxit & exornauit. Nec desunt etiã
 qui scribant illum ipsum tot imperij regni-
 que negotiis maximis implicitum & occu-
 patum antiquissima quædam Gallorum car-
 mina, quibus priscorum Regum Ducum-
 queres illustrissimæ celebrabantur, emen-
 dasse & publicè cantanda postea in vulgus
 edidisse. Prætereà si Ammiano Marcellino
 credimus, olim in Gallia laudabilium do-
 &trinarum professores, Eubages, Druidæ,
 Bardique viguerunt, ex quibus Bardorum
 institutum hoc præcipuum ferebatur, vt
 fortia virorum illustrium facta heroicis ex-
 pressa versibus lyræ fidibusque manda-
 rent: Cùm verò nostra patrùmque memo-
 ria Franciscus magnus & Henricus secun-
 dus, Augusti, bella longè difficillima cum
 ferocissimis Europæ principibus gererent,
 magna se repentè Poëtarum Gallicorum
 copia effudit ad vtriusque facta decoranda
 his versibus lingua vernacula conscriptis,
 qui veterum græcorū latinorūque car-
 minum gloriam & verborum splendore &
 sententiarum grauitate & numero ipso
 concentu faciliè adæquarunt: sed latino ser-

mone qui hodie omnium latissimè diffusus,
 nullis regionum aut gentium finibus & ter-
 minis circumscribitur, multi ex Italis, pauci
 ex hominibus nostris vates egregij excellē-
 tesque floruerunt: quò facilius opinor mihi
 illi veniā daturi sunt, qui in cæteris quidem
 artibus & scientiis mediocritatem tolerabi-
 lem esse credunt, in versibus verò quidquid
 paululum à summo gradu decesserit, conti-
 nuò ad imum vergere & delabi existimant:
 cùm præsertim si qui nobis à natura huius
 poëticæ facultatis igniculi inerant, eos om-
 nes diuturna rerum maximè diuersarum
 tractatio, & per viginti ferè annos assidua
 occupatio forensis obruerit & pænè extin-
 xerit. Quidquid tamen ex illis quasi altissi-
 mo cinere abditum à nobis erui ægréque &
 laboriosè exfuscitari potuit, id omne in hanc
 Pindaricam interpretationem nulli nec ve-
 terum nec recentium scriptorum tentatam
 libentissimè contuli: partim quòd in his li-
 bris veterum Heroum insignia cuncta faci-
 nora virtutésque ad imitandum propositas
 & vtilia pleraque vitæ præcepta contineri
 videbam: partim quòd huius authoris gra-
 uissimi stylum sententiarum sublimitate re-
 rumque antiquitate inobscuratum, atque
 ideo

ideo ab illius cognitione iucundissima plures ab alienatos intelligebam. Nec verò mihi absurdum visum est perpetuam quādam fortitudinis laudem Pindaricis hymnis expressam tibi, Rex Christianissime & inuictissime, vni omnium nostræ ætatis principum longè fortissimo, & in vario bellorum, præliorum, victoriarumque genere exercitatissimo, dedicare & cōsecrare. A quo quidem proposito ne me id quidem deterruit, quòd iā vniuersi operis singulos libros primariis regni tui viris deuouerā: Cū enim illi ipsi togatorum Galliæ principes maximè & natura & fortuna & volūtate tui sint, æquum mihi visum est Carmina iā illis donata & dedicata in augustæ quoque Maiestatis tuæ dominio censerī. Sed iam tempus est me ad institutum, susceptumque munus accedere, si prius tamen Deum optimum maximum sanctè orauero, obtestatusque fuero, vt te diutissimè regno Francorum saluum, incolumem, florentemque conseruet, vtque prudentissima consilia & magnimos conatus tuos semper exoptatus, & felix, & verè Christianus exitus cōsequatur.





AD AMPLISSIMUM VI-
RUM CHRISTOPHORUM
*Thuanum, in intimo Consilio Regis
Consiliarium, & Parisiēsis Curiae
Primum Praesidem,*
N. SVD. P.



OLONEM Athe-
niensem, Vir amplif-
sime, non solum pru-
dentem Legislatores,
sed egregium etiam
Poetam fuisse scripta
eius abunde testan-
tur: quorum nonnul-

la, quasi è communi illo bonarum litera-
rum naufragio seruata, ad nostram vsque
aetatem permansere. Quòd si, vt scribit Pla-
to in Timæi principio, μή παρέργω τῇ ποιήσει
κατεχρήσατο, ἀλλ' ἐπ' αὐτοῦ δέκει καὶ δάπερ οἱ ἄλλοι, οὔτε

Ἡ σίκοδος, ὅνθ' ὁ μῆρος, ὅντ' ἄλλος τῶν ποιητῶν διδο-
 κимάτερος ἐγένετο αὐ' ποτε αὐτῷ. hoc est : si non
 perfunctoriè, sed seriò & ex instituto poëti-
 cam artem Solon tractare voluisset, nec
 Homerus, nec Hesiodus, nec alij excellen-
 tes Poëtæ illum vnquam elegantia carmi-
 num, aut ingenij gloria superassent. Ac mi-
 hi Græcorum & Romanorum hominum
 studia antiqua memoriâ repetenti, sæpissimè
 in mentem venire solet, vix vllum in cæteris
 artibus & scientiis abstrusis & reconditis
 præstantem virum reperiri posse, qui non
 seuerioribus aliis, & maioribus studiis hanc
 poëtice facultatis suauitatem & hilaritatem
 aliquando asperferit. Nam, vt Platonem &
 Aristotelem omittam, omnis doctrinæ & e-
 ruditionis antistites, quorum hymni adhuc
 & epigrāmata quorūdam autorum monu-
 mentis inserta, posteritatem non sine admi-
 ratione delectant : Hoc certè negari nō po-
 test, apud Romanos etiam, qui grauitati &
 decoro magis quàm Græci studuisse dicun-
 tur, M. Tullium, & M. Varronem, duos eiuf-
 dem ætatis homines literarum omnium co-
 gnitione præstantes, plurima omnis generis
 poëmata edidisse : quorum alterius, quan-
 quam poësis ab antiquis non admodū pro-
 bata

bata sit, amor tamen carminum illi adhuc puero insitus & innatus à Plutarcho sum-
mopere commēdatus est. His ego Senecam
Philosophum, Corn. Gallum, & Silium Ita-
licum oratores clarissimos, aliósq̃ue com-
plures omnium ætatum facilè principes ad-
iicerem, si apud te vllum huius rei nobilius
aut illustrius exemplum, quàm à te ipso su-
mi posset, qui quamvis tot iã annos in Rei-
pub. administratione magna cum gloria,
magnisq̃ue laboribus verferis, atque ad hoc
munus amplissimum omnium grauiorum
artium & sciētiarum cognitione instructis-
simus accesseris, non ideo tamen tibi lenius
hoc & amœnius poëtarum studiũ vnquam
negligendum aut contemnendum putasti:
sed illius iucunditate ita duceris adhuc quo-
dammodo & delectaris, vt qui te selecta an-
tiquorum poëtarum carmina memoriter
recitantem & pronunciantem audiat, non
te illa ab aliis didicisse, sed à te ipso sumpsis-
se existimet. Qui verò eruditissimos tuos &
absolutissimos versus legat, nulli te arti, aut
scientiæ vehementius, quàm poëticiæ stu-
duisse arbitretur. Sed erunt fortasse nōnulli,
qui aliorum exemplo, & tuo præsertim, per-
moti ac penè conuicti, poëtas quidem ipsos

diuino quodam ingenio præditos admiren-
 tur: verum eorum interpretes, quasi seruilis
 operæ homines, & aliorum imitationi pla-
 nè addictos & obnoxios, nullo in honore
 aut pretio habendos putent: quorum opi-
 nioni & sententiæ vix illi accedent, qui me-
 minerint Romanos vates antiquissimos
 non minorem penè gloriam ex interpre-
 tatione Græcorum Poëtarum, quàm ex
 propriis scriptis adeptos olim & consecu-
 tos. Cicero certè scribit libro I. de Finib.
 quâuis multa ex Platone & Aristotele hau-
 serit, non tamen se sic vtrumque vertisse, vt
 verterunt Latini Poëtæ Græcorum carmi-
 na & fabulas: & idem in libro De optimo
 genere Oratorum, conqueritur magnum
 esse in orationibus à Græco conuersis Ro-
 manorum hominum fastidium, cùm nul-
 lum planè esset in versibus: & nonnulli eo
 tempore magis Ennij Medeam, aut Antio-
 pam Pacuij, quàm vtramque Euripidis
 probarent. Ac magno quidem rei litera-
 riæ detrimento Pacuij, Actij, Attilij fabu-
 læ de Græcis ad verbum expressæ non ex-
 tant: Terentius verò, & Plautus, & Valerius
 Catullus in doctorem omniū manibus, vel
 potiùs in sinu, animisq; versantur: quorū

Plautus

Plautus & Terentius sese vbiq̃ Gręcorum
poętarum interpretes esse gloriuntur. Vale-
rij autem Catulli nonnulla è Gręco sermo-
ne in Latinum conuersa plurimũ vtrique
linguę & splendoris & ornamenti afferunt.
Quod si quis ab interpretibus Gręcorum
Poętarum omnino abhorreat, videat, quę-
so, ne multum de Poętarum ipsorum gloria
& honore detrahat, vixq̃ eorum famã &
existimationem integram tueri possit. Scri-
bit enim Plato in Dialogo cui nomen est
Ion, siue de Iliade, rapsodos quidem poę-
tarum enarratores vulgò haberi: poętas ve-
rò ipsos nihil aliud esse, quàm Apollinis &
Musarum pręstantes quosdam & eximios,
& planè diuinos interpretes. Quod si alij
poętę Gręci, vt Sophocles, Euripides, Ho-
merus, Theocritus, elegantię, grauitatis, &
doctrinę ergo aliquando Latinitate donati
sunt, Pindarus certè poęta huiusmodi est, vt
in ciuitatem Romanã summis pręmiis pro-
positis, vltro etiam allici & inuitari debeat.
Etenim, quemadmodũ Quintilianus ait, spi-
ritus magnificētia, sententiis, figuris, rerũ ac
verborũ copia, & veluti quodã flumine elo-
quentię perfecit, ne quis cũ vnũ ex omnibus
Poętis Gręcis & Latinis sequi hactenus aut

imitari auderet. Duo sunt omnino in hoc vate excellenti, quæ nescio an excusare, an verò potius profiteri, laudare, & prædicare debeam: Vnum, quòd sæpè instituto sermone abrupto, & planè derelicto, in aliarum rerum magnarum certè, & cognitione dignarum, vacua spatia liberè vel potius licenter excurrit: Alterum, quòd sumpto sibi & proposito victore aliquo, diutius nonnunquam in patria illius, quàm propria & peculiari virtute laudanda immoratur. Verùm enim verò longiusculas illas digressiones, quas Græci ἐκβάσεις appellant, & à Pindaro, & à cæteris Lyricis, Dithyrambicisque poëtis vsurpatas fuisse existimare debemus: partim vt hoc genere scribendi lectorum fastidium vitarent, partim vt diuersarum rerum, sententiarum, historiarum, fabularum coaceruatione, furoris & cuiusdam diuini afflatus opinionem sibi in vulgus artificiosè quærerent. In ciuitatum verò & populorum encomia & laudes Pindarum propensio- rem, & quodammodo effusio- rem esse oportuit. Quod veteri Græciæ instituto in certaminibus, ludisque publicis, non solùm victores præmiis affici solerent, sed etiam victorum ciuitates, vrbesq; coro-
nari,

nari, quæ viros fortes, & egregios, & laude dignos protulissent. Nos verò in hoc Poëta exprimendo non omnia eius verba reddere & referre necessarium nobis esse duximus, sed eius tantummodo sententiam, mentémque complecti his versibus & verbis, quæ non à linguæ Romanæ usu, & Latini sermonis nitore abhorrerent.

Quicquid autem à nobis hac in re præstitum est, quod sentio quàm sit exiguum, tibi potissimùm dicare & consecrare opportunum visum est, cuius in nos nullo nostro merito egregiam semper humanitatem experti sumus.





OLYMPIA PINDARI
LATINO CARMINE RED-
DITA, PER NICOLAVM
SVDORIVM, in suprema Parla-
menti Curia Consil. Reg.

ODE PINDARI PRIMA, HIERO-
NI SYRACVSANO REGI, EQVE-
stri certamine victoriam adepto.

Eodem numero quo apud Horat. Vides vt
alta stet niue candidum.



ATVRA pollens vtilius nihil
Produxit vndis: inter opes
nihil
Splendescit æquè sicut auri
Ignea vis, nitidusque fulgor.
Argina quòd si dicere praelia,
Fortesque pugas, vis, ani-
me impiger,

Ne Sole mireris relicto
Noctiuagæ faciem Dianæ:
Nec rursus omisso puluere Olympico,
Festisque ludus, vllum aliud canas

Certamen: ex hoc nam perenni
 Fonte virum decora alta manant,
 Iouisque laudes, quas Hiëronica
 Loquuntur ædes. Ille Hiëron sacras
 Leges tuetur: Rêxque iussis
 Trinacriam moderatur æquis.
 Virtutis altæ pulchra cacumina,
 Fructusque carpens: quinetiam nouem
 Permistus interdum Camœnis
 Pierio recreatur antro.
 Sed iam iam eburnam prome, puer, lyram,
 Seu Pisa, seu te Pherenicus capit,
 Qui propter Alphæi fluentia
 Nec stimuli, neque calcis ictum
 Expertus, auras præterit, & ducem
 Palmæ superbæ Sicanium admouet,
 Atque huic decus gentis vetustum
 A Pelopis genere vsque fluxit.
 At Parca pulchri cùm Pelopis caput
 Cratere mersum traxit aheneo,
 Illi nouum inspirans vigorem, &
 Membra humero decorans eburno.
 Neptunus ignem protinus intimis
 Hausit medullis, conspicuum intuens
 Candore miro pusionem:
 » Vana sed hæc memorans vetustas
 » Impunè gentes decipit, & Venus
 » Antiqua vatum callida musico
 » Condire sermones lepore,
 » Dat nebulis aliquando pondus,
 » Fidémque falsis arrogat: at dies

seris recludit cuncta nepotibus.

Porro immodesta voce nulli est

Eas homini violare Diuos.

O nate ditis inclyte Tantalī,

Inusitatis te fidibus canam:

Nam cum tuus lautas vicissim

Diis epulas genitor parauit:

Cunctique sedes cælicolæ arduas

Liquere, magni tunc Deus æquoris

Te captus, incensusque amore,

Cæruleis rapuit quadrigis:

Atque hac Olympi constituit plaga,

In quam receptus post Phrygius puer

Dulcem ministravit Tonanti

Ambrosiam, liquidumque Nectar.

Sed cum iam ademptum te genitrix diu

Fleuisset amens, inuida rettulit

Te fama dissectumque, et igni

Impositum, Superumque mensis,

Nempe ut placentem Cælitibus dapem.

Verum voraces relligio est mihi

Cantare Diuos. sæpe linguas

Pæna grauis ferit insolentes.

Quod si quis vnquam floruit ætheris

Honore magnus, Tantalus is fuit:

Raram sed hanc felicitatem

Concoquere inualidus nequiuit:

Sensitque fatis dulcibus ebrius

Magna impotens damna superbiæ:

Et nunc suis cernens in æuum

Verticibus lapidem minantem,

vitare & illum perpetuò volens
 Priore tristis lætitiâ exulat,
 Nec quarta sors pœnarum auerni,
 Aut labor hunc pauidus relinquit.
 At fons malorum, quòd superùm dapes,
 Et dulcis haustum Nectaris annulis
 Mortalibus, furtumque vitæ
 Delicias tribuit beatæ.

31 Sed nullus acres excubias Deum
 32 Fefellit unquam. nam patrium Pelops
 Plorauit ob crimen, relapsus
 In fragiles hominum cateruas.

Cùm verò laues & niueas nigra
 Lanugo pinxit Tantalidæ genas,
 Lecti Cupido hunc coniugalus
 Admonuit, sobolisque cura,
 Pulchræ ut superbos Hippodamæ thoros
 Ambiret: ergo in litore turbido
 Umbræque nocturna profundi
 Sæpè maris dominum inuocauit.

Moxque ille canis fluctibus exiens
 Desideranti se placidum obtulit,
 Quem strenuus sic ore fertur
 Magnanimo puer allocutus:

O si verendum connubium tibi,
 Neptunc, cordi est, Oenomaï grauem
 Hastam coërce, mæque cursu
 Quadrupedum rape concitato,

Trucem ut tyrannum sub pedibus premam,
 Qui tot cruentis cædibus eduxit,
 Et strage confusa procorum,

Hippo-

Hippodamæ thalamum moratur.

» Pericla molles non adeunt viri.

» Sed quando lethi est certa necessitas,

» Cur ullus obscuram quiescens

» Transigat in tenebris senectam?

Verùm hæc lacertus conueniet meis

Pugna, at secundos da, Pater, exitus.

Sic fatus est, nec vana in auras

Verba leues rapuere venti.

Neptunus illi nam celeres rotas,

Equosque currenti alipedes dedit,

Queis fretus et vitam superbo,

Et sobolem rapuit parenti.

Hæc facta coniunx sex peperit Duces

Virtutis almæ laudibus inclytos:

At nunc Pelops grata nepotum

Voce viget, rumuloque tectus,

Alphæe, iuxta fontis iter tui

Ad se frequentes allicit hospites.

Porro omnibus lustris in orbem

Gloria Olympiadum recurrens

Latè refulget: nec Pelopis sacro

Certare cursor puluere desinit:

Nec viribus fidens inuentus

Ancipites iterare pugnas.

» At victor æui quod superest breuis

» Dulci quietus transigit otio,

» Atque antecedentes honorum

» Lætitiæ noua palma delat.

Testis Sicana Rex Hiëron plagæ,

Cuius me equestrem dicere gloriam

Par est, caputque illi virenti
Conspicuum redimire fronde.

Nam nullus inter tot populi duces
Vivit bonarum doctior artium,
Nullius æquè nunc potestas
Iustitiæ sociata floret.

Sic nempe Divi res, Hiéron, tuas,
Curasque dextro numine promouent.

Quòd si supersit vita, tollam
Te volucris per inane curru

Sublimè raptum: suavius & tuos
Cantabo honores in Cronij iuga
Aprica tendens: nam benignæ
Firma acuunt mihi tela Musæ.

33 Nos inter illo hic clarius emicat,
33 Cælumque vultu celsior aspicit.
33 Altissimum rerum cacumen
33 Regibus erigitur beatus.

Tu ne quid ergo grandius expetas,
Votis & illum fige modum tuis:
Divique faxint, ut libenter
Nostra tibi famuletur ætas.

Atque ipse cætus assiduè colam
Victorum honestos, nec tibi dispares,
Et nostra per Graias ubique
Fama volans celebretur oras.

ODE PINDARI SECVNDA
THERONI AGRIGENTINO QVAD-
drigis victoriam adepto.

Eodem modo, quo apud Horat. Iam
satis terris niuis atque diræ, & c.



V E M Deum, aut Heroa manu fe-
roce,

Quem virum dulci cithara canemus?
Iam Ioui primùm, genitrix honorum
Pisa dicata est.

Hercules illic celebrésque pompas

Fertur, & sacros statuisse ludos:
In quibus Theron rapuit quadrigis
Præmia victor.

Hoc velut firma est Agragas columna
Nixus, hunc hospes colit, atque ciuis.
Hic vetustorum mihi flos auorum

Iure vocandus,
Qui prius functi grauibz periclis
Amnis illustres tenuère ripas,
Et solo fulsère velut decora
Astra Sicano.

Causa fortunæ fuit eminentis
Parca virtutes cumulans opum vi:
At Rheæ fili domitor Gigantum, &
Rector Olympi:

Cuique labentes oleo palæstræ
Lymphæ & Alphæi, Citharæque parent,
Fac vt ad seros veniant auorum

Rura nepotes.

» Quod semel factum est bene perperámue,

» Nescit infectum fieri, retróque

» Irritum: at tempus tacita recondis

» Plurima nocte.

» Sæpè & exhaustos abolet dolores

» Gaudium præsens, ubi nos ab astris

» Respicit vultu facili Deorum

» Æqua potestas.

Nempe sic Cadmi s. boles vetusti

Pertulit primis mala multa in annis.

» Sed bonis rebus cadit omnis ægri

» Pectoris angor.

Ergo quæ quondam rapido perempta est

Fulminis tactu Semele, beatas

Nunc colit sedes, residétque Olympi

Vertice summo.

Hanc amat Diuûm sator & virorum,

Diligit bellis animosa virgo, &

Bacchus imprimis hedera sequaci

Tempora vinctus.

In mari vasto vitreas & inter

Filias Nerei memorant tibi, Ino,

Post graues casus data permanentis

Otia vitæ.

» Nemo fatalem sibi mortis horam

» Præscius nouit, neque quando puros

» Debeat soles, vacuósque tristi

» Cernere nube.

» Nos, velut fluxus maris, & refluxus,

» Pellit incertos, hominûmque vitam

Gaudium

Gaudium alternis vicibus, dolorque
 Versat acerbus.
 Utque nonnunquam veteris nepotes
 Oedipi fortuna benigna fouit:
 Noxa sic illos aliquando torfit
 Aethere lapsa.
 Nam senem postquam Latum peremit
 Impius fato iuuenis, Deique
 Pythij oraculum graue Parricida
 Ense probatum est.
 Crimen hoc tristi furia vidente
 Mutuis Reges cecidisse plagis
 Vrbe Thebana memorant, piatam
 Sanguine cadem.
 Vnus at Regum moriens reliquit
 Praemiu auctum, celebrémque belli
 Laude Thersandrum, genus vnde Adrasti
 Surgeret ingens.
 Noster hoc Theron proauo superbit:
 Cuius insignes sociare chordis
 Conuenit laudes, memorique nomen
 Tradere fama.
 Namque eum palma decorauit Elis,
 Pythius fratri dedit atque cursus
 Isthmii nexas apio coronas
 Dulce virentis
 Quem suis autem foliis reuinxit
 Pallas, hunc cura fugiunt priores,
 Et virum virtus opulenta bino
 Munere donat.
 Namque fortunam simul & decentes

Ingeni dotes, animique iungit,
 Estque ut illustrans hominem benigno
 Lumine fidus
 Affluens auro probitas: & illam
 Nos semel naesti tenebris sub imis
 Crimen admissum, supera piari
 Scimus in ora.
 Scimus & quando scelus intuen-
 Sole patratum est, stygio parari
 Vindices pœnas Erebo, nigrâmque
 Iudicis urnam.
 At pî curâ procul, & labore
 Aëris semper nitida fruuntur
 Luce, nec terram feriunt arâtris,
 Nec mare rostris:
 Penè caelestes, gemitûsque & omnis
 Nescij luctus, rota dum citato
 Orbe periuros agit, & nocentium
 Membra laborant.
 Tertia quod si vice iam renati
 Quipiam insontes placidique semper
 Vixerint, illis aperit beatas
 Iuppiter oras.
 In quibus lenes Zephyri virentem
 Insulam perflant, variôsque flores
 Procreat tellus, alit arbor, vdu-
 Irrigat amnis.
 Hinc pîj sumunt capiti coronas,
 Brachiis texunt manibûsque fersa,
 Postquam odorata Rhadamentus illos
 Valle recepit.

Namque

Namque Saturni folio hic verendus
 Assidet iudex, comitésque iuncti
 Cadmus, & Peleus, Thetidisque cura
 Allectus Achilles.

Qui ferum Troiæ rapuit cadenti.
 Hectorem, & Cycnum domuit, nigrumque
 Memnonem Diæ sobolem rapaci
 Tradidit orco.

Sunt mea plures pharetra sagittæ
 Conditæ, quarum sonitum periti
 Sentiunt soli, neque turba dura
 Percipit aure.

Ille qui per se reperit sagaci
 Multa naturâ sapiens, sed arte
 Redditus vates strépît vt loquaci
 Gutturæ coruus.

Et Iouis frustra rapidum laceßit
 Alitem sacri tonitrus ministrum.
 Sed tuis certam, vaga Musa, telis
 Delige metam.

Sume quem dulci feriamus arcu
 Nobilem imprimis Agraganta, cuius
 Inclitus Theron decorat recenti
 Mænia fronde.

Testor audacter Superos, nec vllum
 Principem Therone benigniorem
 Esse, nec dantem rata largiori
 Munera dextra.

Sed bonis iustas aliquando laudes
 Liuor obrepens adimit, suisque
 Tentat obscurus tenebris micantem

Condere famam.

Ceterum donis, meritisque Theron

Plurimis crebros superavit ignes

Syderum, & densæ tenuēs acervos

Vicit arenæ.

EIDEM THERONI THEOXE-

NIA, SIVE ODE PINDARI

Tertia, quæ incipit,

Τυνδαρίδης τε φιλοξένοισ ἀδείν.

Eodem numero, quo illa apud Horatium dicolos tetrastrophos, Scribêris vario fortis & hostium.



VM palmam numeris dulcibus alteram

Theronisque iterum quadriiuges equos

Victores canimus, teque Agragas novis

Offers rursus honoribus:

Vos ô grata vagis sidera navitis,

Clari Tyndaridæ, tuque Helene, soror

Amborum, placidis accipite auribus

Thebanæ sonitum lyra.

Et tu blanda faue, Musa, novum vt melos

Indictumque gravi pectine concinam,

Quo conuiuia frequens gaudeat, & solum

Alternò feriat pede.

Hoc à me rapidi Cornipedes iubam

Nexus impliciti floribus exigunt:

Vique

Vtque altum variis cantibus, & modis
Theronem celebrem petunt.

Hoc & Pisa iubet, quæ decus acribus
Donat grande viris, cum stadij arbiter
Graij, iussa sequens intrepidi Herculis
Victrices iuuenum comas.

Lata fronde oleæ Palladiæ tegit.

Illam à Danubij fontibus vltimis
Alcides referens perpetuum addidit
Ludis munus olympicis.

Postquam Hyperboreos Phæbicolas prece
Commouit populos, Grajugenæ vt sibi
Plantam vitæ hominum fructiferam darent,
Et virtutibus vtilem.

Namque is sacra Ioui templa sacrauerat,
Et iam conspicuæ lumine Cynthia
Pleno, festa aliquot lustra propè Elidis
Amnem condiderat sacrum.

Illustri sed enim deerat adhuc solo,
Et Valli Pelopis densa oleæ coma,
Qua fraudata nimis clari Hyperionis
Fernebat radiis humus.

Ergo Heros gelidis montibus Arcadum
Decedens adiit Danubij vada,
Se gratum & Triniæ præbuit hospitem
Tunc cum dura necessitas,

Eurysteusque ferox compulit hunc sequi,
Et cursu volucrem & cornibus aureis
Ceruam, quam Dryadum Taygete soror
Venatrici aluit Dea.

Illam in lustra sequens impiger Hercules,

Istro contiguas & Boreæ domos
 Perlustrasse vagus fertur, & arbori
 Adiecisse oculos nouæ.

Nec desiderium deposuit prius,
 Quàm nudum Argolici curriculi locum
 Seuit Palladiis stirpibus, & graues
 Æstus frondibus expulit.

Vnde hæc sacra libens nunc adit Hercules,
 Quæ iusta hospitibus nos facimus Diis,
 Et secum armiferos Tyndaridas Iouis
 Ac Leda sobolem trahit.

Illis namque petens æthera Olympicos
 Decursus, & equis & celebres viris
 Commisit: sed enim pandere iam libet
 Illustre Emmenidum genus.

Thronemque nouis dicere honoribus
 Effferri iuuenum munere equestrium,
 Quorum Leda parens, hos quoniam pius
 Mactatis gregibus colit.

Conuiuasque epulis mille adhibet sacris,
 Et placat solitis numina ritibus.

„ Utque vndis nihil est vtilius, nihil
 „ Auro splendidius micat.

Sic Elea ferens præmia nunc caput
 Theron longè aliis altiùs extulit,
 Et verè Herculeæ stirpe satus, manu
 Metas attingit Herculis:

Vltra quas iter est omnibus inuium,
 Et doctis hominum, & desipientibus.
 Huc me fata vetant tendere inanibus
 Væsanum comitem viris.

ODE PINDARI QVARTA

PSAUMIDI EQVESTRI

certamine victoriam ade-
pto: quæ incipit,

Ελαίης ἱερταῖς θεοῖσιν ἀνα-
μαλὸ ποδὸς ζεῦ.

Eodem numero, quo apud Horat. Vides vt
alta stet niue candidum.



QVI corusca fulgura dextera,
Fulménque torques, Iuppiter, igneum.
(Nam me status semper tuarum
Orbis Olympiadum reuertens,
In se & reflexus prouocat, vt lyra
Fretus sonanti, pectora fortium

Dicam virorum, quos amici

Laude noua celebrant ouantes.)

Sed rector Æthnæ qua iacet obrutus

Pressusque Typhon, accipe iam modos

Non artis expertes, nec acta

Clara virum numeros tacentes.

Lyrámque currus Psaumidis aureos

Audi canentem. Psaumis enim caput

Fælici oliuæ fronde cingens

Grande decus patriæ reportat.

Sic ille semper sentiat exitus

Rerum secundos, qui niriidis equis

Vectatur, & lautus benignos

Hospitibus referat penates.

Prædulcis autor cinibus otij,

Vitæque gaudens criminis inscia.

» Nec vana testor: namque prodit

» Ingenium, latebræque mentis

» Recludit omnes experientia.

Hac vasa matrum Lemniadum cohors

Cessavit Ergini seniles

Opprobriis onerare crines.

Nam quando tectus membra micantibus

Erginus armis, ante alios celer

Decurrit, hæc metæ propinquum

Voce ferunt retulisse anheia.

Regina cursus Hypsipyle meos

Miraris: at me talem animo puta

Cùm bella poscunt, nec feroci

Marte minùs, manibùsque promptum.

» Dextræ & lacertis nil capitis niues

» Obsunt, sed annos præueniens labor

» Conspergit interdum virentem

» Canitie celeri iuventam.

ODE

ODE PINDARI QUINTA

AGESIÆ SYRACVSIO SOSTRATI

filio, vehiculo victoriam adepto:

Quæ incipit,

Χρυσίας ὑποδάσαντες ἐνίερχει παρθένω θαλάμῳ.

EIVSDEM ARGVMENTVM.

Hoc carmine Agesiam Syracusanum Pindarus laudat, præcipuè à generis vetustate & nobilitate. Nam Pythana Nympha, à qua & Pythanae vrbi nomen impositum, filia Eurotae fluminis fuit, quæ adamata à Neptuno Euadnam Nympham formosissimam peperit, atque illa ab Epyto Arcadiae Rege educata, ex Apolline clam filium Iamum genuit, qui à matre timida derelictus in syluis, & à draconibus melle enutritus, moxq; paterna vaticinij arte instructus, magnam in Elide nominis claritatem assecutus est: gloriamq; & artem posteris suis reliquit, quorum in numero hic Agesias fuit, qui vehiculo mulari victoriam in ludis Olympicis adeptus est. Sed quoniam hoc mulare certamen Romanis auribus insolens visum fuisset, nos illud in cursum equestrem Pindarica quadam libertate vel potius licetia conuertimus, in rebus grauib; & seriis maiori aliàs religione vsuri.

Eodem numero, quo Secunda.



*V*T domum auratis stabilem columnis
 Artifex ponit, decoratque celsum
 Limen imprimis, ebore, & micanti
 Vndique gemma:
 Prima sic nostri facièsque fronsque
 Carminis late niteat refulgens.

Ergo si quisquam foliis oliuæ

Tempora cingit:

- 26 Si quis & castus Superum sacerdos
 27 Viuit, & priscos patriæ parentes
 28 Stirpis auctores propriæ recenset
 29 Ordine longo,
 30 Semper hunc dulces numeri loquentur,
 31 Ciuium prauus modò liuor absit:
 Sostrati verò soboli illa triplex
 Gloria parta est.
 32 Tutior virtus, rigidaque nunquam
 33 Icta fortunæ grauibus procellis,
 34 Nec solo illustis, neque fertur. altum
 35 Clara per æquor.
 36 Longa sed pulchros hominum labores
 37 Fama per terras memorat. tibi autem
 Victor insignis pia vox Adraști
 Conuenit illa,
 Qua sui est funus graue prosequutus
 Auguris, quando volucres quadrigas
 Ipsum & aurigam patulis Auernus
 Faucibus hausit.
 Augeo castrorum oculum meorum,
 Inquit Adrastus, dubiisque vatem
 Præscium casus, & obire belli
 Munera fortem.
 Duplicem hanc laudem, geminâsque dotes
 Possidet nostri moderator hymni:
 Dicere hoc ausim, mea nec Camœnæ
 Verba refellent.
 Iunge sed promptos mihi iam iugales,
 Philtis ut planum spatium volanti
 Proticens curru, ferar ad vetustum

Stemma virorum.

Non equis ullum est iter. incitatis
 Notius, postquam semel hi coronas
 Debitas, iustumque tulere sacra

Elide plausum.

Vósque vocales reserate Musæ
 Carminum portas: etenim ante noctem
 Est mihi sedes adeunda pulchræ

Alta Pythana.

Illa Neptuno sociata fertur
 Mater Euadnæ rediisse, & aluo
 Conscia: celasse diu latentes

Ægra dolores.

Cynthia donec novies renata
 Virginem fido teneram ministro
 Tradidit furtim, Arcadiæque Regi

Misit alendam

Æpyto, ditem Phasanam tenenti
 Cursum & Alphæi viridèsque ripas,
 Quas prope Euadnæ niveum decorem

Carpsit Apollo.

Sed Deo gestans vterum tumentem
 Virgo, non tristem latuit tyrannum
 Vsq̃ue, qui vulnus tacitum sub imo

Corde recondens,

Protinus sacros petiit recessus
 Pythiæ vatis, vitij & proteruum
 Sciret autorem, nec inulta fontis

Cûlpa maneret.

Interim Euadne patulis sub vmbri
 Arborum, zonam posuit, simulque

Hydriam auratam, Superisque charum
Enixa puellum est.

Debili Nymphæ placidam Dianam
Reddidit Phæbus, facilisque Parcas:
Illicò & nascens Iamus paterna
Lumina vidit.

Sed solo liquit viridi iacentem
Icta vāsano genitrix timore,
Et duo desertum aluere dulci
Melle dracones.

(Sic Diis visum) rediensque Delphis
Ægyptus, partum petiit recentem
Tristis Euadnæ, ætherei quòd infans
Seminis esset:

Quòdque ei Phæbus propria dedisset
Arte venturos aperire casus,
Atque mansuram Danaas per vrbes
Spargere gentem.

At sibi cuncti puerum negarunt
Cognitum visu, licet ille quinos.
Cynthia impleffet redeuntis orbes
Abditus herbis.

Inque humo verna recubans odoris
Floribus circum, violisque tectus,
Vnde ei clarum posuere matre
Indice nomen:

Verum vbi pubes Iami decentes
Ambiit malas, & auum & parentem
Ille sub noctem medio rogauit
Elidis amni,

Vt darent quoddam sibi munus artis

Inclitæ, vitæque hominum iuuantis:
Nec diu texit genitor paternum
Phæbus amorem.

Nam statim, ô fili generose, montem
Inquit, ascendas, populus futurum
Vndique accitis celebrem, & virorum
Laude superbum.

Nec mora, excelsas petiere vterque
Cronij sedes, vbi Phæbus illi
Bina præsagi tribuit benignus
Dona furoris.

Ac statim motus Iamus loquaces
Præpetum veros didicitque cantus:
Deinde cum Alcides statuit frequentes
Elide ludos,

Et sacra legem posuit palæstra,
Cæpit hic fibris pecudum reclusis
Augur euentus aperire pingues
Ad Iouis aras.

Postea clarorum Iami nepotum
Inter Argiûos genus enitescens
Floruit factus, & opum beato
Flumine creuit.

Hi quibus cordi est generosa virtus,
Lucidum vitæ per iter feruntur:
Sed viros segnes, humilesque liuor
Anxius vrit.

Ille pallefcens querulis anhelat
Vocibus, si quos honor altiôres,
Et magis læta facie decoros
Laurea reddit.

Quòd si adhuc materna tibi propago
 Sostrati fili est oriunda celsæ
 Monte Cyllenes, volucrique Diuum
 Chara ministro,

Illius donis cumulauit aras
 Quem colit lætæ docilis iuuentus,
 Qui regit cæstus agiles, frequensque
 Mœnala lustrat.

Hanc tibi certè Deus ille palmam
 Victor insignis tribuisse gaudet,
 Et Ioui prudens sua fulminantè
 Numina iungit.

Cos vt assueuit renouare ferrum,
 Sic mihi sensus acuit tuarum
 Nuntio laudum, niueæ superstes
 Fama Metopæ.

Arcadum hæc fines habitans, tuisque
 Patriæ consors atavis, placentem
 Edidit Theben genus vnde magna
 Nomen & vrbi:

Quæ sitim nostram saliente lymphe
 Pellit, effundens vbi lætus hymnos
 Martij nectò ducibus coronas
 Vsq̃ue virentes.

Sed, chori Princeps, age iam sodales
 Admone, vt claram celebrent Tonantis,
 Coniugem, & monstrent mihi grande partum
 Carmine nomen.

Mèque Bœotæ suis ṽsitatam
 Thracia fugisse Lyra cauillum:
 Namque tu dulces numeros capaci

Pectore condis.

Deinde sublimi per inane cantu
Spargis, & gentes, populósque mulces,
Præco Musarum sacer, & disertus
Nuntius oris.

Sed neque excelsæ fileantur arces
Insulæ, quam nunc Hieron potenti
Temperat sceptro, Cererisque flauæ,
Persephonésque

Cultor, Æthnæique Iouis sacerdos:
Hic lyra imprimis, fidibusque notus,
Nulla opes eius spatiosa frangat
Temporis ætas.

Et sui laudes Hieron libenter
Audiat ciuis, gelido profecti
Monte Cyllenes, Sicula ut beatus
Viueret ora.

Arcas, atque idem sículus colonus.
Sic ubi nauim feriunt procellæ,
Anchoram nautæ duplicem profundo
Gurgite mergunt.

Sostrati natus gemina fruatur
Patria fœlix, tumidique rector
Æquoris lætum iuuenem secunda
Dirigat aura.

Ut neque hic vnquam variantis æstum
Sentiat vitæ, dubiósque fluctus,
Nec meæ reddant Citharæ caducum
Sæcula florem.

ODE PINDARI SEXTA, QVAM
VETERES SCRIBVNT ADEO PRO-
batam fuisse olim, vt aureis literis in
Mineruae templo inscripta
consecraretur:

Cuius initium est,

Φιάλαν ὥς εἶπες ἀρνεῖσθαι ἀπὸ χεῖρὸς ἐλῶν.

In laudem Diagoræ Rhodij pugilis.

Eodem numero quo illa Horatij, Scribêris
vario fortis & hostium.



V T F E S T I S dapibus munificus socer
Fulgentem paterā sumit, & ignei
Spumantem latices purpureos meri,
Moxque illum cupida in manu
Hausturi generi collocat, aureum
Thesauri columen, perpetuū decus
Cœnarum, & placiti coniugij nouis
Aptum pignus amoribus.

Ælicem interea connubij vocat
Sponsum turba frequens: sic ego nectare
Musæo iuuenum pectora fortium
Perfundens hilares mei

Fructus ingenij dono vigentibus,

- » Inuictisque viris. Nemo beator
- » Illo, quem populi rumor ad æthera
- » Iustis tollit honoribus:
- » Nunc hos palma leuis, nunc alios beat

Palme

*Palmae blanda comes fistula cum lyra:
Vtraque ipse simul fretus amabilem
Cantare aggredior Rhodon,*

Dilectam veneri Naiada, lucido

*Desponsamque Deo, scilicet ut sua
Ornetur patriae laude Diagoras,
Horrendis pugil artubus.*

Qui victrice caput fronde reniciens

*Pugnacis retulit praemia dexteræ
Elæo celebrer puluere, nec minùs
Clarus gramine Pythio.*

Pasim nostra etiam voce vagabitur

*Cum victore, parens illius integer:
Ambos æquoribus cincta Rhodos trium
Mater detinet urbium*

Argiuis genitos Regibus. hiciuuat

*Vt late Herculeæ fama micet domus:
Illis, & reliquis Tlepolemi simul
Carmen texere posteris.*

Gens ergo patria est Tlepolemo à Ioue,

Maternum Astydame condecorat genus,

*Atque Amyntor auus. Verùm homines nigræ
Errorum nebulae ambiunt:*

Nec nos ambiguo lumine cernimus

Nostræ principium sortis, & exitum.

Duro namque oleæ stipite perculit

Ira Tlepolemus furens

Prognatum Midea matre Lycinnium:

Tyrinthique solum cæde domestica

Sparsit. sæpe graues exagitat viros

Ardor pectoris æstuans.

Post Amyntorida concilium Dei
 Poscente ex adytis Delius intimis,
 Præcepit iuuenem soluere litore
 Lernæo profugas rates,

Pulsarumque locum visere fluctibus,
 Quem quondam pluuia perluit aurea,
 Ditantque nouis Iupiter imbribus
 Pleno largus ab æthere.

Tunc cum prægrauido iam capiti Iouis
 Impegit validum Mulciber artifex
 Ferrum, & prosiluit vertice gnauiter
 Diuiso armipotens Dea:

Cuius voce graui protinus & solum,
 Et fulgens superum contremuit domus:
 Quin mandata suis anxia liberis
 Titan sollicitus dedit,

Vt fatis alacres se venientibus
 Offerrent, nec eis quisquam hominum prior
 Forti templa Deæ poneret, aut pius
 Gratam caderet hostiam.

- » Qui ventura animo tempora præuidet,
- » Virtutem, & faciles delicias parat:
- » Sed quandoque virum præscia pectora
- » Torpor languidus occupat.
- » Et sensus vigiles Cimmeriæ teneant
- » Obsessos tenebræ, ne sapiens iter
- » Æui perpetuum conficiat sui
- » Directa incolumis via.

Nam Phæbo geniti belligeræ quidem
 Sacrauere locos templaque virgini
 Puro in colle: sed his nemo perutilem

Flammam

Flammam sedibus intulit.

Imperfecta igitur sacra sine ignibus
Fecere immemores: atque ideo procul
Currus Diva suos, armæque Cecropis
Alto deposuit iugo.

Sed lapsis Rhodiis attamen auream
Conflavit nebulam Iuppiter, & graves
Cælo effudit opes, Pallas eis libens
Fabilem erudit manum.

Hinc miris hominum clara laboribus
Effulsit Rhodos, ut percelebres vias
Sculptorum manibus ficta animalia
Vivis æmula currerent.

Quando ars ingeniis iuncta sagacibus,
Tunc naturæ agilis vis inagis enitet.
Fama est illa vetus, cum placuit solum
Cæli diuidere arbitris,

Nondum exisse maris gurgitibus Rhodon
Monstratæ nitidum sideribus caput,
Ignotam sed adhuc prorsus in intimo
Subsedisse salo insulam.

Et tunc concilio summi aberat Iouis,
Qui puro roseos axe vehit dies,
Nec sors vlla fuit ducta perennibus
Intenti officiis Dei.

Id rector superum respiciens, novis
Urne constituit credere casibus
Rursum regna Deum, sed tenuit gravis
Iactum Delius aleæ.

Nam sese sub aquis cernere iam plagam
Crescentem assidue rettulit, ac virum

*Ingentes populos pascere idoneam
Et densos pecorum greges.*

*Quam terram simul ac lumen & aëra
Vidisset liquidis humida fluctibus,
Concedi propriis Phæbus honoribus,
Et sacris petiit suis.*

*Utque illud Lachesis brachia porrigens
Firmaret, reliqui & Cælicolæ lacus
Iurarent stygios, usque ratum fore
Supremi arbitrium Iouis.*

*Nec Phæbo facilis defuit exitus
Votorum, subito namque tumentibus
Terra emerfit aquis, quam tenet aureis
Distinctus radiis caput*

*Titan, & domitor cornipedum, quibus
Exit flamma volans naribus igneis:
Hac tellure iacens Cynthius, & sinu
Flauentem retinens Rhodon,*

*Septem ex æquorea virgine sustulit
Cordatos iuuenes, è quibus Erchaphus
Camiron genuit, Lindon, Ialyson
Sublimis columen domus.*

*Tres illi, ut proprios incolerent lares
Discretis placidi sedibus, in tria
Diuisere solum regna, quibus dedit
Ætas nomina principum.*

*Atque his vndiuago Tlepolemo in locis
Ærumnæ requies contigit & fugæ:
Quin & Tlepolemm placat adhuc Rhodos
Multa cæde bidentium.*

Nec Ludi interea nec iuuenum manus

Cessant,

Cessant, pugnae alacris dona petentium,
Inter quos duplici fronde Diagoras
Ornatam implicuit comam.

Idem se spatius iam quater Isthmiis
Victorem indomitum praestitit, ac solo
Illustri Nemeae, plurima & Atticis
Caepit praemia finibus.

Huic Argis clypei munus aheni.
Thebis & gelidis Arcadiae iugis
Concessi tripodes, vestis & inclytæ
Pellanae data sexies,

Et laus Aenopiae: nec Megaris viri
Cuiusquam alterius iam toties fuit
Insculptum lapidi nomen. at, o potens
Montis rector Atarbij,

Fac nostrum vigeat carmen, & hic pugil
Qui palmam valida corripuit manu,
Illo nemo suis sit popularibus,
Nemo charior exteris.

Nam iusto innocuus carpit iter pede.
Non te magne parens Calicolum fugit,
Ut victoris aui vocibus illius
Aures imbuerint piis.

Ne clarorum hominum conspicuum genus
Obscura lateat nube reconditum:
Scis quot letitias debeat insula
Altis tota penatibus.

Si felix alias vita Diagorae
Offendit titubans tramite lubrico,
Surget laeta iterum. flant etiam breui
Venti tempore dispares.

ODE PINDARI SEPTIMA
ALCIMEDONTI, ET TIMOSTHENI
luctatoribus, & Meilesiæ aleiptæ, siue ludi-
magistro: Cuius initium est,

Μᾶτερ ὦ χρυσόστομον ἀέθλων Ὀλυμπία.



VERBA honorum mater Olympia

Diues coronis, fœtâque præmiis,

Præsaga veri, quâmq; pridem

Fatidici coluere vates

Cæsis periti noscere victimis,

Aræque visis ignibus, an viros

Flauente pugnantes arena

Firma Iouis foueat voluntas:

Virtutem & illis sidera destinant,

Parîsque blandum laudibus ocium:

„ Nam multa consultò benigni

„ Dant Superi precibus piorum.

Sed Pisa syluis tecta romaniibus,

„ Hoc carmen audi: Nunquam homini decus,

„ Nec fama deerit, qui domum se

„ Fronde tua referet virentem.

„ Diuersa Diui munera diuidunt

„ Mortalibus: nec, chære Timosthenes,

„ Fœlicitatis strata solùm

„ Vna via est. Tibi sors Nemæis

Secunda ludis: Alcimedon pari

Aetate crescens, vicit Olympia,

Qui pulcher haud turpi decoram

segniæ faciem refellit.

Victore

Victore tali præco frementibus
Altum theatris insonuit, canens
Æginam, ex qua natus acer
Alcimedon, vbi mirus æqui,
Rectique cultus. quando potentibus
Errant frequentes vrbibus aduenæ,
Distinguere insignes ab imis
Hospitio sapiente magnum est.
Mens alta diuûm gentibus exteris
Fœlicis Æginæ æquoream plagam
Substrauit, expanditque portum
Vndiuagis ratibus fidelem.
Sit ista terræ longa benignitas,
Quam luce casso Doris ab Æaco
Rexere semper: cùm coacti
Iliacos posuêre muros
Neptunus atque Cynthius, hi sibi
Duri sodalem muneris Æacum
Sumpserè, Troianâsque soli
Tollere humo renuêre moles.
Quod fata vellent excipientibus
Subinde bellis Pergama post graues
Ardêre pugnas, & nigrantem
Vrbe iaci rutilante fumum.
Sed quando saxis Troia recentibus
Munita fulsit, protinus in nouas
Repsere sedes trës ab imis
Cerulei latebris colubri.
Ex his relapsi præcipites duo
Flauêre vitam, tertius horridum
Exibilans, fossamque saltu

Præteriit, pauidâsq̃e turres.
 At monstra Diuûm Delius intuens,
 Obsessa, dixit, vincitur Ilios
 Hac parte Valli, quam caduca
 Ars hominis fragilem reliquit.
 Hoc ille signis tristibus indicat,
 Qui rubra dextra fulmina concutit.
 Sed quando iam Parcæ ruinas,
 Æace, Dardanias parabunt,
 Turmis Achiuûm nusquam aberit tua
 Armata proles: natus at impias
 Inuadet arces, hâsq̃e multa
 Cæde madens pronepos cremabit.
 Sic fatus augur in Lyciam volat,
 Atque hinc equestres visit Amazonas.
 Istrique fontem, nec moratus
 Nauigera dominator vnde
 Transmittit aureis curribus Æacum
 Dulces ad oras Ænopiæ, & simul
 Ipse incitato fertur axe
 Ad bimarem rapidus Corinthum,
 Ut spectet aris impositas dapes.
 Res nulla cunctos equè homines iuuat.
 Quòd si reflexa voce ad aëta
 Meilesiæ pueri recurram,
 Atque huic ephebos in tenera canam
 Aetate fractos, gramine Olympico
 Ne liuor obstet, namque eandem
 Et Nemea retulit coronam:
 Vir deinde factus, calcibus & truci
 Pugno feroces perculit amulos:

Nunc fessus annis efficaci
Firmat acres iuuenes oliuo.
Docere solus, qui didicit, potest,
Inculta cæco robora fluctuant
Errore semper, mēnsque fixa
Arte carens leuiter vacillat.
Perfectus vsu Meilesias viam
Demonstrat illam rectius omnibus,
Quæ laudis ad celsum cacumen,
Per stadij loca sacra ducit:
Hunc æquat astris Alcimedon, toris
Victor perunctis terdecimus nitens:
Fortuna certè blandienti
Ore decus puerile iuuif.
Verum eruditi vis quoque quattuor
Equalibus iam verba minacia
Extorsit, & letos regressus
Eripuit, tumidumque fastum.
Honore tanto victor auum grauem
Tristi senectæ pondere subleuat.
Qui pulchra patrat, nescit atræ
Mortis iter, trepidumque funus.
Sed me excitantem iam decet infima
Tellure manes, Blepsiadis sui
Narrare certamen nepotis,
Blepsiadis venit illa palma
Iam sexta, ludis nata frequentibus:
Laudem sepulti legitimam petunt,
Et grata cognatas ad vmbbras
Fama sui generis refertur.
Iphio vt illic Angeliam audiet

Natam volantis Mercurij alitem;
 Hoc protinus commune gentis
 Callimacho decus indicabit.
 Prisco creati sanguine posteri
 Novis vetustas dinitis opes
 Exaggerent, morbiq; letam
 Usque domum fugiant acuti.
 Hinc liuor absit pallidus aureo
 Vicini acervo, teque Deum parens
 Custode, proles hæc in ævum
 Vrbe potens domineitur alta.

ODE PINDARICA OCTAVA

Epharmosto Opuntio Luctatori.

Cultus initium est,

Τὸ μὲν Ἀρχιλόχου μέλος φωνεῖν Ολυμπία.

Eodem numero quo illa apud Horat.

Iam satis terris, &c.

ARGUMENTUM.

Huic carmini Pindarus fabulam subobscuram, inseruit.
 Hæc autem eiusmodi est. Deucalion, qui & alio nomine
 Opuns vocabatur, magni Iapeti nepos, post inundationem
 Græciæ, è Parnasso monte in eam regionem profectus di-
 citur, quæ Locris postea appellata est, quem in locum fi-
 liam suam Protogeniam adduxit, atque ea, cum Epeorum,
 siue Eleorum fines inuiseret, ob insignem pulchritudinem
 raptâ est à Ioue, & grauida facta: postque Loco regi tra-
 dita in matrimonium: qui quidem cum orbus esset, & iam
 decrepitæ

decrepitæ ætatis, si Poëtis creditur, non agrè partum vxoris supposititium tulit, sed filium Iouis & Protogeniæ sibi adoptans, illi & nomen Opuntis aui materni imposuit, & urbem concessit, in quam coloniam suo arbitratu deduceret. Quæ vrbs metropolis postea Locridis regionis facta est, & perpetuò antiqui Regis Opuntis nomen retinuit, atque in ea proauos Epharmosti victoris principatum obtinuisse Pindarus testatur.

SÆPE iactatum Parij Poëta
Carmen, Epharmoste, triplèxque vulgo
Tinniens hymnus, resonante Pisa
Floruit olim.
Cum tu ouans cætus hilarès ad illos
Duceres cantus, in aprica montis

Cronij, & festa fremeret iuuentus
Læta chorèa.

Sed tuos arcus modò, Musa, tende
Viribus magnis, Superùmque Regem,
Et simul terrarum apicem, caputque
Elida canta.

Quam Pelops doti pretium laborum
Maximum accepit, soceri cruento
Axe subuerso thalamis potitus
Hippodameia.

Deinde post Pisam volucris sagitta
Pythias pugnæ, aliòsque rursus
Fige victoris titulos, humum sic
Alta relinques:

Atque iter cælo facies, palæstra
Principem exornans fidibus canoris:
Hunc Opuns dulces venientem in auras

Fouit alumnum.

Digna Opuns nostris numeris, ut eius
Cuius antiqua genus urbis, in qua
Eminet sedes Themidisque sancta,

Eunomiaëque,

Debiles turbas hominum tuentis.

Hic locus porro iuuenes virentes

Donat Alphæo, validaque pube

Pythia complet:

Vnde præclaris foliis corona

Mille frondosam religant Opunta

Fortis altricem populi, & parentem

Locridis ora.

Ast ego charæ loca ciuitatis

Lumine illustrans radiantis hymni,

Ocyus curru celerisque naui

Alite remo

Publicas laudes per inane mittam:

(Si Deum iussu nitidis in hortis

Colligo pulchros Charitum decenti

Pollice flores.)

32 Namque formosis sine Gratiis nil

32 Dulce, nec latum est: hominiquæ mentem

32 Solus impertit Deus, aut viriles

32 Robur in artus.

Testis Alcides, ope quæ Tonantis

Fuscinam claua repulit minantem,

Cum Pylum iuxta datus hostis illi

Rektor aquarum.

Quin & aurato metuendus arcu

Phæbus Alcmenâ genitum refugit:

Virga nec pollens domino seueri
Profuit Orci,
Hanc licet dextrâ quatiens fugaces
Condat obscuris animas cauernis.
sed parum sanctos docilis Thales
Respue cantus.

Illâ doctrina est odiosa, quæ vim
Elevat Diuûm, minuîtque cultus:
Nec carent cæco nimium superba,
Dicta furore.

Desine antiquas memorare pugnas
Cælitum, & motus veteres Olympi:
Atque formosæ cane rursus oras
Protogeneiæ.

His larem primùm posuere terris
Alta Parnassi iuga deferentes
Pyrrha, virque eius, pereunte soli
Orbe relictî:

Qui duo effæti, vetulisque segnes
Artubus, iactu lapidum dederunt
Alteram prolem, vocitant & inde
Λαδὺ Achiui.

Sed quid ad priscos referor parentes?
Vt liquor Bacchi veteris palato
Gratior, sic & sonitus recentis
Dulcior hymni.

Attamen quondam (neque fama mendax)
Abditi ponto latuere montes,
Póstque diffusas maris hausit vndas
Terra resorbens.

At tui victor proavi beatam

Vsq̃ue rexerunt patriam Deorum
Rege prognati Iapetique magni
Nept̃e decora.

Iuppiter namque, Vt memorant, Opuntis
Filiam Elæa rapiens ab ora,
Clanculum huic zonam nemorosa subter
Mænala soluit:

Deinde eam semen graue iam ferentem
Misit in Locri viduos penates,
Ne virum auferret sterilis senectus
Prolis egentem.

Natus est illinc generosus infans
Stirpe diuina, pueroque risit
Blandum adoptiuus genitor, deditque
Nomen auitum.

Post eum cernens facie atque factis
Certa cognati dare signa cæli,
Locrus optanti populos & altam
Tradidit urbem.

Venit huc Thebis, validisque ab Argis
Creber & Pisa, & Pholoë colonus,
Venit & Phthia venerandus hospes
Actore natus.

Ille Patroclum genuit profectum
Militem quondam geminis Atreidis,
Quisque bellantem stetit vsque pugnans
Propter Achillem:

Telephus quando Danaos pauentes
Acer impegit ratibus cruentis,
Et manus Patrocli, animusque in armis,
Arsque reluxit.

Quin Dea illustris soboles marinæ
Voce spectatum monuit fauenti
Ut suæ per bella pedem propinquum
Figeret hastæ.

Semper ô nostræ noua verba linguæ
Suppetant, sempérque volante raptus
Axe, res gestas hominum per oras
Spargere possim,

Nuntius, variésque potens & audax.
Porro amor tecti vetus hospitalis
Et fides constans iubet, & probata
Lampromachi vis,

Huius ut frondes meritas Corinthi
Littore excelsò sociare palmae
Coner, Epharmoste, tuæ, duplèxque
Iungere robur.

Qua die Pisà tua laus refulsit
Isthmiam huic virtus retulit coronam
Sed tibi post bis Ephoræ sub altis
Vincere muris

Contigit, curua Nemeæque valle,
Tu virum Argiuo domitor theatro,
Cecropis campo tibi cecidit olim.
Iunior ætas.

Quid canam ut clara Marathonis ora
Victor hic furtim puerile fraudans
Agmen, ante annos tulerit virilis
Pondera luctæ.

Dona capturus phialas nitentes
Lauis argenti, stetit ille firmus
Semper, ingentésque viros latenti

Subruit astu.

Quos solo stratos, humilésque linquens,
Maximam ô quanto fremitu coronam
Transiit, pulchra vt facies decorus
Profuit actis!

Insuper tellus Iouis hunc Lycæi
Sæpe mirata est, Chlamydisque nota
Præmium Pellana virum labori

Tradere sueta,
Obiicem nimbo, rapidisque ventis:
Adde Thebanæ sonitus arena,
Adde quos eius reticens Eleusis
Seruat honores.

» Summa Naturæ facilis potestas,
» Et tamen docti meruere famam
» Plurimi, verum sine Diis siletur
» Vtraque virtus.

» Ars potens artem superat, nec vna
» Sola nos omnes meditata pascit.
» Mentis est ædes sapientis alto in
» Monte locata.

Cuius interpres, Erato, canora
Voce dic artus agiles, manúsque,
Vultum & ardentem iuuenis supremo
Æthere lapsi.

Ille victrices etiam corollas
Gaudet Aiaci posuisse Oileo
Nuper, & sacram cumulasse fibris
Pinguibus aram.

ODE PINDARI NONA
AGESIDAMO LOCRO EPIZE-
phyrio, qui puer pugilatu victoriam ade-
ptus est.

Cuius initium est,

Τὸν Ολυμπόνικον ἀνδρῶν ἐμοί
Ἀρχεράτῃ παῖδα.

Eodem numero, quo illa Horatij, Inclusam
Danaën turris ahenea.



RCANVM relegens Melpomene mel-
Cordis, dic ubi sit nomen amabile
Scriptū Agesidami, nam iuveni sonos
Dulces debeo, iam diu
Oblitus. sed enim tūque hilaris Dea,

Supremique Iouis filia Veritas,
Me spreti hospitij crimine soluite,
Et linguae vitio levis.

Longam pigra dies vsque trahens moram
Nos æris cumulo merferat inscios,
Verum cæpta grauis iurgia crediti
Fœnus mitigat affluens.

Ergo fluctus vti littora verberat,
Et conchas rapido perluit æquore:
Detergat veterem sic animi notam
Riuo lingua volubili.

Pendamusque lyra carmina Delia
Sperata pretium nobile gratia:
Locros namque sitos ad Zephyrum liceat

Veris tollere laudibus.

Illi Calliopen, & rigidum colunt

Martem belligeri. Maximus Hercules

Cycno compositus principio lenem

E pugna retulit gradum:

Sic Agesidamus fessus Olympicis

Cedebat spatii, sed puero novum

Robur rursus Hylas impiger addidit,

Dextram & brachia dirigens.

Grates victor agat quas Phrygibus fuga

Versis Aemonio persolvit duci

» Patroclus. Quoties pectora quispiam

» Iam lassis acuit viris,

» Horum sæpe decus nubibus arduis

» Exæquat Superis auxiliantibus.

» Pauci, quos placidos, & sine pulvere,

» Vitæ lux honor ambiat.

Sed me iussa Iouis nunc stimulant, uti

Speâclum egregium, & curriculum capax

Virtutum celebrem, quod tumulto super

Antiqui Pelopis vagus

Alcides statuit, cum Creatum neci,

Crudelémque simul tradidit Eurytum

Umbrosis nemorum frondibus abditus,

Obsæpæque latens via.

Purgati ut pretium grande palatii

Augciam facili Marte reposceret,

Atque utrique memor nuper in Elide

Concisas socium manus.

Quin Rex ille dolis fretus, & abnegans

Promissa emeritis dona laboribus,

Conspexit

Conspexit patriæ mœnia noxia
 Belli mersa voragine.

Vrbem vidit inops ignibus hosticis
 Tradi, & ferri acie funditus erui.
 Infirmos adeò duriter opprimit
 Vrgens ira potentior.

Nec verò ipse manum vindicis Herculis
 Princeps consiliis fugit inanibus,
 Sed seruilis post vincula flebilem
 Sparsit sanguine regiam.

At Pisæ spolia, & castra ferocia
 Victor constituens grandibus est locum
 Dimensus spatii, qui sacer, & Iouis
 Cultu conspicuus foret:

Sedes primò adytis & penetralibus
 Pura est sumpta Dei, cinctæque mœnibus,
 Circùm planities addita, quæ choros
 Et lætas caperet dapes.

Bissenis suus est deinde Diis honor
 Alphæoque datus, mons quoque claruit
 Saturni celebris, qui caput ætea
 Ignotum niue texerat.

Cùm verò stadij ritus Olympici
 Primum exortus, ei prouidus affuit,
 Parcarum fauor: & cana simul dies
 Falsum sola redarguens:

Quæ progressa viris posterioribus,
 Euulgauit vti cælitibus grauem
 Prædam, & militiæ dona sacrauerit
 Lustri conditor Hercules.

Sed nunc, Musa, mihi pande quis aut manu,

Aut planta volucris, aut mobilibus rotis
 Pisceam tulerit primus adorem, &
 Tristes fregerit amulos.

Oeonus soboles clara Lycimnij
 Et ditis Mideæ rex agili pede
 Ventos præterit, lucta Echemus valens
 Ornavit Tegeæ solum:

Doryclus patriam castibus extulit,
 Tiryntha altus equis quattuor insidens,
 Auxit Mantineæ famam Alirothius,
 Phrastor pennigero scopum

Percussit iaculo, discum Eniceus manu
 Librauit reliquis omnibus altius
 Nubes traiciens, atque stupentium
 Exciuit fremitus virum.

Tunc noctis tenebras æthereis plagis
 Pleno dispulerat Cynthia lumine,
 Reddebátque hominũ multiplices sonos
 Et laudes tremulum nemus,

Clarorum iuuenum facta remugiens.
 At nos ut veteres egregium ob decus
 Partum Agesidamo fulgur & ignei
 Dicemus strepitum poli

Ingentem, atque Iouis tela rubentia
 Torqueri validis commoda brachiis:
 Iungemúsque hilari carmina fistula
 Blandis tincta leporibus,

» Quæ Dirce solito tardius edidit.
 » Sed sint grata tibi hæc victor uti patri
 » Dulcis progenies, quam mulier parit
 » Annis coniugis ultimus,

Illi insueta nouo pectora gaudio
Demulcens, etenim flebile diuitem
Externis dominis parta relinquere,
Et natorum inopem mori.
Si quis fortè etiam plurima conscius
Pulchrè gesta sibi, seque alacri manu
Nomen promeritum lenibus attamen
Indictus Citharæ modis
Ad manes tacitos tristi abeat via:
Vexatus variis ille doloribus,
Et fructu exiguo lætitiæ brevis
Gustato miser occidit.
Testudo sedenim & fistula iam tibi
Stillant, chare pugil, Pierium melos:
Nec quicquam peregrè longiùs euolat
Rumore Aonidum vago.
Quarum nunc studio iunctus, & inclytam
Amplexus cupido pectore gloriam
Locrorum, hunc populum suauibus imbui,
Melliisque liquoribus.
Ac nostris numeris reddita notior
Laus Agesidami, quem prope Olympicas
Aras, & validum vincere, & aspici
Pulchrum vidimus antea:
Cum vitæ roseum ver ageret nitens
Insigni facie, cuius ope, & Deæ
Tutelâ Paphiæ viuunt adhuc placens
Diuis Iliacus puer.

ODE PINDARI DECIMA,
EIDEM AGESIDAMO,
Vfura . quæ incipit,

Ἐστὶν ἀνδρώποισ ἀνέμων ὅτε πλεῖστα χερῶσις, ὅστιν
δ' εὐραγίων ὑδάτων ὀμβρίων . &c.

Eodem numero, quo illa Horatiana, Mollis inertia cur
tantam diffuderit imis Oblivionem sensibus.



ECTOR naus eget ventis, aurá-
que secunda,
Vernis colonus imbribus.
Si quem post duros hilaris fortuna
labores

Respexit, & victoria:

Huic opus est hymnis laudes testantibus altas

Longis nepotum sæculis,

Et qui dent famæ vera argumenta futura,

Nec invidorum noxiis

In præceps manibus ruere aut procumbere possint,

Vt concidunt imagines

Sæpè virum, plebis cæco evertente tumultu.

Mansura nos hæc præmia

Emeritis damus : at fœlix sapientia vatum

Asslante cantat numine.

Numinis auxilio tollam te, victor, in auras

Crudis ferocem cæstibus :

Et caput umbratum Pisæa fronde gerentem,

Tecumque Locros concinam

Ad Ze-

Ad Zephyrum versos. huc vos properate Camæna,
Choros & illic ducite.

Hospita gens certè est, factisque assueta decoris,
Et fortis, & prudens simul

Naturâ, quam non acris vulpecula mutat,
Nec Vis Leonis exuit.

ODE PINDARI VNDECIMA,

ERGOTELI HIMERÆO, LONGO

cursu victoriam adepto.

Cuius initium est,

Δίωομαι παῖ Ζητὸς ἐλευθερίῃ, ἱμέρῃ
ἐντυδετὲρ ἀμφιπόλει.

Eodem numero, quo illa Horatij,
Sic te diua potens Cypri.

LT I progenies Iouis

Fortuna atque hominum te vene-
rantium

Servatrix, precor ardua

Defendas Himeræ mcenia: nam
mari

Veſtas pondera navium,

Terra bella geris, ſeuâq; prælia:

Per te Pax etiam viget

Armis depositis, atque ſuis redit

Spretis conſiliis honor.

Tu nunc ſpes alacres tollis ad æthera,



- » Nunc in Tartara deiicis
 » Vota elusa virum, nec Deus anxie
 » Rem magnam aggredientibus
 » Vnquam certa boni signa dat exitus.
 » Venturi abdita temporis
 » Sors & conditio est. Sæpè hominem dolor
 » Gaudentem nouus vlcerat.
 » Lactatus tumido sæpè vir æquore
 » Mutat tristia prosperis:
 » Et sese incolumem fluctibus eripit
 » Momento, Ergoteles, breui.

Gallo tu quoque par, (quem domus alitem
Pugnacem videt vnica.)

Obscurusque ageres, & similis foret
Fluxis laus tua frondibus:

Ni te seditio feruida ciuium
Armare oppositas manus

Egisset patria præcipitem domo.
Nunc Cnossò procul exulans

Circundas olea tempora nobili:
Bis palma quoque Pythia

Auctus, bis spatiis victor in Isthmiis
Ornas diuite gloria

Grati fontis aquas, & tepidos lacus
Quos fœlix Himera accolit,

Natalis profugo iam tibi ciuitas.

ODE

ODE PINDARI DVODECIMA
 XENOPHONTI CORINTHIO
 Cursu Pentathlo victoriam adepto.

Cuius initium est,

Τρισολυμπονίαν ἐπαγέων οἶκον, ἄμεεν ἀσπίς.

Eodem numero, quo apud Horatium,
 Vides vt alta, &c.



RONDENTEM oliua iam triplici
 domum

Laudare quærens, nec minùs
 aduenis

Quem ciuibus dulces penates
 Vnà opibùsque virisq̃uæ fætam

Dicam Corinthum, fortis Achaïæ

Insigne limen, Lex ubi & æquitas

Cum Pace confedère, quarum

Alma Themis genitrix sororum.

Hæ ciuitatum mœnia fulciunt,

Dant temperata diuitias manu,

Fastumq̃ue pellunt insolentem

Copia quem peperit redundans.

Non iam Camænis deest animus meis,

Nec facta desunt inclyta. quis decus

Illustre, natiuùmque celet

Immemori taciturnus ore?

O gens Aletæ prisca Corinthÿ,

Vos sæpè summo robore præditos

Certaminis, sacræq̃ue pugnae

Ferre nouam reuoluta lustra
 Videre palmam, vestra sagacitas
 Procudit artes mille perutiles:
 Primis repertorūque curis
 Vita sequens opus omne deber.
 Num sacra Bacchi protulit Orgia,
 Et Diuhyrambos gens alia? aut equos
 Frēnauit ardentēs? vel intra
 Templā aquilæ speciem locauit?
 Altum Corinthi Musa colit iugum,
 Mars acer illic corda ferocia
 Pugnacis incendit iuuentæ,
 Et gladios acuit coruscōs.
 Sublimis ingens Rēctor Olympiæ
 Pallens ab Isthmo sit Nemesis procul,
 Et noxa, victorisque puppim
 Vsq̃ue fauens Zephyrus sequatur.
 Tūque huius audi legitimū melos
 Iustisq̃ue laudes Iuppiter, & libens
 Pise coronatum benignis
 Luminibus Xenophonta cerne.
 Hic incitatis nunc pedibus celer
 Quināque vicit gymnade, quod decus
 Non antè Titan vidit alnum
 Axe diem fugiente portans.
 Quin viuo eidem bis apio comas
 Velauit Isthmus, nec Nemeæ minor
 Quæsitā laus est, dum parentis
 Vim sequitur, rapidosq̃ue motus.
 Namque ille vetox Thesalus ad tuas,
 Alphæe, ripas clauit igneo

Iam sæpè

Iam sæpè cursu, transiitque
 Ante alios stadiûmque simplex,
 Duplexque Delphis sole sub vnico
 Necnon Athenæ rupibus asperæ
 Huic tres eodem mense norunt
 Impositas operum coronas.
 Decursa iunge Elliotia septies
 Imbuta castæ sanguine virginis:
 Sed Thebalum patrêmque mulcet
 Pteodorum magis illa palma
 Quam terra binis æquoribus madens
 Porrexit ollis, præcipuam & sono
 Plectróque sublimi canendam:
 Quid Nemea Herculei leonis,
 Nutrix, vt ambos nubibus arduis
 Inuexit, ô Dij, clarâque Pythia,
 Vt fortibus factis eorum
 Attonitos tribuere plausus!
 Forsan molesta est auribus inuidis
 Ingens honorum turba frequentium:
 Multi attamen restant, nec illos,
 Nec Libycæ cumulos arenæ
 Subducet vllus. Rebus in omnibus
 Spectare tempus conuenit, & modum
 Seruare. porro nunc beatis
 Non Ephyres alienus oris:
 Dicam sagaces quos tulerit viros
 Olim Corinthus, quosque ferocibus
 Idoneos heroas armis,
 Ore nihil memorante vanum.
 Iam primum acuti Sisyphus ingeni,

Parque efficaci consilio Diis
 Hinc ortus, & Medea spreto
 Phasiaco genitore, Graium
 Secuta amantem duxit ab hac genus
 Insigne terra, sedula remigum
 Custos Achiuorum, ratisque
 Insolitum per iter volantis.
 Profecti & illinc armigeri duces
 Troiæ sub altis culminibus sacrae
 Teucrumque, Graiorumque binis
 Oppositi viguere castris.
 Hi dum Lacanæ Tyndarida Atrei
 Nato reposcunt, hi thalamum Phrygis
 Raptoris obnixe tuentur
 Ferro & opes Danaas refringunt.
 Quos inter hostes terruit vnice
 Glaucus Pelasgos: hic etiam tumens
 Narrabat extructos Corinthi
 Bellerophontis ani penates,
 Fulgere latè regnâque diuina.
 At multa durus Bellerophon tulit
 Dum Pegasus vincire tentat
 Anguicoma genitum Medusa.
 Pyrenæ aquosis marginibus vagus:
 Olli priusquam tempora languido
 Sopore pressa visa Pallas
 Porrigere auxiliare frænum:
 Quod Diua monstrans, Æolida, solo
 Consurge, dixit, iam nimium diu
 Destertis: eia tolle equinum,
 Tolle manu vigilante philtrum.

Atque

Atque id parenti, qui regit æquora,
 Acrésque nutu flectit equos celer
 Ostende: nec taurum ferire
 Parce maris domino inquieti.

His ille dictis profilit ocyus,
 Stratúmque sancta corripiciens humo
 Miraculum fabrilè nota
 Coiranidæ petit antra vatis.

Qui somniorum gnarus, & audiens
 Noctis sub umbris Palladio virum
 Dormísse templo, móxque Diuam
 Munus ei tribuisse latum:

Auri regentis Cornipedes feros,
 Cædi imperatam protinus hostiam
 Neptuno, & aram collocari
 Belligeræ statuit Minervæ.

O quàm supremis Diis facilè ardua, &
 Maiora votis omnibus exequi!
 Namque alitem constrinxit olim
 Pegason imperiosus heros

Fauore Diuûm, postquam eques aspero
 Luctantis ori vincla tenacia
 Iniecit, ex illóque sapè
 Vectus equo iuuenis volanti

Lusit per auras irradiantibus
 Armis, & acri vicit Amazonas
 Gelu rigentes, & Chimæram
 Flammiuomam, & Solymos feroces.

Cantare fortis fata piget viri
 Suprema: at olim Pegasus obsequens
 Mortali habenæ, nunc Olympi

Pascitur æthereis in oris.

Sed cur relicto tela mihi scopo

Licenter errant auia ? iam decet

Signum arduum metámque certis

Ictibus oppositam ferire.

Veni, vt minister Pieridum forem,

Ferrémque in auras facta Oligætidúm :

Ceu cui Isthmiæ frondes eorum,

Ceu Nemeæ placeant coronæ :

Quarum ecce versu concipiam breui

Examen ingens : bis tricies domus

Clara nepotes híc & illic

Præco tuba cecinit frementi.

Nec rara pugna præmia Olympicæ

Iam dicta nobis si qua volubilis

Adiunget ætas, illa posthac

Exequar. Est etenim futuri

Spes cæca, & alto pendet ab æthere

Euentus anceps: quódque Oligætidis

Sors addet, acceptum feremus

Omne Ioui, Geticóque Marti.

Verùm hanc virorum progeniem, quibus

Parnassus olim laudibus extulit

Argique, Cadmææque Thebæ,

Et Iouis ara potens Lycæi.

Quanta est eorum conscia gloriæ

Pellana, Eleusis, & Megara, & domus

Prisca Æaci pulsata fluctu

Afsiduo, Sichyónque densis

Vestita oliuis, & Marathon nitens,

Sicanæ & vrbes diuitiis graues.

Quòd se

Quod si inclytas, scrutere circum
 Graiugenum peregrinus oras:
 Vix est ut vnquam luminibus vagis
 Lustrare possis singula Martia
 Trophæa gentis, sed mihi iam
 Passibus hinc lenibus migrandum.
 Tu Rex Deorum Iuppiter effice
 Ut vsque nostris adsit honos grauis
 Concentibus, nostroque semper
 Roscida mella cadant ab ore.

ODE PINDARI XIII. ASOPICO

Orchomenio filio Cleiodami, stadij cursori.
 eodem numero quo apud Horatium,

Meccenas atavis edite Regibus.



EPHISI vitreum flumen amabiles
 Sortitæ Charites, quas genitrix equum
 Pulchrorum Orchomenos suspicit, et
 colunt

Audaci Minyæ remigio inclyti:

Nostrum hoc lene melos percipite auribus
 Puris diuæ hilares. Si quid enim placet,
 Si quid dulce hominum sensibus affluit,
 Si quisquam aut sapiens, aut facie nitens
 Insigni, aut meritis clarus honoribus,
 Debentur lepidis omnia Gratiis.
 Non absque his Superi sidera deserunt,
 Interfuntque choris, et dapibus sacris:
 Quin summo vnanimes æthere virgines
 Solæ cuncta regunt, atque sedilibus

Circum dispositis, vndique Apollinem
 Cingentes medium patris Olympici
 Aeternum numeris concelebrant decus.
 Formosa Aglaia, ac Euphrosyne decens,
 Et tu laeta nouis Thalia cantibus,
 Spectate hunc placidis luminibus chorum,
 Qui vocem atque pedem commouet alite
 Felici: huc et ouans venit Asopicum
 Dicturus celerem carmine Lydio:
 Cum quo vrbs alta Deæ, quæ Minyas alit
 Per vos nunc media fulsit Olympia
 Victrix: sed modò tu fama sonantibus
 Alis Elysium labere sub nemus:
 Atque illic memora Cleiodamo patri
 Victoris pueri, natus uti tener
 Flauæ cæsariem verticis auream
 Ramo Palladiæ cinxerit arboris,
 Ventis vere nouo flantibus ocyor.

Olympiorum Pindari

F I N I S.

ARGVMENTA

ARGVMENTA ODARVM QVÆ SVNT
IN OLYMPIIS PINDARI.

I.

HÆC prima Pindari Ode nullam in se obscuritatem continet: nota est enim omnibus & peruulgata fabula Tantalidæ Pelopis, cuius in hoc carmine præter alia, hanc etiam ob causam meminit Pindarus, quòd Pelops primus in Elide Oenomaum regem certamine equestri vicerit, etiam ante Olympicum certamen ab Hercule institutum.

II.

Laudatur hîc Theron Siculus princeps, vnus ex posteris Cadmi vetustissimi Regis, atque is Theron cum aliquandiu bellum in Sicilia aduersus regem Hieronem gessisset, victus primùm ab eo est, & Agrigentinorum dominatione spoliatus. Postea verò pace facta rebûsque compositis, pristinum dignitatis gradum recuperauit: quam ob rerum varietarē, fortunæ magnam vim esse in vtramque partem Pindarus hoc carmine testatur.

III.

Quoniam victores olim in ludis olympicis oliuæ frõde coronabantur, ideo Pindarus explicat hoc carmine quo tempore, quo ex loco, quàmque ob causam Hercules primus in Græciam oliuam attulerit.

IIII.

Erginus, cuius in hoc loco Pindarus meminit, Argonautarum vnus, & socius Iasonis in Colchica expeditione fuit: qui quamuis ætate integra esset, & pernecitate pedum valeret, attamen ob acceleratam canitiem, initio ab Hypsipyle regina, aliisque Lemni mulieribus, derisus est: sed

cum postea socios omnes cursus celeritate vicisset, nihil
canitiem obesse viribus & virtuti ostēdit. Nonnulli autem
Psaumida præcanum fuisse, sicuti & Erginum, suspicantur.

Argumentum Quintæ positum est suo loco.

V I.

HOC carmine Pindatus Diagoram Rhodium, Rhodumque Insulam laudibus extollit, quam ab initio Indigenæ siue Aborigines filij Solis incoluerunt, postea verò in illam Tlepolemus Argiuorum dux patria relicta exulatū abiit, vt sic cædis inuoluntariæ à se commissæ, Græcorum more pœnas lueret: sed cū is ob egregiam virtutem in ea Insula tandem aliquando principatum obtinuisset, mortuus etiam tēpla, & sacrificia, ludorumq; solemnium honorem adeptus est. Inter posteros autem Tlepolemus & Diagoram pugilem habuit, qui quidem vītatū staturæ humanæ modum excedens, ceteros sui temporis homines cæstibus & pugilatu superasse traditur. hæc verò Ode à Græcis adeò probata est, vt in templo Mineruæ olim literis aureis inscribi meruerit.

V II.

Tres vno carmine Pindarus victores comprehendit, Timosthenem scilicet, Milesiam aliptem siue ludimagistrū, & Alcimedontem puerum luctatorem: sed illum vltimum præcipua laude prosequitur ex Insula Ægina natum, cuius Insulæ encomium Pindarus, vt solet, cum victoris laude coniungit, eamq; Iustitia, fide, & humanitate ceteris Græciæ vrbibus præstare ait. In Æaco autem antiquissimo terræ illius principe collaudando multus est, quem etiam Neptuno & Apollini Troiam ædificantibus operam nauasse commemorat.

Argumentum Octauæ habetur suo loco.

IX & X.

HOS versus scripsit Pindarus in honorem Agefidami, longo post victoriam intervallo, quam ob causam toto penè carmine tarditatem suam in munere præstando excusat: quinetiam legitimo & longiori iam operi perfecto, aliud breuius adiicit, cui fœnoris nomen ipse imponit, ut hac quasi versuum vsura victori satisfacisse videatur: sed prior Ode potissimum Institutionem certaminis olympici continet, atque eorum laudem qui olim primi omnium in Olympiâ vrbe victoriam adepti sunt.

X I.

Hæc Ode in laudem Ergotelis Imeræi scripta est, qui cum ob seditiones domesticas è Creta Insula in Siciliam migrasset, exilium illi victoriæ & laudis occasionem præbuit, ideoq; Pindarus initio huius carminis fortunæ vim potestatemq; in rebus humanis celebrat.

V I I.

Xenophon Corinthius, & Corinthus ipsa laudantur his versibus: quinetiam ingenia, virtutes, & victorias poëta commemorat antiquorum huius ciuitatis hominû: inter quos facile principem locum Bellerophon eques obtinuit, in cuius facta & laudes Pindarus longius paulò & liberius excurret.

X I I I.

Scripta est hæc Ode in laudem Asopici Orchomenij pueri. In vrbe autem Orchomeno dedicatum erat & consecratum fanum Gratiis, quibus hoc carmine Pindarus rerum omnium venustatem & pulchritudinem ascribit, easq; miris laudibus afficit, Gratiarum laudem formosi pueri encomio conuenire existimans.

Errata quædam corrigenda.

Folio 5. pagina pr. versu ultimo, lege vllum aliud, non
alium, vt est in paucis quibusdam exemplaribus.

F. 6. pag. 2. vers. 7. furtimque vitæ.

F. 11. p. 1. v. 15. Namque is sancta.

F. 13. p. 2. v. 21. Lugeo castr.

F. 15. p. 2. v. 23. Martiis necto.

F. 17. p. 1. v. 17. Vt latè Herc.

F. 19. p. 1. v. 10. vestis & inclyta.

F. 20. p. 1. v. 3. Æginan.

F. 23. p. 1. v. 5. Thalcia.

F. 24. p. 1. v. 7. per auras. & 19. Ephyraz.

F. 29. p. 1. versu Odæ tertio, Quam ciuibus.

EPITA-

EPITAPHIVM CAROLI IX.

FRANCORVM REGIS CHRIS-
tianis. Eodem Sudorio
Auctore.

IN lucem duplici fato bellator Achilles
Venit, & ad Troiam pergenti magna laborum
Gloria promissa est, cui sors longa negata.
Quod si occulta virum tellus aluisset inertem,
Cana sed ignoto fuerat ventura senectus:
Prætulit ille tamen laudem socordibus annis.
Tu quoque Achillæis non dispar viribus ingens
CAROLE, dum sedes bello defendis auinas,
Consilióque artes, & vim virtute repellis,
Occidis, heû, lachrymisque imples & questibus orbem,
Ante diem raptus. Te Gallus tristis, Ibérque,
Sarmatáque Arctoïs fraternus luget in oris.
Te populi Ausoniæ plorant, Tiberisque recenti
Morte tua voluit mærentes turbidus undas.
Ipse Parens orbis Romana in sede locatus
Luminibus largum fundit cælestibus imbrem.
Ac veluti Æacidem defleuit cæcula mater,
Sic etiam imprimis genitrix te Diua sepultum
Conqueritur, nymphas inter prostrata dolentes,
Crudelem ad tumulum, quo nunc vis illa decori
Corporis, & prudens fandi solertia, & acris
Ingenij vigor, & pietas immota teguntur.



AD NICOLAVM SVÆRV
SVVM COLLEGAM
G.Valens Guellius. PP.

HÆC etiam, Musæ, nos gloria sera manebat,
Vt modulo Ausonio, nec sic sibi Pindarus impar
Surgeret, antiquis volucer nec degener alis.
Tantum ausus Themidis mystes Phæbique Suærus,
Romano exhibuit fantem sermone poetam,
Et Græcam Aonio deduxit vertice musam
In Latium, vnde sonat Thebani gratia plectri
Clamori rixosa fori vadimonia supra,
Clangoresque tubæ, ciuilibus enatat vndis
Vda chelys reflui superato murmure ponti,
Et Methymnæi vatis fortuna reuertit.
Hos vt in Elysio numeros Venusinus amæno
Hæsit olor, stetit attonitus, nec nouimus, virum
Laudet an inuideat: sed lauru & baccare frontem
Cingo, Suære, tuam, tibi diuûm interpres, & ipse
Communem Phæbus citharæ decernit honorem.
Maeste tui partu, veneranda Lutetia, vatis,
Et tibi, (ni imperium terræ fatale teneres)
Parceret, vt Thebis, victor rediuiuus vterque
Pindarici studio genij Macedônque Lacônque.

AD PINDARVM DE OLYM-
PICIS A SVDORIO LATINE
EXPRESSIS.

HActenus attigerat tua, Pindare, carmina nemo,
Dicte Venusina non imitande lyra.
Sed nunc Ausoniis tanta est fiducia musis,
Ausit vt hæc Lyricen tangere plectra nouus.
Pindarici quinon Sudorius horruit haustus
Fontis, & Icarij vana pericla maris.
Ceratis neque enim fidit temerarius alis,
Sed firmis, Calabrum qualibus acer olor.
Vt Flacci Alcæo celebrantur nomina verso,
sic laus Sudori, Pindare, versus eris.
Carmine victores tu supra sidera tollis:
Hic quoque victorem tollit ad astra suum.
Cantat Aethlophoros vates Thebanus honores,
Christophorus suus huic fama Thuanus erit.
Nam quantum Pherenicus equos pede vicerat omnes,
Tanta Senatorum est gloria Christophorus.

I O. AVRATVS
Poëta Regius.

1771
1772
1773
1774
1775
1776
1777
1778
1779
1780
1781
1782
1783
1784
1785
1786
1787
1788
1789
1790
1791
1792
1793
1794
1795
1796
1797
1798
1799
1800

1801
1802
1803
1804
1805
1806
1807
1808
1809
1810
1811
1812
1813
1814
1815
1816
1817
1818
1819
1820
1821
1822
1823
1824
1825
1826
1827
1828
1829
1830
1831
1832
1833
1834
1835
1836
1837
1838
1839
1840
1841
1842
1843
1844
1845
1846
1847
1848
1849
1850
1851
1852
1853
1854
1855
1856
1857
1858
1859
1860
1861
1862
1863
1864
1865
1866
1867
1868
1869
1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

1901
1902
1903
1904
1905
1906
1907
1908
1909
1910
1911
1912
1913
1914
1915
1916
1917
1918
1919
1920
1921
1922
1923
1924
1925
1926
1927
1928
1929
1930
1931
1932
1933
1934
1935
1936
1937
1938
1939
1940
1941
1942
1943
1944
1945
1946
1947
1948
1949
1950
1951
1952
1953
1954
1955
1956
1957
1958
1959
1960
1961
1962
1963
1964
1965
1966
1967
1968
1969
1970
1971
1972
1973
1974
1975
1976
1977
1978
1979
1980
1981
1982
1983
1984
1985
1986
1987
1988
1989
1990
1991
1992
1993
1994
1995
1996
1997
1998
1999
2000

Pythia Pindari

LATINO CARMINE

REDDITA,

PER

NICOLAVM SVDORIVM

in Suprema Parlamenti Curia

Præsidem Inquisitionum.

Cum singularum Odarum Argumentis,
& Poëmatiis aliquot, eodem
Auctore.




LVTETIÆ.

*Ex Officina Federici Morelli
Typographi Regij.*

1582.

CVM PRIVILEGIO.





AD AMPLISSIMUM VIRVM
CHRISTOPHORVM THVANVM
*in intimo Consilio Regis Consiliarium,
& Parisiensis Curiae primum Præsi-
dem, Præfatio Nicolai Sudorij in Py-
thia Pindari è Græco sermone in La-
tinum conuersa.*



VM antiquis illis & heroï-
cis tēporibus (Vir amplissi-
me) humanum genus nullis
adhuc libidinum & volu-
ptatum prauis oblectatio-
nibus deditum esset, sed
frugaliter, sobriè, & naturæ
conuenienter viueret, pauci admodum, vt Plato
scribit, in ciuitatibus medici erant: atque ij cor-
porū morbos simplici quadam & aperta & mini-
mè subtili ratione curabant, ante medicum He-
rodicum, qui cū corpore imbecillo, ingenio
autem valido esset, anxiam illam, nimisque ac-
curatam, quæ nunc frequētatur, medendi viam

primus reperisse, ac sibi cæterisque valetudinariis hominibus, non morborum curationem, sed languidam mortem excogitasse dicitur. Sicuti autem statim initio ab hominibus ingenio præstantibus facilis illa & minimè curiosa corporum medicina inuenta est, quam doctissimus vir Hippocrates ἀρχαίαν ἰατρικὴν appellat, sic etiā egritudinū animi multa olim ab excellentibus viris remedia quæsitā & comparata sunt. Quæ omnia antiquitas vno Philosophiæ nomine comprehendit. Atque hæc ipsa philosophia à poëtis omniū primis exculta & tractata est. Quos Cicero doctorum & eruditorum hominū antiquissimos vocat. Etenim cū nondum ingenia humana sceleribus extremis flagitiisque fœdata & inquinata essent, sed maxima adhuc mortalium pars ad id quod rectum & honestum est natura duce contenderet, Poëtarum suavis & numerosa & illustribus exemplis referta oratio satis adhuc poterat ad animos dociles & rationi obsequentes vitiorum prauitatibus expurgandos, ac veræ virtutis & gloriæ singulari quodam studio & desiderio inflammandos. Sed postquam, ut inquit longè optimus Poëta,

— Tellus scelere est imbuta nefando,
 Iustitiámque omnes cupida de mente fugarunt,
 Persudere manus fraterno sanguine fratres,
 Destitit extinctos natus lugere parentes,
 Optauit genitor primæui funera nati,
 Liber ut innuptæ potiretur flore nouercæ:
 Omnia fanda nefanda malo permista furore.

Tunc

Tunc profectò inter populos vero numinis cultu carentes, nec Homeri, nec Hesiodi, nec cæterorum huiusmodi poëtarum scripta satis pro iustitia, modestia, temperantia, fortitudine, contra iniustitiã, audaciam, libidinem, & cætera vitiorum portenta valere: sed illa aduersus prauitatem & vitiositatem omnem certandi ratio excogitata est longè subtilior & acutior, quam à Socrate proditam Plato & Aristoteles, ceterique philosophi studiosè excoluerunt, & crebris disputationibus suis librisque illustrarunt. Ac si verum amamus, id sanè fateamur necesse est Poëticam artem à philosophia non instituto, sed tempore & ortu, non rebus, sed numeris & modis seiunctam & separatam esse. Quod cum ex vatibus aliis, tum præcipuè ex Homero poëtarum omnium principe & parente cognoscere facillimum est, qui nec nobis Agamemnonis grauitatem, neque Achillis præcipitem iracundiam, neque Vlyssis prudentiam, neque Thersitæ temeritatem, neque Hectoris robur, neque Paridis molliem, neque Nestoris sapientiam, neque Aiæ & Diomedis magnanimitatem per totum poëma suum ob oculos posuisset, neque facta præclara miris in cælum laudibus extulisset, neque flagitia in bello aliisque in locis admissa toties vituperasset, nisi musico illo & modulato genere scribendi id ipsum quod philosophi postea conati sunt, iam tum assequi studuisset: vt scilicet homines vitiorum quasi deformitatem exosi vniuersæ honestatis pulchritudinem cupidè in-

spectantes adamarent. Iam verò quis non
 apud eundem authorem & Iouem regnis, &
 Palladem Martemque bellis, & Mulciberum o-
 pificiis, & Æolum ventis, & Neptunū mari præ-
 fectos intelligit, vt Poëta diuinus singulas mun-
 di partes orbemque vniuersum diuersis vnus
 prouidentia summæ consiliis & potestatibus ad-
 ministrari ostenderet? Longum esset, si recensere
 vellem vt semper apud Homerum dissimilia vi-
 ræ morumque instituta dissimiles quoque exi-
 tus & præmia pœnæ consequantur. Quis non
 Odyseam legens Polyphemum impium malè
 mulctari, Vlyssē verò deorum auxilio fretum
 tandem aliquando coniugi & liberis incolumem
 restitui lætatur? Quis non Phæacas iustitiæ &
 hospitij cultores, regique suo morigeros & ob-
 sequentes diuitiis bonisque omnibus cumulari:
 Ithacenses verò procures coniugio Principis re-
 gnoque insidiantes, tandem ab ipso cōfici & tru-
 cidari tacitus apud se gaudet & approbat? Post
 illum autem omnis poëticiæ facultatis & elegan-
 tioris doctrinæ authorem antiquissimum, facile
 doctorum omnium iudicio secundum Pindarus
 locum obtinuit, qui cū in ea tempora incidisset,
 quibus in Græcia egregia paucorum homi-
 num virtus aduersus infinitam Persarum multi-
 tudinem enituisse dicitur, immensam illam & in-
 finitam eloquentiam suam totam in magnorum
 & excellentium virorum perpetua commen-
 datione ac laude cōsumpsit. Quòd si singularum
 eius odarum materiam & argumenta diligenter
 excutias

excultas, hanc de optimo reipublicæ statu, illam de temperantia & continentia, aliam de dolore fortiter tolerando conscriptam inuenies: cæterisque omnibus nihil ferè nisi graue & serium & iuuentutis moribus conformandis valde necessarium contineri. Hic denique vnus poëta est inter omnes, ex quo quid honestum, quid turpe, quid vtile, quid inutile, quid fugiendum, quid optabile sit, non minus quàm ex Chrysippi aut Crantoris scriptis percipi possit. Atque hæc quæ diximus in rebus ipsis elucet, in verbis autem & numeris Pindari tantus est splendor, tanta grauitas, tanta sublimitas, & grandiloquentia, vt eum non immeritò Horatius violentissimi torrentis more incitatum ruere, omniâque sibi obuia rapere secum & auferre dixerit. Non prætercunda est hoc loco Aristotelis verissima sententia, qui in libro de arte poëtica scribit, excellentis poëtæ summum artificium esse, τὰ περίγυρα πίνεσθαι τοῦ ὁμιλήσαντος, hoc est, omnia ita luculentè describere, vt quæ narrantur non recitari, sed potius fieri coram gerique videantur. Huius tam egregij operis sibi gloriam & palmam suo quodam iure Thebanus vates vindicat: argumento est locus ille primæ Pythiorum Odæ, in quo montis Ætnæ, illa ætate insignis, fumi atque ignes certis temporum vicibus distincti, non tam commemorantur, quàm quasi in tabula efficti pictique proponuntur: quod poëtæ græci inuentum cum in tertium Æneidos Virgilius transferre voluisset, quemadmodum

ostendit Macrobius, verborum quidem sonitum & strepitum expressit, sed res ipsas rerumque ordinem, quod tanti viri pace dixerim, perturbauit atque confudit. Quod verò in vno tantummodo ingeniosissimi poëta carmine ostendimus, id per alios omnes hymnos æqualiter sparsum & diffusum reperietur. Quæ omnia cùm apud me sapissimè reputarem & considerarem, operæpretium me facturum existimaui si poëma longè pulcherrimum ex obscurissimis antiquitatis tenebris eruerem, & adhibita paulo liberiori ac fusiori difficilium locorum interpretatione in lucem solémque proferrem. Nec verò defuturos arbitror qui me (quoniam in literis ætatem agere decreui) ad studia quædam poëticiis fabulis seueriora reuocent, nostramque operam & industriam, si qua est, melius multo in iure ciuili illustrando, quàm in poëta dithyrambico imitando collocari potuisse existiment. Verumenimvero, vt personæ quam sustinemus nonnulla alia magis conuenire & congruere fatemur, & ne illa ipsa aliquando attingere liceat, minimè nobis interdictum putamus: sic Pindaricam poësim tot rerum grauium & magnarum cognitione abundantem, ad vitæ communis vsum spectare in primis & pertinere arbitramur. Ac si Socrates, vt est in Phædone Platonis, aliquando per insomnium admonitus τὴν μουσικὴν καὶ ποιήματα πειεῖν, ὡς φιλοσοφίας μεγίστης ὄντος τῆς μουσικῆς, Dei præcepto iussisque paruit: & quemadmodum ipse ait, Æsopi fabulas, quas tum in manibus habebat,

bat, versibus complexus est, quòd eas ad vitæ morumque emendationem perutiles esse existimaret: mihi, vt opinor, minimè vitio verti debet quod debito ab omnibus philologis munere defungi statuerim in eo potissimum vate exprimendo, cuius poësis tot verborum sententiarumque luminibus distincta & ornata est, tanta rerum illustrium multitudine locupletata, vt in ea cum grauitate suauitas, cum voluptate & delectatione vtilitas certare & contendere videatur. Scio equidem, & ingenuè præ me fero, non me singula curiosè authoris verba quasi appensa & adnumerata reddidisse. Sed culpam hac in re, si qua nostra est, hi facilè excusabunt qui vtriusque linguæ proprietatem, conditionem, & quasi genium nouere. Tanta enim illarum inter se diuersitas & differentia est, vt qui singulas Græci scriptoris voces interpretari velit, ineptissimè in Latino sermone Græcè loqui cogatur: & dum syllabis adhæret & affixus est, à sententia sensuque authoris longissimè abetret. Atque vtinam (Vir Amplissime) cæteros omnes tam æquos laboris nostri iudices & æstimatores habeamus, quàm te ipsum futurum confidimus, cuius is est candor eaque eruditio & virtute quæsitæ auctoritas, vt Pindarus Thebanus gratiorem se omnibus & acceptiorem quàm antea fore crediderit, si more Græcorum te sibi in Gallia *προσάτιν*, & patronum peregrinus incola delegisset,



Argumentum Operis.

*Immensus labor, & virtus, & gloria
victrix,*

*Hæc tria sunt Musæ sylva segésque
mea.*

PYTHIA



PYTHIA PINDARI
LATINO CARMINE RED-
DITA, PER NICOLAVM
SVDORIVM, in suprema Parla-
menti Curia Præsidentem Inquisi-
tionum.

ODE PRIMA HIERONI
ÆTNÆO, SYRACVSANO REGI,
curru victoriam adepto.
Quæ incipit,

Χρυσέα φόρμιγξ Ἀπόλλω-

Eodem numero, quo apud Horatium, Vides vt
alta fter niue candidum.



LAVI supellex aurea Cynthij,
Grata et sororum dos Aga-
nippidum
Testudo dulcis, quæ choræis
Imperitas agilis iuuentæ.
Cui cantus et vox paret, vbi
sonum

Percussa primùm mittis in aëra:

Tu fulgur exstinguis coruscum,
 Tu rapidum Iouis una fulmen
 Irâque placas: quin aquila alitum
 Regina per te molliter accubans
 Sceptro tonantis in soporem

• Labitur, & patulas vtrique
 Extendit alas, hanc superi vident
 Cum nigra nubes lumina condidit
 • Languenti, & irrepsit per artus
 Blanda quies saliente pulsu,
 Dorsum erigentem leniter, ac tuis
 Iacere victam vocibus: horrifer
 Mars ipse te latum sonante
 Depositis recreatur armis.

» Mulcent beatos carmina cœlites
 » Phœbo atque musis plectrâ mouentibus:
 » At quos deum regnator odit
 » Iuppiter, hi numeros tremiscunt,
 » Terris & vndis omnibus anxij.
 Talis Typhæus incola centiceps
 Lugentis Orci, qui profanus
 Creuit atris Cilicum sub antris.

Nunc verò Cuma huic orâque Trinacris
 Villosa setis pectora contegit,
 Ac fulciens cælum niuosis
 Ætna iugis, cohibet frementem
 Giganta, & illinc mons Siculus cauis
 Eruetat ignem rupibus, ac nigro
 Interdum exundante fumo
 Solem operit glomerata nubes.
 Noctu perurit saxa rubentia

Incensa

Incensa fornax, & scopulos rotat
Vulcanus, ardentēque in æquor
Proiicit horribili fragore.

Sic ergo flammæ sulfureos globos
Altè reiectat numinis impius
Hostis, videnti triste monstrum,
Atque grauis tremor audienti.

Cùm mens reuoluit qualiter obrutum
Typhæa terra vincla coerceant,
Terga vt supini strata tellus
Muricibus laceret cruentis.

Possim supremo, possim vtinam Ioui
Placere semper, quem iuuat arduus
Mons Ætna, frons agri feracis,
Sicaniaque caput beata.

Cognomen Ætnæ sumpsit & oppidum
Quod bellicosus rex Hieron recens
Fundauit, extructoque lauri
Imposuit viridem coronam:

Postquam incitatis Pythia curribus
Deuicit, atque id clarisonis canens
Clangoribus præco repleuit
Altifremi cuneos theatri.

Hæc prima nautis prosperitas mare
Vastōsque fluctus ingredientibus,
Cùm protinus fune exoluto
Blanda ratem comitatur aura.

Cursus secunda nam semel alite
Cæptus per vndas, remigibus vagis
Sedes ad extremum quietas
Spondet, aquis procul & periclis.

Sic Ætna primis condita mænibus,
 Palmæque compos facta simul nouæ,
 Se se indicat posthac futuram
 Innumeris hilarem coronis,

Clarâque cursu cornipedum leui,
 Sumptûque mensarum vbere nobilem.
 Hoc omen ô Thymbræe firma,

Qui Lyciam regis atque Delon,
 Longâsque lympa Castalia comas
 Mersare gaudes, sit Regio hæc solo
 Fæcunda per te, plurimósque
 Lata sinu foueat colonos.

” Tibi ac benignis numinibus bona

” Debemus omnes omniâ, seu manu

” Victrice seu lingua valemus

” Flexanima, æthereâ ve mente.

At nunc parentem nobilis oppidi
 Voce atque dulci concelebrans lyra,
 Non vana nec vibrata frustra
 Tela leues iaciam per auras,

Rudisve signatum egrediar scopum:
 Sed forti in altum spicula brachio
 Mittam, & volantes æmulorum
 Dexteritas mea vincet ictus.

Sic vsque in aula diuite floreat
 Seruetque partas rex Hieron opes,
 Sic calculi seuos dolores
 Frangat ei minuâtque tempus.

” Tempus diésque longa hominum memor

” Rerûmque testis fida perennium,

Loquetur vt pugnabit olim,

Inque

Inque acie steterit cruenta
Infractus, acer, vir Siculus graui
Vexante morbo belligerum latus,
Cum regna quæsiuit Gelonis
Martigenæ auxiliante dextra.
Græco obtigerunt qualia nemini
Nec cuiquā honorum par columen datū,
Quin nuper ut Pæante natus
Eger adhuc sua castra obiuit,
Gnauiæque lecticæ impositus feros
Prostrauit hostes, iamque animo tumens
Quidam coactus hunc adorat
Obsequiis humilique vultu.
Herois ægri scilicet æmulum,
Quem saxa propter Lemnia saucio
Crure eiulantem missa Graiūm
Lecta manus iuuenum euocauit
Ad bella rursus, quod pharetram Herculis
Arcūque ferret vulnifica manu,
Queus fretus albentes superbam
Ilion in cineres redegit:
Et sine Achiuūm prælia nobili
Conclusit artus debilis, et gradu
Tremens, sed inuictus potentis
Lege rata seriæque fati.
Viri hunc, Sicanæ sic dominum plagæ
Sanare possit adueniens dies,
Et quicquid ardens concupiscit
Sydus ei tribuat benignum.
Sed non camænæ sufficit auribus
Canis dedisse hæc principis, illius,

- Ni fortis heres incitata
 Audit adhuc sonitum quadrigæ.
 » Clari parentis palma domestica
 » Dulcisque natis, ergo fides moue,
 Rectori & Ætæ iuniori
 Finge novos numeros Thaleia,
 Ciues regendos huic genitor dedit
 Laxis habenis, nec sine libero
 Virtutis usu, regulæque
 Doride struxit opus decorum,
 Lycurgi alumnos mœnibus ambiens:
 » Porro hoc tyrannorum impatiens genus,
 » Atque immori pugnant Lacæus
 » Legibus Ægymiique norma,
 » Quicunque celso Taygeti iugo
 » Missi aut Amyclis fortibus Herculem
 » Iactant parentem, ac gloriantes
 » Tyndaridas & equis & armis.
 Rex summe diuum, iuxta Amenî vada
 Sonantis illud regibus inclytis,
 Genique dones vt remissa hæc
 Imperij maneat cæthena.
 Ni fallor augur, per te Hieron simul
 Mulcens fauentes muneribus tribus,
 Natumque præceptis, quieta
 Dissidium procul vrbe pellet.
 Hæc præter oro Iuppiter, vt manus
 Phœnissæ Tusculum & barbaricus furor
 Formidet hostilem fugata
 Classe semel renouare motum.
 Infecta norunt æquora sanguine,

Quæ sub Sicano pertulerit duce
Tyrrenus audax, & feroces
Sidonij mala quanta passi:

Norunt iuuentæ robora vt Italæ
Deiecta ab altis puppibus in mare
Immerserit, Graiisque duræ
Depulerit iuga seruitutis

Ætneus heros: cùm mihi Cecropis
Visuntur arces, tunc Salamis subit,
Spartæ virorum strage opertas
Cernere adhuc videor plateas.

At ripa cùm me vasti Imeræ tenet,
Hymnum beati Deinomenis iuuat
Cantare natis, quem subactò
Trinacrij meruere Pæno.

Qui multa paucis stringere commodè
Nouere, morsus hi facile inuidos
Spernunt, & auris mēsq̃ue pura
Omne supernacuum reiectat.

Spectantum adurit saucia pectora,
Ægròsque sensus alterius decus:
Pulchra attamen molire, liuor
Luctificis melior querelis.

Rerum gubernaculum assiduè manu
Conuerte iusta, lingua Hieron tibi
Incude conformata vera,
Vsq̃ue sonum referat fidelem.

Errata semper maxima principum
Quæ parua credas, innumera potens
Das iura plebi, quam nec acta
Impia nec benefacta fallunt.

- » Ceruice quòd si perpetuò ardua
 » Sublimis optas dulcibus imbui
 » Famæ susurris, ne beato
 » Parce bonos cumulare censu.
 » Vt nauta velum flatibus explicat,
 » Sic tu sonoris præmia versibus
 » Propone, nec fucata lucri
 » Te species & imago tardet.
 » Cerne vt superstes gloria fortium
 » Duret virorum, musæque mortuos
 » Decantet illos, & pedestres
 » Historiæ decorent nepotum.
 » Cræsi benigni floret adhuc recens
 » Virtus: at æneum Phalaridis bouem,
 » Ignésque sæuos damnat ætas
 » Ciuibus illachrymans perustis.
 » Nec cùm puellarum & iuuenum chori
 » Ludunt sub altis ædibus, artifex
 » Tibicen accitus ferocem
 » Consociat numeris tyrannum.
 » Sors prima vitæ vincere, & altera
 » Hymnis merentem grandiloquis cani:
 » Vtrumque nactus tempora ingens
 » Sydereâ religat corona.

ODE

ODE PINDARI SECVNDA,
REGI HIERONI, CVRRV VICTO-
riam adepto: Quæ incipit,

Μεγαλοπόλις ὤσσεράκουσαι.

Eodem numero quo apud Horatium, Iam satis
terris niuis atque diræ.



VATTVOR sectæ Syracusæ in vrbes
Feruido sedes adamata Marti,
Ferro vbi splendente furor virorum
Gaudet equûmque.

Carmen hoc Cadmi nitidis ab oris
Affero vobis, meritâsque laudes

Aurei currus quatientis imam

Turbine terram.

Quo vir insistens Sículus micanti
Cinxit illustrem Ortygiam corona,
Insulam vndosæ sacra sustinentem
Templa Dianæ.

Non sine hac nuper manibus decoris
Fulgidas tractans Hieron habenas,
Compares frænauit equas volantes
Pulvere graio.

Nam citas postquam insiliit quadrigas,
Ille flagrantis moderator Ætnæ,
Et iugo insedit placidum precatus
Numen aquarum:

Protinus Maia satus, Artemísque,
Regis afflarunt capiti decorem

Lucidum, huic ambo niuea prementes
Tempora dextra.

Cæteris vates alij tyrannis
Grande virtutum precium sonantes
Concinunt hymnos, tibi nostra victor
soluimus ora.

Ciuium lingua modulante fertur
Cypriam clarus Cyniras per urbem,
Quem sacerdotem venus atque dulcem
Legit alumnum.

Phæbus aurato radians capillo
Fouit imprimis, meritis & illi
Parta laus, quorum sequitur laborem
Debita merces.

At domo egressæ thalamisque flauæ
Locrides, victor, tua facta cantant,
Liberis per te nitidum videntes
Lumen ocellis.

Namque ab illarum pavidis fugasti
Mænibus longè Cleofronta dirum:
Vnde solennes ubi lux reduxit
Alma choræas,

Sæpe saltantes iterant, ut orbi
Fervido Ixion miser alligatus,
Se sequens & se fugiens per umbras
Talia clamet:

Discite acceptis similem referre
Gratiam, o manes, superæque gentes,
Sed quis hoc tristi dubitet monentis
Credere fato?

Ille sublatuS tennes in auras

Et diu

Et diu dulci recreatus æuò
 Calitum, magnæ tulit insolenter
 Munera fortis.

Namque Iunonis facie decora,
 Arsit incestus, licet illa soli
 Ætheris Regi socios in æuum
 Seruet amores.

Ergo ei pestem furor & cupido
 Attulit cæcus, meritumque pœna
 Torquet insignis stygios & inter
 Mira labores,

Primus Vltices fugit error iras,
 Asperat diuos iterata culpa.
 Durus Ixion socerum dolofo
 Torruit igni,

Tristis horrendæque necis parentum
 Author infelix: & adhuc superbum
 Fertur aggressus thalamum Tonantis
 Turpibus ausis.

Se suo prudens pede metiatur
 Semper, illustris violatus hymen
 Sæuit in mæchos, vetus hoc olympi
 Monstrat adulter.

Qui leuem amplexus nebulam, premensque
 Brachiis ventos animum fugaci
 Gaudio pauit, ratus esse pulchros
 Corporis artus.

Sic Reæ natam gravitate & ore
 Mobilis nubes referebat, ex qua
 Natus inuita Venere & Diana
 Filius horrens.

Quem viri nullo coluere honore,
 Nec dii ingentes habuere charum,
 Ipsa Centaurum genitrix pudendo
 Nomine dixit.

Theffali turpem pecoris maritum
 Atque equæ iunctum, genus vnde mista
 Prodiit forma, simile ora patri
 Tergaque matri.

Talibus diuûm sator ille monstros
 Hospitem lusit radiantis æthræ,
 Huic dea fingens speciosa membra, &
 Damna decora.

Quin sibi Ixion fabricatus ipse est
 Concitos orbis radios cruenti,
 In quibus plantis manibûsque vinctis
 Voluitur exspes.

Cûmque adhuc nexu tremeret recenti,
 Huic Deus facti memor imperauit,
 Semper ingratis hominum tremendas
 Rumpere voces.

» At Deus rerûmque potens voluntas
 » Cuncta supremo sibi destinata
 » Perficit nutu, Deus inquieto
 » Rege volantum

» Ocyor nubes secatur, & per æquor
 » Triste Delphinas superat natantes,
 » Et viri elatum caput eminentis
 » Tergaque curuat.

» Supplices idem timidósque terra
 » Erigit vultus, & honore donat:
 » Sed feros morsus procul enagata

Effuge

Effuge musa,

Non vides in te Archilochum parantem
Horridos dentes? grauis hunc egestas
Urget, hic frendens odio & cauillis

Pascitur atris.

Qui bonam iustis opibus paratis
Copulat mentem catus atque diues,
Ille vir fœlix, Hieron, & astris

Natus amicis.

Tu tibi & genti locuples sagâxque,
Vrbium ô rector, quibus alta circum
Mœnia assurgunt, Siculæque ductor
Militiai.

Si quis & forsân putat ante Graium
Cuipiam partos similes honores,
Aut opes æquas, vagus ille cæcis

Errat in vndis.

Iam iuuat laudum pelagus tuarum
Rursus ingressum dare fausta vela
Dulcibus ventis: tua namque in armis

Acta iuuentus.

Et frequens olim tibi palma rapta est,
Siue eques celsum rueres in hostem,
Siue in armatos pedes ense nudo

Cominus ires.

Vtque tu primis animosus annis,
Sic te adhuc curæ decorant seniles,
Atque iter latum mihi laudis ætas

Vtraque pandit.

Magne vir salue, tibi mercis instar
Carmen hoc longè super alta missum

P I N D A R I

*Æquora immensi precium reposcit
Grande laboris.*

*Auribus puris ades, æstimáque
Anxiè cantum cytharæ sonantis
» Vocibus septem, stabilique fælix
» Vtere regno.*

*» Donec id sensu memori tenebis,
» Simiam tantum pueris placere,
» Nec viros turpi saliente monstro
» Ludificari.*

*» Vixit insigni Radamanthus æuo,
» Illius clausas quia semper aures
» Liuor offendit, neque cor inunxit
» Dulce venenum.*

*» Quale ab illorum cadit ore qui se
» Inuidi vexant, aliósque carpunt,
» Probra iactantes, simulésque canæ
» Pectora vulpi.*

*Forſitan ſeſe leuibus ſuſurris
Vana victricem fore turba credit,
Credidit incaſſum, mea namque lædi
Nescia fama.*

*Ac velut captis onerata thynnīs
Retia absorbet Pelagus, ſed aliè
Enatat ſuber, mediòque celſum
Æquore ludit.*

*Sic meum emergit tumidis ab vndis
» Pulchrius nomen, ſed enim vir aſtu
» Præditus nunquam loquitur feroci
» Fortia lingua.*

» Verùm amicorum ſimul hoſtiúmque

Cultor

Cultor obscuram tegit arte mentem
Degener, tales mihi nulla fingent
Tempora mores.

Diligam charos homines apertè,
Nec mea inuisos fugiet simultas,
Quos tamen nitar dubio insequentes
Fallere calle.

Vt via currens lupo hac & illa
Tentat elabi canibus malignis:
Cæterum ciuis sapienter audax
Vtilis vrbi:

Sive eam sceptro moderetur vnus,
Sive vox turbæ regat insolentis,
Sive prudentes vigili labore
Mœnia seruent.

Ille quem tabes edit invidentem
Ne putet se plus Ioue posse summo:
Iuppiter nunc hos decorat, modò illos
Tollit in altum.

Questum & infamem cohibet dolentis
Sorte vicini nimium secunda:
Sed parum hæc profunt, neque corda musæ
Luctu sanant.

Interim & stulti sua vota spēsque
Regula ingenti male metiuntur,
Atque mansurum capiunt sub alta
Mente dolorem:

Nec tamen laudes hominūque famam
Obruunt. Quòd si nocitura apud te
Est mihi fallax & iniqua vatis
Lingua dolosi

Hoc iugum victor patiente collo
Sponte iam pridem domiti feremus.

Non bene vrgenti stimulo repugnat

Taurus arator.

Et vir incassum superare fata

Nititur: sed dii tamen vsque nobis

Detur insignes hilarare cætus

Voce canora.

ODE TERTIA HIERONI

REGI, EQVO CELETE VICTO-
riam adepto: quæ incipit,

Ἡδελον χείρωνά κα φιλλυείδα.

Eodem numero quo apud Horatium,
Altera iam teritur bellis ciuilibus ætas,
Suis & ipsa Roma viribus ruit.



UM te morbi Hieron vexent nil tale
merentem,

(Vulgare ni me fortè votum de-
deceat)

Phillyrides vtinam Cheiron, Saturnia
proles,

Purum renisat luce cassus aëra:

Thessalicisque iterum Centaurus regnet in oris,

Pio benignus pectore & membris ferus:

Qualis quondam aluit cupidum lenire dolores,

Et omnis hostem pestis Æsculapium.

Atque

Atque hunc cùm Phlegia magno sata pulchra Coronis
Aluo tumente ferret infantem rudem,
Nec dum facta parens facilem Ilytheian haberet,
Sæuis Dianæ fixa telis concidit,
Lethæámque dolis innauit Apollinus vndam,
Cubile mutans floridum vmbri tristibus.
Non Ioue natorum vana est aut debilis ira:
Coronis vni iuncta Phæbo amabili,
Atque illum teneris primam complexa lacertis,
Tandem expetiuit nympha mortalem thorum
Clam genitore, neque est deterrita semine fluxo
Altum deorum sanguinem confundere:
Nec potuit tædas thalami expectare mariti
Dapésque festas, nuptiales & sonos,
Quos iterant ætate pares formæque puellæ,
Desideratus cùm nitet cælo Hesperus.
Sed qui virginibus mos pluribus, illa propinquo
Longinquum amorem prætulit Cupidini.
Mortales inter miseros Gens viuit inanis,
Quæ cognita alto negligens fastidio:
Semper inexpertis inhiat, spèque haurit auara
Diffusa cælo nubila & ventos leues.
Hunc numerum inconstans Hyperionis auxit amica
Nurus serena fronte, periura fide:
Inque sinu Arcadici iuuenis lasciua quieuit,
Nec excubantem fugit augurem deum,
Qui rerum prudens cunctarum, & reddere suetus
Obliqua ad aras delphicas oracula,
Ipse suam cecinit vero sibi carmine sortem:
Lascosque amores Cynthus falsi fugax,
Et fraudes retegens omnes hominúmque deúmque

Si quid latenti mente vel manu struant.
 Tunc quoque ut Eilatides semel est deprehensus adulter,
 Detecta & illi furta corruptæ domus,
 Protinus vltices Dictynnam hortatur in iras,
 Inferre & aruis Theffalus pedem iubet.
 Bæbiadem accoluit fallax nam virgo paludem,
 Nec infidelis distulit pestem dies:
 Pests eam rapuit vicinâsque horrida gentes
 Contagione stirpis haustas Regiæ.
 Sic sæpe exiguo Vulcani semine lapso,
 Exorta sylvas deuorant incendia.
 Sed quando imposita est flammis extincta Coronis,
 Illâque flagrans vndique inuoluit rogos:
 Tum Phæbus commotus ait, proh! flebile, natum
 Pænus parentis immori crudelibus!
 Non patiar genus æthereum feralibus addi
 Bustis. statimque fatus hæc Delphis Deus,
 Transit in Æmoniam passu velociter vno,
 Et quondam amati corporis videt pyram.
 Quæ venienti vltro cecidit diuisa, nec ille
 Moratus acri filium eduxit manu
 Ignibus è mediis, atque aluo matris adusta,
 Centauro & illum nobili exectum tulit.
 Scilicet ut puerum hic maturescantibus annis
 Morbos doceret arte blanda pellere:
 Ergo is semiferi formatus voce magistri
 Exemit atris languidos doloribus
 Mille viros, & quos vitia intestina grauisque
 Innata labes corporis perederat,
 Et qui vulnifico læsi crudeliter ense,
 Quibûsve fundæ verberare artus linidi,

Et qui

Et qui egros auida populati febre lacertos
 Dura ferebant frigora & flammam vice.
 Utque angor varius, via sic diuersa salutis,
 Namque hosce carmen murmure adiunxit sacrum,
 His heros medicis impleuit pocula succis,
 Illis benigno membra fouit vngvine,
 Sæpe animas tenuit suppresso sanguine dulces,
 Ferrum perita sæpe tractauit manu.
 Vincitur heu præstans etiam sapientia donis,
 Aurumque menti vincula addit liberæ:
 Phæbigenæ certè perstrinxit lumina fuluo
 Nitore, & illum blanda merces impulit,
 Redderet ut soli nitido & vitalibus auris
 Virum seueris obligatum manibus.
 Iuppiter iratus rediit pectora Glauci,
 Et insolentis rupit Æsculapij
 Fulmine, quod toto connixus corpore torsit,
 Illósque adustos liquit audax spiritus.
 Mortales humana decent, moderatæque vota,
 Ménsque imbecillæ sortis & fati memor.
 Pindare res factu faciles amplectere, & altum
 Tentare cælum desine, inuitis diis.
 Sed si iterum Æmonio Centaurus viueret antro,
 Illique gratum nostra concentum chelys
 Ederet, & nerui mulcerent corda loquaces,
 Voce hunc mouerem blandienti credulum:
 Ut Siculis medicum solatorémque doloris
 Iouis nepotem, Cynthij natum daret.
 Ipse viro comes adiunctus maria alta secarem,
 Donec salubri naue laberer leuis
 Ad fontes Arethusa tuos, vitreumque cubile,

Et hospitalem regis Aetnæi domum:
 Alta Syracusæ qui mœnia temperat Urbis
 Liuoris expers omnis, æquus ciuibus,
 Externos patrio semper complexus amore.
 Ne sol aperto purius cælo micat,
 Quàm mea Trinacriis fulgerent ora colonis
 Regem gemello si bearem munere,
 Apportans illi simul optatâque salutem, &
 Pæana letum Pythij certaminis,
 Quo Pherenicus equos inter claresceret, ardens
 Cirrhæa victor obtinere præmia.
 Verùm fata animis obstant contraria nostris,
 Quare parentem cœlitum Ream precor,
 Panâque, quos nostri prope dulcia limina tecti
 Luna imminente Virgines comptæ canunt.
 Vt tibi rex mollem dent pulso angore quietem,
 Et suauæ donum sanitatis aureæ.
 Quòd si forsan aues rectis rationibus acrem
 Lenire sensum pertinacis calculi,
 Quod cælo afflati vates cecinere priores,
 Id tu reconde pectore arcano memor:
 Nempe Ioui in terras duo dolia plena malorum
 Effundi, & vno rara vase commoda.
 Porro homines vani quicquid defluxit Olympo
 Graue aut acerbum ferre molles abnegant:
 Cuncta viri fortes subeunt, & vulnera vitæ
 Plagâsque celant, lata proferunt palàm.
 Te sceptro & lata regni dititione superbum
 Inter beatos Parca sublimem locat:
 Sed fors tota nitens & nulla sordida labe,
 Cadmo nec olim contigit nec Peleo:

Ambos prosperitas ad cælum sustulit ingens:
Hic monte duxit Pelio Nereida,
Ille sibi Armoniam thalamo tædâque iugauit:
Virique musæ plectrâ mouerunt nouem,
Ac lætum cecinere sonis Hymenæon acutis,
Vtque festa numina excepit domo:
Vidit & humanæ superos accumbere mensæ,
Nouisque amica ferre dona nuptiis.
Post tamen in tristes verterunt gaudia luctus,
Olli benigna fronte mutata Deum,
Attonitisque gelu riguerunt pectora duro:
Nam Cadmus annis flebilis sequentibus,
Vt rabidas vidit natas casosque nepotes,
Iuuantis expers tabuit solatij:
Nec Semele auertit curas formosa, tenensque
Vinctum Tonantem delicatis brachiis.
At Peleus Danaïs ploratum fleuit Achillem,
Quem mater vnum fuderat Neptunia:
Postquam illum telis animum exhalasse ferocem,
Datumque flammis audit voracibus.
Quisquis iter carpit directo tramite vitæ,
Sumit deorum munera in diem libens:
Perpetuo incertæ variantur flatibus auræ,
Beatioris cui nec tenor manet:
Sed fortuna homines cæcos vbi mole bonorum
Ingente pressit, auferens cuncta auolat.
Inter submissos humilis, tumidusque superbis,
Sortem quieto pectore oblatam feram,
Mitiâque aduersis quæram solatia rebus:
Quod si Deus mi porrigat molles opes,
Spero equidem æternum famæ viuacis honorem,

- Et nomen astris aureis inambulans,
 » Nestoris & Lycij iactat Sarpedonis arma
 » Inuectus altis rumor aliger rotis:
 » Carminaque Heroas laudes resonantia fundit,
 » Olim expulita candida vatum manu.
 » At Virtus numeris & versu nota decoro
 » Longæva edaci nescit absumi diei:
 » Sed paucis cantare datum quod sæcula vincat,
 » Rarique fulgent luce Phæbæa duces.

ODE QVARTA ARCHESILAO CYRENAEO REGI,
 Curru victoriam adepto:
 Quæ incipit,

Σάμερον μὲν χρίσι παρ' ἀνδρῶν φίλῳ.

Eodem numero quo apud Horatium: Vides ut
 alta stet niue candidum.



AC luce molles Melpomene gradus
 Moue, & frequentem palmiferis
 equis
 Adi Cyrenem, cūmque rege
 Archesilao epulare gaudens.
 Laudum ut secundo flamine Delius,
 Sororque Phæbi, & Pythia ciuitas
 Latetur, in qua dedicatam
 Iuxta aquilam residens sacerdos
 Præsentis æstro percita numinis

suasisse

Suasisse Batto fertur, ut insulam
Theram relinquens, mœnia urbis
Nobilis in Libya locaret:

Terræque lato pasceret ubere
Fortes colonos, dicta animo tenens
Medea quæ iactarat olim
Augure vaticinata lingua.

Medea ducens Æmoniam manum
Latum per æquor Theram ubi contigit,
Affata sic est remigantem
Gnaviter Æsonidæ cohortem:

Audite vos, ô magnanimi Deum.
Ducumque nati fertilis Africa,
Quandoque ab hoc tractu marino
Acceperit genus incolarum,

Quos assidentes Hammonio Ioui
Gentes per omnes gloria differet,
Nec cœruli Delphines illos,
Tunc capient, sed equi frementes,

Iuvabit omnes fræna sonantia,
Remis relictis, sumere, et inscios
Classis procellosique ponti
Quadriugos agitare currus.

Sic editarum te caput arcium
Matremque litis Thera Colomæ
Anis secunda reddet, atque
Gleba potens Libyæ feracis,
Quam propter undam Palladij lacus
Triton marinus tectus imagine
Herois, Euphemo Laconi
Obtulit officiosus hospes.

Scindente nubes fulgure dextero:
 Namque arte quando Graiugena mea
 Soluistis hærentem carinam
 Syrtibus & cumulis arena,
 Vastamque pinum solibus aureis
 Bis sex adustas per Numidum plagas
 Dorso tulistis, cumque tandem
 Visa palus, liquidusque Triton,
 Vobis anhelis, ac trabe Pelia
 Deducta in undas ad madidum latus
 Pernicis Argus, tracta sursum
 Ancora nauitenens pependit.
 Tunc ora sumens dulce nitentia,
 Artusque celsos Eurypyli, Deus
 Qui cantibus demulcet undas,
 Argolicam stetit ante puppim:
 Nec ille voci aut illecebris precum
 Blandus pepercit, queis opibus potens
 Sæpè aduenas inuitat hospes
 Ad sociæ sacra læta mensæ.
 Verum aura fælix æquora molliens
 Abrupit omnes nauigij moras,
 Quanquam Æsonis se nosse prolem
 Diceret assimulatus heros,
 Iactaret & se progenitum patre
 Qui sæuienti frugiferam quatit
 Tridente terram. sed tenendæ
 Spes ubi nulla volantis Argus,
 Neque hospitalis copia muneris
 Oblata præsens altera, protinus
 Terræ vberis fatale donum

Eurypylus per inane misit

Valente dextra : quod procul intuens,

Tendensque amico brachia littori,

Euphemus excepit beati

Pignus agri manibus supinis.

Elebam sed illam fertilis audio

Telluris alta deciduam rate

Fluxisse in undas, iamque ferri

Fluctibus & pelago solutam.

Atqui id ministris auxiliaribus

Sæpè imperaram ne sinerent mari

Vanescere hoc regale munus,

Cura sed immemores reliquit.

Iamque Africani semina sunt soli

Dispersa Theræ littoribus sacræ,

Vetante Parca, quod si ad Orci

Ostia, Tænariæque turres

Donum tulisset bellipotens Lacon,

Propter Cephisi lucida flumina

Prognatus, incultique magno

Rege maris, Titique nata:

Deductus hæres quartus ab inclyto

Heroe, opimam rex Libyam manu

Cepisset Argis & Mycenis

Agmen agens, validisque Amyclis.

At versa quando fata abeunt retro,

Euphemus inter Lemniadas nurus

Receptus, & furtim cubile

Ingrediens Malachæ decentis,

Natos creabit, qui Lacedæmone

Sæuis fugati seditionibus,

Thera tandem littora æquis
 Aduenient superis ouantes.
 Atque inde longam post seriem ducum
 Nascetur alta Battus origine
 Regnator imponendus oræ
 Imbribus vtilibus madenti.
 Hunc vero Delphos templaque Pythia
 Ingressum opertis ex adytis Deus
 Monebit vt Nili feraces
 Naue petat fugiente lucos,
 Secumque claros deuehat exules
 Pinguem ad Cyrenem: talia Theſſalis
 Effata Colchis, queis deorum
 Conticuit stupefacta proles:
 Paulumque remis abstinuit manus
 Perculsa nymphæ carmine præscio,
 O Batte fœlix ergo puncta
 Ipsa suis stimulis sacerdos
 Te voce rexit, te dominum Africæ
 Ter nominauit Pythia gratulans,
 Cum posceres tantum impeditæ
 Plectræ magis resoluta linguæ.
 Nunc certè vt arbor quam medijs educant
 Veris tepores, Archesilas viget
 Octauus à Batto Cyrenæ
 Mœnibus imperitans auitis.
 Illi vt citatis exiliit rotis
 Decora Graij præmia iudices
 Largiti, & illum iam camænis
 Egregium fidibusque tradam.
 Simulque cantabo arietis aurei

Vellus refulgens, nam Mynia hoc rate
Vexere quorum laus parentum
Condecorat Libycos nepotes.

Quæ causa, Musæ, nauigio imbuit
Rudem Amphitritem, quæ ve necessitas
Commisit ignotæ carinæ
Tot iuuenes Pelago volantes?
Vulgata passim sors Pelia impij
Manarat acres Æolidas virum
Leto daturus vel professo
Marte, vel insidiis opertis.

Audita & horrens vox fuerat Dei
Emissa Delphis, ac medio grauis
Terræ umbilico, quæ moneret
Exitij pavidum Tyrannum.

Si fortè ad aras cœlicolum preces
Fundenti inanes afforet obuius
Ciuis, vel hospes, qui relecto
Crure viam tereret sinistro,

Monis que linquens aërij iugum
Deuexam Iolcon, tectaque Thessala
Lustraret: at currente passu
Cæliuago fugientis æui,

Venit coruscans spicula dextera
Formosus Heros, vestis ei prior
Magnetis altis apta membris,
Pardalea exterior nocentes

Arcebat imbres, nec iuuenis comas
Adhuc resectas obtulerat diis
Amni ve sacro, sed decora
Cæsaries humeris volabat.

Hoc ille cultu & passibus arduis
 Incessit urbis per fora feruida
 Undante turba plebis, atque
 Corde metum repulit virili:
 Nec vulgus illum nouerat, & statim
 Talis stupentis vox populi exiit,
 Quisnam hospes hic est? non Apollo est,
 Non agitator equum Gradivus.
 Ista Ephialtæ brachia crederem,
 Oî ue magni: mutuus at furor
 Fratres peremit, iamque Naxos
 Florida utrumque tegit sepultum.
 Celsum ferebat sic Titius caput,
 Incontinentem sed Titium graui
 Dictynna confixit sagitta,
 Ut licito iuuenes amore
 Perire discant. dum serit has frequens
 Corona voces, ecce citis equis
 Currûque festinans volucris
 Æsonidæ Pelias propinquat:
 Quem ferre fulgentem ut pede dextero
 Vidit cothurnum, tegminis altera
 Egente sura, pallidus rex
 Horruit, attonitusque dixit:
 Ede hospes & qui te locus aëra
 Primum trahentem viderit, & parens
 Quis seminarit, quaque ab aluo
 Prodieris generosus infans.
 Nec quæso formæ hoc ingenuum decus
 Mendace lingua pollue. sic senex.
 Cui mox Iason, Vera fari

Phillyrida didici magistro.

Chironis antris namque virentibus
Digressus adsum, me vigiles ubi
Puellæ alumnum nutrierunt
Semifero genitore natæ:

Sed bruma postquam bis decima exiit,
Non ore tardus, non manibus piger
Huc appuli rursus, pedémque
In patria posui vetusta.

Vt sceptrâ iustâ vi repetam patri
Erepta fati disque vetantibus,
Qui Pharsala regnare in ævum
Æolidas voluere terra.

Nam fama nouit conscia Peliam
Furore cæcum, viribus impius
Propagini nostræ superbos
Imperij rapuisse fasces.

Et cùm reclusis vix bene pupulis
Phæbæa primùm lumina cernerem,
Iam tum mihi infanti cruentum
Extimuit pia mater ensẽ.

Ob idque sæua ne caderem manu
Satellitibus, me flebilis extulit
Superstitem, fictoque planctu
Funereas tremefecit ædes.

Dum veste tectus punicea procul
Serui lacertis dulcibus auferor
Qui me inclyti Chironis vlnis
Incolumem dedit educandum.

Verùm ista vobis cognita, nunc precor
Ciues, parentum limen equestrium

Altásque demonstrate sedes,
 Nam genitor mihi clarus Æson,
 Neque hospes oris Æma; huius vagor.
 Me corpore horrens arte salutifer
 Iasonem Cheiron vocavit
 Nomine conspicuum benigno.
 Sic fatus, atque huic protinus est domus
 Intrata fulgens, & facies grauis
 Aspecta patris, cui repenti
 Lætitiâ lachrymæ coortæ
 Ebullierunt luminibus cauis,
 Imbérque barbam proluit, & genas
 Gaudentis eccellente nati
 Robore, sydereóque vultu.
 Quin fama postquam sparsit Iasonem
 Adesse magnum, protinus Æsonis
 Vénere germani, Pherésque
 Thessálus, atque Lacon Amyntan.
 Vénere & horum nati alacres duo,
 Fortem propinquum vísere feruidi
 Melampus, Admetúsque, quorum
 Obuius officiis Iason
 Proceßit ardens, deinde epulis viros
 Excepit, atque hos dulcibus interim
 Sermonibus donisque mulcens
 Lætitiâ cumulauit omni.
 Ac flore rerum, & magnifico dapum
 Luxu fruantes, Æolidæ simul
 Exire conspexere ponto
 Quinque dies totidémque noctes.
 Aurora sed cùm sexta rosis polum
 Conspersit

Conspersit Heros fortia pronidis
Incepta cognatis retexit
Qui simili caluere voto:

Ollique ab altis purpurei thoris
Simul migrantes, regis ad atria
Superba contendere, & aurem
Vnanimis subiere culmen.

At natus audax pulchricomæ Tyrus,
Gnarus verendos tot proceres suis
Astare tectis, limen extra
Prodiit irradiantis aulæ.

Tunc verò Iason colloquium sagax
Blandè & remissis vocibus ordiens,
Sic verba distillare cœpit
Mollia difficiles in aures:

Nate inquieto præside cautium, &
Periculosi gurgitis arbitro,
Humana mens ad lucra sæpè
Iustitia properat relicta:

Nec damnum iniquis quæstibus additum,
Hærensque cernit: sed calidam decet
Bilem prementes nos beata
Texere fila sequentis æui.

Salmoneum scis Creteâque inclytum
Parente fratres Enarea satos:
Nos tertij prognati ab illis
Ætherea recreamur aurâ.

Longè reflectunt Parcæ oculos truces,
Quando propinquos impetus asperat
Vasanus, & collidit ira
Magnanimos procerum nepotes.

Deforme nobis, Æmatij decus

Illustre regni per validas manus

Transmissum auorum, scindere armis,

Inque duas lacerare partes.

Quare tibi nunc lanigerum pecus

Vltroque fuluos linquo boum greges,

Linquo arua, quorum messe pingui

Tu locuples spoliatus Æson,

Orna his superbos exuviis lares,

Non inuidenti diues Iasone:

Ablata solum sceptrum patri

Conqueror, & solium reposco.

Quod ille quondam purpureus premens

Iura æqua genti belligeræ dabat:

Tu culmen hoc regale nobis

Redde, grauis metuens pericli.

Reddam (marini progenies dei

Inquit) sed artus languida iam meos

Frangit senectus, tu calentis

Robore luxurias inuenta:

Tu solus iram flectere Manium

Potens deorum, quæ genus Æoli

Funestat, ex quo Phryxus umbra

Hospite per Scythiam vagatur,

Qui nunc sepultus flagitat ut suus

Decedat oris spiritus exteris,

Atque ut pius gentilis illum

In patriam lachrymans reportet.

Sæpè & micantem præcipit arietem

Grauis referri finibus: hoc memor,

Se turbidis seruatum ab undis

Insidiisque

Insidiis̃que truci nouerca.

Mandata ad aures talia personat

Nocturnus horror: quin mihi Delphica

Consulta vox, queis exulantes

Auxiliis animæ redirent:

Atque illa insit veliuola rate

Domum reduci tristis imaginem

Herois: istum tu propinquus

Suscipe remigio laborem.

Nauī reuersa fræna cito imperi

Remissa nostris de manibus fluent,

Testor Iouem Gentile numen

Cordibus ambiguis iniquum.

Sic ambo pacti consilium diues

Soluere: at ardens Æsonides statim

clangore præconum frequenti

Vulgat iter Danaas per vrbes.

Qua voce moti tres geniti Ioue

Venere, pugna cedere nescij,

Thebanus Acides, Laconque

Clarus equis, agilisque Castor.

Hos insequuti mox iuuenes duo

Neptunij, altis abietibus pares,

Spartanus Euphemus, Pylique

Arce Periclymenus profectus,

Vterque belli dedecus impotens

Perferre, & osor præcipitis fugæ,

Laudumque diues: deinde & Orpheus

Liquit Apollineos penates,

Canorus Orpheus, quo numeri & modi

Parente gaudent: Mercurius quoque

Obiecit illustri Periclo
 Euriton Echionémque natos
 Vernantis æui sanguine floridos,
 Nec ora frigens Thracia Iasoni
 Opem negavit, namque ventis
 Imperitans Aquilo superbus
 Ad castra misit nautica gaudio
 Ingente Zeten, & Calain simul,
 Iam puberes pennis adultis
 Æthera flammiferum petentes.
 Quicunque & olim diis aliis sati
 Vixere Iuno mentibus omnium
 Cupidinem gratúmque amorem
 Implicuit volucris carinæ.
 Nec ullus heros temporis inclyti
 Decoxit annos coniugis in sinu,
 Discrimen aut vitæ propinquum
 Deside mollitia fefellit.
 Æui sed omnes auxilium brevis
 Fati & medelam præcipitis, sibi
 Virtute quæsiuere longa
 Egregij comites laboris.
 Ac postquam Iolci littora flos virum
 Compleuit, illos Æsonides statim
 Partitur in turmas honore
 Afficiens, meritâque laude:
 Dum Mopsus augur consulit alites
 Cælo volantes, sortibus & viâ
 Scrutatur euentus marinæ.
 Nec mora numinibus secundis
 Prudens aruspex contrahit ocyns

Locatque

Locátque duros ordine remiges,
 Cùm verò iam ponti barathrum
 Ancora cæruleum reliquit,

Appensa tergo Peliacæ ratis,
 Spumantem Iason tunc pateram tenens
 In puppe summa, verberantem
 Celsa Iouem pius inuocauit,
 Nec ille multa non coluit prece

vndas, & auras per mare concitas
 Rectósque cursus, fulgidósque
 Ore dies, placidásque noctes.

Sed vita Parcæ plurima candidæ
 Fecit regressum quæ celerem parat
 Procul remotis, vixque verba
 Fuderat Æolides in altum,

Cùm parte læua personuit grauis
 Dirupta nubes fulmine prospero,
 Et fulgur exultante flamma
 Aëra per nitidum cucurrit.

Tunc verò signis admoniti deûm
 Tonfas anhelî ponere nauitæ
 Paulisper, at Mopsus decoro
 Parcere eos vetuit labori,

Inssitque totis scindere viribus
 Spumantis altè marmora gurgitis,
 Solatus ærumnam futuri
 Dulcibus auguriis honoris.

Exinde nixu perpetuo mare
 Vertère vastæ semideûm manus,
 Inhospitalem donec acri
 Remigio tetigere pontum.

Vbi Argonautæ littoribus vagum
 Gregem intuentes, iamque salis Deo
 Altare sacrum stare ad auras
 Cæde bouum calida litarunt,
 Nudumque sanctis parietibus locum
 Cinxere lati, rursus & humida
 Parentis aluo nauigantes
 Ancipitem subiere casum.
 Namque hisce rupes æquoribus duæ
 Viuæ arietantes frontibus asperis;
 Vento ocyus classem atterebant
 Per medium pelagus natantem:
 Cui tum propinquans exitio manus
 Argiua, Typhin orat, ut obuia
 Saxa inuicem, cautèsq; vitet
 Cursibus oppositis ruentes.
 Sed ille prompta naue periculum
 Letale fugit, semper & ex eo
 Symplegades sensu carentes
 Innocua iacuerè mole.
 Tandem cupitum Phasidis alucum
 Intrauit Argo, mistaque barbaris,
 Decora Graiorum iuuentus
 Phæbigenæ subiit tyranni
 Clara coruscans luce palatium.
 Atque ut receptum sensit Iasona
 Cupidinum formosa mater
 Exiit ambrosio cubili,
 Auem ipsa pennis versicoloribus
 Iynge portans, quæ magicæ rotæ
 Bis vinculis astricta binis,

Mentibus

Mentibus ingenerat furorem,
Seritque amores pectoribus graues.
Hanc diua charo tradidit hospiti,
Preces & omnes fœminarum
Mollibus ingeniis amicas:
Vt virgo tandem regia, mobilis
Percussa linguæ verberare, & ignibus
Flagrans Dionæis, parentum
Exueret gelidum timorem.
Nec spes fefellit, nam placido duci
Fœlicem arenæ protinus exitum
Medea monstrat, quôque vincat
Auxilio patrios labores:
Quin ipsa læues principis aduenæ
Inunxit artus, & medicamina
Porrexit illi blanda, acutum
Pellere corporibus dolorem.
Beati amantes denique mutuam
Dedere dulcis coniugij fidem,
Diémque letum nuptialis
Vnanimes pepigere tedæ.
Post luce fausta remigibus vagis
Circo tyrannus se medio intulit
Informis, ingens, secum aratra,
Horribilésque trahens iuencos,
Queis flamma rubris faucibus exiens
Torrebat auras, vngulæque aenea
Alternæ campum verberabat
Ictibus assiduis gementem.
Verùm feroces quamlibet vnus
Assueta regis dextera, sub iugum

Detrusit illos arua cogens
 Dura graui penetrare ferro.
 Vt sulcus vlnis quattuor altior,
 Demersa terræ viscera proderet,
 Quo barbarus factio intumescens
 Sollicitis ait Argonautis:
 Iam ductor audax Argolicæ ratis
 Tauros furentes iungat, & aurea
 Mox strata fulgentemque pellem
 Auferat Inachias ad vrbes.
 Sic elocuto rege, humeros leuat
 Pulchris Iason vestibus: & Dea
 Hortante fidens, expeditis
 Protinus vrget opus lacertis.
 Nec ignis illum feruidus interim
 Turbat decorus asilicis genis,
 Sponsa per artes vstulari
 Egregios prohibente vultus.
 Quare profundus è latebris soli
 Tenax aratrum Theffalus extrahit:
 Deinde igneis bobus superba
 Colla premit, domitatque vinclis.
 Necnon acutis hos stimulis agens,
 Durum cruentat corpus arantibus,
 Tandemque designata tristes
 Iugera percoluere tauri.
 Tunc verò Colchus pectore ab intimo
 Elinguis, amens, dat gemitus graues,
 Hostemque miratur, simulque
 Diuitius cariturus odit.
 At Argonautæ iendere Iasoni

*Palmas amicas, spargere floribus
Victorem, & amplexu tenere,
Et cumulo decorare laudum.*

*Utque illa palmæ gaudia spiritus
Auxere Graios, efferus illico
Monstravit Æetes corusci
Arietis exuvias micantes,*

*Qua sede Phryxi dextra locauerat
Fatale pignus: spem quoque nescius
Rex hausit ærumnæ sequenti
Terga trucem iuuenem daturum.*

*Quercus sub vmbreis namque virentibus
Lucebat ardor velleris aurei,
Iuxtaque Serpens accubabat
Dentibus insidians reiectis,
Et nocte custos peruigil & die.*

*Cui corpus amplum, & nauibus arduis
Æquale, quas ferro politas
Vulnifico grauis vnda vectat.*

*Longum instituta pergere adhuc via
Arctante fessam Calliopem die:
Et iam mihi prouisus alter
Exitus est breuiore calle.*

*Quo turba vatū me sequitur ducem
Prolixa paucis tradere callidum.
Ergo Æsonis natus peremit
Archesila horribilem draconem:*

*Mox Colchis illi fax Pelicæ domus
Ablata velis, Oceanus niger
Sulcatus audaci carina,
Vnda maris superata rubri,*

Intrata Lemnos hospita, fœminis
 Frequens virorum cæde nocentibus,
 Ibique luctantes Achiui
 Corporibus placuere nudis :

Concensi & illis Lemniadum thori,
 Quo tempore Afris limitibus procul
 Est Parca contemplata vestrum
 Flammiferum iubar exoriri,
 Vel nocte victor, luce vel aurea.

Tunc namque seuit belligerum genus
 Euphemus, illustrémque semper
 Vidit Athos radiare gentem:

Armata Sparte donec aus tuis
 Electa sedes, qui Lacedæmone
 Voluentibus sæclis relicta
 Cæruleam coluere Theram.

Atque inde promptos consilio duces
 Apollo ventis in Libyam tulit
 Terræ viiles, templisque diuûm
 Iussit & auricomæ Cyrenes

Frænare sacrum legibus oppidum.

„ Nunc verò Sphingis callida percipe
 „ Commenta: si quis fortè quercus
 „ Robora depopuleiur aliæ,
 „ Eiûsque ramos, & decus amputet
 „ Frondētis vmbra, nunquam alias nemus
 „ Informe diuescet renatis
 „ Fructibus, aut folius virebit,
 „ Postquam vetusto defierit solo
 „ Hæreret radix eruta: sed tamen
 „ Iacentibus lignis fugantur

Erlogora

Frigora adhuc hyemēsque duræ.

Et cūm struendæ sunt procerum domus
 Prosunt columnis marmoreis traves
 Iunctæ aridæ, sedēsque pulchras
 Truncus iners prohibet ruinā.

Discordiarum pestifera lue
 Ægris Cyrenus, Archesila, & fero
 Grassante morbo, tu mederi
 Ciuibus inualidis peritus:

Hanc dexter artem dat tibi Cynthius,
 Iam te salubri vulnere conuenit
 Tractare dextra, lenientem
 Triste malum ynguibus benignis.
 Urbem æstuosis tundere fluctibus,
 Grauique motu concutere anxiam,
 Insana plebs & turba possit
 Consiliis inimica rectis:

Verūm quietem reddere pristinam
 Tumultuosis gentibus, arduum,
 Ni Iuppiter curas potentum
 Dirigat, ambiguāsque mentes.

Hic cæpta in altum rex tua prouehet,
 Contende neruos, nitere viribus
 Fulcire totis corruentem
 Instabilis patriæ salutem.

Porrò inquit ardens Mæonidæ tuba,
 Lingua cloquentis diuine nuncij
 Dulcem adiici rebus leporem
 Omnibus, & nitidos honores.

Ac musa portans sollicitas preces
 Regum seueris influit auribus

Feliciter, nouit Cyrene
 Et veteris domus alta Batti,
 Nullum æquiores Demophilo virum,
 Nec puriori viuere pectore:
 Hic flore primæuo virentes
 Lusibus exuperat decoris,
 Equat verendos consilio senes,
 Centenum & illi currere dices
 Annum, acriter res æstimâti
 Iudicij grauitate cana.
 Idem cauillis tristibus abstinet,
 Edoctus odit flagitium insolens,
 Virtutibus gaudet, nec actis
 Segnibus indubians moratur
 Iure, incitatis nam pecibus fugax
 Occasio se proripit: hoc sciens,
 Caluamque velocemque diuam
 Subsequitur gradibus propinquis.
 Indigna certè res, hominem suos
 Iuuare natum limine patrio
 Abesse mærentem: tametsi
 Ille deum venerator Atlas
 Nunc sumptuosus exul ab ædibus,
 Regni que opimis diuitiis procul,
 Conuexa cæli fulcit, auras
 Excipiens humeris & imbres.
 At æthæra altum viribus aggredi
 Titanas ausos carcere Iuppiter
 Emisit, exolutque vinclis.
 Sic placitis variant iniquis
 Humana Parca: sed Borea tamen
 Cessante

Cessante ventus lenior æquora
Componit interdum, nec vsque
Vela truces lacerant procellæ.

Ægrotus hoc te Demophilus rogat,
Morbo vt leuatus flebilis exilii
Fumos adhuc spectare possit
E propriis laribus volantes:
Iuxtaque fontem lucidum Apollinis
Conuiuiorum deliciis frui
Solennibus, mentemque suauim
Reddere lætitiæ solutam.

Ardente necnon ille cupidine
Optat per vrbis compita regiæ
Errare noctu, & garrientem
Ferre lyram, tremulâsque chordas,
Optat quietè viuere, nec premens
Quemquam, nec ullis ipse nocentibus
Obnoxius: cum verò charas
Attigerit reuocatus oras,

Tunc dicet ultro, nuper vt hospitæ
Thebes amicis sedibus immorans,
Hic carminum dulcem nouorum
Viderit exiluisse fontem.

E I D E M A R C H E S I L A O
C V R R V V I C T O R I A M A D E -
p t o, Ode quinta: quæ incipit,

Ὁ πλοῦτος εὐρυθέλης.

Eodem numero quo illa Olympiorum,
Dum palmam numeris dulcibus alteram.



IS est diuitiis magna potentibus,
 Et turba comitū digna frequentū,
 Si partis opibus semina fulgidæ
 Virtutis sacra misceas,
 Diuine Archesila: tu puer illico
 Gazas nacl' auū, & purpurū decus

Dono Tyndaridæ Castoris aureis
 Sueti curribus inuehi:

Per quem celsa tui tecta palatij,
 Nunc vestit nitida luce serenitas
 Ridens, post pluuiam & iacta domestici
 Belli sæua tonitrua.

Prudens cælicolum candida munera
 Exornat celeris dotibus ingeni:
 Te rex iuste hominū conspicuum vndiq;
 Cingit multa beatitas.

Hinc gentes opibus prægrauidæ tuis
 Dant frænis dociles ora sequacia,
 Quas & consilus & venerabili
 Vultus lumine temperas:

Illinc Pythias & nobilis orbita
 Phæbi, nuper equis trita volantibus,
 Æquat te superis, & decorat virūm
 Læta voce cænantium;

Atque implet Clarij deliciis Dei
 Incundis numeris, quos hilaris precor
 Cyrene accipias horte cupidinum,
 Tellus Cypridis hospita.

Cælesti sapiens omnia numini
 Fert accepta libens, sed tamen Arratus
 Dignus præcipuis regis amoribus,

Qui

Qui certamen ad inclytum
 Missus, non genitum stulto Epimetheo
 Prætextum comitem degenerem trahens,
 Ad celsas rediit Battiadum domos
 Et regalia culmina.

Sed postquam liquidam Castaliam bibit
 Intactæ referens præmia laureæ,
 Gaudentis Libycas Archesilæ comas
 Graiis vinxit honoribus.

Hunc mirata virum Græcia, flexibus
 Bissenis stadium radere Pythium, &
 Illeso axe rotis vsque valentibus
 Densum voluere puluerem.

Quare nunc variis picta coloribus
 Rhedæ ligna vagæ, promptaque per nemus
 Phæbæum volucris turbine corripit
 Visuntur sacra Cynthio:

Templi & Phocaici diuite sub tholo,
 Cupressi trabibus structa domuncula
 Quadrigam emeritam contegit, haud procul
 Tergo Cnosiaë imaginis:

Quam Cretes leuibus missilibus boni
 Erexere adytis, vnius arboris
 Trunco compositam, rex paria Arroti
 Factis munificus refer.

At te ductor equum principis armiger
 Collustrant triplici lumine gratiæ
 Ardentes, tibi sors prospera, nec diis
 Immortalibus inuidens.

Quem post curriculi mille pericula
 Euitata, rotis membræque moribus
 Concussa horriferis, laudibus euehant

Iustis Aonides deæ.

Quadráginta etenim curribus in solum
Effractus grauitè, tótque ruentibus
Aurígis laceris, vnícus integrum
Seruasti incolumis iugum,
Pulso horrente metus frigore, iámque te
Digressum è spatiis nobilibus dei
Amplexu recipit patria, ob os tuum
Obuertens vaga lumina.

Nec te magnanimum pœniteat grauis
Ærumnæ, anxiferis nemo laboribus
Expers est, nec erit: dulcia per vices
Sensit Battus, & aspera.

Battus murus erat ciuibus æneus,
Nec quisquam populis gratior exteris,
Illum aspecta tamen terruit Africa,
Fuluis plena leonibus.

Exclussitque virum littore nauibus
Aduectum profugis, & facili recens
Donatum eloquio: sed domuit truces
Tandem Delius incolas.

Atque vt clara polum vertice tangeret
Cyrene Libycis addita finibus,
Campis vberibus præcipites feras
Immanes deus expulit:

Qui succis recreat semineces viros,
Ægrotásque nurus manibus eripit:
Qui vates stimulo pungit amabili,
Et culta decorat lyra:

Concordem placidis legibus edocens
Cantum, ac dissimilem terribili tubæ,

Chius

Cuius præscia mens excubat, & sonis
Implet fatidicos specus.

Illinc reddita vox Herculeo satū
Prognatos variis imposuit locis
Reges, Argos eis, & Lacedæmona,
Et claram attribuens Pylum.

At nostrum serie continuum genus
Spartana tumidum gaudet origine.
Ægidas procures Herculidæ vagi
Thebano intuiti solo,

Vescentes auidè pinguibus hostiis
Traxerunt comites morigeri deūm
Priscis auguriis: sic Lacedæmona
Thebana incoluit domus:

Ex qua ducti atavi percelebres mei
Mutauere domos diuitis hospites
Theræ, post Libyæ. iure igitur patrum
Thymbrææ arcitenens memor,

Nunc Carneia tibi concelebro, & sacra
Inter vota pio carmine prosequor
Cyrenem validam mœnibus arduis,
Cognatum patriæ solum.

Quo tutum exilio, perfugium sibi
Nacti Antenorida, gens Helenæ virum
Atridem ausa sequi fluctibus asperis,
Et sæuo Danaïs mari,

Post versam in cineres Ilion vltimos,
Quin Teucris etiam luce carentibus,
Extinctisq; pias inferias adhuc
Mittunt: & tumulos Phrygum
Cæsarum pecudum sanguine proluunt.

Cyrenes equites, quos ratibus citis
Inuexit Libyæ Battus iter salo
Pandens classibus inuium.

Dux idem omniferam multa per Africam
Deuouit nemora, ac templa micantia
Iustus cœlicolis, vrbis & arcem
Recto tramite muniit:

Constrauitque viam qua sacra Apollinis
Irent, & celebri pompa grauis die:
Auertens pauidis gentibus horridas
Pestes & superum minas.

Quin hoc ipse loco Battus, & in fori
Alta fronte sui nunc tumulto occubat,
Qui cum æuum coleret, rex fuit vnice
Felix, post obitum deus,

Sublimem meritis vectus ad æthera.
At reges alij mœnia & oppidum
Extra, funereis aggeribus iacent
Sanctis manibus additi:

Quorum vmbrae tenues atque animæ vagæ
Syluis Elysijs suauiter audiunt
Gentis facta suæ, mellis Hymettij
Dulci rore fluentia,

Tota & Pieriis sparsa liquoribus:
Nec rerum dominis iam superant opes
Vllæ, aut deliciæ, præter amabile
Iucundi Archesilæ decus.

Illum flauicomo dicere Apollini
Nunc laudes meritas conuenit, ob datam
Palmam & Phocaicæ munera laurea.
Lauro sumptus equum grauis.

Pensatur

*Pensatur, numeris dulcibus additis
 Phæbææ citharæ: quæ sapientibus
 Credens, Archesilam personat, ut supra
 Annos grandiloquum, & catum,
 Audacique animo forti aquilæ parem,
 Quantum huic in medio pulvere roboris,
 Decursus celeris quanta scientia,
 Quàm frænis habilis manus.*

*Rursum Battiadem Phæbus ubi graui
 Oestro perculit, hic protinus euolat,
 Altè ut dulcis olor cantibus aëra,
 Et lætum recreans polum.*

*Nec morum est species vlla vel artium
 Afris cognita, quæ fugerit ardua
 Sectantem Archesilam: ille quidè hæctenus
 Terris enituit potens,*

*Sed ne annis superi posterioribus
 Vis illi aut sapiens consilium labet:
 Néve autumnus uti flamine Thracio
 Syluam frondibus exuit,*

*Sic ætas veniens deterat integram
 Fortunam Archesilæ casibus asperis;
 Mens alti Iouis & cura placentium
 Successus hominum regit.*

*Hæc rerum potiens iam Libyco duci
 Ornauit foliis tempora Delphicis,
 Regales utinam velet adhuc comas
 Glauca Palladis arbore.*

ODE PINDARI SEXTA:
XENOCRATI AGRIGENTINO,
curru victoriam adepto: quæ incipit,

Ἀκούσατ'· ἢ γὰρ ἐλικώπιδος Ἀφροδίτης.

Eodem numero quo apud Horatium,
Te maris & terræ, numeróque carentis arenæ,
Menforem cohibent Archita.



VDITE hæc animis linguisque fa-
uentibus omnes:

Nam Veneris per amœna vireta,
Perque trium Charitum dulces ince-
dimus hortos,

Ut media tellure nitentes
Visamus Delphos, & Apollinis aurea templa,
Emmenidis vbi fortibus, atque
Xenocrati claro, & fluuiis vallato Agraganti,
Est thesaurus conditus ingens
Hymnorum, & laudum seruat copiam diues,
Parietibus circumdata sacris:
Quam non flamma ferox erumpens nubibus atris,
Non nimborum exercitus horrens
Auferet, aut Boreas conuerrens aëra pennis
+ Immundo cum puluere mittet
In maris undantes fluctus, salsasque lacunas:
Sed concordii voce sonantes
Vsq; modi (Thrasymbule) tuum super æthera patrem,
Emmenidarum & stemmata tollent,
Ætatiq; canent seræ, famæque nepotum:
Ut te auriga feruidus axis,

Xenocratis

Xenocratis cursu rapidas præuenterit auras,
Cirræo vnicus æquore victor.
At tu nate ducis Phæbæa fronde superbi
Phillyridæ præcepta biformis
Exequeris, quæ Thessaliæ syluestris in antro,
Marmorea Pelei procul aula,
Ille fero Æacide vigil instillabat alumnus:
Sæpè monens vt fulmina dextra
Vibrantem regem coleret, numénque secundum
Ab Ioue crederet esse parentes.
Atque hic Antilochi fidenter in arma ruentis,
Sensus erat, qui Memnonis atri
Æthiopum ducis excepit penetrabile ferrum,
Canitie aueritque paterna
Fortiter occumbens, Paridis nam vulnere certo
Ictus equus, se in puluere versans,
Nestoris hærentem currum tardabat in aruis,
Iámque satum Neleo grauis hasta
Urgebat Memnon, quo casu territus Heros,
Progeniem inclamauit amicam.
Nec natus patrias contempsit in agmine voces,
Aut ventis commisit inanes:
Sed properè accurrens vernanti sanguine fuso,
Fata senis vicina redemit.
Sic iuuenes inter claros melioribus annis
Antilochus magnum hoc opus ausus
Supremum antiquæ meruit pietatis honorem:
Sed prisca hæc incanæque virtus.
At nunc natiuo floret genitoris amore
Egregius morum Thrasylbulus,
Et patrum Therona sequens micat vndique magnæ

PINDARI

*Fortuna fulgore corusco.
 Diuitiis idem fœlicibus vititur arte,
 Nec iuuenem effrænata libido
 Transuersum rapit, aut infami crimine turpat,
 Sed prudens animus regit, & mens
 Sanctarum Aonidum viridi nutrita recessu.
 Te verò in primis pater vnda
 Horrifona, cursûsque potens moderator equestris,
 Reëtor equûm Thrasybulus adorat.
 Præterea ille fauis & nectare dulcior Hyblæ,
 Sæpè hilarat conuiuia lingua.*

ODE PINDARI SEPTIMA. QUÆ INCIPIT,

Κάλλιστον ὦ μεγαλοπόλιες ἀδύναι.

*Megacli Atheniensi Alcmaeonida, quadrigis
 victoriam adepto.*

*Eodem numero quo apud Horatium,
 Quis multa gracilis te puer in rosa.*



*RB S ô Cecropidum maxima va-
 tibus
 Pulchrum Alcmaeonidas acre vi-
 rûm genus,
 Téque ornare sonantis
 Plectri materiam grauem.*

*Nam quæ turrihero vertice ciuitas
 Graiûm Palladia celsior eminet?*

Quæ

*Quæ stirps altior vsquam
Forti Alcmaeonidum domo?*

*Quascunque Axe plagas sol obit aureus
Theseidarum hilaris gloria permeat.*

*Necnon fama Megacles
Gentem narrat adhuc tuam,*

*Vt Pisistratidas vicerit ocyus
Instaurasse nouis molibus atria
Phœbi, nuper iniquæ
Flammis vsta tyrannidis.*

*Hæc præter rapiunt me quoque, & in tuæ
Campum laudis agunt quinque Corinthiæ
Palmæ, Pythia duplex,
Vna illustris olympica.*

*Quas omnes superi vel tibi vel tuis
Largiti proavis, lætitia & recens
Me victoria mulcet
Cursus filia Delphici.*

*Vnum illud doleo, post tot adoreas
Te læsum Hippocratis morte domestica.
Verum, vt dicitur, hæc est
Duratura beatitas,*

*Quando non homini curritur orbita
Fælix vna diu, sed modò prospera
Cedunt, & mala rursus
Humanas variant vices.*

ODE

PINDARI
ODE OCTAVA ARISTO-
MENI AGRIGENTINO PA-
lestritæ: Quæ incipit,

Φιλόρεν ἡσυχία δίχας.

Eodem numero quo apud Horatium,
Mecænas atavis editæ regibus.



- „ A X quæ sola potens Oenopiæ manus
 „ Vnire, & gladios condere ciuicos,
 „ Pax legis placidæ filia amabilis,
 „ Custos nobilium peruigil vrbium,
 „ Claues vna gerens Martis & otij,
 „ Clauso vt Marte quies arua peram-
 „ bulet,
 „ Palma Aristomenis Phocaïcæ faue.
 „ Tu cùm tempus adest horâque mutuo
 „ Vincis officio, & muneribus ligas
 „ Alternis homines: tu rabies vbi
 „ Insanûsque furor mentibus asperis
 „ Iniectus, cohibes vindice numine,
 „ Contundisque truces fortiter impetus,
 „ Vi iusta opposita viribus impiis.
 „ Ausus Porphyrio te dea fæderum
 „ Contra immota Iouis fata laceßere,
 „ Auersisque ferox bobus Apollinis
 „ Vltricem Nemefim sensit: opes enim
 „ Profunt legitimæ, raptæ homini nocent:
 „ Et tandem ipse suo robore corrui
 „ Prædator, tumido corde superbiens.

Importunus

Importunus, atrox, & superis minax
Centeno ore Typhæus, atque Gigantium
Turmas imperio terribili premens
Pœnas fœdis fragæ sæuitiæ luit
Crudeles: & eum fulminis ictibus
Traiectum memorant, Porphyrio vt rapax
Latoi cecidit vulneribus dei.

Qui nunc cælo hilaris spectat vti comas
Laurus virginis frondibus ambiat
Xenarchis soboli præualida, & cani
Gaudet facta modis fortia Doricis:
Quos Ægina suæ debet origini,
Arginisque atavis. Illa quidem insula
Cultrix iustitiæ, & laudibus inclytos
Iactans Æacidæ, non Charitum procul
Hortis incolitur, nec celebri indiget
Fama: nam quoties acria prælia,
Concursumque videt Græcia publicos,
Fæcundum toties Oenopiæ solum
Eduxisse suo dicitur vberè
Heroes rapidæ militiæ duces,
Armatisque pares semideis viros.
Sed nunc Pierides non vacat Æaci
Tellurem liquidis vocibus & lyra
Ornare, atque moram ducere noxiam:
Quin victor potius iam numeri tibi
Decurrant celeres Aonio pede.
Et iam fama noua nuncia laureæ
Per nos aëria carpat iter via,
Sublimisque volet: namque oleo nitens
Luctæ Aristomenes brachia porrigis,

Matris fulmineis fratribus æmulus:
 Nec tu mollitia dedecoras piger
 Illorum alterius præmia Olympica,
 Aut laudem alterius deteris Ismiam,
 Quæsitam horriferis corporis artubus:
 Verùm augens veterem Mydiliidum tribum,
 Virtute impauida strenua comprobas
 Vatis dicta solo præcipite obruti:
 Quæ quondam sapiens augur in aëra
 Fudit, cum soboles altera fortium
 Heroum agminibus posterioribus
 Thebas armiferas ambiit obsidens.
 Nam pubem ille videns cuspide ferrea
 In pugna stabilem, sic ait: ô viri,
 „ Dat celsos animos egregium genus,
 „ Et stirps bellipotens à patre Martio
 „ Prolis magnanimæ robora prodeunt.
 Ecce autem video progeniem meam
 Sæuum Alcmana manu concutere igneum
 Scutum, pictus ubi cæruleus draco,
 Et primum Tyriis irruere arcibus.
 Qui conuersa dedit terga prioribus
 Pugnis, nunc acies instruet alite
 Fausta Adrastus, & huic prospera publicè
 Res communis erit, regia sed domus
 Ploranda Ægiali funera sentiet,
 Ac Princeps Danaum tristitia filij
 Ossa, & relliquias exanimis gerens,
 Victor se patriæ flebilis inferet,
 Magna inter reducis gaudia militis,
 Fata humana Diis sic variantibus.

At nunc lætus ego, floribus & rosis
 Spargo Alcmana sacro semideum ordini
 Ascriptum, & Volucris flumine Pegasi
 Perfundo indigetem, qui laribus tuis
 Templum Aristomenes contiguum tenens,
 Largas servat opes incolumes tibi.
 Quin accincto ad iter, moxque plagam soli
 Visuro mediam, septaque Pythia,
 Se se Heros radius fulgidus obtulit.
 Gentilique potens augurio tuæ
 Oraclum cecinit nobile gloriæ.
 Tu verò arcitenens Phæbe, adytum capax
 Sanctum, illustre, colens Phocidos in sinu,
 Illic eximia lætitia virum
 Implesti Oenopium, nec viridantibus
 Fraudasti foliis, cui prius ardui
 Quini exercitij munera miseras
 Certanti in viridi gramine patrio,
 Cum Delphinia lux alma reduceret.
 Erectis animis gloriior haud mihi
 In vita numeros deesse, nec ordinem
 Rectum, carminibus certè inerit meis
 Usque illæsa fides, nudaque veritas:
 Sic æterna viinam numina cælitum
 Xenarchis vigili cura obeant domum,
 Fortunasque malis tristibus arceant.
 Cum fœlix aliquis fit sine pulvere
 Immundo, & miseris absque laboribus,
 Vulgus mentis inops hunc putat acribus
 Fretum consiliis artificem virum
 In cælum ingenij dotibus euehi.

- „ Sed fati proprij nullus adhuc potens
 „ Vixit: dant Superi cuncta vel auferunt.
 „ Per quos ille solo tollitur arduus,
 „ Ille æquo spatio deprimitur gemens.
 Clare Aristomenes robore viuido,
 Non fraude es triplicem nactus adorem
 Iamdudum, hanc Megaris, hæc Marathonio
 Campo, illam patrio littore nobilem,
 Iunoni Oenopiis sacra ferentibus.
 Quin nuper celebri Pythiados die
 Strauisti iuuenum corpora quatuor,
 Infestis animis desuper incidens
 Illis, et solidam concutiens humum.
 Nec victos alacer pes retulit domum,
 Aut fronti irradians ficta serenitas
 Texit, sed manus hæc lugubri iuinere
 Victricem faciem fugit adhuc tremens,
 Fortunæque graui vulnere saucia.
 „ At qui puluereis in spatiis nouum
 „ Quæsiuere decus, dulcis eos iuuant
 „ Famæ delicia, spēsque hilaris suis
 „ Pennis in liquidum subleuat æthera,
 „ Fidentes meritis egregijs viros,
 „ Et laudum cupidos, immemores opum.
 „ Verum vt sæpè breui tempore suaui
 „ Rerum proueniunt, sic procul auolant,
 „ Mutante in lachrymas lætitiā Ioue.
 „ Vmbrarum leuium somnia inania,
 „ Vixque vno stabiles sole volubili:
 „ Mortales miseri dicite quis grege
 „ In vestro est aliquid, quisve hominum nihil?

Nōne

Nōne atris nebulis terrigenæ obsiti,
 Immisso rutilant lumine cœlitum?
 Pulchra Ægina parens diuitis insulæ,
 Sedes ipsa tuas seruitio graui,
 Et sceptris prohibe semper ab exteris.
 Id tecum altitonans curet, & Æacus
 Peleúsque, & Telamon fortis, & inclitus
 Factus Æacides, excidium Phrygum.

ODE NONA, TELESICRA-
 TI CYRENÆO, ARMATO CVR-
 fori: Quæ incipit,

Εἰς τὸν χαλκῶσιν δα πύθιον ἄνα.

Eodem numero quo apud Horatium,
 Iam satis terris niuis, atque diræ.



AM libet cœtu Charitum fauente
 Dicere armatum clypei micantis
 Orbe victorem, nitidâque ferri
 Luce coruscum.

Vita cui fœlix facilisque rerum
 Cursus est, & quo spatium terente

Pythium sumpsit viridem coronam

Diua Cyrene.

Oppidi præses, populique custos,
 Hanc comas vento recreans odoras
 Phæbus amplexu rapuit tenaci
 Pelio ab alto,

Axe & aurato per inane vexit

Naiadem cædis cupidam ferinæ,
In locum ditem segetum, gregésque
Pascere largum.

Tertiam terræ genitricis oram
Florido aspectu faciêque letam,
Atque ibi candens Venus aduolanti
Obuia fratri,

Gemmeum currum digitis eburnis
Contigit ridens, thalamúmque dulcem
Stranit aurigæ celeri, & puellæ
Nobilis Hypseï.

Ille tum seuos Lapithas regebat,
Stirpe Neptuni veniens ab alta.
Namque post ductas agiles choræas
Vespere sero,

Pindi in vmbrosis latebris Creüsa,
Nata telluris fluuium maritum
Passa, concepit genitore Peneo
Hypseæ magnum.

Cuius insignis soboles Cyrene
Brachiis lucens, teretique sura,
Non manum attriuit studiis Minervæ, &
Deside tela.

Non ei molles placuere cænæ,
Inter ornatas comites nitenti,
Sæpè sed pilis rutilis vel ense
Aspera virgo

Fudit horrentem violenter aprum,
Aut lupum tristem patriis timores
Bobus auertens, ouibúsque donans
Otia tutis.

Numquam

Numquam & aurora redeunte nympham
Somnus arcano tenuit cubili,
Sed iuga & montes habuere primo
Sole vagantem.

Quoque momento pharetratus illam
Cynthius vidit, Dryas in leonem,
Sola pugnabat manibus capeffens
Prælia nudis.

Nec graui telo velut ante freta
Hoc stupens cæli iaculator acer,
Theffali saltus nemorisque regi
Talia fatur:

Huc ades Cheiron venerande, & antrum
Deferens mirare viraginis cor
Ferreum, mirare nouas reiecta
Cuspide vires.

Vah quibus lauri foliis reuincit
Aureos crines alacris Napæa,
Vt supra ærumnas animum calenti
Pectore gestat.

Vt vacat fluctu dubio pauorum
Flaua bellatrix, quis ei parens est?
Quæ domus? quæ gens? nigra possidenti
Lustra ferarum.

Non prius visum mihi cerno robur,
Pârque virtuti speciosa forma est.
An licet Centaure manu placentem
Tollere prædam?

An licet gratum resecare florem,
E sinu dulci gremioque Nymphæ?
Tum senex flexo cilio, & recluso

Leniter ore,

Dixit arridens, Ioue nate Titan

” Occulit prudens teneros amores,

” Sæpè & accensus reticet pudenti

” Multa rubore.

” Nec viris gratum, neque dis aptè

” Gaudiis sacra Veneris fruisçi:

Tu tamen flamma stimulante vulnus

Prodis opertum.

Quin tui oblitus genus vnde præstans

Duxerit Nais, rogitas Apollo,

Cuius est rerum caput & supremam

Noscere metam,

Qui tenes quot ver genitale frondes

Procreet, quotnam tenues arenas

Pontus iratus lauet, incitata

Verberet aura.

Qui sagax primos specularis ortus

Fati, & euentus aperis latentes.

Sed si aues pollens Deus admoneri

Voce caduca,

Hancce decliuem pete Phæbe vallem,

Inde nam sponsam super æquor altum

Auferes longè, Libycique sistes

Hammonis hortis,

Præsidem illustri populo futuram,

Quem focis olim patrioque pelles

Littore vt montem colat imminentem

Pinguibus aruis.

Sed modo herbofis opulenta campis

Africa inducet celebrem puellam

Aureis tectis, soliôque in alto
Blanda locabit.

Atque reginæ dabit ampla rura,
In quibus passim vario grauescent
Arbores fœtu, pecorûmque densa
Agmina current.

Quin loco grato nitidâque in ora
Flaua Aristæum pariet Cyrene,
Quem satus Maia tenerum parenti
Tollet alumnum.

Et citis horis Cybelæque magnæ.
Tradet, ast illæ puerum comantem
Sedulæ altrices genibus reponent,
Ambrosiâmque

Eius infundent roseis labellis,
Et liquens nectar, laticem beatum,
Vnde vir Parcas fugiet deorum
Æmulus annis.

Gratus & cunctis populis, quod illo
Rustici discent homines magistro,
Laneum ductare gregem, nouâque
Pascere cura.

Et feras clausis agitare syluis.
Hæc sene effato, properauit ardens
Cynthius blandæ Veneris maritum
Iungere fœdus.

Nec piger diuinum gradus est, nec illos
Concitos flexu via longa tardat:
Sole namque vno Deus in remotum
Transiit orbem.

Aurea & sponda iacuit, puellam

Vinciens arctè, Libya in feraci,
Hic vbi claras stadiòque notas

Temperat arces.

Nuper has magnis celebravit ausis
Pythius victor, tua lux Cyrene,

Quæ viro pulchris spoliis onusto

Mænia pandes:

Lata & effulgens nuribus decoris,

33 Copiam laudum petit ampla virtus:

33 Docta non implet breuitas inanis

33 Pectora vulgi.

33 Attamen tempus moderamen vnum est

33 Omnium rerum, volucris magistro

33 Tempori parens Iolaus imis

Exiit umbris.

Herculis cum iam profugos nepotes

Ad necem Eurystheus violens vocaret,

Nec pia extorres sineret latere

Cecropis ora,

Sed fero postquam est populatus ense

Regium collum rediuius ultor,

Fertur in lucos subito relapsus

Ditis opacos.

Ossa & Herois cineresque sanctus

Agger amplexu gelido recepit,

Qui prius magni tumularat artus

Amphitryonis,

Ille Tyrintho generosus exul

Vixerat Thebis meliore fato,

Infitus terræ niueorum equorum

Robur alenti.

Que

Quæ Ioui charam validoque regi
Vidit Alcmenam, geminos eodem
Fundere enixu pueros ad arma
Horrida natos.

Mutus, elinguisque poëta, qui non
Ora in Alciden animosa soluit,
Quive Dircae reticet fluenta
Dulcia lymphæ.

Hercules illam prope lusit infans,
Lusit Iphiclus, similis sed impar
Fratri, at ambobus numeros Thaleia
Votaque solue.

Namque conceptis precibus duorum
Numen implorans Iolea vicit
Pennipes Teleßicrates, citisque
Ocyor Euris.

Semper hunc Musæ, tremuloque cantu
Gratiæ, excelsum super astra tollent:
Splendor æternus radios ab eius
Vertice mittet.

Quippe ter claris Megaris, semel que
Littore Æginæ patriam corona
Cinxit, euitans pavidum superbis
Dedecus actis.

Qui virum illustrem vel amat vel odit,
Mille spectatos oculis labores
Iactet, & Nerei vigeant ubique
Dicta marini.

Hic monens cæcos homines fauenti
Voce, laudari quoque iussit hostem
Inclytum palmis, & amica factis

Verba merentem.

Palladis castæ sacra pompa, terræ
Vberis certamen, Olympiûmque,
Patrij & ludi tua victor æquant

Nomina cælo.

Te quæ florentem variis arenis
Virgines sponsum, generûmque matres
Plurimæ optarunt, tacito calentes
Molliter igni.

Porro amor feruensque sitis canendi
Suadet ut laudes resides tuorum
Excitem, & pellam fidibus vetustæ
Nubila famæ.

Nam domus vestra generisq; princeps
Præpotens Alexidamus Libyssum
Ambiens votis hymenæon, altam
Venit Irassam.

Quo sibi Antæi sobolem iugaret
Nomine insignem nitidoque crine,
Mille & optatam ducibus propinquis,
Hospitibûsque.

Tanta erant formæ bona virginalis,
Tam viris ardens animus iuventam
Auream, & primos ineuntis æui
Carpere fructus.

At pater quærens sociale fulcrum
Filie illustri decorare tæda,
Nobile exemplum Danaûm ad remotos
Transtulit Afros.

Fertur Argiûs dominator olim
Cum quaterdenis generis & octo

Traderet

Traderet natas, inuenes probasse
Cursibus acres.

Ergo ab aurora medios ad vsque
Solis ardores, procerum volabat
Agmen, & stabant hilares in ima
Calce puellæ,

Præmium gnauis: & vt incitatum
Quisque librarat per inane corpus,
Sic socer primæ dabat aut sequentis
Præmia formæ.

Deligens campis agiles maritos.
Haud secus ditis Libyæ tyrannus
Virginem sponso dedit assequenti
Passibus auras.

Namque eam longi stadij supremam
Lineam iuxta posuit, decoro
Fulgidam ornatu, foret vt laborum
Fæmina limes.

Dein procos sic est socer alloquutus:
Qui prior natæ niueos amictus
Presserit gressu properante, nuptam
Implicitet vlnis.

Vixque regali sonus ore missus
Fluxerat, victor, cupidus in aures,
Cum tuus metam tetigit propinquus
Alite cursu.

Et manu apprensam tenera maritam,
Vndique effusis Nomadum cateruis
Lætus ostendens, per amica duxit
Agmina pompam.

Interim florum pluuia, & rosarum

*Nimbus, è circi gradibus cadebat
In virum pennis aliis honoris
Sæpius auctum.*

ODE DECIMA, HIPPOCLEÆ
THESSALO, DVPLICIS STADII
cursori. quæ incipit,

Ὀλβία λακεδᾶμον, μάκαιρα θεσσαλία.

Eodem numero quo apud Horatium,
Intactis opulentior Thesauris Arabum & diuitis Indiæ.



CLARAM Lacedæmona,
O florentem opibus Thessaliæ pla-
gam,
Natale Hippocleæ solum,
Terram vtramque manu temperat

Herculis

Inuicti indomitum genus.

*sed cur altisonis grandis hiatibus
Primo in limine spiritus*

Assumo tumidos? scilicet inclyta

Pytho, Martij Aleuada,

Victorisque mouet me domus ardua,

Vt facta Hippocleæ viris

Committam liquida voce canentibus.

Namque is læuis adhuc puer

Degustat teneris iam labiis decus:

Iam turba in media virum

Parnassus resonans concavus hunc gregem

Imberbem super extulit,

Decurso

Decurſo ſtadij duplicis æquore.
Dulce eſt Cynthie in ultimo
Rerum ſine pedem ſigere proſperum,
Nec dextro ſine numine
Fælix auſpicium eſt incipientibus.
Ergo te duce Delie
Primis Hippocleas motibus euolans
virtute emicuit noua,
Signatum & patriis preſſit iter notis.
Bis curſor pater illius
Latis arma humeris fulgida ſuſtinens,
Metæ acceſſit Olympicæ:
Quin Cirræ viridis planities iugo
ſubiecta alipedem virum
Viſtorem nitido reſtituit lari.
Et natus pius & parens
Cultu perpetuo diuite floreat
Annis aduenientibus;
Iamque hauſtis Danaûm deliciis ſemel
Cunctis, ne volucris Deæ
Conuerſam doleant poſterius rotam.
Ambos Iuppiter innocens
Seruet, ſemper ei iuncta aderit comes
Famæ longa perennitas,
Qui paſſu rapido, qui valida manu
Gratiûm præmia ceperit,
Coniungens animis robora feruidis.
Quòd ſi præterea intuens
Phæbi lumen adhuc conſpiciat ſuo
Crefcentem puerum ſatu,
Lauro dulce caput neſtere Delphica,

» *Tantum ardentibus inuehi*
 » *Astris ille nequit, nauita nam celer*
 » *Pernici affequitur rate*
 » *Quicquid turba hominum debita funeri*
 » *Ægro pectore diligit,*
 » *Quicquid conspicuum suspicit & micās.*
Sed tam optantibus arduum
Tali sorte frui, quàm trabe pinea
Delatum, aut pedibus vagis
Lata Hyperboreùm visere pascua.
Inter quos populos dapes
Solennes iniit dux hominum aliger
Perseus, sacrificantibus
Ollis laurigero centum asinos deo.
Quin nunc Phæbus adhuc libens
Consuetis epulis præsidet, & suis
Coram gestit honoribus,
Ac risu quatitur Delius intimo,
Tunc cùm bruta rudentia
Concentus iaciunt faucibus asperos.
Nec verò procul aufugit
Campis innocuis Melpomene exulans.
Sed vocem chorus vndique
Mittit virgineus, tum lyra multiplex
Linguis, tum calami impares
Circum rura sonant carmine Lydio.
Dum conuiuia dulcia
Curat gens foliis cinctâ recentibus,
Quam non letifer inficit
Morbus, non senium debilitat tremens,
Nec Mars sanguineus quatit,

Aut exosa scelus numina territant.
Huc accessit anhelitu
Vim spirans Danaes filius aurea,
Et flaua duce Pallade
Fœlices adiit penniger hospites.
Atque hic Gorgone lurida
Occisa, in Seriphum rettulit insulam
Hydrus implicitum caput,
Cuius contuitu protinus hostium
Durata obrigit manus,
Extinguente viros funere saxeo.
Mirum. sed capiunt fidem,
Credunturque, diu cuncta volentibus.
Remum Musa inhibe precor,
Et fundo tumidi gurgitis anchoram
Desige, auxilium ratis
Horrentis scopulos fluctibus abditos.
Carmen sæpè vagum, velut
Mellis blanda opifex prouolat, & modò
Illos, nunc alios petens,
Plures Aoniis muneribus beat.
Quòd si pulchrum ephyræ genus,
Et Penei celeres fluminis Accolæ
Thebanos numeros velint
Nostros Aemoniis psallere vocibus,
Audax spondeo laudibus
Perfusus Hippocleã mox fore lucidum
Ætatis teneræ decus,
Molles delicias consilio senum,
Curam virginibus nouam:
Quamuis ordinibus vix placet omnibus

Quisquam, votâque sæpius
 In diuersa homines dissiliunt leues.
 Qui quod concupiit caput,
 Ardens ille quidem sollicitudine
 In præsens animum leuat:
 Sed ventura dies quid vehat ambigit.
 Non anceps tamen est mihi,
 Non incerta fides Thoracis hospitis,
 Qui nostram ambiciosius
 Quæsiuit vario tramite gratiam.
 Atque his Pieridum rotis
 Nuper iunxit equos quattuor alites,
 Cùm victoris ad atria
 Traxit me comitem dux celer impigrum.
 Aurum Lydium vt lapis
 Spectat, fida hominum pectora sic probat
 Factis experientia.
 Nec Thorax sociis vnus amabilis,
 Sed fratres simul illius
 Ornandi teneris Pegasidum modis,
 Quires iurâque Thessala
 Tollentes humeris fortibus efferunt,
 Rectè principibus bonis
 Magnarum alma salus creditur urbium.

ODE VNDECIMA, THRA-
SYDÆO THEBANO PVERO
Cursoris stadij : Quæ incipit,

Κάδμυ κόραι, σέμελα,

Eodem numero quo apud Horatium,
Odi profanum vulgus & arceo.



SCRIPTA summo tu Semele ætheri
Ino æstuosis fluctibus addita,
Nereidum conciuvis vna,
Altera cœlicolũm deorum,
Alcmena mater vindicis Herculis,

Quæso ite molli cum grege Naiadum
Ad Meliam Ismeni sororem
Fluminis, inque adytum refulgens
Donis, & auctum vi tripodum aurea,
Quod Phæbus aris prætulit omnibus,
Ismenium fanũque dixit,
Augurio resonante pollens.

Huc vos in vnum Melia conuocat,
O dulcis antiquum Armonix genus
Heroides, Dircea circum
Rura vagæ vigilẽsque semper:

Vt imminenti vespere lucido
Themĩque sacram, templaque Pythia,
Iustũque terrarum vmbilicum
Voce deæ liquida canatis.

Qua celsa Thebe Cirræque gaudeat
Laborioso puluere nobilis:
Hic bina post gentis trophæa

Enituit Thrasidæus ardens,
 Focisque auitis, & patrio lari
 Gratam coronam tertius attulit
 Cultis ab aruis, quæ potenti
 Imperio Pylades tenebat
 Orestis hospes exulis, ast eum
 Laona Orestem casibus inclytum
 Amica nutrix luctuosus
 Fraudibus eripuit parentis.

Sæuis Atrides cùm manibus cadens
 Regale tabo spargeret atrium,
 Cùmque vxor atrox corda figens
 Dardaniæ generosa vatis

Albente ferro, protinus hanc sequi
 Manes iuberet cæsi Agamemnonis
 Ad tartara horrentesque sylvas,
 Quas Acheron sinuosus ambit.

Num lachrimosa filia in Aulide
 Maculata dulci tam procul à domo,
 Accendit in cædem feroces
 Sanguineæ genitricis iras?

An vero inerti subditam adultero
 Lasciuus ardor compulit in scelus?
 Summum omnium certè malorum est
 Coniugibus teneris libido,

Nec vultus illam callidus obtegit
 Arcetue linguæ vulnera noxiæ.
 Quis nescit insanas per vrbes
 Probra vagis volitare pennis?

Non aula diues comprimit inuidos
 Plebis susurros, sed populus iacens

Imùmque

Imūmque vulgus clam beatos
Ore fremens lacerat cruento.

Dux ergo Achiuū fatifero die
Spartano inermis procubuit solo,
Pestēque Cassandræ decentis
Attulit innocuæ iuuentæ.

Nec iuuit illum flamma penatibus
Iniecta Teucris, nec Priami domus
Vexata, sædataque Graiis
Deliciæ Phrygiæ rapinis.

Post funus autem principis illius
Tenella proles ad Strophium est senem
Profecta, conuallis tyrannum
Phocæicæ Pyladisque patrem.

Labente vero tempore martius
Fidens Orestes viribus, asperæ
Parentis Egystique segnis
Morte pium sceleravit ense.

Verū, ô sodales, me triplicis viæ
Abduxit errans semita, cū prius
Incederem recta decori
Per medios Thrasidæi honores.

Me sicut olim nauigium leue
Procella stridens in latus impulit,
Cursūque dimotum secundo,
In grauidos tulit vnda fluctus.

Quare alta Cleio si pretium tibi
Persuasit ingens, Aonia vt lyræ
Argenteam vocem locares,
Omnia iam quate fila plectro.

Nunc filium acrem, nunc celebrans patrem

P I N D A R I

Iucunda quorum gloria fulgurat:
 Hæc stirps virum victrice rheda
 Sæpè in Olympiacas arenas

Excurrit ardens, pugnaque nobilis
 pisæa quondam vestiit igneo
 Fulgore gentem concitatos
 Quadrupedes agitare fortem.

Nec Pythia illi laurea defuit,
 Nam multi alumni palmifera domus
 Vicere Delphis inquietis
 Passibus Argolicas cohortes.

Negata tantum sceptrā merentibus.

» Sed pulchra quæ sunt, nec nimis ardua,

» Optare tutum: cumque magnis

» In populus moderata durent,

» Sola & bonorum temperies data

» Parcente fato munera porrigat

» Longos in annos: non superbis

» Inuideo diadema regnis,

» Contentus æqua sorte potentia

» Ciuilis: & si non caret hostibus

» Communis omni cultor, actis

» Alta petens, meritisque magnus,

» Et insolentis imperij fugax:

» Sed pulchra mors hunc claraque funera

» Saltem efferunt, nec talis ingens

» Fama viri tegitur sepulchro.

» Verum illa totum funditur in genus

» Iam luce cassi, præque alia domus

» Gazæ enitet, congesta & auri

» Exuperat pretio talenta.

Hæc

Hæc vna Iphicli progeniem plagas
 Differt per omnes cantibus & modus:
 Hæc Castorem commendat orbi
 Castibus indomitum cruentis:
 Fratremque gyris mobilem equëstribus,
 Vtrumque summo cælicolũ fatu
 Prognatum, & alternis colentem
 Æthera frugiferasque terras.

ODE DVODECIMA, MIDÆ

AGRIGENTINO AVLETÆ:

Quæ incipit,

Αἰπὼ σε φιλάγλαε, καλλίστα βεστιάων πλείων.

Eodem numero quo apud Horatium,
 Inclusam Danaen turris ahænea.



E fulgens Agragas vrbs decus vr-
 bium

Quasunque orbis habet, Perse-
 phonæ domus,

Te regina Hecate mœnia possi-
 dens

Vndis assita deprecor:

Vt latis hominum cœtibus & deũ

Sumas æquanimis munera laurea

Claro parta Midæ, numine & obuiò

Fœlicem excipias virum.

Ad cuius numeros multifores cauis

Emissos calamis, æmula fistula

Graiorum obtinuit, fistula quam citi

Tritonis reperit dea,
 Pallentes imitans Gorgonas ad latus
 Medusæ, querulo carmine stridulas,
 Miscentésque sonos emorientibus
 Serpentum vndique sibilis,
 Circum seminecis tempora virginis,
 Harpes anxifero vulnere sancie.
 Illo tempore quo tertia corrui
 Phorcynis valida manu
 Hostis pennigeri, saxifica vt lues
 Duratos Seriphi perderet incolas.
 Namque alatus eques quem Danae edidit
 Nimbis aurifluis grauis,
 Aut vita aut oculis Gorgonas exiit,
 Captivæ tumido matris adultero
 Mutavit rigido gaudia funeri,
 Inter regificas dapes,
 Altricem asseruit vindicæ dextera
 Abductam domini lecto inamabili
 Postquam Heros fluido sanguine, & anguibus
 Fædum corripuit caput.
 Ac vix aurigenæ fratris ab artubus
 Pestem depulerat bellipotens soror,
 Cùm cannas secuit proinus, & truci
 Implevit dea spiritu.
 Vt planctum Euryalæ tristis & asperum
 Clangorem horribilis cum crepiu genæ
 Agresti calamo fingeret, artifex
 Commentis celebris nouis.
 Inter quæ orta recens fistula transiit
 Ad gentes dociles, dictæque plurimum

*Concentus capitum quòd variis parem
Stridorem colubris daret.*

*Turbis illa loquax in popularibus,
Virtutumque memor, magnanimùm & virùm
Vocem docta per æs mittere splendidam,
Et iunctas per arundines.*

*Quæ iuxta Orchomeni mœnia gratiis
Sacrata, & numeris vsque sonantia
Cephiſi resident fluminis aluco,
Et dulces superant aquas,*

*Testes virgineis cantibus & choris.
Has nuper roſeo cùm tereres labro
Frangi chare Mida nil nocuit tibi,
Nec caſus decus abſtulit.*

*Nil fauſtum ambiguis abſque periculis
Mortales hilarat : ſi quem hodie ſinu
Amplexuque ſuo ſors bona reppulit,
Cras lætum excipiet libens.*

*Fati nemo fugit ferrea vincula :
Tempus ſæpè fauens dat bona languidis
Deſperata animis, ſæpè aliorapit
Expectata niger dies.*

Finis Pythiorum.

M



ARGVMENTA ODARVM
QVÆ SVNT IN PY-
thiis Pindari.

Argumentum Primæ,



ELQ N & Hieron fratres belli & pacis arti-
bus egregij Siculi ambo (vt narrat Hero-
dorus) in Polyhymnia, primū in Sicilia, ex-
pulsis Hippocratis tyranni liberis Gelam
oppidum occuparunt, postea verò dum se
Gamorros Syracusanos ab exilio in ciuitatem reducere
simulant, potestati & ditioni suæ Syracusas ipsas subie-
cēre, ac successu tēporis cū magnā vbiq̃ue virtutis bel-
licæ opinionem haberent, vniuersā Siciliæ longē latēque
imperarunt, sed plus aliquāto Herodotus Geloni tribuit
quā Hieroni: atq; is tamen fratre defuncto ditissimē &
potentissimæ insulæ imperiū retinuit, nouāmq; in Sicilia
urbem condidit Ætnæ monti propinquam & cognomi-
nem, à qua etiam cū Pythia vicisset, publica præconis
voce Ætnæus denominatus est. Huius præstantissimi du-
cis res memorabiles, & pugnas ab eo etiam ægrotante
fortiter pugnatas Pindarus hęc carmine exornat, ac præ-
cipuē illius insignis prælij meminit, quo Amilcar Cartha-
ginienſium rex magnis Phœnicum, Hispanorum, Afro-
rum & Italarum copiis in Siciliam inuectus, ab Hiero-
ne & Gelone fusus & occisus est: eo ipſo die quo Græci
prope insulam Salaminem aduersus Persas nauali prælio
fœliciter confligere.

Argumentum

Argumentum Secundæ.

Hoc secundo carmine Pindarus eiusdem Hieronis regis laudes persequitur, eumque ideo præcipuè cōmendat, quòd à Locrorum Epizephyriorum ciuitate libera & optimè morata, Anaxilæ & Cleophrontis tyrannorum conatus repulerit: cuius singularis beneficii memores Locrenses virgines Hieronis virtutem assiduè cantibus suis celebrabant, atque inde occasione sumpta poëta in peruersos ingratorum hominum mores inuehitur, Ixionisque viri omnium ingratislimi supplicium graue commemorat: sub finem autem carminis inuidos omnes & præcipuè Archilochum poëtam æmulum & maledicum acriter insectatur.

Argumentum Tertiæ.

Rex Hiero cùm omnibus fortunæ bonis abundaret, aduersa valetudine erat, magnisque corporis doloribus, & præcipuè calculo, torquebatur: illum admonet Pindarus his versibus ut humanæ conditionis memor ægritudinem forti animo ferat, seque in illis corporis angoribus regem quidem, sed non immortalem, neque mœroris & tristitiæ immunem esse cogitet.

Argumentum Quartæ.

ARCHESILAUS Cyrenarum rex temporibus illis quibus Pindarus floruit intestinis seditionibus exagitatus est, tandèmq; superior factus quosdam ex iis qui aduersum se arma tulerant supplicio affecit, alios exulare iussit, inter quos & Demophilus ciuitate expulsus in Bœotiã ad Pindarum profugisse dicitur, illumque obnixè orasse, ut carminibus suis (quorum studio & amore Archesilaus tenebatur) regis iracundiam lenire, sibi que in patriam reditum impetrare conaretur. Ut igitur Pindarus hac in

re amico morem gereret, & Archefilaum laudibus delin-
tum placabiliorem Demophilo redderet, originem re-
giæ stirpis sibi à veteri quadam memoria & historia re-
petendam existimauit. Hæc autem eiusmodi est: Iason
Pelix iussu Colchos aduectus, celebratum illud & à poë-
tis decantatum aureum vellus abstulit, tandemque in
Græciam reuertens ad Africæ littora, atque ad eum ipsum
locum appulisse traditur, in quo longo post tempore Cy-
renæ cōstructæ sunt, multis illius sæculi heroibus Thef-
salum ducem comitantibus, & in primis Euphemo Spar-
tano: cui quidem è Libya decedenti Triton Deus mari-
nus sibi herois Eurypyli speciem vultumque assumens,
glebam Libycæ terræ muneris loco obtulit, vt eo quasi
pignore accepto hospes sobolem suam aliquando in Li-
bya regnaturam intelligeret. Postea Iason atque Euphe-
mus è Libya in insulam Theram delati sunt, è Thera in
Lemnum vsque peruenere, vbi Euphemus ex Malacha
muliere nobili Leucophanem filium suscepit, cuius po-
steri in Laconiam regionem auitam profecti sunt, ex qua
per seditionem expulsi Theræ insulæ dominatum ali-
quandiu obtinuerunt: atque in ea ex vetustissimo Euphemi
genere Battus ortus est, qui ab oraculo Pythio admoni-
tus, ex Thera in Africam migravit, in qua eum Strabo so-
lo admodum fertili & fœcundo Cyrenarum ciuitatem
condidisse testatur. Cyrenis autem tempore Pindari Ar-
chefilaus rex à Batto principe octauus imperabat. Non
ergo frustra Pindarus huic carmini Iasonis Euphemiq;
res gestas inseruit, & integra penè Argonautica conte-
xit: vt ea ratione Archefilai regis originem clariorem &
illustriorem redderet, quem extremis versibus tandem
obtestatur, vt Demophilum virum fortem, eruditum &
sapientem in patriam reuocet, & in pristinum dignitatis
gradum restituat.

Argumentum Quintæ.

Ex superiori Ode huius etiam Quintæ argumentum
intelligi

intelligi potest: nam Pindarus in eiusdem Archefilai principis laudatione, & Battiadum nobilitatis commemoratione versatur, sed hoc carmen magis quàm superius ad victoriam Pythiam pertinet, quam Archefilaus rex absens per Arrotum armigerum obtinuit. Itaque illum ipsum Arrotum merito poëta vt difficilis & illustis victoriæ authorem celebrat.

Argumentum Sextæ.

Hic Pindarus Xenocratem Agrigentinum & Xenocratis filium Trasylbulum laudat, qui parētis vicem sustinens, illi absenti victoriam Pythiam peperit, nec quicquam in hac Ode illustrius est antiqua virtute Antilochi, quem poëta vt patrē Nestorem seruaret, in bello Troiano fortiter occubuisse scribunt.

Argumentum Septimæ.

Hæc Ode in laudem Megacリス Atheniensis scripta est, nec quidquam obscuritatis continet.

Argumentum Octauæ.

Quo tempore Aristomenes Ægina victoriam in ludis Pythiis assequutus est, Ægina insula ciuilibus discordiis bellisque æstuabat. Itaque initio huius carminis Pindarus pacis & otij commoda multa enumerat: postea verò stylum, vt solet, ad victoris encomium conuertit: sub finem autem humanum genus superbum atque arrogans conditionis suæ & imbecillitatis admonet.

Argumentum Nonæ.

TELESICRATES qui hic celebratur nactus erat patriam Cyrenam, & quoniam in Græcorum ludis non

solum victores ipsi, sed etiam victorum ciuitates honore affici consueuerant, Cyrenes nymphę venatricis (à qua vrbi nomen impositum) poëta hoc loco vitam, mores & egregia facta commemorat, nec ardentem Phœbi amorem in illam præterit, cuius fabulę suauitate carmini suo aspersa, ad victoris encomium redit, eumque ab Alexidamo regis Antęi genero originem duxisse testatur.

Argumentum Decimæ.

SCRIPTUM est hoc carmen in laudem Hippocleę pueri Thessali cursoris, sed præter illius laudem Hyperboreorum mores à Pomponio Mela traditos, & Persei fabulam, & alia quædam non iniucunda continet: nonnulla etiam ad vitę humanę vsum valdè vtilia completitur.

Argumentum Vndecimæ.

HÆC Ode scripta est Thrasydæo Thebano cursori, nec tota in ornando victore posita est, sed Clytemnestrę reginę tragicam vituperationem habet, quę marito Agamemnone occiso. filium Orestem ad necessariam patris vltionem compulit, tandēque ipsa cum Ægysto adultero iustissimas pœnas ferocię & crudelitatis persoluit.

Argumentum Duodecimæ.

HÆC Ode celebratur Midas Agrigentinus Auletes, qui cū fistula in Pythiis ludis æmulos vicisset, occasionem Pindaro præbuit fusiùs explicandi qua ratione Pallas fistulam calamosque prima inuenerit, vt gemitum Gorgonum in funere sororis Medusę exprimeret, & sibila serpentum simul cum Medusa morientium imitaretur.

F I N I S.



ALIQUOT ALIA
EIVSDEM SVDORII
Carmina.

AD AVGVSTISSIMAM
FRANCIÆ REGINAM, DE NA-
tiuitate filiæ Catholici Hispa-
niarum Regis.

NOT Regum patriæque Parens, lætissi-
ma fama
Natalem Hesperia neptis tibi nuncias
horam,
Fortis aui & patris, quæ mutua fæde-
ra sancit

Exoriens, firmæque addit noua vincula paci.
Forsan & hæc olim non otia lenta sequetur
Fœmina, nec molles tractabit pollice lanas,
Sed leges & iura dabit, populósque verenda
Maiestate reget, rerúmque tenebit habenas.
Exemplo Regina tuo, quanquam audiit orbis
Iampridem quid fœmineis Hispania pugna
Debeat imperiis, Maurósque ut fuderit hostes
Regina armipotens nostrorum tempore auorum,
Utque viro comes insignem galeata triumphum

Duxerit, illa autem lex iniustissima, si quæ
Inferuire bonis prohibet communibus omnes
Mortales, sexusque in eo discrimina ponit
Immerito. nam cur catulos & lustra læna
Defendat, maribusque animis interrita pugnent,
Cætera quæ charos edunt animalia fœtus,
Fœmina perpetuo studiis ignobilis otii
Intenta, & calathis lanisque addicta quiescat?
Præcipuè si qua est præscorum sanguine Regum
Edita, & experiens & rebus nata gerendis,
Qualem te nobis hæc aurea protulit ætas,
Atque tuam ostendent venientia sæcula neptem.

A D R E G I N A M
HISPANIARVM.

QVÆ Gallis Isabella tuos coniungis Iberos,
Optato frueris salua puerperio,
Coniugisque tui fœlix atque aurea proles,
Causa nouæ est nobis publica latitiæ.
Nec minus hæc ambas demulcent gaudia gentes,
Quòd tibi non fortem fata dedere marem,
Bella mares Martemque cient, at fœmina nata
Pacis & æterni fœderis omen habet.

D E O B I T V I O A N N I S
BORBONII, DVCIS ANGVIANI,
qui in prælio Quintiniano pro patria
fortiter dimicans occubuit.

Ex libro Elegiarum.

Vmbra

Vmbra loquitur.

NOTA nimis Gallis Quintini ad mœnia clades
 Accepta, & cædes tot miseranda virum,
 Quis ductorque fui, & longè fortissimus author
 Corpore vt obiecto protegerent patriam.
 Nec tamen hic animus iucundi prodigus æui,
 Nec mouit tristes forma decora deas:
 Nec genus antiquo Francorum è sanguine Regum,
 Nec vota heu tristis anxia Borbonie,
 Quam mihi coniunctam à thalamo tedâque recentî
 Misit ad exequias fors inimica meas.
 Certè dignus eram quem post tot fortia facta,
 Tot casos hostes, raptâque signa ducum
 Flandrorum, è media tandem Venus ipsa phalange
 Sublimem eripiens, nube caua tegeret,
 Moxque insperanti saluum monstraret amicæ,
 Fragranti & fessum poneret in thalamo.
 Sic diua hæc olim Troiæ sub mœnibus altis
 Dicitur Atridis eripuisse Parim.
 At me magnanimum Assaraci Priamique nepotem
 Nulla dea à mortis limine restituit:
 Magna tamen nostros solantur gaudia manes,
 Quod socia illa mei sanguinis, illa thori.
 Non semper viduum seruauit sola cubile,
 Languida nec mæsto tabuit in thalamo:
 Sed dignum sortita virum est florentibus annis,
 Cui pingit teneras prima iuuenta genas.
 At si, quod nolim, Francorum tempora mittent
 Hunc etiam ad pugnas, & graue Martis opus,
 Opto quidem vt simili mecum celebretur honore,
 Sed iuuenem melius seruet amica Venus:

Nec sinat huic alio lædi præcordia telo,
Quàm quod amor dulci tingit amaritie.

EPITAPHIVM ERATINÆ
PVELLÆ, QUÆ AMANTIS VNIVS
desiderio, & alterius tædio extincta est.

GESTAT amor binas pharetra victrice sagittas,
Hæc desiderium pellit, & illa parit.
Hæc in virginibus fastidia gignit amantum,
Illa iuuat cupidos conciliatque viros.
Alterutram tantùm donec Eratina puella
Experta est, vixit mille petita procis:
Vt rosa purpureis quæ florida vernat in hortis,
Raptorumque avidas prouocat ipsa manus,
Sed postquam geminos sensit crudeliter ictus,
Extincta est duplici casta puella malo.

EPITAPHIVM ANNÆ MOM-
MORANTII FRANCIAE
Connestabilis.

HENRICVS Regū decus, & mauortius Annæ
Exegere suæ fœlicia tempora vitæ
Vnanimis: atque vt cœlum qui sustinet Atlas
Sæpè onus Alcidaë lassæ ceruice relinquit,
Sic horum alternis vignit res Gallica curis
Nixa diu: viguere artes, & publica iura.
His populum antiqua sub religione tueri
Par syluium fuit, & ritus seruare vetustos.
Nec modò transactum est votis communibus æuum,
Sed fuit


*Sed fuit & similis quædam concordia fati :
 Nam postquam externo voluere occumbere bello
 Sæpius, & Francis patriæque impendere vitam ;
 Heu gemini Heroes dextra periere suorum,
 Hic hasta, ille caput crudeli saucius ense.*

DE CÆSARE CATONEM
 persequente.

POST tot deuictos homines, orbémque subactum,
*Quid tibi libertas vna Catonis obest,
 Caesar atrox? num te viuentis gloria lædit?
 Fortè & defuncti non minus vret honor.*

Errata sic corrigito.

- Folio 16. pag. 1. versu 19. lege, animam exhalasse.
 F. 17. pag. 1. versu 13. Ducúmque nati, fertilis Africa.
 Ead. pag. vers. 25. lege, Matrémque ditis.
 F. 20. pag. 2. ver. 4. horrens, arte.
 F. 21. pag. 2. ver. 8. locuples, spoliatus.
 F. 22. pag. 1. ver. 14. pacti consilium duces.
 F. 23. pag. 1. ver. 11. lege, Sed vota.
 F. 24. pag. 1. ver. 10. placito duci.
 Ead. pag. versu penultimo, vnus.
 F. 33. pag. 2. ver. 4. Isthmiam.
 Ead. pag. ad extremum, adde istum versiculum,
 Alcmanis pius hæc præmonuit parens.
 F. 42. p. 1. ver. 3. Cursori.
 F. 44. pag. 2. ver. 19. lecto inamabili.



Nemea Pindari

LATINO CARMINE

REDDITA

PER

NICOLAVM SVBORIVM
Inquisitionum Praesidem.




LVTETIÆ.

*Ex Officina Federici Morelli
Typographi Regij.*

1582.

CVM PRIVILEGIO.





NICOLAI SVDORII

PRÆFATIO IN NEMEA

Pindari, ad amplissimum virum Philippum Huraltum Chiuernium Galliarum Procancellarium.



V V M Plinius in libris naturalis historiæ conqueritur, Vir amplissime, prouentum agrorum suo tempore minimè vbertati superiorum ætatum respondere: tantam tamque insignem mutationem non exhaustæ

& quasi effœtæ soli naturæ, sed cultorum socordia & negligentia imputat. Sic etiam, si quis diligentius inquirat, cur nostri temporis homines ab illa decantata & celebrata veterum virorum excellentia longissimè absint, intelliget tandem non vim ingeniorum vetustate & quodam temporum senio defecisse aut elâguisse: sed disciplinam & institutionem iuventutis, quam Græci παιδείαν

appellant, claritudinis & perfectionis omnis originem fontemque esse: quo præciso vel auerso virtutem ipsam in hominibus paulatim exarescere & aboleri necesse sit. Quemadmodum enim ait Poeta,

*Fortes creantur fortibus et bonis.
Doctrina sed vim promouet insitam,
Relique cultus pectora roborant:
Vtunque defecere mores,
Dedecorant bene nata culpa.*

Ac mihi quidem multarum nationum studia & instituta consideranti plurimæ ex illis, vt Germani, Scythæ, Sarmatæ, & Galli antiqui, omnia in vnus corporis firmitate & robore constituisse videntur, & à disciplinis liberalibus, artibus & scientiis penitus abhorruisse. Ideoque factum est vt incultis eorum & inexercitatis animis nihil nisi barbarum, rude & agreste inesset. Quumque olim populi huiusmodi in diuersas regiones & terras magnos & bellicosos impetus facerent, numquam tamen nationum à se victarum imperium retinere poterant, his scilicet auxiliis destituti, eaque arte & solertia carentes, qua victæ gentes victricibus conciliari solent, & abiecta rebel- lendi cupidine otij & securitatis illecebris capi & deliniri. Posteriores autem Græci, quum ingeniis & eloquentia quàm armis præstare mallent, & dulcedine pacis emolliti bellorum laboré ærum- nâsque refugerent & auersarentur: tandem liber- tatem antiquam cum vitæ deliciis & tranquillitate permutarunt: ac facilè à Romanis domiti eo-

rum iussis & legibus non inuiti paruêre . Sola antiqua Græcia,quam virtus Romana imitata est, eam disciplinam eaque instituta coluit, quibus & domi libertas retineri, & foris imperium quæri solet. Nam quû homo ex corpore & animo compositus sit, numquam Græci antiqui aut corporibus agitandis & corroborâdis nimiùm dediti, ingeniorum cultum abiecerunt, aut in capeffendis artibus & scientiis penitus occupati corporum exercitia neglexêre. Itaque scribit Plato in Alcibiade primo, Græcos olim adolescentes, qui ingenuè & liberaliter instituerentur, tria in gymnasiis discere consueuisse, τὰ γράμματα, κιθαρίζειν, ἢ παλαίειν, hoc est literas, citharæ pulsandæ artem, & & palestram. Alibi autem, in lib. de Repub. πῶς δ' εἶαν Græcorum, quemadmodum & Aristotel. in duas tantû partes diuidit, μουσικὴν ἢ γυμναστικὴν. Sub Musica antiqui nō tantû harmoniam & sonos, sed Poeticam, Rhetoricam, historiarum cognitionē, mathematicas quasdam artes, atque, vt vno verbo absoluiam, omnia Apollinis & Musarum præclara inuenta comprehendebant. Gymnastica autem & luctam & pancratium & cursum & saltum & iaculationem & disci in sublime iactationē complectebatur. Quæ quidem exercitia omnia veteres Græci non animi & delectationis causa, sed in castrorum & militiæ vsum suscipiebant. Nam primum lucta illis proderat, vt in præliis hostem cōprehensum ad terram affligere, ipsique prostrati tutiùs cadere & celeriùs resurgere discerent. Pancratio & cestibus ad vulnera & plagas corpora

eorum indurabatur, & acerrimis doloribus per-
 ferendis assuescebant. Iam cursus & saltus & om-
 nis iaculationis vtilitatem in præliis nemo igno-
 rat, ut milites & fugientem hostem insequi, & val-
 lum fossasque transilire, & scienter e minus tela vi-
 brare possint. Quos omnes labores quum diu
 Græci in gymnasiis nudi sustinuerant, postea in
 bello thorace ferreo circumdati sibi ipsis inutiles
 & insuperabiles videbantur, vimque &
 ictus hostium omnes facile contemnebant. Nec
 verò hoc loco omittendi sunt ἀγῶνες ἰππικοὶ, siue
 equestria certamina in quibus equi generosissimi
 dexteritate summa, sine conflictu tamen, & sine
 ullo vitæ periculo agitabantur. Sed mirabitur
 fortasse quispiam, cur in recensendis veterum
 Græcorum exercitiis ὀπλομαχία, id est ars gladi-
 atoria à nobis prætermissa sit: quum præsertim illa
 vna apud omnes ferè populos hodie frequente-
 tur, & sola iusti certaminis pugnaeque legitimæ
 adumbratam quandam imaginem habeat. Nos
 verò artificium illud certandi armis pugnatoriis
 in Græcia olim neglectum fuisse ab adolescenti-
 bus ingenuis affirmare possumus, priscorum au-
 thorum claris apertisque testimoniis adducti. Et
 enim Plato in dialogo de fortitudine sic Lache-
 tem de ea re differentem inducit, εἴπῃ ἢ τὸ τοῦ τῶ ὀπλι-
 πκόν, μάθημα ἐκ ἀν κέληθε Λακεδαιμονίους, οἷς ἐδὲν ἄλλο μέ-
 λει ἐν τῷ βίῳ, ἢ ὅτι ἀν μαθόντες πλεονεκτεῖν τῶν ἄλλων περὶ
 τὸν πόλεμον. νῦν δὲ ὁρῶ τέττας τὺς ἐν ὀπλοῖς μαχομένους Λακε-
 δαίμονας ἢ κηρύττειν εἶναι ἄβατον ἱερὸν, καὶ ἐδὲ ἀκρῶ περὶ ὀπ-
 βαίνοντας. Si ars gladiatoria vsum aliquem in armis
 haberet

haberet, nunquam id fugisset Lacedæmonios, qui nihil aliud in tota vita agunt, nisi ut ceteros omnes belladi peritia & artificio superent. Nūc verò videmus omnes istos gladiatores, qui pugnatoriis armis vtuntur, ne extremis quidem pedibus audere Lacedæmonem attingere: quòd urbem illam sibi quasi adytum quoddam & sacrarium inaccessum existiment. Anacharsis autem apud Lucianū de Athenis altero Græciæ lumine loquens, sic ait, *πῶς ἔστιν ὑμῖν ὃ Σόλων τὸ γυμνάσιον τὸ ἐν τοῖς ὀπλοῖς; ἢ γὰρ εἶδον ἔγωγε ἐν τῇ πόλει πῶς τιν ἕδεν, ἀπασαν αὐτὴν ἐν κύκλῳ περιελθών.* vbi situs est apud vos, ô Solon, ludus gladiatorius? neque enim Athenis quicquam huiusmodi animaduerti, quanuis totam urbem circumiens sæpius lustrauerim. Quibus ex locis faciliè deprehenditur à veteribus Græcis gladiatoriam artem penitus reiectam & explosam fuisse. Atque huius instituti rationes plurimæ in veteribus libris reperiuntur. Primū enim, quemadmodum Plato ait, Lacedæmonij cæteriꝫ populi in Græcia bellicosi nullam illam scientiā esse arbitrabantur, sed vānum tātummodò & inutile artis & experientiæ cuiusdam simulacrum. Idque apud eūdem Platonem Laches Stazilei nobilis & famosi gladiatoris exemplo ostendit. Is omnium armorum scientiam & præcipuè tractandæ securis peritiam profitebatur, ac publicè glorians ostentabat. Fortè accidit ut à quodam nauium duce ad maritimū bellum educeretur. Quumque se illis nauigantibus in cursu oneraria hostium nauis obtulisset, prædam illicò Athenienses rati, illam pro-

tinus remis velisque insequuti, & tandem assequuti sunt. Ibi contrà quàm Dux Atheniensis existimarat, acerrima pugna exorta, seque hostibus strenuè defendentibus, Stazileus, quanquam, ut in re improuisa, satis attonitus, tamen ne commilitonibus artis suæ obtrectandæ occasionem præberet, securim expedire & in aduersos hostes artificiosè vibrare cœpit. At illa vehementiùs à gladiatore in nauis hostilis tabulata impulsâ sic penitus adhæsit & affixa est, ut nullis postea viribus, nullo conatu inde extrahi posset. Quod quum hostes animaduertissent, Stazileum pudore & periculi metu perfusum, atque in bipenni recipienda frustra laborantem, saxis lapidibusque ferire & obruere cœperunt. Statimque oneraria nauis Atheniensium triremem incitato remigio præteruecta est. Et quum securis adhuc tergo hostilis nauis penitus affixa penderet, Stazileus derisus ab omnibus & antiqua fortitudinis laude amissa euiluit. Ita ferè, ut diximus, hæc à Platone seu fabula seu historia narrata est, & gladiatorum siue lusus siue ars siue experientia facetè derisa. Præterea Græci fortitudinem ciuium non in singulari certamine constituebant, in quo sæpe viri fortes & reipub. valdè vtilis, ab ignavis tyronibus conficiuntur, sed virtutē ea animi magnitudine, eaque constantia & arte æstimabāt, quam vnusquisque in præliis toto inspectante exercitu ostendisset: quia hac maximè ratione & ciuitatis termini proferuntur, & salua inhabitantium libertate ciuitas ipsa copiis, opibus, imperio & potentia augetur.

At

At quum iam cornua cecinêre, & ordines à militibus seruandi sunt, nemo, opinor, ignorat nullum umbratili illi gladiatorum artificio locum relinqui: sed ab vniuersis simul quasi vno totius exercitus robore & contentione pugnari. Quod si quis hoplomachiae peritiam ad priuatas rixas obeundas sibi non inutilem, sed valde necessariam videri ait: næ is non imprudenter rem totam inueterata quadam huius sæculi consuetudine metitur atque æstimat. Sed legistatores Græci imprimis operam dabant, ne rixæ inter ciues exorirentur, aut, si exortæ essent, vt iure potius & ciuili disceptatione, quàm ferro, dirimerentur. Cùmque illud ab Homero verissimè traditum scirent, αὐτὶς ἐφέλκεται ἄνδρα σίδερος: hoc est, in sæuam rapimur cædem præsentibus armis: & concitados hominum impetus nimia gladiatorum licentia exasperari cernerent, apud illos grauissimis pœnis & suppliciis additis vetabatur, ne quis arma in publicum nisi magistratus iussu & reipub. causa efferret: quemadmodum hæc Solonis verba indicant apud Lucianum in dialogo, qui Anacharsis inscribitur, τὸ μὲν ὀπλοφορεῖν, καὶ ἀκινάκην περικεῖσθαι, περὶ τὸν ἐν εἰρήνῃ οἰόμεθα εἶναι, καὶ πρόσπιμόν γ' ὅτι ὅς τις ἐν ἄσσει σιδὴρ φορεῖ, καὶ δὲν δέον, ἢ ὅπλα ἐξενέσχοι εἰς τὸ δῆμόσον. Arma perpetuò circumferre, & acinace accinctos per urbem ambulare, nobis in pace inutile & superuacaneum videtur: pœnísque grauissimis mulctatur, qui palàm in ciuitate ensẽ gerit, aut nulla publica necessitate exigẽte ex ædibus arma commouet. Thucydides autem historiarum scriptor

illustris, & dux belli non ignobilis, in primo historiarum libro de eadem re differens, ita scribit: *πᾶσι ἢ ἑλλας πάλαι ἐσιθρεφόρει διὰ τὰς ἀρετὰς τε οἰκίτης, καὶ ἐκ ἀσφαλείς παρ' ἀλλήλους ἐφόδους, καὶ ξυνήσῃ τὴν δάσταν μεθ' ὅπλων ἐποίησαντο, ὥσπερ οἱ βάρβαροι. παρ' ὧσι δὲ ἀθηναῖοι τὴν τε σίθηρην κατέθεντο, καὶ ἀνειμένη τῇ διαίτῃ εἰς τὸ βυφερώτερον μετέστησαν.* Omnes olim Græci ensibus accincti erant, quia oppida immunita habitabant, & mutuis incursionibus ac latrociniiis assidue vexabantur: sicq; illi vitā omnē debebant in armis, quēadmodū & barbari. Primi omniū Athenienses ferrū deposuisse, & leniorē atq; humaniorē, quā anteā, vitæ cultū sumpsisse memorantur. Quibus ex verbis faciliè intelligitur olim Græcorum & barbarorum habitum vna ea re maximè separatū fuisse, quòd barbari gladios vbique circumferrent, Græci verò in vrbibus sine ferro pacati & palliati incederēt. Scio equidem plurimos hunc morem ridiculum & ineptum, vel potius mollem & effœminatum existimaturos. Nec verò nos hoc loco Sophistæ Phormionis amuli, quid factu optimum sit in re bellica disputamus: sed priscarum tantummodò gentium instituta, quāvis antiqua & vetustatis situ penè obliterata, narramus. Atque, vt ingenuè fatear, consuetudinem huiusmodi longè absurdiorē putarem, nisi ex historia didicissem viros eos, qui arma Diis penatibus consecrabant, & nunquam ea nisi aut peregrinationis aut belli causā promebant, olim sibi armis & victoriis suis vniuersum terrarum orbem aperuisse, tandēq; vetustissimum illud Persarum impe-

imperium magnis olim præliis fractum & debilitatum funditus euertisse. Quineriâ Romani ipsi gentium omnium victores, stante adhuc & florēte Republica, legem Iuliam religiosè obseruabāt, quę seuerissimè in illum animaduvertebat, qui pubes in publico cum telo fuisse arguebatur. Plura in eandem sentētiam scribi possent, & à nobis fortasse aliquādo vberius lex illa Iulia explicabitur. Sed iam sentio me Pindarico more in Græcorum instituta & consuetudines paulò liberius digressum & euagatum. Vt igitur è diuerticulo in viam redeam, certum est Græciam antiquam militaris gloriæ cupidissimam, vna arte gladiatoria excepta, omnia corporis exercitia nuper à nobis memorata studiosissimè vsurpasse. Quibus & alia non multum his dissimilia Pausanias addidit in libris Græcarum antiquitatum: quale est commētum illius, qui primus in theatrum Olympiæ prōdiit à capite ad calcem graui armatura tectus, & clypeū læua appensum gerens, vt armis ita oneratus stadium simplex duplexque decurreret. Atque hunc idem Pausanias refert faustis omnium acclamationibus exceptum, quòd tale inuentum bellici laboris longè grauissimi imaginem expressam habere videretur. Porro ne certamina & contentiones huiusmodi aut temporum iniuria aut iuuentutis ignauia exolescerent, in singulis paulò amplioribus Græciæ ciuitatibus certis statisque temporibus festi dies Deorum cultui & ceremoniis consecrati agebantur, eam præcipuè ob causam, vt qui eò conuenissent adolescen-

tes, publicis exercitiis & certaminibus obeundis roborā virēsque admirabiles ostentarent. Qui autem pugnando superiores euaserant in oculis ciuium, diuersis honoribus & præmiis donisque afficiebantur. Atque in his singularum ciuitatum stadiis Græci adoleſcētes veluti posito tyrocinio, postea exercitati in quatuor illa celeberrima prodibant vniuersæ Græciæ communia, Olympiacum scilicet, Pythium, Nemeacum & Isthmium. His autem singulis Iudices præsidere consueuerāt, βραβευταὶ vel ἐλλανοδίχα nuncupati: à quibus spectata singulorum virtute victores victorumque vrbes publicis coronis exornabātur: &, vt inquit Cicero, Olympionicē aut Pythionice in Græcia paulò minus erat, quàm Romæ triumphare. Quoniam tamen antiqui coronarum illarum, quas diximus, vt folia, sic decus & gloriam breui fluere & marcescere videbant, statuas autem multis casibus deiici aut deteri & absumi vetustate: idèò prudētes olim victores excellentium Poetarum ingenia sibi conciliabant, vt eorum carminibus hymnisque egregiis sempiternæ hominum memoriæ cōmendarētur. Talem olim Pindarus operam victoribus multis illustribus nauauit in Olympiis & Pythiis, quæ nos antea Latinitate donauimus. Nemea autem huiusmodi olim originem habuisse dicuntur. Quum Hypsipyle Lemni regina, maribus omnibus per totam insulam occisis, patrem suum Thōantem diu in arca conclusum seruasset, tandēque infausta filiæ pietas emanasset in vulgus: Lemnia-

des cæteræ grauitèr indignatæ & Thoantem in mare demergunt, & Reginâ Hypsipylem deposcunt ad supplicium. Quo illa audito fuga euadere conatur, sed sola timidè errans, à piratis littus explorantibus excepta est, & postea Lycurgo Argolicæ regionis Principi Iouisque sacerdoti vendita. Is captivæ pulchritudine & genere commotus Opheltem illi filium educandum tradidit. Iam enim illa ex Iasone Argonautarum duce geminos pepererat. Sub idem tempus fortè accidit, vt septem Argolici duces cū copiis ingentibus ad Thebas obsidendas proficiscerentur: quumque ardèntissimo sole per Nemeam regionem exercitus iter faceret, & fluuiis circum omnibus exsiccatis tota pænè agmina siti enectæ deficerent: celeriter duces antegressi, vt fluuium aliquem fontemve inuestigarent, Hypsipylem cum alumno obuiam habuere. Illa continuò re intellecta principibus Græcis ducem sese ad aquas fore pollicita est, & vt onere leuata celerius incederet, Opheltem puerum in gramine mollissimo incauta deposuit. Profecta nutrice alumnus herbam ludibundus premens florésque deosculans suauiter oblectabatur. Sed paulò post anguis è latebra exiliens puerum incustoditum morsu exanimauit. Quo nuntio ad Lycurgum perlato mœstissimus pater mortem filij indignissimè ferens, Hypsipylem nutricem de medio tollere cogitabat. Sed Argiui Duces beneficii accepti memores Regem meritò irascentem multis tandem precibus verbisque placauere: atque in Nemea regione eo ipso in lo-

co, vbi infans ictu serpētis occiderat, ludos fune-
bres instituerūt, qui tertio quoque anno in ho-
norē Opheltæ siue Archemori extincti omni cer-
taminum genere celebrarentur: vt patris dolorē
acerbissimum illo saltem immortalis honoris so-
latio aliqua ex parte mitigarent. Sic Nemea pri-
mū (vt accepimus) instituta sunt, quorū victo-
res à Pindaro in hoc libro numerosis hymnis &
carminibus extolluntur. Nos autem ea ipsa Lati-
nis versibus vtcunque explicata tibi potissimū
dedicāda censuimus, Vir amplissime, qui quidem
multorū errore neglecto humanitatis studia quasi
vana & inutilia deridentium, semper tibi ad ex-
cellentem ingenij iudiciiūque vim adiumenta do-
ctrinæ & eruditionis adiicienda existimasti: atque
hac veluti duplici anchora vtens, prudentissi-
mus gubernator, quamuis in summis tem-
porum nostrorum tempestatibus & flu-
ctibus, nauim tamen reipublicæ saluā
incolumēque præstas, præstabís-
que in posterum cum incredi-
bili quadam & immortali
nominis tui commen-
datione & gloria.

∞ ∞

§



NEMEA PINDARI
LATINO CARMINE RED-
DITA PER NICOLAVM
SVBORIVM Inquisitionum
Præsidem.

ODE PRIMA, CHROMIO
ÆT NÆO PRINCIPI CVRRV
VICTORIAM ADEPTO.

Quæ incipit,

Ἀμπνευμα Σεμνὸν Ἀλφεῦ.

Numero quo apud Horatium, Te maris &
terræ, numeróque carentis arenæ.



RTYGIA, Alphei requies, cla-
ris Syracusis

Addita pars, soror inclyta Deli,
Artemidis sedes, ex te iam pro-
deat hymnus

Dulce sonans, qui iacet equorū
Alipedum cursus rapidos similēs-
que procellæ,

Ætnæi recreans Iouis aures.

Me rota velocis Chromij Nemeæque corona

- Admonet, vt felicibus actis
 Principis impendam numeros & carmina vates:
 Vique decus virtutibus addam,
 Quarum debetur superis cælestis origo:
 „ Nam diuorum munere semper
 „ Gloria sublimes homines ad sydera tollit.
 Nunc concursus apta feroces
 Dicere Melpomene tenebris hanc exime terram,
 Quam stellantis rector Olympi
 Persephone dedit, & concusso vertice nutans,
 Vberibus flauescere iussit
 Messibus ante alias lætantes frugibus oras,
 Turrigerumque altis caput astris
 Inferere, amplexam gremio mille oppida lato:
 Gens vbi sumptus fulgurat armis
 Assidue, ferrumque minax, & prælia tractat:
 Sæpe etiam certamine victrix
 Pisæo implicitas foliis aurorque coronas
 Sicanius penetralibus affert.
 Multa alias cecini vera præconia voce:
 Nec citharæ modò fila mouere
 Displicet ante fores eius, qui celsa libenter
 Hospitibus sua tecta recludit,
 Mollis vbi me cæna manet, dilectaque sedes
 Conuiuas assueta frequentes
 Accipere externis venientes vndique ab oris,
 Inuidia indignante maligna.
 „ Vir bonus inuidiam domat, vt fluuiatibus vndis
 „ Iniectis perit igneus ardor.
 „ Non omnes ars vna iuuat, sed quilibet audax
 „ Natura duce pergere debet,

Atque

Atque iter indugredi rectum, seu robore fidat,
 Seu rem consilio gerat acri,
 Euentura videns animo. Tibi, victor, vtrumque
 Contigit, adiectæque potentes
 Diuitiæ, quas tu obscura fuge condere terra,
 Et proprios bona profer in vsus,
 Deinde aliis largire libens. sic fama paratur,
 Sic & copia rebus in arctus.
 Nam miseros inter mortales mobilis vsque
 Sors incertis passibus errat.
 Cùm Chromi-etàtémque tuam contemplor & acta
 Iam teneris ingentia in annis,
 Hercules inuicti virtutem animósque recordor,
 Pieriúsque animi furor ardet
 Dicere nata simul perfectæque robora magni.
 Alcida, si vera verustas.
 Fama est Alcidem simul Iphiclúmque gemello
 Enixu fugisse parencis / remisse
 Viscera, & ætherias cælissub auras.
 Sed fratrum generosior alter
 Falsiparens, mox est oculus signatus iniquis
 Iratæ Iunonis, ut aureas
 Ingressus cunas iacuit. Grauis ergo nouerca
 Fæmineo furiata dolore
 Immisit puerus geminos crudeliter angues,
 Quis ædes patuere reclusa.
 Atque hi continuò thalami in penetralia lapsi
 Cæruleus vincire parabant
 Nexibus infantes, rapidisque absumere malis.
 Sed rectum opposuit caput vnus,
 Et puer in primæ veniens discrimina pugnae

Ambabus manibus, velut arcta
 Forcipe, compressit tumidorum colla draconum;
 Sicque elisis faucibus ater
 Spiritus erumpens liuentia membra reliquit
 Vitali defecta calore.

Obstupuere nurus, quibus agra puerpera cura.
 Quin Alcmena cito pede mater

Nuda thoro exiliit, saevis ut pignora monstros
 Eriperet, pestique propinqua.

Nec non accurrere duces longo ordine Graii,
 Armorum fulgore micantes.

Amphitryo imprimis stricto celer affuit ense
 Tristitia confixus acuta.

20 Namque omnes sua damna gemunt, alienaque nullo
 20 Respiciunt incommoda luctu.

Ut verò elisos angues noua robora nati

Intuitus pater, atque retextum
 Rumorem, hic totis exhorruit artibus, anceps
 Laetitia mistoque timore.

Quare Tiresiam cunctis è vatibus vnum
 Rectiloquo fata ore canentem

Rex ad se vocat. Ast illi Danaúmque cateruis
 Mox sapiens edisserit augur,

Qui puerum expectent casus, quae monstra sit olim
 Et terra domiturus & vndis.

Quendam etiam obliquo gradientem calle tyrannum
 Herculeae iam destinat hasta.

Adiicit & diuos quandoque gigantibus altis
 Bellantes Phlegraea per arua,

Alcidae sibi iuncturos socialia tela,
 Quorum effusa grandine densi

*Titanes pereant, tellúsque infecta rubescat
Vulneribus sanieque suorum.*

*Tum canit heroi valido post mille labores,
Postque decus sudoribus emptum,
Otia poriendi & tranquilla gaudia vitæ,
Non vicibus mutanda nec annis.*

*Tum memorat quæ sit rerum miracula cælo
Visurus novus ætheris hospes:*

*Utque sit in sedes illi ducenda beatas,
Inque thorum formosa luuenta,*

*Postquam hilaris sponsus Iovis intra tecta recumbens
Se dapibus satiarit Olympi.*

ODE SECUNDA TIMODEMO

ATHENIENSI PANCRATIASTÆ.

Quæ incipit,

Ὁ δὲν πρὸς τοῦ ὀμνείδου.

Numero quo apud Horatium, Vides ut alta
stet niue candidum.



*T consuentes carmina Homeridæ
Exordiuntur ab Iove maximo;
Sic Atticus victor Nemæi
E spatiis Iovis atque Luco
Froudente honorum primitias tulit.
Quod si hunc parentū laudib⁹ amulū*

*Produxit ætas, rara ut esset
Gloria Palladii Athenis:
Illustre certè Timonoi genus*

N E M E A

Posthac frequenter deferet Isthmios
 In recta flores, Pythiásque
 Sæpe dabit Laribus coronas.
 Et vsque faustu palma penatibus
 Accedet, alto sicut in athere
 Sectatur Orion propinquo
 Sydere Pleiadas micantes.
 Diuisa nuper te Salamis nouum
 Sensit colonum, Victor, at hæc viros
 Nutrire fortes apta tellus,
 Hec tibi vii Phrygibusque maior
 Ostendit Ajax puluere Troïco,
 Cui palma duri Pancratij parem
 Te reddet attollétque in altum,
 Cecropidum, Timodeme, robur.
 Adhæc Acharnas, quæ tribus est tua,
 Quis non alumnas esse ferocium
 Nouit virorum? Quis ve in omni
 Puluere curriculôque nescit
 Semper tuorum præcipuum decus
 Regnasse? fortes nam Timodemida
 Olim quater Parnasso ab alto
 Egregias rapuere palmas.
 Corinthiorum iudicio virum
 Octo coronis implicitum caput
 Gessere: septenos honores
 E Nemea retulere opaca:
 plures athenis cum fieret Ioui
 Certamen intra mœnia Palladis.
 At tu vrbs sagaci sacra Diuæ
 Lata Iouem celebra ionantem,

Noménque

Nomenque ciuis nuper ab ðextera
 Ora reuerſi, non ſine laudibus
 Doniſque magnis. Ergo dulces
 Fundo viròque Deóque cantus.

ODE TERTIA ARISTOCLIDÆ
 ÆGINETÆ PANCRASTIÆ
 Quæ incipit,

Ω πόντια μῶσα μᾶτερ ἀμετέρη.



AMOENA nostri nobilis ingeni
 Alumna, nunc quum se Nemeas re-
 fert
 Sacérque mensis, liberalem
 Oenopiam pede tange fausto,

Asopias te namque ad aquas vocat

Vocalium grex Aonius virúm,
 Prædulcis hymnorum archuectus,
 Leta choro modò, diua, præsis.

Diuersa rerum copia multiplex

Exposcit inter cætera carmine
 Victoria exultante gaudet,
 Atque apio redimita virtus

Versus fideles diligit affeclas.

Tu larga eorum flumina pectore
 Effunde nostro, Musa quondam
 Nubifero sata patre Cælo:

Ordire & hymnum, quem sociem Lyrae

virúmque claris vocibus: ac meo
 Cantetur insigni labore

Vrbs mediis sita diues arvis,
 Pecuniosi Myrmidones vbi
 Sedere primùm. Myrmidonum genus
 Non turpat infamâtve segni
 Natus Aristomenus iuuenta:
 Nec ille sæuis Pancratij ictibus
 Fractus recessit, sed decus inclytum
 Salubre plagarum leuamen
 È Nemea retulit profunda.

Quòd si, decoris corporis artubus
 Facta exequutus splendida, contigit
 Sublime virtutum cacumen:

Non pelago licet ire vasto
 33 Vltra columnas Herculis arduas,
 90 Quas ille metam nauibus vltimam
 Defixit, & diuersa ponto
 Monstra manu domuit potenti.

Utque est recessus æquoris intimos
 Scrutatus heros, quatenus it ratis
 Rediitque: sic terrestris idem
 Signa viæ posuit suprema.

Cur, Musa, littus tendis ad exterum,
 Rectoque cursu pergere desinis?
 Non Herculem, quæso, sed acrem
 Eacon, Eacidæque cantæ,

Egina quorum patria nobilis.

33 Sermo ille, fortes laudibus affici
 33 Qui præcipit, de fonte iusti
 33 Perpetuo fluit atque manat.

33 Nec tu, merentes cùm celebras viros,
 33 Externa quæras nomina, sed domo

Assume

Assume dicendos honores
 Indigenas : prope te tuamque
 Est sæpe diues materia ad manum,
 Honore dulci quam Lyra garriat.
 Porro vetusti facta Pelei
 Læta & adhuc speciosa florent.
 Hastile Peleus sumpsit ab arbore
 Graue, & ferendū nulla alia manu:
 Solusque Iolci caput urbem
 Nulla equitum peditumque turba.
 Peleus amatam calitibus Thetim
 Arctis in vlnis implicuit ferox.
 Ast Ilion vastauit arcus
 Herculeos Telamon sequutus,
 Alcida & idem sub duce ferreis
 Telis coruscas strauit Amazonas:
 Nec vim viri repressit vnquam
 Exanimis glacies timoris.
 Natina iactant robora nobiles,
 Lucēntque auita sydere gloriæ:
 Qui verò quasitum labore
 Nomen habet, misera vel arte,
 Is sæpe peccans ambiguo gradu
 Vacillat anceps, magnaue deserit
 Incæpta, felicem petitis
 Nescius imposuisse finem.
 Huic multum Achilles dissimilis comam
 In colla flauam fusus adhuc puer
 Ingentibus prælusit ausis
 Phyllyridæ senioris hospes:
 Paruumque vibrans missile brachio

Fidente ventis acribus ocyus
 Transfixu immites Leones,
 Fulminoscque cecidit apros:
 Ac belluarum membra calentia
 Chironi anhelus gressibus attulit,
 Quum sexta tantum pusioni
 Impauido redisset aetas.
 Posthac ut aetas creuit, eum Dea
 Suspexit audax Pallas & Artemis,
 Dum rete neglecto plagisque
 Vique canum celerum relicta
 Cervos fugaces assequitur pedes,
 Prensosque acuta cuspide conficit.
 Sed antequam percurro Phthij
 Facta ducus, catus ille Chiron
 Dicendus, antri fornice qui sedens
 Praecepta fortis militiae dedit
 Nato Aesonis, natumque Phæbi
 Edocuit medicas per artes
 Tractare miti vulnera dextera.
 Idem marinam coniugio Thetim
 Deuinxit, enixaque fœtum
 Nutriit, exacuitque ad arma:
 Ut ille cani flatibus æquoris
 Delatus altam viseret Ilion,
 Et Dardanos mox irruentes
 Exciperet, Lyciasque turmas:
 Ut primus alis Æthiopum nigris
 Manus feroces armæque conferens
 Auerneret campis Eois
 Memnona Deiphobi propinquum,
 Victumque

Victumque terra sterneret hospita.

Factis ab illis lux oriens adhuc

Gentem Æaci fulgore vestit

Purpureo, bone Rex Deorum.

Virum ille sanguis nam tuus, & tuum

Certamen hoc est, quod decorat sonis

Concors iuventus, atque honorem

Cum fidibus patrium maritat.

Vox alta laudum conuenit arduo

Victori, & illi, quo tumet insula

Ægina alumno: quoque templum

Vrbis Apollineum superbit.

Quantum quis inter mille hominum greges

Excellat, usus experiens docet.

Hic ciuium primus, decoris

Cum pueris puer est, vir idem

Cætu in virili, cum senibus senex:

Ac sese in omnes lubricus induit

Mortalium formas, tribusque his

Dotibus adiicienda quarta:

Quod usque lucis præteritæ memor

Præsentis horæ lætitiâ rapit.

Amice, salue: en dona mellis

Mitto tibi niueique lactis.

Prædulce Naturæ hoc opus, hoc apis

Laboriosæ, roscidus & liquor

Vterque commixtus repleuit

Pocula Pieridum sororum,

Nec tu queraris, quod mea tardius

Inflata venis Dorica fistula:

Quænam ocior libratur ales

Præpete fulminea Tonantis?
 Hæc ipsa cælo sæpe moram trahit
 Incerta prædæ: mox ut ouilia
 Despexit indefensa, velox
 Dilaniat pedibus cruentis.
 Contrà loquaces gutture Gracculi
 Languente penna radere humum solent,
 Segnèsque pascuntur volucres,
 Opprobrium nemoris virentis.
 His nostra dispar Musa tuum caput
 Fulgere dicet, sydus ut aureum
 Asclepij Phæbea ab vrbe
 Et Megaris Nemeaque victor.

ODE QVARTA TIMASARCHO

ÆGINETÆ LVCTATORI:

Quæ incipit,

Ἀείσοις εὐφροσύνα πόνων χειρὶ μὲν ἰατρός.

Numero quo apud Horatium, Iam satis
 terris niuis atque diræ.

ARMEN ærumnis grauibz medetur,
 Ac modi Musa genitrice nati
 Vulnera & sæuos hominum dolores.
 Leniter vngunt.
 Non aquæ sic vis liquida, & tepescens
 Balneum athletæ recreat lacertos
 Ictibus fessos, uti vox loquuta

Cum

Cum fide dulci,

Lausque perdurans memores in annos.

Dicta nam viuunt animata factis

Longius, si quæ sacra lingua ab alto

Pectore duxit,

Suauiter & aspersit Charitum liquore.

Primus hic pulsus citharæ Tonantem

Et Timasarchum Nemeamque grato

Murmure tangat.

Nosque psallentes adamet probetque

Æaci tellus redimita ponto,

Lumen externis procul hospitali

Littore monstrans.

Quod si adhuc, victor generose, qui te

Edidit, Solis radiis caleret,

Sæpe discurrens vario sonantes

Pollice chordas,

Protinus nostræ numeris Thaliæ

Totus accliuus simili feriret

Barbiton plectro pater, inque fili

Iret honores.

Nec Cleonæas pateretur eius

Laureas æuo fugiente carpi:

Nec coronarum decus Atticarum

Aequore mergi:

Dona nec Thebis data septiportis.

Namque ubi claro tegitur sepulcro

Natus Iphicli, placida & repostus

Sede quiescit:

Hic libens te plebs hilarisque nimbo.

Obruit florum, Timasarche, dulcem

Propter Aginam, patriæ & tulisti

Munera ciuis

Gratus in cœtus veniens amicos,

Quando lustrasti socialis vrbis

Mœnia, & lata es spatiatulus aula

Herculis alti.

Quem ducem fortis Telamon sequutus

Ilium fertur populatus, atque

Corpore immanem manibûsque sænum

Alcyonea.

Sed prius terra satius ille bis sex

Contudit saxo feriente currus,

Bisq[ue] victores totidem tremendo

Perculit ictu:

Hectoris quauis comites Deûmque

Filij audaces steterant in armis.

Inscius belli, mea dicta tarda

Qui capit aure:

Qui ve miratur titubasse prima

Cæpta victoris, veterum vt virorum:

30 Magna patrant aliquid sinistri

30 Ferre necesse est.

Dicerem casus similesque pugnas

Fortis Alcida, sed enim grauis me

Dicta lex arctat, properans & hymnum

Hora reposcit.

Ac ratis quanquam mea iam relicto

Littore incedat medios per æstus:

Mens tamen festi sacra lata mensis

Tangere gestit.

Pindare, egressus fuge, deniósque

Tramites

Tramites vita; tua ne quis hostis
 Carmina occultè premat, viq̃ue multa
 Luce decorus

Æmuli supra caput ire possis,
 Qui, malum gestans oculis venenum,
 Versat infelix humiles in atro
 Pulvere curas.

At tibi quam vim dedit & canendi
 Gloriam Phæbus, dominânsque fatum,
 Astra firmabunt, veniênsque in ævum
 Sanciet ætas.

Musa quamprimùm digitis lyrâque
 Lydium blandè resonante in vsum
 Diuide Æginæ placitura verba,
 Grataque Cyprio.

Quam satus magno Telamone Teucer
 Rexit: At portum Salaminis Ajax:
 Insulam Euxini maris albicantem,
 Flauus Achilles:

Imperat Phthiæ Thetis aucta templis:
 Pyrrhus Epirum viridem tuetur,
 Pascui montes vbi celsa dorso
 Nubila pulsan.

Hincque Dodonam, maria inde tangunt,
 Pelij radix nemorosa montis
 Bellicis Pelei manibus subactam
 Vidit Iolcum,

Thessalæ & iunctam violenter oræ:
 Æaco postquam patre natus heros
 Crimen est stupri graue passus insons
 Indice falsa

Coniuge Acasti : neque fraus marito
 Defuit, qui mox in opaca syluæ
 Lustra deductum iuuenem cruentis

Tradidit vrsis:

Ni senex Chiron repulisset acres
 Belluas iniusti odij ministras,
 Quæque descendunt rutilante ab æthra
 Fata fugasset.

Posteà Peleus neque victus igni,
 Vngue nec saevo rapidi Leonis
 Territus, cùm se Thetis in figuras
 Mille nouaret.

Sed feræ morsus avidos coercens
 In suos artus vitream redegit
 Æquoris nympham, vir vti marinæ
 Naiadis esset.

Visaque est illi radiante luce
 Connubî sedes eboris rotunda,
 Qua Dij cæli & maris accubantes
 Dona dedere,

Vimque sponсорum generi futuro
 Vsq̃ue mansuram, armigerumque robur.

33 Sufficit nautis penitus remotas

33 Visere Gades:

33 Cæca nox vltra est, tenebræque densæ,

33 Quas licet nullus penetrare remis.

Clio, in Europam celeris reflecte
 Vela carinæ.

Nam quis exhaustos memoret labores
 Æaci natis, alacresque pugnæ
 Mille pugnatas? numerus canentem

Obruit

Obruit ingens

Me Theandridis, genus vnde ducis
Patrium, victor, Nemeæ, Corintho,
Elidi notis facilem dedere

Numina vatem.

Iure nam ternis stadiis Theandri
Sæpe luctata est soboles, nec vnquam
Fronde victrici spoliata vidit

Mæsta Penates.

Hinc virum quæ te dedit alma tellus
Cæteras sese super eminenti
Vertice attollit, resonâtque multa

Laude suorum.

Nec patris tantum celebris propago:
Sed si adhuc me vis Timasarche fratri
Matris inuictæ manibus columnam

Ponere rectam,

Quæ Paro excisos lapides nitore
Vincat: en dextra est operi parata,
Ignis excoctæ rutilum decorem

Adiicit auro.

» Hymnus exornans animosa facta, &

» Fortis athletæ iuuenile robur,

» Illius clarum genium supremis

» Regibus æquat.

Ergo Callicles decus ille gentis
Grande maternæ, modò functus ævo
Pindari dulces numeros sub imis

Audiat vmbres.

Ipse & applaudat sibi, quod superstes
Luce Neptuni redeunte sacra

Post graues pugnas apio ligarit
 Tempora uiuo,
 Hic ubi duplex mare rumpit Isthmos.
 Euphanes, credo, hunc etiam beatis
 Manibus iunctus memor antè vitæ
 Concinet vltro.

Et senem canus referet poeta,
 Vt pares annis decorat inuentus
 Lata sub densis nemorum viretis
 Elysiorum.

30 Quisque res visas sibi cantat audax,
 30 Et libens notos loquitur triumphos:
 Sic Timasarche celebrans aliptem
 Melesiam quis

Æmulæ spernat maledicta linguæ:
 Ille non solum iuuenes oliuo
 Doctus inducit, stadiūque certa
 Erudit arte:

Verum adhuc sermone potens in aptum
 Verba contorquet redigitque gyrum,
 Nescius vinci, violensque iniquis,
 Lenis amicis.

ODE

ODE QVINTA PYTHEÆ LAM-
PONIS FIL. PANCRATIASTÆ.
Quæ incipit,

Οὐκ ἀνδραγατοποιός εἰμι.

Numero quo apud Horatium, Mæ-
cenas atauis.



ON sum pictor ego, nec statuarius,
Qui lentis manibus cudere imagines
Torpentes soleam, signaque nescia
Emigrare domus postibus aureis:
Sed sum Pierij carminis artifex.

Ergo, Musa, citis nauibus & scaphis

E cuius Oenopiæ littore prouola
In quasunque plagas, ac Pytheam refer
Lamponis sobolem pancratio graui
Certasse in Nemeæ gramine, & ardua
Deuinxisse nouis tempora frondibus.
Vix illi puero vernat adhuc gena
Primo flore virens roboris indice:
Et iam belligeros Æacidæ Ioue,
Saturno & vitreis virginibus maris
Prognatos decorat, nec patriam minus
Tellurem hospitibus dulcibus inclytam:
Quàm post lethiferi diluuium aëris,
Pallentesque animas vulgi Erebo datas,
Implerunt populo Myrmidonum nouo
Peleus & Telamon, & prope littora
Phocus cærulea progenitus Dea.

Appetitque libens Hellanius pater
 Diuorum vnanimes tres sibi supplices
 Tollentes liquidum brachia in æthera.
 Decantare pudet posterius nefas
 Commissum Æacius fratribus, & pij
 Dextras immemores, vique domestica
 Tincti cade duo tecta reliquerint:
 Et quæ sors validos expulerit duces
 Felici Oenopia, prætereo sciens.
 Non semper facie splendida veritas
 Fictis vtilior. sæpe tacentium
 Muto consilio nil sapientius.
 At seu quæris opes cælitus additas
 Magnus Æacidus, siue ferociam,
 Seu pugnata manu prælia ferrea
 Audire: hic mihi tu, quæso, patentius
 Designa spatium, quod super euolem
 In saltus agilis: non aquila ocior
 Et terras humiles & mare præterit.
 Nec solus veterem concelebro domum:
 Hanc olim vmbriferi vèrtice Pelij
 Formosus cecinit Pegasidum chorus:
 Inter cælicolas quum medius gregi
 Præesset virgineo Cynthius & Lyram
 Plectro septifidem tangeret aureo.
 Sed tum Piërides ab Iouis ignibus
 Exorsa & vetito Nereidus thoro,
 Ipsam deinde oculis sydeream Thetim
 Dixere, & validum Pelea, carmini
 Addentes vt eum cælitibus parem
 Cretheis Veneris vulnere saucia

Regina

Regina Hippolyte quæsierit suis
 Irrerire dolis exitialibus:
 Quum iam fœmineis coniugis artibus
 Acasti leuitas inscia crederet
 Tentatum thalami fœdus ab hospite,
 Pollutâmq; fidem: sed pius aduena,
 Ipsa infida viro: quæ miseras preces
 Toto sæpe animo fuderat, vt metu
 Cunctantem iuuenē solueret impudēs.
 Ast hunc lingua sono læserat aspera.
 Quare infanda semel gaudia respuit,
 Telo vltore Iouis territus hospitu.
 Quod summo ille vidēs lætus ab æthere
 Regnator superūm nimbipotens Deus
 Poscentis meritis commodus annuit
 Vnam è Nereidum stirpe natantium,
 Cui sponsus niueum confereret latus.
 Nec fratris placitis durior obstitit
 Canus cœrulei gurgitis arbiter,
 Ægarum è viridi margine qui frequens
 Isthmi litus adit nobile Dorici:
 In quo illum iuuenum pompa decentium
 Gaudentem ad calamos excipit obuia,
 Et certamine mox exiit sacro
 Depugnare animis prompta virilibus.
 Euentum & dubios dirigit exitus
 Athletis data fors protinus editis.
 Tu verò Euthymenes diti Ephyra procul
 Quæ natale solum ridet, adorea
 Victricis recubans molliter in sinu,
 Gustasti Aonidum munera suauium.

Post te floret adhuc palmifer & tibi
 coniunctus Pytheas matris origine,
 Communésque beat pancratio lares.
 Hunc vallis Nemeæ nouit, & additus
 Fastis Oenopiæ Delfinius sacer
 Mensis, laurigero gratus Apollini.
 Hic ætate pares sæpius & domi
 Et Nisi aërio perdomuit iugo
 29 Illustris Megaris. gaudeo pluribus
 30 Virtutum statui præmia in vrbibus,
 Quis inuicte fruens lata molestiis
 Compensata tenes nobilis Attici
 Menandri auxilio. Cecropidam decet
 Fortem exercitiis præesse virilibus.
 Quod si fortè senis facta Themistij
 Cantaturus ades, quo Pytheas aus
 Exultat genitus, ne rigeat tibi
 Pigro lingua gelu, verba sed effluant
 Densæ more niuis, velâque in arduum
 Malum elata Notis trade fauentibus.
 Dic illum nitidas vrbe Epidauria
 Bis ornasse comas, & pugilem & truci
 Vsum pancratio. Dic vt ab Æaci
 Templo rettuleritserta virentia
 Felix, auricomis non sine Gratiis.

ODE

ODE SEXTA ALCIMIDÆ
 ÆGINETÆ PVERO LVCTATORI.
 Quæ incipit,

Ἐν ἀνδρείῳ ἐν δεινῷ ἥμος.

Numero quo apud Horatium; Scriberis
 Vario fortis vt hostium.



ENS est vna virum, gens quoq; cælitū
 Terra vtrosque suis mater alit bonis:
 Sed diuis homines robore dispares
 Momento pereunt breui.

Cæli ærata rigent claustra perenniter,
 Æternique manent illius incolæ:

Queis nos ingenij grandis acumine
 Vel forma similes sumus.

Quauis nec tenebris cuncta regentibus,
 Nec quum Sol medio lucidus æthere,
 Scimus quam Lachesis nos velit vltimam
 Vitæ tangere lineam,

Incertos dubiæ fortis & exitus,

Cognatos superis cetera. testis est
 Dictorum Alcimidas, qui genitus domo
 Campis vberibus pari.

Vt nunc latus ager messibus annuis

Implet ruricolis horrea, nunc iacet

Intactus valido vomere, dum quies

Effatum reficit solum:

Sic sese Alcimida continuit parens

Expers gymnasij, filius acrior

Frondosus Nemeæ vallibus exiit

Luctatu celebris puer.

Atque hanc accipiens ab Ioue gloriam
Firmis enituit corporis artubus,
Indefessus auum singula subsequi
Per vestigia nobilem.

Námque is Praxidamas primus Olympia
Decerptas oleas attulit Æaco,
Ornauitque sibi tempora quinquies
Claris frondibus Isthmiis,

Ter viuax apium crinibus addidit
Vinctis in Nemea: sicque nigrantibus
Ereptum tenebris atque silentio
Soclidæ patrium caput,

Tot nati meritis: queis similes duo
Fratres palmiferi laudis in arduum
Conscendere iugum, membráq; publicis
Impendere laboribus.

Nec castus gemini pugna aliam domum
Palmarum dominam reddidit omniū,
Quas intra Danaūm concava mœnia
Bellantum potior rapit.

Spes me magna tenet, grandia si loqui
Atque excelsa queã, non procul à scopo
Delapsura mihi tela sonantia.
Quare arcum cape vieri,

Et Victoris auos missilibus feri:
Nec gentem stadio vincere strenuam
Vnquam nobilium flamina carminum
Aspirantia deferant.

Et vinctis numeris & pede libero
Scribendi artifices magnanimū virūm

Res gestas memorant, factaque mortuū
Crebris laudibus efferunt.

Quos inter veteres, victor, aui tui
Bassidæ haud celebris nominis indigent:
Privatum sedenim suppeditant decus

Nautæ Pieridum vagis,

Quod longum celeres per mare deuehant.

Iam primum religans brachia Callias

Loris ossifragis contudit æmulos

Festo Pythiados die,

Dictynnæ & Clario gratus Apollini.

Idem inter juvenum noctuagos choros

Fulgens emicuit Castaliam prope

Musis dulce sonantibus.

Quaque Isthmus gemino tunditur æquore,

Lucum cærulei Nereidum patris

Ornavit, pecorum mille greges sacro

Occidente triennio.

Nec non illi apijserta virentia

Deinxere comas, hic ubi trux Leo

Alcidæ domitus frondifera iugi

Sub radice Phliasij.

Æginæ seges est ampla vigentibus

Scriptorum ingeniis, atque ferax solum,

Virtutum sedenim parca virum gregi

Natos eximit Æacj:

Hi permulta suæ signa potentie

Monstrauere, & adhuc ærj super

Terras frugiferas & super æquora

Famæ remigio volant.

Nigras Æthiopum quinetiam domos

Rumor belligeri nominis attigit,
 Quum fortem Æacides Memnona cuspide
 Irata petiit furens.

Excussitque citis sanguineum rotis
 In terram calido pulvere sordidam.

Trita est hæc aliis orbita, quos ego
 Cura peruigili sequor.

33 Quamquam grata magis facta recētia
 32 Quàm prisca alterius prælia sæculi,
 31 Ut non præteritus, sed veniens mouet
 30 Fluctus pectora nauitæ.

Quare audax humeris tollo volentibus
 Duplex illud onus, quod mihi nuntio
 Imponunt simul vrbs & genus Æaci
 Immoto Alcimidas gradu.

Huic vigesima nunc quintaque gloria
 Quæsitæ est proauum laudibus æmulo.
 Vni nam generi tot decora inclyta
 Sacris parta laboribus.

Quin nuper pueros inter amabiles
 Luctanti Alcimidæ, nec Timidæ minus
 Cognato, celebrem Palladis arborem
 Porrexisset Olympias.

Quinquennis rediens in Chronii iuga:
 Ambos ni celeri barba nimis pilo
 Exclussisset ea sorte, virilibus
 Ultro cætibus inferens.

Tantum Melesias præcipiens valet,
 Qui delphine cito promptior erudit
 Informâtque suos, brachiâque & manus
 Aurigæ similis regit.

ODE SEPTIMA SOGENI ÆGI-
NETÆ PVERO PENTATHLO.
cuius initium est,

Εἰλείθυα πάρεδρες μοι ἐγὼ βαθυφρένων.

Numerò quo apud Horatiũ, Altera iam teri-
tur bellis ciuilibus ætas.



LITHYA granis Iunonis filia &
vsque

Tribus seneris assidēs Parcís comes,

Prima parens hominum, sine te non lu-
mina Phœbi,

Non astra noctis vagiētes cernimus:

Matura per te duramus membra iuuenta,

Auráque eádē differentes vescimur
Mortales, animus diuersa capessere nati.

Tu, diua, charum Theároni Sogenem
Largita es, sobolem iam desperante senectá.

At nunc Parenti redditus cano puer
Ingens nomen habet, canitúrque per oppida victor
Disco, sagitta, salubus, lueta, fuga.

Non honor hic toties cantata mirus in vrbe,
Quæ culta magnis Æaci nepotibus.

Æacidæ ingentes æquant virtute labores,
Nec pectus infra prælii ærumnas gerunt.

Quum quis opus manuum palma victrice coronat,
Occasionem dat canendi dulcium

Vocibus Aonidum puro manantibus ore.

» vires feroces Thracia indictæ lyra.

- 23 Obscuro circum nebulae funduntur amictu.
 23 Nec facta viuunt praeliantum fortia,
 23 Ni, claro veluti in speculo, per carmina lucent.
 23 Oblivionem discutit sola inuidam
 23 Mnemosyne, versusque Orco persoluit auaro,
 23 virum redemptis gloriâns laboribus.
 23 Sudo nauta breui sapiens diffidit, & austros
 23 Tribus diebus antè solers praeuidet.
 23 Diues inopsque simul tenebrosa ad busta feruntur,
 23 Et absque Musa conditi aeternum latent.
 23 Maiorem ipse reor fama, quàm rebus Vlysssem
 23 Debere Homeri Gratijs longum decus.
 23 Namque agilis facto mendacia pingit honore
 23 Vates, & aures fabulosus imbuat,
 23 Elusos ducens animos quocumque libido est:
 23 Visape vulgi caeca sunt praecordia.
 Nam si vera oculi semper manifesta viderent,
 Non iudicantum cætus Argiuum leuis
 Magnanimo Aiaci Phthii ducis arma negasset,
 Nec verberasset cuspide obliqua latus,
 Pelida excepto fortissimus vnus Achiuum,
 Qui flauam Atridae redditurus coniugem
 Vectus erat celeri ruitura ad Pergama puppe,
 Ventorum & auris acriter spirantibus.
 23 Verum homines leti tempestas obruit omnes,
 23 Inque antra Ditis clari & obscuri cadunt.
 23 Hi post fata vagi volitant rumore secundo,
 23 Quorum Thalia molle nomen educat.
 Fama Neoptolemi talis, nec lasa nec vnquam
 Petita nobis insolente carmine.
 Ille hostis Priami verjam post Ilion, alma

Terre vmbilicum venit vndoso mari,
Phæbea tumulum Delphis habiturus in æde.

Namque vt peractus longus Argiuûm labor,
In diuersa alij nigris abiere carinis:

Pyrrius reiectus Scyro ab imbelli procul
Fluctibus aduersis Thesprotia contigit arua,
Rexitque opimam non diu Molossiam.

Immortale tamen terræ decus addidit heros,
Et inde templum est Phthij aduectus Dei,
Vt Troiana tholo victor suspenderet arma.

Atque hic cruentam donec hostiam trahunt
Rixantes, hinc sacrificus, dux inde Pelasgûm:
Manu imbecilli concidit ferocior.

Iucundj hospitibus Delphi gemuere cadentem,
Fatale sed vir debitum persoluerat.

Præterea Æacidam Parca voluere tyrannum
Iacere luco Phthij veterrimo,
Æternamque Dei prope limina figere sedem.

Deinde hic manere debuit perenniter
Excubitor fidus, sacra qui pompasque frequentes
Duci videret inclytis heroibus.

Hæc mihi causa triplex insignis reddita leti
Intemperantis eluet linguæ notam.

Non Ægina grauis venturum testis in æuum
Iouis tuisque deerit abnepotibus,
Me laudes celebres illorum & facta canente:

Opus tametsi est nil pauentis ingenj,
Heroum externam virtutibus addere lucem,
Quorum refulget sat domesticum iubar.

Hactenus Æacidas cecini, requiescere gratum.

Sermone in omni mella non semper iuuant,

- 11 Nec semper dulce est Veneris decerpere flores.
 12 Porro futuri dispares in æthera
 13 Prodimus liquidum, primæque ab origine cuncti
 14 vel lata sorte ducimus, vel tristia.
 15 Nullus opes omnes atque omnia commoda vitæ
 16 Simul beatus diuite includit sinu.
 17 Aut si fors alicui felix, mutabilis illa est
 18 Labentis æui summam adûsque lineam.
 At tibi Thearion successum fata dedere,
 Humana quem fert maximum beatitas.
 Tu fidens animi præclara viriliter audes,
 Nec mente in altis deficis conatibus.
 19 Non veluti inter se carpunt se mutuâ ciues:
 20 Sic hospitem me liuor ater inficit:
 21 Sed nostris crescit numeris ita nomen amici,
 22 Ut prata riuus germinant virentia.
 23 Quippe bonis insignis honor iustissima merces:
 Hac non Achillis filium fraudauimus:
 Nec posthac, credo, Ionij vetus accola ponti
 Meæ insolentis arguet pulsum Lyra.
 Fidimus hospitio cognatæ gentis Achivæ,
 Nostros & inter gratiosi viuimus.
 Quos omnes oculis iuuat aspectare benignis,
 Tædétque vis & tristis insolentiæ.
 Sic vtinam reliqui serpent mihi leniter anni:
 Vatemque quisquis nouerit me candidum,
 Legitimi fines neget excessisse pudoris
 Heroa nigra polluentem fabula.
 Sed satis est fines extra mea Musa vagata:
 Nunc, chare, iuro, Sogenes, non amplius
 Me temere in ventos missurum audacia verba,

Ut tela fixo decidunt longè à scopo.
 Tu prius in medium quàm sol se tolleret axem,
 Notàmque athletis candidis inureret:
 Et stadio felix existi corpore sicco,
 Labore inani plurimis sudantibus.
 Aut si es durum aliquid passus certamine quino,
 Leue id sequuta reddiùm victoria.
 Cor, sine me densas victori ferre coronas,
 Iôque acuta voce longum tollere.
 Si fuero quid fortè tumens grauidùmque loquutus,
 Remissiore lenia effabor sono.
 Musa mihi coniungit ebur fuluùmque metallum
 Coraliùmque cœrulo exemptum mari.
 Me modò non vno chordas impellere motu
 Decet Nemæj facta dicentem Iouis.
 Ægina in media fas est celebrare Tonantem,
 Lyra caducum nil sonante Doria.
 Iuppiter hîc etenim nymphæ complexibus hærens
 Blandis in vlnis. seminavit Æacum,
 Qui fuit Oenopiæ custos & frater & hospes
 Fidus manentis Sogenem prope Herculis.
 Quòd si homo sæpe homini prodest semotus & absens,
 Quantum virum vir adiuuat propinquior?
 Atque idem studiis animòque intentus amicus:
 Quàm sacra Diuùm est utilis vicinia?
 Alcida domitor debellatòrque ferarum,
 Cum patre tèque diuitis templi incola
 Victor ouans æuum traducere leniter optat,
 Anuùmque mores liberales insequi
 Hac felice via, quam signauere priores,
 Currus ut inter ligna temonem locant,

Sic Ione nate tui luci nemus inter opacunt
 Dextra & sinistra Sogenis tectum viret.
 Diue tuum est Regémque Deum sociamque Tonantis
 Placare amicis, castamque Pallada.
 Tu potes ærurnas & ineluctabile fatum
 Avertere agris prouidus mortalibus.
 Per te utinam status amborum naique patrique
 Immotus vsque duret, & postquam semel
 Victori viridis lato pede fugerit atas,
 Honore multo cana fulgeat coma.
 Prætereà illorum nati serique nepotes
 Sacrorum auita gaudeant custodia,
 Semper & antiquo decori decus insuper addant.
 At nostra nunquam Pieris fatebitur
 se genus Æacidæ dictis lacerasse malignis.
 Sed res easdem sæpius reuoluere,
 Infantis stupidique viri est, imitantis & illam
 Iouis Corinthon ore futilem leni.

ODE OCTAVA DINIÆ MEGÆ
 FILIO CVRSORI.
 Quæ incipit,

Ὡς ἐκ πότνια, χάρις Ἀφροδίτας.

Numero quo apud Horatium, Iam satis terris
 niuis atque diræ.

SANCTI



ANCTE formarū decor, & venustas
Nuntia amplexus iuuenum propinqui,
Quæ genas vultūsque vtriusque sexus
Incolis alma:

Quæ faues illi facilis, manūmque
Porrigis fatali in amoris æstu,

Alterum tristem crucias, & à te

Dura repellis.

Optimum est blandæ Veneris sequacem

Non leui affectu dubium vagari,

Sed statim lecto eximiōque amorum

Flore fruisçi.

Talis Æginæ thalamus Iouisque,

Quem celer pennis adiit Cupido,

Dulcibus sponſis teneræ Diones

Munera portans,

Vnde sublimis velut arbor olim

Æacus creuit dominator hasta

Atque consultus bonus, & videntum

Gratus ocellis.

Quin & heroum manus accolarum

Flōsque viuendum Danais in oris

Illius prudens subiit volēnsque

Mollia iussa.

Hinc Athenarum lapidosa rupes

Militum ingenti numero referta,

Et colens spartam pelopis propago

Paruit vltro.

Ritè nunc supplex genibus verendis

Æaci aduoluo, stabili vt quietem

Donet Æginæ, propriisq; seruet

Arua colonis.

Lydiam & mitram simul ecce porto
 Caminum misto variam colore,
 Dinæ ob cursus duplices Megæque
 Ante sepulii.

Gloriam tantam cineri parentis
 Filio & viuo Nemeæus affert

» Iuppiter. Nam res & opes manentes
 » Numina donant.

Regiis olim Cinyram replerunt
 Copiis Diui maris inter vndas,
 Aurea in Cypro. Mihi mos priusquàm
 Ora resoluam,

Crebrà respirare, graduque firmo
 Niti, vt ingentem superem laborem.

» Multa nam prisci cecinêre: nobis
 » Pauca relicta:

Et noui si quid referas, virumque
 Auribus tradas, rigidaque limæ:
 Mille te expectant dubium pericla
 Dulcis honoris.

» Adde quòd fœtu tenero recentis
 » Ingeni liuor macer implet aluum,
 » Liuor offendens meliora, prauis
 » Rebus amicus.

Ille & Aiacem Telamone natum
 Vnguibus raptim lanians aduncis
 Figere iratum proprio coëgit
 Pectora ferro.

» Sæpe vir magnis animis, sed infans,
 » Lite vecordi superatur, atque

Vana

Vana fingenti, variaque dantur
Præmia linguæ.

Calculis sic vos tacitis Pelasgi
Sisyphi prolem decorastis hasta
Pelias, & rector salaminis Orco
mersus inermis.

Attamen dispar viguit duorum
Dextra, nec plagas similes uterque
Intulit scindens inimica multo
Vulnere terga:

Seu recens cæsum madidumq; Achillis
Corpus efferrent medios per hostes,
Siue eis pugnas alias pararet
Mortifer annus.

Ergo non tantum mea cæcus error
Sæcula inuoluit, sed & eminentes
Inter heroas habitauit olim
Liuida pestis.

” Dulcibus verbis sociata, fraudis
” Subdola consors, scelerum architecta,
” Clara quæ abscondit, tenebrosa tempus
” In breue clarat.

” Iuppiter, tali mihi vita labe
” Pura decurrat spatiis apertis,
” Lenium morum tumultus ut sim
” Gloria natis.

Hi petunt votis graue pondus auri,
Illi agros lato gremio patentes:
At mihi detur populi fauentis
Gratia constans.

Detur immensa benefacta laude

Tollere, & culpas agitare semper
 Tristibus dictis, humus atra donec
 vestiat artus.

24 Planta vti verno satiata rore
 25 Crescit assurgens tenues in auras:
 26 Sic virum virtus decorata cælo
 27 Tollitur ingens:
 28 Cantu & augentur speciosa facta.
 Gentis humanæ sedenim laborum
 Prima sors, quorum celebri in theatro
 Græcia testis.

Porro vbi lati resonant triumphi,
 Plena non mentes hilarat voluptas,
 Res nisi præsens cupida audientum
 Lumina pascat.

O Mega, sed te tamen excitare
 Mortuum, aut manes animare mutos
 Iam nefas, & spes nimias inanis
 Exitus angit.

At tuæ possum tribuique & vrbi
 Ponere hanc Phæbi niueam columnā,
 Quæ tuos cursus volucrisque nati
 Signet honores.

Gaudeo quando merita alta nostri
 Carminis fastus generosus æquat.
 Carmen & morbos abigit nocentes
 Voce susurra.

Certè apud priscos vixit Thalia
 Inter annosi calices Lyæi,
 Antequam Thebas numerosus hostis
 Cingeret armis.

ODE NONA CHROMIO PRIN-
CIPĪ ÆTHNÆO CVRRV VICTO-
riam adepto. Cuius initium est,

Κωμάσμεν παρ' Ἀπείλωνος.

Numero quo apud Horatium, Scriberis
Vario fortis & hostium.



HARÆ Pegasides è Sicyonia
Tellure atque adyto lævis Apollinis,
Mecum Æthnam lapidum mole recen-
tium

Constructam petite, & domum
Felicis Chromij, cuius hiant fores

Vtrinque, & faciles ingredientibus
Cedunt hospitibus, sed precor in via

Hymnum texite virgines

Namque olim Chromius pulvereas rotas

Conuertens spatii in Sicyoniis

Latonam attonitam reddidit, & duos

Delphorum vigiles Deos.

Rectè vox hominum publica nos vetat

Consummata virum robora fortium

Telluris tenebris contegere, & nigro

Obscurare silentio.

32 Nec quicquam numeris dulcibus aptius

33 Quàm versus Lyrici grata superbia.

Quare nunc citharæ fila sonantia

Et dulcis flamina fistulæ

Impendamus equum cursibus alitum,

Cantemúsque hilares inclyta Pythia
Adraſti auſpiciis condita Delio

Aſopum prope nobilem.

Adraſtus variis dignus honoribus,
Qui terræ dominus tunc Sicyoniæ
Menſibus ſuauiſſibus & curribus aureis

Et lecta pugilum manu

Ornauit profugus hospita mœnia.

Namq; hunc Amphiaræ conſiliū ferox
Et belli rabies ſæua domeſtici

Natali expulerat ſolo.

Iámque Argis Talai deſierat genus
Regnare, & gladiis ceſſerat hoſticis.

Verùm diſſidiis protinus vtilem

Imponit ſapiens modum.

Ergo qui patriam fugerat & manus
vatis belligeri, mox ſtolidum ſibi
Hoſtem lethiferus iungit amoribus;

Germanæque thoro implicans

Ficto coniugij pignore decipit.

Sic illi ſolium ſceptraque reddita

Inter ſlauicomos Graiugenas, quibus

Dux belli fuit impiger

Ad Thebas veteres: quanquam auibus malis,

Et quanquam iaciens fulmina Iuppiter

Signa infauſta daret proſilientibus

Denſis agminibus foras:

ſuaderétque viæ parcere noxiæ.

Sed præceps populus non dubitabilem

Vltrò in perniciem proruit: & pedes

Armis ſplendidus æneis,

Et nubes glomerans pulvereas eques.
 Póstque Iſmene pater quâ liquidus fluit
 ſpem dulcis rediit Argolis exiit

Pubes funere lurido,

Et combuſta virum corpora fortium
 Fædarunt nebulis æthera pinguibus.

Nam quot portæ inerant manibus Ozygis,
 Tot ſtructæ iuuenum pyræ.

At vatem Argolicum Rex ſuperum petens
 Tellurem validus diffidit ignibus,
 Aurigamque & equos & celeres rotas
 Merſit terribili ſpecu :

Ne Periclymenus fortis aruſpicis
 Conuerſos humeros caderet inſolens,
 Pugnacéſque animos frangeret hoſticis
 Aſſueto ſpoliis viro.

20 Quando immiſſus enim cælitus eſt timor

20 Armatis, ſoboles ipſa Deum fugit.

20 Verum Argiurus honos & dolor hæc tenus.

Nunc te, ſumme Deum, precor
 Terris Sicaniiſ ut procul, ut procul
 Afrum ſubmoueas, ſignaque Punica,
 Haſtatáſque manus, quæ ſiculis graues
 De vita aut nece dimicant.

Pax, quaſo, & requies, & Themis & fides,
 Miſtis deliciis ſuauiſ & iocis
 Rura Æthnæa colant. Iuppiter, hiſ tibi
 Campis multi equites boni

Eleſtunt cornipedes, multi animos gerunt
 Immenſis opibus cedere neſcios.

Mirum: ſæpe etenim clam pudor innocens

Quæstu vincitur impio.

*En quisquis Chromio sub duce militas
Clamosis peditum nubibus additus,
Aut turmis equitum sæua frementium,*

*Aut custos ratus armiger,
Martis præcipitis cæca pericula
Expendis saplens. Nam Deus huic viro
Pectus belligerum finxit, & impigrum
Vim propellere noxiam.*

*Pauci illi similes, qui nebulam queant
Nigrantem interitus iam sibi proximi
Bellantum oppositos vertere in ordines,
Freti consilio & manu.*

*Qualis Dardanidæ floruit Hæctoris
Virtus, lenis ubi Xanthus humum rigat:
Talem te puerum Marticolam Chromi
Lux circumdedit aurea*

*Elori ad viridem fluminis aggerem.
Nec te post alio tempore gloria
Victrix deseruit prælia nunc solo
Tractantem fera, nunc mari.*

*E belli dubiis mille laboribus
Susceptis homini, dum genibus viret,
Æni consequitur Martia dignitas
Canos splendida ad ultimos.*

*Hæc te certa manet, dux nova præmia
Sortite egregio munere cælitum :*

*Nam qui diuitias atque potentiam
Laudi copulat integræ,
Mortalis genitus ulterius nequit
Eniti gradiens culmen in arduum.*

Porro ut mensa fenum pacis amabilem
 Fructum sobria diligit:
 Sic victrix iuuenum palma ferocium
 Latatur fremitu, cantibus & modis,
 Quorum spiruus est maior, ubi dapum
 Regina assidet amphora.
 Hanc imple, puer, & deinde merum petens
 Dulci vite satum funde capacibus
 Argenti pateris, quas laribus Chromi
 Olim pennipedes equæ
 Miserunt spatiis è Sicyoniis
 Phæbæa viridi non sine Laurea:
 Iamque, ô summe Deum, iure superbiens
 Lato pectore glorior
 Impletum esse mihi vocibus aëra
 Concentuque hilari, donec adorea
 Illustres celebros, dumque sagittifer
 Musarum ferio scopum.

ODE DECIMA THIAEO VLIAE
 FILIO LVCTATORI:

Quæ incipit,

Δαναὺς πόλιν.

Numero quo apud Horatium, Vides ut alba
 stet niue candidum.

VRBEM



R B E M *Vetustam, quæ Danao patri
Regnata quondam, notæ vbi Belides
Nupsere cognatis, sacrosque
Iuno libens posuit Penates,
Argos, venusta dicite Gratiæ.
Hæc mille sedes fulgida honoribus*

*Plures ob audaces alumnos
Et genus impavidum superbit.*

*Cantâre longum est Persea strenuum
Collum minacis cedere Gorgonis.
Multas in Ægypto virenti
Olim Epaphus stabilivit arces*

*Argiurus heros: Et Diomedea
Conciuem Olympi sedibus intulit,
Leiôque ademit Diua flauo
Crine decens oculisque glaucis.*

*Dircea propter mœnia fulmine
Percussa tellus Amphiarum cauo
Repentè hiatu clausit illum
Pugnæ alacris rapidæque nimbum.*

*Locis nec illis fœmineum decus
Olim negatum est. quàm memorabilis
Nupta illa constans, quæ sororum
Vna viro iuueni pepercit!*

*Summus Deum Rex vt Danaes sinu
Alcmenæ & vlnas inter amabiles
Dormiret, est illapsus vrbis
Argolica, mihi testis ingens.*

*Idemque ibidem Lyncea callidum
Et Talaum acris dotibus ingenij
Dites adornavit potentis*

Iustitiæ

Iustitiæ fideique donis.

*Horum tribulis Amphitruo fera est
Nutritus inter prælia sub Ioue:*

*Qui, donec Alcmenæ maritus
Teleboas metit ense victor,*

*Laboriosi dicitur in ducis
Venisse sedes tectaque Regia,
Atque imparem præsisse lectum
Sese hominis Deus ore celans,*

*Semenque portans haud timidè pater.
Vnde ille naus palmifer Hercules,*

*Cui nupsit Hebe diua nymphas
Ante alias gradiens Olympo,*

*Matrem absolutâ dum sequitur comes,
Cunctisque longè pulchrior eminet.*

*Angusta nobis ora, et artus
Visceribus mihi pulmo anhelat*

*Narranti honores ordine singulos,
Argiua florens quos plaga sustinet.*

Deinde illico fastidiosa

Laude virum satiantur aures.

*Sed Musa dulcis, tu tamen ocyus
Nervis loquentem barbiton excita,
Luctaque manantes oliuo
sollicita cane, Diua, cura.*

*En præliorum stridor aheneus
Iunonis almae thurifero die
Ad sacra solemnè que pompas
Graiugenas vocat ociantes.*

*Felicis illic filius Vliæ
Forti æmulorum perdomita manu*

Bis gestiens obliuioni
Tradidit anxiferum laborem.

Idémque visens Pythia milites
Fudit Pelasgos, & Nemea, & breui
Isthmo coronatus Camænis
Fertilem agrum dedit excolendum.

Ter hos triumphos æquora duplicis
Videre ponti, ter venerabilis
Tellus Adraстеis sacrata
Auspiciis veterique lege.

Hæc præter optat mente quid intima
Thiæus, etsi lingua silet grauis.

Porro in Iouis Pisæa arena
Summus apex operum & laborum:

Non spiritu alto, robore dispari,
Pedem huc Palæstes Argolicus feret,
Nec gratia spectantium iniqua
Dulce decus piger assequetur.

Testis fuiurus Iuppiter, & virum
Quicumque culmen tendit in arduum
Certaminum, quæ gaudet Elis
Herculeo celebrare ritu.

Certe Vliæ iam bis genus audiit
Plaudentum amicos Cecropidum sonos,
Vocésque laudantes in orbem
Palladia redeunte pompa.

Iam fructuosæ bis oleæ liquor
Delatus Argos peluibus æneis
Quas terra flammis vsta fudit
Impositis varias figuris:

Solemne lucta munus in Attica.

Ad hæc parentis forte genus tua
Exercitum felice arena

Fama comes sequitur perennis,
Thiæ, lætus non sine Gratiis.

Ope & fauentum Tyndaridum sacra
Sanè Antia numquam & Thrasyclo
Progenitus timida ora condes

Ingressus Argo. Nam quot adoreis
Olim per illos floruit oppidum
Sublime præti, nunc Cleonis,
Nunc bimaris spatiis Corinthi?

Quin sæpe eisdem quâ Sicyon vires
Frequens oliuis sunt phialæ datæ
Argenteæ, Pellanae & intra
Mœnia sæpe togæ decentes.

Longi est & alti scilicet otij
Supràque vires dicere lucida
Tot scuta, tot fuluos lebetas,
Tot tripodas numerare ahenos,

Quos alta Cluor & Tegea Arcadū,
Et mons Lyciæ notus, & arduæ
Vrbes Achiuūm concitatus
Poplitibus manibúsque donant.

Quū uerò Castor Castoris & comes
Tecta hospitalis aurea Pamphæ
Intrauerint, victor, cuique
Sub proauī trabe conquierint:

Iam nemo, credo, quæsierit stupens
Cur firmi eadem perpetuò domo
Nascantur Athletæ, nec acres
Degenerent animi nepotum.

Hoc non caducum nec breue præmium
 Soluere largo Tyndaridæ hospiti:
 Namque Hercules comptusque Maia
 Filius, & gemini Lacones,

Depræliantum vim iuuenum regunt,
 Pugnisque ab æthræ vertice præsident
 Mortalibus iustis fauentes,
 Et specimen pietatis ipsi.

Quippe hi vicissim calicolûm dapes
 Sumunt die vno, rursus & altero
 Terram reuisentes Therapnæ
 Antra colunt viridèsque valles.

Ne vita fratrum candida discrepet.
 Namque ipse Pollux maluit has vices
 Seruare fatorum, Deus quàm
 Integer vsque polo morari,

Lethale vulnus Castoris intuens.
 Illum è viuenti Taygeti iugo
 Olim cauatæ robur intra
 Illicis vmbrifera sedentem

Vidisse Lynceus dicitur acribus
 Vincens ocellis oppositas trabes
 Idæque demonstrasse fratri,
 Qui rapida violenter ira

Currens abactos protinus ob bones
 Transfixit hostem cuspide ferrea.
 Sed talia ausi mox feruntur
 Arte Iouis graniora passi.

Pollux in ambos nam subito irruit:
 Neque his acuto dirigit gelu
 Sanguis, sed infrendens vterque

Restitit

Restitit ad tumulum parentis.

Vnde auferentes Ditis imaginem
Immane saxum funereum manu
Audace vibrauere duri
In stomachum medium Laconis.

Qua mole iacta nec doluit, neque
Loco est remotus vel minimum puer
Ledaë inclytus, quin ipse Lyncei
Fatifera latus hausit hasta.

At sæuus Idam Iuppiter obruit
Stridente & atro fulmine, quo duo
Heroes vna concremati
In cineres abiere mæstos

10 Periculosa scilicet alea
11 Res est potentes surgere in æmulos.
Vt verò Spartanus peremptos
Ætheria face vidit hostes;

Fratrē ad jacentē se retulit celer.
Is morte nondum mersus erat gravi,
Sed palpitans frigēsq̃ue anhelæ
Reliquias animæ trahebat.

Quod cōspicatus Tyndarides genas
Largo irrigauit flumine lachrymans,
Crinēmq̃ue vellens est acuto
Talia cum gemitu loquutus;

princeps Olympi quē statuis modū
Finēmq̃ue luctus? me stygiæ neci,
Me trade, nec Castor nigrantes
Horreat incomitatus vmbra.

12 Fortes amici cui pereunt viro,
13 Illius & vis & decus occidit.

Pauci fideles, quos laborum

Participes aliena tangant.

Sic fatus ille est: at superum pater

Contrà: Mei tu sanguinis, et genus

Cæleste Pollux: verum origo

Castoris inferior minoris,

Hunc namque seuit dissimilis parens

Infusus vlnis coniugis: attamen

Effare, quod malis duorum.

Si tibi mens animosa flagrat

Tristem senectam fallere, luridum

Vitare funus, degere in æthere

Cum Pallade hastatòque Marte:

Celsa tene galeatus astra:

Sin vulneratum Castora manibus

Auferre pugnas sollicita prece,

Eratrìque cunctorum bonorum

Dimidium dare frater optas :

Deinceps modò imum te capiet solũ,

Auræque pascent aëriæ modò,

Cælum incoles sublime, Diui

Atque hominis variante forma.

Sic eloquuto Rege Deũm, nihil

Concepit heros ambiguum: et statim

Semota Parca est, Castorìque

Reddita lux, resoluta lingua.

ODE

ODE VNDECIMA ARISTAGORÆ

PRÆFECTO TENEDIO, FILIO

Arcefilæ. cuius initium est,

Πᾶν Πέας ἄτε.

Numero quo apud Horatium; Sic te Diua
potens Cypri.



AGNÆ nata Rheæ, & Iouis
Iunonisque soror, vesta, parentium
Arces quæ regis urbium,
Custodisque focos intima publicos.
Fortem Aristagoram libens
Arcanis thalami sedibus excipe,

Collegasque simul graues,

Omnes sceptrigeros, te prope colloca.

Cultu numinis hi tui

Conseruant Tenedum Hectoream, & modò

Libant lene merum, modò

Fumanti recreant te Dea victima.

Horum mensa hilaris dapes

Gratas innumeris sufficit aduenis

Semper, nec sonus interim

Aut vocis liquidæ desinit aut lyæ.

Quare calicolas precor

Vt cunctis spatium muneris annuum

Currat non sine gloria, &

Nulla pectoribus vulnere sauciis.

Quum dices Tenedi incolas

Sigæo oppositos intueor iugo,

Vnum Aristagoræ patrem

Felicem ante alios Arcesilam reor

Qui membris similis Deo

Sublimes animos ingenitos gerit.

30 Porro si quis & aureis

30 Eazus & specie corporis eminet,

30 Virósque insuperabiles

30 Ostendit stadio sæpe superbiens.

30 Ne plus quàm satis est ei

30 Attollat tumidum gloria verticem,

30 Mortales reputet sibi

30 Artus impositos, quos humus vltima

30 Vastis faucibus hauriat,

30 Exaquans homines vnica dispares.

Nec verò Arcesila. satus

¶ Molli corde negat segnis originem.

Nam miti in patriæ sinu,

Vicino iuuenum perdomito grege,

Dulces ordine sexdecim

Palmas arripuit, luctâque & insolēs

Sæuis pancratium ictibus

Vrbem fronde noua cinxit & incolâ.

Quapropter iuuenem decet

Læta municipum voce fauentium

Ferri per liquidum aëra,

Et pingi Aoniis mille coloribus.

Sed cur arcta parentium

Spes & sæpe suis noxia charitas

Illum clara ad Olympia

Natum & Phocaicæ præmia laurea,

Natali tenuit solo,

Virtutémque

Virtutemque breui fine coercuit.

Nam per terrificum Iouem

Hic vel Castaliæ flumen amabilis

Linquens, vel iuga frondea

Saturni veteris, pulchrior omnibus

Et procerior æmulis

Exisset Phrygiæ littus ad insulæ,

Post conuiuia, quæ vagus

Alcides fieri iussit in Elide

Quinquennalia, post comam

Euinctam foliis vndique Delphicis.

Verùm fastus inania

Iactans sæpe viros laudibus exuit,

Sæpe illos gelida manu

Prensos clam retrahens exanimis timor

Cæptis grandibus auocat,

Audere atque sibi fidere nescios.

Sed quicumque hominum status,

Nemo Aristagoræ robora conspicit,

Qui non hunc ciuò sentiat

Pisandri è veteri stipite surculum.

Pisander comes inclyti

Orestis fugiens Taygeto Lacon

Insedit Tenedi solum

Præpingue, Æolia bellipotens manu.

Utque illi patrium genus

Spartana tumidum gaudet origine,

Sic matris decorat domum

Thebanus abauus temporibus ferox:

Quanquam belligeræ diu

Interrupta fuit gentis adorea,

Vnum donec & alterum

Inter nos oriens emicuit iubar.

20 Virtutes veteres auium

20 Mutantur sobolis deterioribus

20 Actis: vim nec egentium

20 Luce omnes referunt ordine posterì.

20 Sic non continua nigri

20 Vbertate soli culta superbiunt,

20 Non cunctis redeuntibus

20 Annis, floribus & fructibus arbores

20 Nutant, sed varias vices

20 Pomona atque Ceres æmula diligit.

At victor tibi redditos

Fasces imperij & sceptrà Penatibus

Iam desueta tuus memor

Exorna facilis laude modestiæ.

20 Nemo conscius exitus

20 Euentusque sui, quem Deus abditum

20 Fatorum latebris tegit,

20 Casu sæpe graui prospera finiens.

20 Humanum genus attamen

20 In fastum erigitur semper, & ardua

20 Versat multa ferociter,

20 Despondere sibi quidlibet impotens:

20 Nam nostro procul à solo

20 Præsagæ exoritur fons sapientiæ.

20 Porro terrigenas decet

20 Rerum nō cumulū quærere, sed modū,

20 Quamuis noster in omnia

20 Inconcessa furor fertur acutior.

Finis Nemeorum Pindari.

Isthmia Pindari

LATINO CARMINE

REDDITA

PER

NICOLAVM SVDORIVM

Inquisitionum Præsidem.

I tj



AD ORNATISSIMUM V.
VIDVM FABRVM, SANCTIORIS
Regis Consilij Consiliarium, & Curia
Parisiensis Præsidem, N. S.

ISTHMA iure tibi Præses
damus inclyte, nam qui
Pisæo quondam pulvere victor
erat,
Palladium retulit lætus nil præter
oliuam:

Pythia Vincenti, laurea sola data est:
Perpetuòque eadem Graijs quæsitæ corona
In Nemeæ Umbrosis vallibus Herculeæ.
Isthmus at æquoreus non sæclis omnibus una
Tradidit emeritis floridaserta viris.
Sed viua xillic Apium, iucundaque Pinus,
Alternis nitidas implicuère comas.
Tu quoque cùm ramos oleæ mereare disertis
Vocibus, & Laurum carmine Pierio,
Non tibi danda modò vnius præconia frondis,
Nam crines nunc hæc, nunc tegit illa tuos.



ISTHμία ΠΙΝΔΑΡΙ
LATINO CARMINE RED-
DITA PER NICOLAVM
SVBORIVM Inquisitionum
Præsidem.

HERODOTO THEBANO
Ode prima Isthmiorum.
Quæ incipit,

Μᾶτερ' ἐμὰ, τὸ πρὸς χεῖρασι θύβα.



ARMATA Thebe, chara parens,
tui
Quicquid negoti est colloco res
supra
Curas & omnes, idque leni
Mente velim ferat aqua Delos.
Modò inchoatis cuius honoribus

Totum incubantem me patriæ recens

» Palma auocavit. nam bonis quid

» Dulcius est genitrice terra?

Hanc quaeso solam da veniam mihi,
 Phæbæa tellus: dij faucant modò
 Nos gratiam non vnam inire
 Posse reor geminis ab oris,
 Cæa in remotis vallibus insulæ
 Latè micantis tempora Cynthij
 Intonsa cantantes diem post
 Exiguam, volucrèsque menses.
 Nunc verò sæuis oppositum fretis
 Isthmum efferentes laudibus, hic enim
 Frondentibus iam sex coronis
 Est acies redimita Cadmi.
 Spectata duris nuda laboribus
 Mæa trophæum nobile patriæ,
 In qua Herculem regina mater
 Progeniit vacuum pauore.
 Atque efferratas Geryonis canes
 Inuadere ausum, clauigera manu:
 Conciue non indignus illo
 Herodotus celeres quadrigas
 Egit lacertis ipse suis, carens
 Aurigæ habenis auxiliaribus,
 Quapropter illum Castori æquem
 Nil dubitans, Iolao & acri.
 Laboriosis qui Gemini rotis
 Olim imperarunt ante alios citi
 Heroas, audacisq; Spartæ
 Indigenas, validæq; Thebes:
 Merces & illis contigit omnibus
 Diuersa arenis, dum pateris larem
 Pulchris adornant, aureisq;

muneribus tripodum & lebetum.
 Lauri coronis suauibus additis
 virtúsque eorum lucida clauit
 Velocium cursare nudo
 Corpore, vel nitidis in armis
 Onusta circum membra sonantibus,
 Ad hæc gementem qualiter aëra
 Rupere, coniectis in altum
 Cuspidibus grauibusve discis?
 Nam nemo quina gymnade adhuc simul
 Certabat audax quisque, sed vnico
 Sudabat intentus labori,
 Haud variis inhians coronis :
 Quibus frequenter simplicibus duo
 Heroes vnctas impliciti comas
 Dirces & Eurota liquentis
 Vmbriferæ placuere ripæ:
 Hic natus inter dentigenas viros
 Thebanus, alter sanguis Achaicus,
 In colle sublimis Therapnæ
 Magnificos habitans penates.
 Valete Diui, & supplicibus boni
 Estote semper: nunc ego Nereo
 Isthmóque & Onchesti marinæ
 Verba canens numerosa rupi,
 Victorem & eius conspicuum vndique
 Patrem loquaci pectine garriam
 Asopodorum patriamque
 Illius Orchomenon feracem,
 Quæ victum alumnum fluctibus, & ratis
 Complexum in alto fragmina naufragæ,

Seruaui, è tristique ponto
Sustulit in gremium benigna.

Nunc verò vitæ post miserabilis

Tristes procellas, exilium & graue,
Felicem eundem rursus alto
Fata loco posuere Thebis.

Porro virorum pectora fortium

Aerumna seuus exacuit malis:

Cum verò certantum labores

Atque graues nituere sumptus,

Liore cuncti deposito decus

Laudemq; victorum æquanimis ferāt:

Nam dulce vectigal poeta

Ingento locuplete soluit :

Qui pro cruentis vulneribus modos

Lassis ephebis cantat amabiles

Iucundus, insignitque eodem

Carminibus, municipes & vrbes.

Non vna merces disparibus viris

Grata, hanc colonus, dux gregis alterā

Sequitur, hanc piscator, illam

Alituum populator auceps:

Innatus illis sed tamen omnibus

Communis ardor pauperiem & famem

Arcere lethalem profundis

Visceribus, cupidōque ventre.

Qui verò bellis aut stadio impiger

Dulces honorum delicias tulit,

Et ciuium cantatus hymnis

Et peregrina volans per ora:

Is maximorum diues opum caput

sublime

sublime stellis inserit arduis.

At me Rheæ natum tridenti

Ære solum grauitèr mouentem

Sonare par est ob meritum recens,

Illique grates soluere debitas:

Nam patre Neptuno fauente

Herodoto data palma currus.

Quâ bina tellus submouet æquora

Nec iam alta Thebe, nec Minyæ domus

Tacenda, non Eubœa felix,

Non sacra prætereunda Eleusis,

Nec dedicatum Protefilæ nemus

Terrus Achiuis, nec Phylace potens,

Quis sedibus cunctis hic idem

Victor ouans iuga nota flexit.

Sed cuncta fari me decora inclyta

Atlantis, illi quæ tribuit nepos

Luctator, haud dimensa nostris

Carminibus finit hora præceptis.

Et sæpe Musarum artifici quoque

Inest venustas mira silentio.

Faxint Dij ut Dirces alumnus

Cœruleæ Aonidum sororum

Tollatur aliis clarifonantibus

Tractus in altos aëris, & comam

Lauro renodandus virenti

Pythia mox operosa vincat:

Ramisque oliuæ deinde feracibus

Manus vigentes impleat Elidis

Ad flumen, alternosque muris

Aedificet patriis honores.

29 Quod si quis auri pondera conditi
 30 Proferre in vsus egregios timet,
 31 Inglorius, visosque claræ
 32 Famæ avidos homines cachinnat :
 33 Non mente læua cogitat inscius
 34 Vbi Orcus illi lumina clausurit
 35 Se laudis exortem perennes
 36 In tenebras animam daturum.

XENOCRATI AGRIGENTINO
 Ode secunda . Quæ incipit,

Οἱ μὲν πάλαι, ὦ Θρασύβουλε, φῶτες.



NCLYTI vates, Thrasymbule, prisci,
 Qui manu arguta Citharam tenentes
 Aureum salis potuere Phæbi
 Scandere currum,
 Sæpe mellita teneraque voce
 Aerem gratis pepulere, si quæ
 Visa fortè illis speciosa verno
 Flore puella,
 Docta lasciuos iuuenes morari
 Dulcium semper memores amorum.
 Musa nam nondum radiantis auri
 Capta nitore
 Ditibus suaves operas locabat,
 Are venales, neque cantiones
 Ore fucato populum monebant
 Laudis emacem.
 Sed modò Argiuis nimis ille verax

Qui sibi elapsis opibus fugaces
Intuens vna comites abisse

Fædere rupto,

39 Dixit ingenti gemitu, Quid, ô Di,
39 Est vir aut virtus nisi magna nummum
39 Copia, hæc docta tibi non aperta

Canto Thalia.

Canto equum cursus celeremq; palmam,
Quam tuo fratri niger Amphitrites
Detulit coniux, apij quoque addens

Texta virentis

Dorio crines cohibere nodo,
Sic Deo visum est, Agragantis vrbis
Publicum sydus decorare, & altum

Tollere ciuem,

Cui sonans axis volucérque cordi.
Quin & hunc olim Pataréus Apollo
Pythia ingressum sacra septa blando

Lumine vidit.

Clari & ambiuit radiis honoris,
Cumque caelesti Charitum decore
Pictus intonsum caput attigisset

Delius idem,

Cognitas orbi celebres Athenas:
Sæpe suspexit rapido cauentem
Currui & frænis habilem regendis

Nicomachi vim,

Concitos quem Xenocratis iugales
Voce flectentem validisque loris
Antea agnouit media sonorus

Elide præco,

Atque consuetus superum satelles
 Cantibus sacrum reuocare lustrum,
 Nec fuit mensæ & dapis hospitalis
 Immemor ille.

Forti ab aurigalibus paternis
 Splendidè exceptus populos Eristhæi
 Fortè dum visit, ideoque clangor
 Latior æris

Civis erupit Siculi ministro
 Impigro, & victricis ad aurea diuæ
 Cenua delapso, prece non in Euri
 Flabra soluta.

Sunt enim vestris, Thrasymbule, tectis
 Cogniti mensarum hilares paratus
 Post graues pugnas, numerique grandes,
 Musaque dulcis.

29 Nec virum si quis faciles Camænas
 30 Ducit in claros procerum Penates
 30 Fortium, huic semper via celsa, mōns ve
 30 Arduus obstat.

O meæ audaces vtinam sagittæ
 Ceteras tantum superent volantes,
 Quantum Agrigenti tuus anteit omnes
 Frater alumnos.

Moribus leni gravitate comptis:
 Non domi hic cultu caruit suorum,
 Nec foris acres ob equos Pelasgum
 Laude secunda.

Quis pium eiusdem tacitum relinquat
 Pectus indictas obeuntis omnes
 Férias? Diuūm quis opes benignas

Celer

Celet iniquus ?

*Nam dapum largus veterisque Bacchi
Sumptuum numquam miser explicata
Vela contraxit, validis sed Austris*

Lintea pandens,

*Phasida & Colchos gelidos per æstum,
Frigore Ægyptum petiit calentem,
Aduenis hospes variis utroque*

Tempore gratus.

*Ne (quia humanis macer usque lior
Imminet rebus) vel eum vel eius
Inclytum patrem numerosve nostros*

Deterat ætas

*Inuida obscurans: nec enim remissum
Carmen hoc, pigrum ve tibi ferendum
Tradimus velox Nicasippe in altas
Principis ædes.*

MELISSO THEBANO

ODE TERTIA.

Quæ incipit,

Εἰ τις ἀνδρῶν ἐν τοῖς χροῖσι.



*I quisquam Danaum bono
pugnarum grauium nobilis exitu,*

Congestisve opibus potens,

*Cor fastu grauidum comprimit &
domat,*

Hunc plebs iure per urbium

Non inuita canit compita, iuppiter,

28 Puro cuius ab æthere
 29 Mortales hominum defluit in greges
 29 Virtus quælibet enitens:
 29 Nam fortuna virum vitæque longior
 29 A tergo venientia
 29 Conuersis oculis respicientium:
 29 Sed mens læua quibus stupet,
 29 Confiditque rotæ cæca volubili,
 29 Horum non habitat diu
 29 Sedes instabiles fluxa beatitas.

Porro Pierium decet

Vatem iusta operum dicere præmia
 Clarorum, & lepidis modis

In cælum iuuenes tollere prouidos:

Quorum vni geminum decus

Melisso è duplici puluere contigit,

Bisque illi bibit intimum

Pectus lætitiæ suauia pocula,

Et cum vallibus inclytis

Isthmi fronde noua tempora vestit,

Et cum victor equis citis

Cadmeam patriam non humili tuba

Latum sparsit in aëra,

Quâ quoddam Hercules terribilis Leo

Post cædem pecoris vagi

Vastum inter frutices deposuit latus:

Sic victor docuit sibi

Innatum veteris robur originis:

Certè fama Cleonymi

(Gēs à quo patria est) laurigeras rotas

Novit, nec proanos minus

Maternæ

Maternæ sobolis Labdacidas graues
 Olim per cumulos opum
 Vectari solitos curribus aureis.
 Vnum flebile fortibus,
 Quod Melisse carens fratribus ingemis:
 Sed quisnam volucres dies
 Mutantes hominum fata coerceat?
 Soli cælitibus sati
 Non vlla accipiunt corpore vulnera.

EIDEM MELISSO
 Ode quarta. Quæ incipit,

Εἴ μοι Δῖον ἔχῃ.



E mille nostris gressibus offerunt
 Partes in omnes Aoniæ viæ
 Melisse, pandunturque amœna
 Vndique Pieridum vireta,
 Iuuantibus Diis, nam pugil Isthmia
 Cauisti arena ne foret asperum

Durumve quidquam personanti
 Vocetuas fidibusque vires.
 Quibus vigentes vsque Clëonymi
 Prisci nepotes non sine numine
 Felicis illæsiq; vitæ
 Curriculi tetigere calcem.
 Quamuis in horas assiduè leues
 Mutantur Euri, nec similis diu
 Flatus per altum currit æquor,

Aut homines agitat caducos.

Thebus potentes sed Cleonymide
Longos honores alta ab origine,
Gessere, præclarâque lautis
Hospitiis aluere famam:

Lingua insolenti verba nocentia
Tristesque voces spargere nesciit
Ac gloriæ quidquid sepultos
Nobilitat proceresque viuos,

sacrôque testatum ore Polymnia
Gentes pererrat, victor, aus tuis
Hoc omne quæsitum suprema
Cuncta simul decora assequutis,
Virtus & horum bellica mœnibus
Ab usque Cadmi porrigitur sacris,
Rectas ad Alcidiæ columnas
Nauigerum mare terminantes.

Quapropter actus longius inelytis
prodire nō est: quid memorẽ hos equũs
Nutrisse pugnaces quadrigas,
Et ruilo placuisse Marti?

Diesed vno bis geminos tibi
Melisse fratres corripuit furens
Heu nimbus armorum, & beata
Tecta viris viduata liquit.

Nunc verò perte clara patris domus,
Ut alma tellus post hyemem nigra
Caligine obductam rubentes
Vere rosas ineunte fundit.

Atque ima terræ concutiens sola
Neptunus Onchesti incola nobilis,

Isthmîque

Isthmîque custos, laude vestram
 Progeniem recreans & hymnis,
 Illius ægrum iam decus ac velut
 Siratis recumbens tristibus excitat.
 Nam pænè tantæ fama gentis
 Casibus occiderat sinistris:

Sed illa surgens nunc iterum tuæ
 Ad clara palmæ classica fulgurat,
 Ut lucifer deterfus undis
 Mille alias nitet ante flammæ.

Hæc ipsa quondam fama tuas rotas
 Vicisse clamans finibus Atticis,
 Ludisque quos Adrastus ora
 Instituit Sicyonis exul.

Flores amœni tunc tibi carminis
 Porrexit ultro, sparserat ut prius
 Virtuti auorum, qui nec unquam
 Quadriugos habuere currus.
 Graiæ abstinentes pulueris ad sacros
 Cætus Achiuis conuenientibus,
 Nec fortium magnis equorum
 Sumptibus ingemuere tristes.

33 Viris auaris namque & opum pigro
 33 Amore nil altum experientibus,
 33 Nox atra torpentis silenti
 33 Vsq̃ue caput tenebris opacat.
 33 Quin ipsa multus congregientium
 33 Fortuna summos ante apices latet
 33 Victoriæ, quam fata nunc his
 33 Nunc alius inopina donant.
 33 Ac sæpe vasti robora militis

20 Peruertit astu debilis artifex
 20 Pugnandi: & illam nostis omnes
 Vim Telamoniadae cruenti,
 Qui mane summo diffugientibus
 Stellis ademptas exuuias sibi
 Mærens Achilleas, reclusit
 Ipse suum latus ense crudo.
 Nuncque inter umbras Argolicis viris
 Vectis ad altam nauibus Ilium
 Rixatur, iratus. sed ingens
 Mæonides opere expolito
 Miris per orbem vexit honoribus
 Sublimem Ulysssem, principis erigens
 Tollensque virtutes in altum
 Carmine non hominem sonante:
 Quo posteris est tradita vatibus
 Seges iocosa conueniens Lyra.
 21 Vocale nam quodcunq; & expers
 21 Interitus canimus diserti
 21 Excurret omnes in populos vagum,
 21 Et strenuorum fax operum micans
 21 Terras inextinctis pererrat
 21 Luminibus sterilémque pontum.
 21 Adeste quæso Pegasides Deæ,
 Tuque o feracem qui Lyciam colis
 Delumque maternam liquore
 Phæbe nouo mihi labra tinge:
 Per me, ut Melisso flammifer ardeat
 Honoris ignis Pancratium ob graue,
 Dignaque te frondes inumbrent
 Nata Telestiadæ corona.

Tu par feroci corde Leonibus
 Horrore sylvas concutientibus,
 Explere cū se rugientes
 Cæde vagi pecoris laborant:
 Idēque vulpem consilio refers,
 Quæ sæpe in aruis victa velut iacens,
 Dorsūque reclinans cruento
 Vngue Aquilas lacerat cruentas.

33 Virtute namque est acribus & dolis

34 Tollendus hostis . non tibi vastitas
 Orionis, non alta moles

Ionium gradiens per æquor:
 Sed corpus illud quod pugil intuens
 Contemnere ausit, mox tamē asperum
 Expertus iniustūque pugna,
 Ipse suos oculos refellat .

Sic & statura non nimis Hercules
 Enormis alta , verū animo vigens
 Intervito felici ab vrbe
 Ogygis in Libyam profectus,

Sæui gigantis triste palatium
 Antæi adiuit, scilicet vt viro.
 Luctatus immani scelestum
 Lege pia caput obligaret:

Posthac marini ne foribus Dei
 Ora innocentum figeret hospitium,
 Neu templa circum luctuosus
 Horrida pollueret figuris .


Molitus hoc est filius inclytæ
 Alcmenæ, & idē viuus adhuc polum
 Conscendit ardentem , & relapsus

Omne solum peragrans obiit,
 Nec præter illum quisquam alius rate
 Fines profundæ vectus ad ultimos,
 Iussitve substerni carinis
 Immemores feritatis undas.
 Iam verò ab Oetæ nubiferis ingis
 Sublatus altum limen habet, Iouis
 Sedi propinquus, incubatque
 Æthereis opibus beatus,
 Charusque diuis, & venerabilis,
 Postquam penates duxit in aureos
 Heben renidens, & potentis
 Esse gener meruit nouercæ,
 Portasque eidem nos ad Alectridas
 Dapes parantes, & foliis nouis
 Altare velantes sacratum,
 Vnâ etiam rapidos in ignes
 Cæsa hostiarum viscera mittimus
 Herois octo pignoribus vagi
 Quæ mater eduxit Creontis,
 Argolicusque peremit ensis.
 Et nunc honori tot iuuenum die
 Latente, claræ mille faces micant,
 Noctemque vincentes odoro
 Astra petunt, feriuntque fumo.
 Verùm tenebras peruigiles ubi
 Phæbus remouit, tunc redit annum
 Certamen, impleturque feruens
 Viribus oppositis arena,
 In qua capillos victor hic implicans
 Canente myrto bis merita caput
 Ostendit

Ostendit euinctum corona,
 Virque viris abiit subactis.
 Ut ante victus se pueris puer
 Iactarat audax, nempe tibi obsequens,
 Impube qui corpus gubernas
 Ut fragilem, Polybule, cymbam :
 Sed nunc Aliptes impiger Orseas
 Nobis & Isthmi concinitur pugil,
 Illisque funduntur liquores
 Aoni, Charitumque succi.

PHYLACIDÆ ÆGINETÆ
 PANCRACTIO VICTORI,
 Ode quinta. Quæ incipit,

Μᾶτερ ἀλὶς πολυόνου Δία.

20  PARENS magni Thea prisca solis,
 21 Tūque sol cuius radiantis astrum
 22 Condito terræ latebris in imis
 23 Præsidet auro,
 24 Nostra gens per vos bona cuncta supra
 25 Extulit flauī nitidum metalli
 26 Sydus, & rerum dominos fatetur
 27 Indiga nummos:
 28 Iure nam vestris opibus feruntur
 29 Per mare in pugnam validæ triremes:
 30 Cūque Mars terris agilis mouetur
 31 Munere vestro,
 32 Acer armata sonipes quadrigæ
 33 Sæuit in campis hominūque equūque

- 20 Stragibus gaudet, ferus, & iacentes
 20 Calcat acervos.
 Nec sine impensis grauib; cupitam
 Gloriam fulvæ pariunt arena,
 Sive quis pugnae manibus, volucris
 seu pede cursor
 Tempora vmbrosis operit coronis.
 Insolens fortuna licet, ferôxque
 Præliis gestit dare iura nudæ
 Pubis Achiuæ:
 20 Sunt duo queis flos aditur beatæ
 20 Vitæ, & immensis audisq; votis
 20 Maior evadit, nec eget bonorum
 20 Diuite riuo:
 20 Scilicet quando tibi lenis aura
 20 Sortis aspirat facilis, simulque
 20 Fama laudantis populi. duobus
 20 Namque potitus
 20 Cuncta diuorum cumulata dona
 20 Accipis lætis animis, neque vltra
 20 Iuppiter poscas fieri, nec altum
 20 Æthera tentes.
 20 Quippe mortali generi caducæ
 20 Congruunt dotes pereuntis æui.
 Natæ Lamponis tua bis in Isthmo
 Cognita virtus.
 Sacra nec tellus Nemeæ virentis
 Immemor fratris Pythæ, tuîque,
 Et pede & pugno, fera quos gerentes
 Prælia vidit,
 Diris Æginæ validos alumnos.

Quo loco numquam mihi Musa cordi,
Nec modi dulces ubi laus filetur

Aeacidarum.

Sed modo huc veni, comitesque duxi
Gratias mecum, sobolem ut gemellam
Inclyti Lamponis in astra ferrem

Alite versu.

Quod si, ut Oenopæ memorat coloni,
Fratrís excellens viriusque virtus
Ad decus fulgens operum micanti

Tramite fertur:

Spiritus magnos animosa Clio
Nunc gere, & cantu resonans acuto
Musicos largè iuuenum labori

Funde liquores.

20 Namque & Heroum genus acre bello

20 Quæsiit sparsas per inane voces

20 Impigris factis: & adhuc lyraëque

20 Multiforésque

20 Fistolæ natos superum loquuntur

20 Mille post annos, veterum & virorum

20 Pænè celestis tenet occupatos

20 Gloria vates.

Hinc ad Ætolas celebrantur aras

Martij Oenidæ, neque septiportis

Editus Thebis Iolaus inter

Sacra tacetur.

Patrium latè volitat per Argos

Aliger Persens, liquidusque semper

Laetat Euiotas Helenæ minaces

Cuspide fratres.

Ast in Æginæ spatiis amœnis
 Æacum rumor canit & feroces
 Posteros eius, quibus alta bis est

Diruta Troia:

Herculis ductu semel inquieti,
 Dein sub Atridis. age nunc Thalia
 Altiùs currus humiles, relinquens

Ardua terras,

Fare quis Cycnum iugularit audax,
 Dic quibus telis homicida fusus
 Hector iratis dederit trahenda

Membra quadrigis.

Pande quis nigris orientis alis
 Memnonem Diuæ genus imperantem
 Strauerit, cui nam domitus Pelasga

Telephus hasta,

Sanguine infectas virides Caïci
 Tinxerit ripas. nihil vllus ausus
 Tale, quem felix tua non crearit,
 Æace, tellus.

Iam diu virtutum animique magni
 Murus Æginam validam coronat,
 Nulla quem summum superare victrix
 Machina possit:

Ac meo incluse retinentur ore
 Mille verborum celeres sagittæ,
 Ciuium Oenopæ vetus expetentes

Figere nomen.

Quin noua accessit mihi testis vrbs &
 Regia Aiakis Salamis marina
 Arte nautarum stabilita nuper

Oenopiorum,

Oenopiorum,

Et manu fida socióque Marte
Seruiti mæstis resoluta vinclis,
Cum necis duræ grauis ille Medis

Incidit imber,

In modum & spissæ niuis asperæve
Grandinis densi cecidere Eoi,
Milites pinguis lanianda Graiis
Piscibus esca.

30 Sed tamen sanam Nemesim timentes

30 Præstat elatos cohibere fastus

30 Vocis inflatæ. bona nam vicissim

30 Et mala fundit

30 Iuppiter, vasti moderator orbis,

30 Sit licet Pæan hilaris, tubæque

30 Cantibus virtus celebrata, melle

30 Dulcior omni.

Nec fero Marti similes agonas

Ludicros spernat Danaûm iuuentus,

Quæ tuæ gentis, Cleonice, miros

Norit honores.

30 Non diu obscurus labor est virorum

30 Fortium sumptus, neque semper ingens

30 Rebus infectis animum dolore

30 Pungit hiantem.

Testis hic clarus Danaas per vrbes,

Victor atque eius Pythæas aliptes

Cæteris maior mihi nunc acuta

Voce canendus:

Qui modò Athletæ docilis feroces

Dirigens ictus facilem coronam

Reddidit dextra celer, atque cura
Alite velox.

Musa ei flores operosa texe
Dulce cincturos caput, & lacernam
Purpura tinctam, & teneros merenti
Porrige versus.

PHYLACIDÆ PYTHEÆ EV-

THYME NI AVVN CVLO

Ode sexta. Quæ incipit,

Θάλλοντος ἀνδρῶν ὥς ὅτε συμπεσῖν.



ICVT sæpe virum regificas dapes
Inter iam medias dat puer alterum
Conuiuis cyathū, qui generi inclyto
Heroum bibitur sacer:
Lamponis soboli sic iterum nouum
Nectar Pierij porrigo carminis:

Nam primos latites, ó superum potens
Regnator, tibi fudimus,
Cum maior Pytheas in Nemea caput
Velatum egregiis frondibus extulit:
Nunc Isthmi in spatiis ob puero decus
Partum Phylacidæ recens,
Impletur scyphus hic posterior vago
Neptuno & vitreis virginibus maris.
Libemúsque vtinam tertia pocula
Seruatori hominum Ioui,
Quando gens eadem gramine Olympico
Pisæa tulerit munus adoret,

Ac per me Oenopium mel Aganippidum
Lætis irriget imbribus.

20 Porro si cui hominum, non labor inquires
21 Nec sumptus grauis est, dum sibi prouidus
22 Virtutem ætheream comparas, & sonans
23 Laudis murmur amabilis:
24 Is par cælicolis alite prospera
25 Felices alacer vectus ad insulas
26 In luttus validam proicit anchoram,
27 Fundamen stabilis ratis.

Tali sorte potens Phylacide sator
Vfus, iamque suæ non humilis spei
Compos, nec tremulam canitiem paue,
Nec letum metuit nocens.

At magnam Lachesi nunc precor illius
Et consanguineas vnanimis duas,
Victorem vt cupidum frondis adhuc nouæ
Elæi Iouis audiant.

Nec verò mihi fas Oenopiæ solum
Ingresso omniferum curribus aureis
Stantes Æacidæ ferre silentio
Pressos, quin potius inuat
Diræo meritos spargere flumine:
Stratæ namque viæ centipedes patent
In latum innumera, queis opera inclyta
Clari sanguinis exeunt

Nili vltra tacitas amnis origines
Occultumque caput longius, & gelu
Tristi Hyperboreo: dura nec oppidum
Vllum barbaries habet;

Pernuersis resonans vndique vocibus,

Fortunari vbi non gloria Pelei
 Cantetur populus, & Telamonius
 Ajax, & Telamon ferox:

Quem fidum comitem Martis ahenei
 In casus dubios cum legionibus
 Tirynthi armiferis duxit ad Ilium
 Clarorum tumultum virum
 Alcides patiens, vt Phrygis impij
 Periurum imperium regnaque tolleret,
 Tuncque hostis scelerum falsiparens manus
 Troum Pergama diruit.

Ac Cec domitis ciuibus insulae
 Senis, mox etiam concidit illius
 Vi iusta Alcyoneus haud similis viro,
 sed monti acrio gigas,

Per Phlegrea boues ducere pascua
 Consuetus, neque tum degener Herculis
 Arcus tela procul mittere gestiens
 Clangentem tenuit sonum.

Ergo progenies armipotens tua
 Alcmena Eacida milite glorians
 Iam claro socios aere coegerat,
 Etiam dispositas dapes

Prandebant auidi littore nauitæ,
 Quum fortis Telamon magnanimū ducem
 Ripæ inferre gradum conspiciens trucidis
 Indutum exunias feræ,

Hoc hortatus eum est in spolio vt meri
 Nectar Celitibus funderet integris,
 Deinde illi pateram bellipotens comes
 Ex auro rigidam dedit,

Spuman-

Spumantémque hilari munere Bacchico,
 Quam dextra cohibens martia brachia
 In sublime alacer sustulit Hercules,
 Tali vociferans sono:

Si tu vnquam facilis sollicitas preces
 Audisti Herculeas, magne virúm sator,
 Regnatórque Deúm, te modò, te modò,
 Sanctis vocibus apprecor,

ut natorum inopi des sobolem meo
 Pugnacem Æacida, testáque prosperes
 Fortunásque viri, nec puer editus
 Cedat vulneribus magis,

Quàm tergum hoc patiens terribilis feri,
 Quod latos humeros nunc mihi contegit,
 Partum insigne manu cùm Nemca est meis
 Primis vsa laboribus,

Occisúsque leo mortifer illius
 Inuictos animos, ó vinam, gerat
 Qui nostro exoriens filius hospiti
 Implebit vacuos lares.

Sic fato é liquido protinus æthere
 Missus Rex anium deuolat Æetos,
 Quo viso exiliit latitia Herculis
 Pectus suauius intimum:

Moxque heros veluti numine percitus
 Vates augurium tale hilaris canit:
 Audax progenies quam petis, osibus
 Exhibet Telamon tuis,

Sed natum volucris latus ab æeto
 Aiace vocita: sic Deus imperat:
 Aiace validum, qui populos supra

Toto vertice martios

Extabit mediò celsus in agmine.

His dictis iuuenum cum grege nautico

Alcides epulis accubuit libens.

Sed notum genus Æaci

Prolixúmque nimis semideúm exequi

Virtutes alias, deinde ego Pythea;

Vnctóq; Euthymeni, & Phylacida, dator

Adsum nominis inclyti:

Quos Argiua modo pauciloquentia

Percurret breuiter: namque trium duo

Fratres vnanimés, vnus auunculus,

Omnes pancratio boni:

Ter campis Ephyræ, bis Nemeæ in plagâ

Deicere graues fortiter amulos;

Quor verò elicuit carmina multiplex

Virtus Aonidum è sinu?

Quàm dulcis Charitum succus hymettius

In Psalychiadas perueterem tribum

Illorum cecidit? quàm bene sic domus

Est fundata Themistij

Æginæ validis vrbis ab incolis?

At Lampon senior præmeditans diu

Quidquid grande animo suscipit anxio;

Ascræum sequitur melos

» Illud: (cura vigil perficit omnia)

Quin sæpe hoc sobolem palmiferâ monet;

Communi in patria clarus, & hospitum

Donis ditibus affluens.

Idem legitimum promouet ad modum

Cæpta, & spes audas non humilis neque

Abiectus

Abiectus cohibet, sermo nec illius
Præuertens animum volat.

Certantesque aliis rectius erudit,
Ut cos utilior Naxia ceteris
Quæ missæ ex alio littore desides
Enses segniter asperant.

Quare illum meritò spargo liquoribus
Phœbei laticis, qui modo virginum
Iussu pieridum sacra Polynicis
Erupit prope mœnia.

STREPSIADÆ THEBANO

PANCRATIO VICTORI

Ode septima. Quæ incipit,

Τίμῃ τῶν πάρις, ὧ μάχιστα Δῖβα.



VANDO alta Thebe lux hilarissima

Exorta summis cor tibi gaudiis

Demulsit ob clarum tuorum

Nomen & indigenas honores?

An nato Iaccho qui Cereri æneum

Sistrum gerenti semper adest comes

Formosus? an cùm nocte furua

Iam medium spatium terente

Bigis opacis decidit aureo

Mutatus imbri Iuppiter in tuas

Sedes, & Alcmenam tumentem

Viribus Herculeis reliquit?

Num quando primùm fudu in arduis

Oracla rebus Tiresias sagax,

Vel cùm per urbem gloriantes

Victor equos Iolaus egit?
 Vtrum ne fortis miles ubi sato
 Erupit aruo, telâque protinus
 Inuasit, an cùm castra septem
 Pulsa tuis abiere muris:
 Pallénsque Adrastus fugit in intimum
 Argos peremptis Rex viduus viris?
 Num quando tu Spartæ labantes
 Ausa pedes stabilire sola,
 Ægidæ & acres gens tua Cynthio
 Iubente Amyclas sub Lacedæmonæ
 Straueré? sed Thebana pridem
 Sparta ferox benefacta celas.
 Nec auxiliî iam gratia nobilis
 Obliuiosis pectoribus manet:
 Niforsan id flos eminentis
 Ingenij eripiat tenebris
 Pleno sonantum flumine carminum.
 At chara tellus patria, si tibi
 Insigne iucundûmque quidquam
 Temporibus fuit ante lapsis,
 Nunc magna cantu gaudia libero
 Testare & hymnis: strepsiades enim
 Quæsita in Isthmo dona sæui
 Pancratij tibi victor affert,
 Firmus stupendo robore & obuia
 Placente vultu lumina detinens,
 Virtus nec eius fortis infra
 Corporis est speciem decori.
 Vtramque certant Aonides nigros
 Fuscæ capillos colla in eburnea
 Clarare

Clarare, & ornant mutuò se
 Strepfiades, animæque largus
 Homonymus, quem stirpis auunculum
 Maternæ iniqui perculit impetus
 Martis: sed audaces libenter
 Nomen emunt titulósque vita.
 Nam quisquis armorum exitialium
 Nimbis obortis sanguineam procul
 A patria auertit procellam,
 Quique suos tegit ense ciues,
 Stragémque turmis iniicit hosticis,
 Is siue viuât seu cadat aspero
 Mucrone, transmittit futuros
 Egregium decus in nepotes.

Nate ergo magni Patris Homonymæ,
 Rectè æmulatus Meleagrum Hæctora
 Vatémque Adraſti funeratos
 Pro patria superúmque templis,
 Nuper calentem pectore spiritum
 Efflaſti, & æui robora floridi,
 Exercitus dum fronte prima
 Bella cies alacerque pugnas:

Quâ parte pubes strenua maxime
 Hostilis omnem militis impetum
 Exceperat, palmæ ve dulcis
 Spes agitans obitúsve clari:

Nos verò quanuis magnanimum viri
 Letum ingementes luximus, at modò
 Neptune per te lux serena
 Post hyemem, pluuiásque fulsit:
 Vincente Achivam Strepſiada manum

Quare mærentem concebro libens
 Illique ludentem per auras
 Nectō comam folio virenti.

Sed ne ira Diuūm, neu Nemesis potens
 Victorem iniquè ladat amabilem
 Turbét ve, dum præsentis horæ
 Dona manu fugitiua carpit,
 Spēsque inter altās atque humiles metus
 Sensim quieto pergit itinere
 Canos ad extremos, & atra
 Busta die subeunda certo.

20 Nam grata vitæ lumina linquimus
 20 Omnes, nec vllus sortis adhuc suæ
 20 Arcana præuidit: superbis
 20 Quique petit supera alta votis,
 20 Pigris onustus corporis artubus,
 20 Frustra ille tentat scandere lucidas
 20 Arces Olympi. quippe & olim
 Pegasus ore fremens rebelli

Heroa tergo depulit alite
 Vano expetentem corde Iouis domos
 Inuisere altas, & Deorum
 Purpureo residere cœtu.

22 Sempérque quidquid dulce nimis boni
 20 Rectique fines transfilit, exitus
 20 Sortiitur infastos, amica
 20 Mella nigro superante felle.

At Phæbe pulchrum cui caput aureis
 Fulget capillis, post decus Isthmium
 Da Pythiam lucta é feroci
 Strepfiadæ valido coronam.

CLEANDRO ÆGINETÆ

Ode octaua. Quæ incipit,

Κλεάνδρῳ τῆς ἀλικίας τε λύτρων.

LIANDRO, ô iuuenes, eius & in-
tegræÆtati, en aliquis patris ad aureas
Sublimésque fores carmen amabile
Effundat pretium pulueris anxij

Ærumnaque grauis munus ob Isthmias
 Pugnas & Nemeæ prælia debitum
 Victori Oenopio. qui geminis locis
 Certans, eximium bis reperit decus.
 Aut si vos nimium pectore languido
 Cessatis taciti, certè ego, si licet
 Mæstus, tot sociis in Salaminia
 Demersis acie Calliopem auream
 Inuitare domum cogar, vti neque
 Post defleta virum corpora fortium
 Nostras vsque comas destituant noui
 Flores, nec vehemens perpetuis dolor
 Pascatur lachrymis: Sed modò Persici
 Deiecta imperij compede liberum
 Spargamus numeris dulcibus aera.
 Pendens ille etenim Tantaleus lapis
 Graiorumque diu verticibus minax,
 Nunc gentes alias munere cælitum
 Terret, nec vaga vis intolerabilis
 Martis iam Danaas exagitat domos.
 Quare præteritæ cladis Achaicæ
 Bellorumque dolor, pallidus & metus

Duri seruitii cor mihi deserit
 Paulatim subita victus adorea:
 Et semper quod adest dulce fruentibus
 Amplecti melius quàm venientia.
 Prospectare oculis flebilibus mala.
 Fati namque dolo triste quid abditum
 Ignotumque viris omnibus imminet,
 Quod vitam spatio temporis implicat
 Duri, sed grauium vulnera casuum
 Sanantur, modò sit salua dolentibus
 Libertas, neque spes aufugiat leuis.
 Porro me in nitidis sedibus editum
 Thebes flauicomæ Naidi conuenit
 Ægina Aonios neçtere flosculos:
 Natas namque sibi sustulit has senex
 Asopus geminas, vltima pignora
 Cultuque egregij corporis vtraque
 Supremo placuit Cælicolum Ioui,
 Qui Dirces liquidum propter aquæ caput
 Thebem vrbi grauidæ, curribus aureis
 Reginam imposuit, teque soror decens
 Illius timidam trans mare deuium
 In lucum Oenopiæ detulit insulæ,
 Et Zonam attonitæ dissoluit iacens
 Sub ramis, vbi post vagiit Æacus
 Sanguis Nympha tuus, quem superis parem,
 Natumque impanidum fulminei patris
 Sol vidisse hominum dicitur optimum:
 Atque hinc Elysius vallibus arbiter
 Reddit iura piis integra manibus.
 Eius nati alacres belligera manu,

Natorum & soboles firma valentium
 factis enituit fortibus impigra
 Enses per medios ire ferociter,
 Clamosasque acies & gemitum & neces.
 Non illi ignea mens promptaque defuit,
 Et frenans auidas sancta libidines,
 Quæ Diuum meminit cætus adhuc frequens,
 Post tot lapsa fuga sæcla volubili.
 Nam quondam Iuppiter & maris *omniparens*
 Rector nauigeri de Thetidis sacro
 Certauere thoro, cum sibi coniugem
 Hic atque hic niueam Naiada posceret,
 sauo vrente Deum corda cupidine.
 sed neutri thalamos Nereidis vagæ
 Immortale poli concilium dedit,
 Audito Themidis carmine præscio,
 Quæ sic est superis fata silentibus:
 Si pulchram Thetidem magnanimo Ioui
 Neptunove thori copula iunxerit,
 Illinc progenies exoriens patre
 Augusto, melior telum aliquod manu
 Gestabit valido fulmine fortius,
 Et quassante solum triplice fuscina:
 Ut monstrant Lachesis stamina ferrea.
 Tantum arcete nefas Cælicolæ, & placens
 Nerinæ proceris lecta cubilia
 Mortalis celebret, mæstaque filium
 Confossum in Phrygio puluere lugeat:
 Postquam densa virum strauerit agmina,
 Ut Mauors manibus feruidus igneis
 Palantiumque sequax fulguris in modum,

ISTH MIA

Ac ne fata pigra sustineam mora
 Diuinum æquorei coniugii decus
 Peleo Graiugena pronuba destino,
 Qui nunc ante alios ductor amans virum
 Et Diuum metuens Æmathiam regit,
 Iamque hinc fama noui nuncia gaudii
 Ad Cheirona procul semiferum volet
 Æterni sub humo fornicis incolam,
 Nec nobis iterum dissidium graue,
 Accendant Veneres Oceanitidis:
 Sed cum plena polo Cynthia fulserit
 Primum & connubij flammiferam facem
 Ostendens nitido vesper ab æthere
 Formosæ Thetidi sponsus amabilis
 Currat Virgineum soluere vinculum.
 Sic illa: at Superum concio sydera
 Motu concutiens protinus annuit:
 Nec sancti augurij fructus inutilis
 In terras cecidit: nam memorant Iouem
 Lenitum æquamini pectore nuptias
 Spectasse æquoreæ Naiadis impares.
 Priscorumque sonus clarior in dies
 Hymnorum attonitis auribus influens,
 Mirantis populi perpetuò nouat
 Virtutem Æacidæ, Mysia qui sola
 Latè pampineis confita viribus
 Infecit domiti sanguine Telephi
 Nigro, qui patrias vnicus ad domos
 Atridis geminis strauit iter patens,
 Incestisque Helenem soluit amoribus,
 Cæsis ense fero poplitibus phrygum

Certantum

Certantum Iliacis pellere mœnibus
Ipsū, dura nimis prœlia Dardanis
Inflammare trucem gramine Troico:
Non Memnon alia cuspide saucius,
Non Hector periit, nec procures manu
Præstantes alij mille, quibus canas
sedes Persephones, antrâque lurida
Pandens ille domus aura fauens sua,
Tum dulcem patriam, tum proprium genus
spectandum innumeris gentibus obtulit.
Nec Verò Æaciden exanimum graues
Defecere modi, busta sed illius
Ardentèsque rogos continuo nouem
Cinxere Aonides, & cita lugubri
Defleuere viri funera nenia.
Sic visum est superis impavidum ducem
Orbatum æthereis luminibus quoque,
Famæ & Pieris tradere cantibus,
Vnde illum stygiis manibus inuidis
sermo nunc etiam plurimus eripit:
Atque hic interitus me celebris monet
Vt curru volucris læuis Apollinis
Conscenso tumulum compositi modò
Nicoclis decorem pollice verberans
Dulcis fila lyra: nam pugil hic comas
Nigrantes apio saepe coercuit.
Felicis patriæ pluribus accolis
Fusis in stadio fortiter Isthmio
Expertisq̃ue manus intolerabiles,
Non huic dissimilis sanguine proximus
Cliander, soboles incluta, cui pares

*Annis o Danai texite myrteum
Velamen capitis,sertaque mollia,
Partam ob Pancratii nuper adorem
In campis Ephyræ:terra sed hunc prius
Famosa Alcaithoi gēnsque Epidauria
Frangentem iuvenes viderat æmulos,
Quæ se cuncta simul varibus offerunt
Commendanda bonis prælia : non enim
Cliander viduus laudibus , aut piger,
Ætatem latebris textit inertibus.*

Finis Isthmiorum.



FRANCISCO VALESIO
 ANDEGAVENSIVM DVCI
 Charitatis vrbe nuper recepta victoriam
 adepto, eiusdem N. Sudorij Præsidis
 Odc.

LEA nobis nuper Olympias
 Cantata Graiūm, & vana ferocia,
 Cursūque pernices equorum,
 Et iuvenes pedibus fugaces.
 Maiore multò nunc, Dea, spiritu,
 Sumptāque athena Melpomene tuba,
 Victoriā diffunde Galli
 Hercules ætherias in auras.
 Vt magnus olim Iuppiter intuens
 Ausos gigantas addere montibus
 Montes, & exæquare summo
 Thessaliæ iuga opaca calo:
 Non ille promptas Calicolūm manus
 sæuos in hostes protinus impulit
 Duxitque, sed Phlegræa primū
 Fulminibus tremefecit arua.
 Quæis ista Tellus mater, & intimo
 Concussa motu terrigenas suos
 Conspexit irritata Diūm
 Numina suppliciter precantes.

Sic Charitatis mœnia non prius
Calcanda Gallo tradita militi,
Quàm tela Franciscus rubente
Multa manu iaculatus altas
Dissecit arces. Hunc superum Pater
Crebro tonantem è nubibus audiens
Laudauit, agnouitque vires
Ipse suas Phrygio in nepote.
Deducta proles ab Ioue Dardana,
Francique Reges Hectorem genus:
Frustraque diuinis repugnat
Imperiis hominum potestas.
Tentata multis quòd tibi ciuitas
Submisit vni turrigerum caput,
Francisce, magnum est: sed ferocem
Longè animum superare maius,
Hostique victo parcere. Sæuiunt
Solæ in iacentes degeneres ferae:
Quod fortiter strauere, numquam
Dilacerant animi Leonum.
Non imperantem laurea sic decet
Victrix, coronæ non decus aureæ,
Vt querna frons clementis index
Militiæ populique salui.
Ferro recisæ sæpius arbores
Cælum renatis frondibus occupant:
Hostilibus plerumque bustis
Exoritur clypeata pubes.
Per te remansit virginibus pudor,
Seruata matrum corpora, non viris
Erepta vita est, non furenti

Templa

Templâ Deûm violata flamma.
 Hac arte quondam fretus auus tuus
 Franciscus arces attigit igneas,
 Franciscus acceptus Camænis,
 Et citharæ fidibusque notus.
 Rupella diris seditionibus
 Agra, & tumultu feruida bellico,
 Exceperat stridente porta,
 Tisiphonem Sygiâmque Erinny.
 Illæ inquietum per populum vagæ
 Latè scelestas iam tulerant faces,
 Iam verterant fas omne ruptis
 Legibus imperiôque fracto.
 Deiecta passim lilia cerneres
 Transmissa ab alto cælitus æthere
 Insignia, & Regis ministros
 Mille feris manibus peremptos.
 Vt Caurus ater, quum mare proximum
 Turbauit vndis asilientibus,
 Vtrinq; diuexata nauis
 In scopulos peritura fertur:
 Iactata ventis sic popularibus
 Vrbs æstuabat, naufragium timens
 Irâsque vindictâmque læsi
 Principis, horribilésque fascēs.
 Augusta sed quum se facies patris
 Regnantis vltro ciuib; obtulit:
 Sol, qui nocentes per tenebras
 Exciderat, redisse visus,
 Iubârque latè spargere fulgidum.
 Non ille culpæ parcere nescius

Tot fontibus tormenta & vncos
Proposuit gladiosque & ignes:
Multa at precantum millia contuens
Abiecta turpi flebiliter solo,
Sic ingementes ipse cætus
Miribus alloquiis leuauit:

20 Poenis nocentes plectere Regium,
20 Et frena prauis addere gentibus,
20 Errata condonare, & iram
20 Ponere, res Ioue digna summo:
20 Qui luce sanctos lustrat & impios,
20 Ambos eodem contegit aëre,
20 Vtrisque communem parentis
20 Frugiferæ gremium recludit.
20 Me concitatus si dolor auferat,
20 Assueta sceptris & violentia:
20 Hæc illico exæquata terræ
20 Cuncta ruant dominante flamma:
20 Prædâque sæuis miles ab ignibus
20 Audax inulta diripiat manu.
20 Humana sed seruare nostrum est,
20 Perdere diluuij vel æstus.

Modò insolentis sanguine Flandriæ
Vindicta tinxit Cæsareas manus.

Ciuilis expertem cruoris

Me iuuat imperitare, Franci.

Sic fatus ille est, publica leniens

Sermone blando vulnera: nec virum

Ingrata gens delebit vnquam

Magnanimi benefacta Regis.

IN OBITVM C. V. IOHANNIS
 THVANI, QVVM VIVERET SVPLI-
 cum Libellorum in Regia Magistri, Ode ciuf-
 dem N. Sudorij Præsidis Inq.



VICVNQVE verè magnanimus
 sapit,

Is spes inanes, gaudiâque & metus
 Plebi relinquens, clam beata
 Morte vehi super astra gestit,
 Et totus extra se positus foras

In vitæ honestum prominet exitum.

Terrena nam quid membra & artus

Corporei nisi densa nubes,

Solis supremi quæ iubar eripit

Cæleste nobis, donec inutili

Languemus æuo, noxiis que

In latebris residemus ægri?

Conclusa certo fine beatitas

Breuîque puncto sufficiens sibi

Non tempore augetur, sed eius

Decipimur variante forma.

vixisse præstat participem sacræ

Virtutis vno Sole volubili,

Quàm sæcla per mille inquinatam

Opprobriis agitasse vitam.

Scis ista charis rapte parentibus,

Thuane, nuper: quum tua adhuc vigens

Floreret ætas, atque cursum

Vix medium properans teneret.

Tu nunc corusci vertice in ætheris

Late micanti sydere fulgidus
Diuūmque conciuīs iacentem
Sub pedibus premis altus orbem,
At quum superstes aëra duceres
Ciuitatis cultor amabilis,
Numquam impares equosve supra
Flauicomum caput extulisti.

Non tot curules, non genus & domus,
Non affluentes diuitiæ tibi
Præcordia impleuere vanis
Spiritus tumidoque fastu.

Te nemo dextram tendere promptior,
Nemo benigni largior auxili:
Si quando tempestas reiecit
Ad te aliquos opis indigentes,

Et pænè sæuis fluctibus obrutos
Negotiorum, quæ miserabilis
Fert vita vasto nauigantum
Æquore deterioris æui.

Non vnda conchas cærule tot lauat,
Non æthra signis tot micat igneis,
Fidos quot illustris Thuanus
Officiis animos reuinxit.

Nunc ergo cessent artifices manus
Recisa duris marmora rupibus
Effingere, in lucemque manes
Exanimi reuocare saxo.

Cessent sepulchri flebilis arduam
Molem futuris ponere sæculis,
Nam busta sopiti Iohannis
Viuida sunt memores amici.

Quos inter ipse hunc assidue canam,
 Seu Luna, seu Sol occupet ætheris
 Conuexa, Dircesque semper
 Fonte pios cineres rigabo.

Dicam THVANI membra decencia
 Dimensa docta singula regula
 Vultumque, perfusamque dulci
 Egregiam faciem nitore:

Clarasque ocellis ingenitas faces
 Monstrasse quantum rerum opifex queat
 Insigne quum quiddam nouumque
 Terrigenis polit arte summa.

Dicam decoris artubus insitum
 Formosiore longè animum, neque
 Præclara consuetari inertem,
 Nec vitiiis procul ire tardum.

Cantabo amorem numinis et metum:
 Addam tenacem polliciti fidem,
 Et cuncta quæ spectata nobis
 Flere nefas, meminisse sanctum.

FINIS.





COMMENTARIUS
IN NEMEA PINDARI,

AD amplissimum virum Philippum
Huraltum CHIVERNIUM,
Galliarum Procācellarium,

Nicolao Sudorio, Inquisitionum
Præside, auctore.

AD PRIMAM ODEN.



CHROMIUS, quem hoc carmine
Poëta celebrat, princeps Siculus
fuit Hieroni Regi ob animi ma-
gnitudinem, & rei militaris periti-
am ita gratus & acceptus, ut eum
Hiero Ætnæ novæ Coloniae à se
deductæ præfecerit, vnde Chromius Ætneus
præconis voce denominatus est.

Ortygia Alphei requies.

SYRACUSARVM olim tanta vrbs erat, ut
eam Cicero oratione sexta in Verrem ex quatuor
maximis vrribus constare dixerit. Strabo verò

lib. 6. Pentapolin appellat, hoc est ciuitatem ex quinque vrbibus compositam : earum partium vna erat maximè nobilis, Insula, siue Ortygia, nuncupata. in ea viscebatur domus Hieronis regis, ædes Dianæ, templum Mineruæ, & præterea Arethusa fons aquæ dulcis piscium plenissimus, qui quoniam in mare Siculum fluuium emittebat, vt ait Strabo, Poëtæ fabulati sunt Alpheum Elidis amnem meare subter mare, & è Græcia in Sicilia deferri, tandèmq; post longissimos errores in Arethusæ nymphæ vlnis & amplexibus cōquiescere. Eam ob causam Pindarus Ortygiam Syracusarum insulam partemq; Alpei fluminis sedem & requiem vocat : quem Virgilius imitatus ita scribit, tertio Æneidos,

*Sicanio prætenta sinu iacet insula contra
Plemmyrium vndosum, nomen dixere priores
Ortygiam, Alpheum fama est hunc Elidis amnem,
Occultas egisse vias subter mare, qui nunc
Ore, Arethusa, tuo Siculis confunditur vndis.*

Quum, Chromi, ætat. tuam.

DISTICHON hoc loco Poëtæ adiecimus, quia aliter latinæ aures, quarum iudicium sanum est & sagax, Poetam abruptè & præcisè loquutum existimassent: quamuis reuera sententia auctoris cōtinua est, & coheret. Ideò enim Pindarus in pueri Herculis laudes digreditur, vt lector intelligat Chromij principis pueritiam cū prima Herculis ætate comparari posse. Quemadmodum enim Hercules infans mirabiliter geminos angues elisse dicitur: sic & Chromis princeps pusio ad-
huc

huc & imberbis sub Hierone rege multis in præliis strenuè dimicauit, sicut Pindarus ipse ostendit in nona Nemeorum Ode, Chromium eundem alloquens his versibus:

*Qualis Dardanidæ floruit Hectoris
Virtus, lenis ubi Xanthus humum rigat:
Talem te puerum Marticolam, Chromi,
Lux circumdedit aurea,
Etori ad viridem fluminis aggerem.*

AD II. ODEN. Pancratiastæ, &c.

PANCRATIASTES olim apud Græcos dicebatur ὁ τὰς χερσὶ καὶ ποσὶ μαχόμενος. id est, qui pedibus manibúsque & toto corpore decertabat, vt author est Suidas.

Carmina Homeridæ, &c.

HOMERIDÆ apud Græcos vocabantur, qui spretis ferè omnibus aliis artibus & scientiis, poëtisq; aliis neglectis, sese vnus Homeri interpretationi & imitationi addicebant. Quales plurimi olim in Græcia ab Homero mortuo viui ipsi alebantur, vt ait Plutar. Sed eorum institutum omnium apertissimè Plato demonstrat in Dialogo qui Ion, siue de Iliade inscribitur. Verba sunt Platonis, οἱ μὲν ὑπὲρ ὁμηριδῶν ἀξίους εἶναι χερσὶν τε φάγω τε φάγεσθαι. ΣΩ. πότερον περὶ Ομήρου μόνον λεγὸς εἶ, ἢ καὶ περὶ Ησίοδου καὶ Αρχιλόχου. ΙΩΝ. ἔδαμῶς. ἀλλὰ περὶ Ομήρου. ἰκανὸν γάρ μοι δοκεῖ εἶναι. i. Illum me esse prædico, quem Homeridæ corona aurea donare debeant. Socr. Tūne tantummodo in Homeri interpretatione excellis, an etiam Hesiodum & Archilochum intelligis? Ion. Homerum solū, is enim mihi suf-

ficit vnus pro omnibus.

Diuisa nuper te Salamis.

TIMODEMVS victor, quamuis natione Atheniensis esset, tamen colonia deducta ab Atheniensibus, in insulam Salamina ipse cum multis aliis agri partem acceperat eo in loco, larémque constituerat. Hac ratione motus Pindarus robur Timodemi Pancratiastæ comparat viribus Aiakis Telamonij, Græcorú omniú pugnacissimi, qui in eadem insula Salamine educatus fuerat, vt ostēdit Horatius de Teucro Aiakis fratre ita scribens: *Teucer Salamina, patremque*

Quum fugeret, tamen vda Lyæo

Tempora populea fertur vinxisse corona.

AD III. ODEN.

Oenopiam.

ÆGINAM alio nomine Oenopiam appellauimus, sequuti Pausaniam lib. 2. & Ouidium, cuius hæc verba sunt, septimo Metam.

Oenopiam veteres appellauēre, sed ipse

Æacus Aeginam genitricis nomine dixit.

Atque ideo in sequenti ode, vbi Pindarus ait

Ἐξύφαγε μέλος πεφλημύρον

Οἰνῶνα τε καὶ κύπρω.

Non οἰνῶνα, vt emendati etiam codices habent, sed οἰνώπα legendum existimamus.

Asopias.

ASOPVS fluuius est in Bæotia patria Pindari. Est & alius Asopus in Aegina eiusdem nominis.

Natus Aristomenis.

Hoc est, Aristoclides.

Aegina

Aegina quorum prima &c.

MIRABITUR fortasse quispiam, cur & in hac ode & in sequentibus multis Pindarus Aeginam potius & Aeacidam laudet, quàm vllum ex victoribus. Sed hoc ided à Poëta factum est, quia, ut Thucydides & Pausanias scribunt, non tantum victor, sed victoris etiam patria & ciuitas in publicis Græciæ certaminibus coronabatur. Præterea hæc omnia Pindarus scripsit, quum recens adhuc memoria esset pugnae navalis Salaminiae, in qua Græci cōcordes totius Barbariæ fluctum sustinuerāt. Quum autem hoc prælium committeretur, ait Plutarchus in vita Themistoclis, visos à Græcis Heroas pro se acerrimè dimicantes, quos illi Aeacidam esse suspicati sunt, tandemque fufis fugatisque Persis communi Græcorum iudicio, vel, ut scribit Diodorus Siculus, Lacedæmoniorum factione, inter homines singulos fortitudinis palmam Themistocles tulit, inter populos Aeginetæ. Verba sūt Plutarchi in Themistocle: Πόλειον τὴν Αἰγινήτων ἀεισεῦσαι φησὶν Ἡρόδοτος. Θειστοκλῆϊ δὲ τὸ πρῶτον ἀπέδωκεν ἅπαντες. id est, in pugna Salaminia è ciuitatibus Græcis maximè Aeginetarum fortitudo enituit, ex ducibus primas omnium opinione Themistocles obtinuit. Herodotus verò Plutarcho longè antiquior in Vrania de eadem re ita scribit: ἐν τῇ ναυμαχίᾳ ταύτῃ ἦκυσαν Ἑλλήνων αἰεταὶ Αἰγινήται, οἳ δὲ Ἀθηναῖοι ἀνδρῶν δὲ Πολύκριτος τε ὁ Αἰγινήτης καὶ Ἀθηναῖος Θειστοκλῆς, Εὐμύρης τε ὁ Ἀναγυράσιος καὶ Ἀρμυνίης παλλήνευς, ὃς καὶ Ἀρτεμισίην ἐπέδωκε. i. In prælio nauali Salaminio inter Græcos omnes maxi-

mè laudati sunt Aeginetæ, post illos Athenienses, ducum verò præstantissimi fuisse memorantur Polycritus Aegineta, Themistocles Atheniensis, Eumenes Anagyraſius, Amenias Pallenus, qui Reginam Artemiſiam fugientem inſecutus eſt. Quod ſi ita eſt non abſurdè Pindarus hoc in carmine aliſque in locis Acacidis & Aeginetis præcipuum decus honorémque tribuit.

Hæc ipſa cælo ſæpe moram trahit.

Hic locus de Aquila illuſtrari poteſt his verbis Apuleij lib. 1. floridorum: Aquila cùm ſe altiffimè ſublimauit, pauliſper cunctabūdo volatu pænè eodem loco pendula circumtuetur, & quærit quorſus potiffimū in prædā ſeſe ruat fulminis vice, de cælo: ſimul campis pecora, ſimul mōtibz feras, ſimul homines vrbibus vno obtutu cernēs, vnde roſtro transfodiat, vnde vnguibus inuncet vel agnum, incurioſum, vel leporem meticuloſum, vel quodcunque eſui fors obtulit. Et Plinius de re eadem lib. 10. Aquila librans ex alto ſeſe, viſoque in mari piſce præceps in eum ruit.

AD IIII.

Namque vbi claro legitur ſ. natus Iphicli.

Id eſt, Iolaus. Etenim Iolaus Iphicli filius Thebis vixit & ſepultus eſt, vt ſcribit Heſiodus in ſcutō Herculis.

Inſulam Euxini mar. albi. Flauus Aët.

ALBICANTEM Inſulam diximus in mari Euxino ſitam, quæ à Geographis Leuce, hoc eſt alba, dicitur. De hac ita ſcribit Pópo. Mela lib. 2. Pauca in Ponto inſulæ ſunt. Leuce Boryſthenis oſtio

ostio obiecta parua admodum, & quodd Achilles
ibi situs est Achillæa cognominatur.

Visere Gades.

G A D E S, vt Pomponius Mela & Plinius tra-
dunt, insula est inter Hispaniam & Aphricam sita,
vltra quam tempore Pindari pauci adhuc nauig-
abant. Nec procul ab ea insula ostenduntur co-
lumnæ Herculis, siue montes duo, Abyla & Cal-
pe nominati.

Clio in Europam, &c.

I D est, noli vltcrius progredi, sed in Europam
redi relicta Africa, quasi diceret, relictis antiquis
fabulis Timasarchum victorem cane.

Columnam ponere rectam.

C O L U M N A S antiqui in fortium virorū ho-
norem erigebant. Nec singulis tantum homini-
bus talis honos tribuebatur, sed vniuersi exerci-
tus, quo in loco vicerant, ibi columnam vel arbo-
ris truncum, victoriæ indicem, statuebant: qui
quidem τροπᾶιον dicebatur παρὰ τὸ τρέπειν, quod si-
gnificat in fugam vertere. Scribit tamē Plutarch.
lignea potius quàm lapidea fuisse antiquorum
tropæa, vt ostenderent minimè immortales debe-
re esse hominum inter se inimicitias. De hac re
Thucydides sæpè in historiis.

Memorantè vitæ.

D I X I M V S, memorantè vitæ, more Græco-
rum, qui oblicere consueuerūt, τὸν ἀπὸν βίον, hoc est
ἀπὸ τῆς βίον. Nec verò alium imitari sumus quàm
Virgilium, cuius hic versus est,
O socij, neque enim ignari sumus antè malorum,

id est, priorum malorum.

Verum adhuc sermone potens.

INDICAT Pindarus Milesiam non tantummodo palestræ magistrum, sed etiam Rhetorices doctorem fuisse ac perfectum gymnasiarcham, qui iuuenum & corpora & ingenia simul exerceret.

AD V. ODEN.

PYTHEAS victor Pancratiastes petiit à Pindaro, vt ipse hymnum caneret: Pretium Poëta grande flagitauit, quo audito, dixit Pytheas se minori iactura statuam æneam in Nemea positurum, sicque discessit iratus. Sed cum postea idem Pytheas ab amicis admonitus pretium, quod Poëta petierat, vtrò ei offerret, reconciliatus Pindarus, non grauatur victoriam illius hoc carmine celebrauit. In cuius tamen initio memor offensæ victoris auaritiam leuiter castigare & perstringere videtur.

Decantare pudet post nef.

TELAMON & Peleus Æaci filij fratrem Phocum in rixa occiderat: quam ob causam vterque ex insula Aegina fugere coactus est, vetustissimo Græcorum more, qui cædem etiam imprudentem perpetuo aut temporali exilio puniebant. Ac Telamon quidem in insulam Salamina se contulit, Peleus verò in Thessaliam: In qua, quemadmodum ait Ouid.

Sumpsit ab Aemonio purgamina cædis Acasto.

Regina Hippolyte.

HIPPOLYTE Acasti vxor Peleum hospitem sollicitauit ad stuprum, tandemque recusantem

apud

apud maritū calūniata est, quūmq; Peleus eā ob
causam in vitæ periculum incidisset, seruatus est à
Ioue, & propter egregiam cōtinentiam Thetidis
connubio decoratus, qua de re sic Horatius:

*Narrat pænè datum Pelea Tartaro,
Magneßam Hippolytem dum fugit abstinens,
Vnde & nos aliquando occasione sumpta, sic lusi-
mus latino epigrammate:*

*Reginas nimium casti spreuere rogantes,
Bellerophon, Peleus, tristis & Hippolytus.
Bellerophon deiectus equo per inane volanti
Mæstitia Alæo tabuit in nemore.*

*Pelea in exilio consumpsit amara senectus
Post cineres lectos, fortis Achille, tuos.
At lacer Hippolytus pænas dedit vnus amori,
Quas tres ingrati soluere debuerant.*

AD VI. ODEN.

Vt nunc latus ager.

AIT Homerus ex gētibus humanis modò has
modò illas fieri illustres, atque idè nobilium
stemmata arborum foliis comparat, quorum hæc
decidunt, illa virescunt & renascuntur, sicuti ostē-
ditur his versibus:

*Οἷήπερ φύλλων γενεή, τοιήδε καὶ ἀνδρῶν,
Φύλλα τὰ μὲν ἄνεμος χαμάδις χέει, ἄλλα δὲ ὕλη
Τηλεθόεσσα φύει, ἔαρος δ' ἐπὶ γίγνεται ὥρη.
Ὡς ἀνδρῶν γενεὴ ἢ μὲν φύει, ἢ δὲ ἀπολήγεται.*

*Vt folia arboribus pronos mutantur in annos,
Atque hæc immitis moriuntur frigore brumæ,
Illa autem syluas Zephyris redeuntibus ornant:
Sic sæpe humana mutantur stemmata gentis,*

Atque hæc clara recens oritur domus, occidit illa.

PINDARVS verò vnam eandemque gentem modò clarescere ait, modò vilescere & obscurari. Idque ipsum in Alcimidæ domo accidisse testatur, in qua Soclides otiosus fuit, Praxidamas filius Sclidæ laboriosus & victor, filius Praxidamantis pater Alcimidæ quieuit, Alcimidas verò luctator victoriam adeptus est. Nec dissimilis sententia legitur in Ode xj. vbi ita Poëta scribit:

Quanquam belligeræ diu

Interrupta fuit gentis adorea,

Vnum donec & alterum

Inter nos oriens emicuit iubar.

Nautis Pieridum vagis.

In græco codice legitur vulgò,

Ἰδία ναυτολέοντες ἐπικώμια

πείδων ἀέροις.

Suppeditantes encomia propria

Pieridum aratoribus.

Quod quia absurdum est, & parum conuenit præcedenti voci *ναυτολέοντες*, non *ἀέροις* legendū existimamus, sed *ἑρέτοις*, quæ vox remiges, siue nautas, magis appositè significat.

Noctiuagos choros.

ANTIQUI nocturnos choros agitabant & peruigilia Deorum honoribus consecrata, vt idē Pindarus auctor est in his versibus Olympiorū:
Tunc noctu tenebras æthereis plagis
Pleno dispulerat Cynthia lumine,
Reddebátque hominum multiplices sonos
Et laudes tremulum nemus,

Clarorum

Clarorum iuuenum facta remugiens.

Videtur autē mos ille, ut cæteri pænè ritus sacrorum, ab Aegyptiis fluxisse ad Græcos. Ita enim scribit Herodotus in Euterpe, de nocturnis Aegyptiorum peruigiliis loquens, ἐς Σάιν πόλιν ἑπὶ πᾶν συλλεχθῶσι τῆσι θυσίησι ἐν τῇ νυκτὶ λύχνα καίουσιν ἅπαντες ἑμπλέα ἰλάειν. καὶ τῇ ἑορτῇ ὄνομα κέεται λυχνοχαίη.

Quum quotannis in urbem Sain multæ Aegyptiorum myriades conuenerunt ad sacra nocturna facienda, tum omnes simul congregati lucernas accendunt, quæ tota nocte lucent. Festūmque huiusmodi vocatur lucernarum accensio. Immodò per totam Aegyptum, qui ab illa vrbe absunt, nocte eadem lucernas quoque ardentes in domibus habent. Porro quod Græci ab Aegyptiis acceperāt, Romanis postea tradidēre. Etenim Liuius in historiis peruigiliorum nocturnorum sæpe mentionem facit.

Occidente triennio.

ISTH MIA post triennium agebantur, quemadmodum Olympia post quinquennium, quod Romani imitati lustrum suum quinque annorū esse voluerunt, cāmque ob causam nos sæpe Olympiadem lustrī nomine expressimus.

Vbi trux leo Alcida domitus.

LEONEM Hercules domuit in Nemea regione Argolica, qua de re sic Pausanias lib. 2. A Cleonis Argos duæ viæ ducunt, quæ ad Tretum est angusta, montibus concluditur. In illis ipsis montibus Leonis Nemæi specus ostenditur, à quo vicus Nemea non longiùs abest, quā stadia quindecim:

facta Ioui Nemæo Argiui in Nemea faciunt, & armatis viris cursus certamina proponunt in ipso Nemeorum conuentu, qui per brumæ dies habetur.

Fronde iungi sub radice Phliasij.

PHILINVS vrbs est in Peloponneso non Arcadum sed Dorienſium, eaque non procul abest à Sicyone, Argis, Cleonis, & regione vicôque Nemea, quemadmodum ſcribit Pauſan. lib. 2.

Quin nuper pueros inter amab.

Hoc idè dicitur, quia apud Græcos in publicis conuentibus pueri cum pueris, & viri cum viris ſeparatim certabant, vt hæc Pindari verba oſtendunt in ode 9 Olymp.

Ἀργεῖ τ' ἔσχεθε κῦδος ἀνδρῶν,

Παῖς δ' ἐν Ἀθήναις.

Tu virum Argiino domitor theatro,
Cecropis campo, tibi ceſſit olim

Iunior ætas.

PORRO Græci imberbes παῖδες appellabāt, barbatoſ autem uſque ad triceſimum annū νέες ἢ νεωτέρους. Qui autem 30. annum attigerant propriè dicebantur ἄνδρες, neque ante eam ætatem quiſquam publici conſilij particeps fieri poterat. Vnde, vt ait Xenophon lib. 1. ἀπεμν. Quum 30. tyranni prohibuiſſent ne Socrates cum iuuenibus diſſereret, quæſiſſetque Socrates qui propriè iuuenes dicerentur: reſpondit tyrānus Charicles, νέες εἶναι οἱς βυλεύειν ἔλ' ἐστὶ καὶ νεωτέρους τριάκοντα ἐτῶν, id eſt, Iuuenes eſſe qui nondum in ſenatum ingredi poſſent, nec 30. annum attigiffent.

AD VII. ODEN.

Ægineia Pentathlo.

QVINAM olim essent in Græcia Pentathli, ex his quæ sequuntur intelligi potest. Inter eos, qui certabant in publicis certaminibus, quidam luctam solummodo, quidam cursum, quidam saltum exercebāt, erantque singuli in singulis rebus perfectissimi. Quidam verò dicebantur Pentathli, qui certabant quinque simul certaminibus, disco, sagitta, saltibus, lucta, fuga. Atque ij quum in omnibus simul mediocriter exercitati essent, ab aliis singulis in suo artificio perfectis & consummatis vincebantur. Talibus athletis Plato in dialogo, qui ἐρασσι inscribitur, eos comparat, quos vulgus πολυμαθεῖς appellat, quique multarum simul rerum mediocrem & vulgarem tantummodò cognitionem adepti sunt, homines ostentationi potius, quàm humanæ societati serviētes. ægrotus enim, ut ait ille, medico, litigator iurisperito, æconomus architecto, non illo miscellaneo omnium artium professore vitur, quarum vnam tantummodo perfectè nosse & profiteri difficile est. Verba sunt Platonis quæ sequuntur, Δοκεῖς μοι λέγειν τὴν φιλόσοφον οἱοὶ ἐν τῇ ἀγωνίᾳ εἶσιν οἱ πέντε θλοι πρὸς τοὺς δεσμεῖας καὶ τοὺς πελτασάς. καὶ γὰρ ἐκείνοι τέτων μὲν λείπονται καὶ τὰ τέτων ἄλλα, καὶ δεύτεροί εἰσιν, τῶν δὲ ἄλλων ἀθλητῶν περὶ τοῖς, καὶ νικῶσιν αὐτοὺς.

Videris mihi philosophum comparare Pentathlo, etenim pentathlum & cursor & luctator excellens superat in suo quisque exercitio: sed Pentathlus rursus vincit illos omnes, qui in quinque

simul certaminibus tolerabiles habentur.

Ilihya.

I N C I P I T Pindarus ab inuocatione diuæ Ili-
thyæ, quæ puerperas partusque curat, quia illius
ope & auxilio Thearion senex, sobole iam prope
desperata, susceperat Sogenem filium victorem
futurum.

Fama Neoptolemi talis.

A E G I N E T Æ Pindaro iniquiores facti erant,
quod is de Pyrrho siue Neoptolemo Achillis fi-
lio parum honorificè loquutus diceretur: quasi
Pyrrhus templi Delphici diuitias expilare cupiens
iure ab ædituis cæsus esset. Vt hanc calumniam
diluât Poëta, Herois fortitudinem & facta cele-
brat, ac præcipuè conatur ostendere, cur Neo-
ptolemus in Apollinis Delphici sacratio obtrun-
catus & sepultus fuerit.

Namque vt peractus long.

S E N S Û S est huius loci: Post Troianum bel-
lum decénale Pyrrhus Achillis filius omiſſa Theſ-
ſalia contulit ſe in Epirum, ibique regnauit, quod
ipſum ſcribit quoque Pausanias lib. 1. his verbis,
Pyrrhus primus Ilio exciſo, omiſſo in Theſſaliám
reditu in Epirum appulit, atque ibi, Heleni vatis
monitu, conſedit. Virgilius quoque idem teſtatur
lib. 3. Aeneid. his verſibus:

Littoráque Epiri legimus, portúmque ſubimus.

Híc incredibilis rerum fama occupat aures,

*Priamiden Helenum Graias regnare per vrbes
Coniugio Aeacidae Pyrrhi ſceptríſque potitum.*

Immortale tamen.

H O C ideo dicit Pindarus, quia omnes Epiro-
tarum

tarum Reges sese à Pyrrho Achillis filio oriundos esse dixerunt, vsque ad Pyrrhum illum, qui bellum pro Tarentinis contra Romanos gessit, Cuius in vita sic Plutarchus de ea re loquitur, Θεσπρωτῶν καὶ Μολοσσῶν μετὰ τὸν κατακλυσμόν ἰσχυρῶς φαέθοντα βασιλεῦσαι, χρόνῳ δὲ ὕστερον Νεοπτόλεμος ὁ Ἀχελίως, χάσαν τε κατέσχεν, καὶ διαδοχὴν βασιλείων ἀφ' αὐτοῦ κατέλειπε πυρρίδας ἐπικαλούμενος.

THESPROTIS & Molossis post diluuium Phaethonté imperasse aiunt, sed longò post tēpore Neoptolemus Achillis filius & regionem illam occupauit, & à se descendentium regum Epirotarum longam seriem reliquit, qui Pyrrhidæ cognominati sunt. Ab iisdem regibus Acacidis per maternam stirpem Alexander Magnus originem duxit, teste eodem Plutarcho. Qui quidem Alexander, quum Thebanis victis eorum urbem dirui funditus incendi que iussisset, memor tamen à Pindaro Thebano Poëta maiores suos Acacidæ diuinis versibus illustratos, vnicam eam domum incendij & ruinæ immunem esse voluit, in qua olim Poëta habitauerat, addito & adscripto foribus hoc elogio : Πινδάρη σὺ μισσοπιῖν σέζαν μὴ καίετε, Cauete omnes ne Pindari Poëtæ domum incendatis, vt scribit Dion Chrysostomus.

Atque hic cruentam donec host.

VIDETUR hoc loco Pyrrhus à sacerdote Apollinis occisus in rixa. Alij tamen eum ab Oreste propter Hermionem sibi ereptam obtruncatum volunt: quos Virgilius sequutus est his versibus,

*Ast pyrhum ereptæ magno inflammatus amore
Coniugu, & scelerum furus agitatus Orestes
Excipit incautum, patriâsque obtruncat ad aras.*

Aegina in media.

HÆC dicuntur à Pindaro quasi versus in insula Aegina pronuntientur. In qua quidem scribit Pausanias lib. 2. montem Panhellenium esse Iovis templo insignem per Acacum olim dedicato.

Fidus manentis.

Hoc ideo dicit Pindarus, quia Sogenes victor habitabat magnificas ædes in medio Herculis luco extructas: atque illa inclyti herois vicinia in certamine adiutus videbatur.

Sacrorum auita gaudeant custodia.

HINC deprehenditur sacerdotia olim apud Græcos hereditaria fuisse, sicut & apud Ægyptios: qua de re sic Herodotus in Euterpe, *ἱεῖται δὲ ἐκ αἰῶνός τε τῶν θεῶν, ἀλλὰ πολλοί, τῶν εἰς ὅσιν ἀρχιερεὺς. ἐπειδὴν δὲ πρὸς ἀποθάνῃ, τέτε οὗτοι ἀντικαθίσταται.*

APUD Ægyptios plures sunt unius Dei sacerdotes, quibus omnibus præest vnus. cum autem eorum aliquis decessit, filius in defuncti locum substituitur.

Iouis Corinthon.

MEGARENSES coloni Corinthum metropolin suam aliquando offendere. Ideò missi sunt ad Megarenses Corinthiorum legati, qui futili atque inani oratione sæpè idem inculcâtes ad extremum adiecerunt, Has omnes iniurias grauer vlciscetur sancta Iouis Corinthus. Postea cum prælio commisso victi essent Corinthii à Megaren-
rensis,

rensis, illi hostem persequentes ferociter in-
clamabant, Feri miles, feri sanctam Iouis Corin-
thum. Hinc proverbium natum est in eos, qui su-
perfluo ac redundante sermone sæpè eodem re-
cidunt. Cui proximè accedit illud Horatij:

Ridetur chorda qui semper oberrat eadem.

AD VIII. ODEN.

sancte formarum decor.

PULCHRITUDINEM Poëta quasi Diva al-
loquitur: quia Divas victor inter cæteras dotes
corporis pulchritudine excellebat. Nec verò mi-
rum est formę elegantiam à Poëta laudari, quum
philosophi ipsi eam prolixo sermone aliquando
celebrent. Certè Plato ait in Phædro, animam ho-
minis quum in cælo habitat assiduè defixam esse
in contemplatione veritatis, iustitiæ, temperan-
tiæ, sapientiæ, & pulchritudinis. quum verò, ut ait
ille, eadem anima Dei supremi voluntate in cor-
pus humanum decedit, quia neque iustitiam, ne-
que veritatem, neque cæteras virtutes oculis cor-
poreis contemplari potest: ideò & recta institu-
tione & longa assuetudine homo indiget ad res
huiusmodi desiderandas. sed pulchritudinem, quæ
& in cælo & in terris splendida est natura, statim
anima nullo docente neque admonente per ocu-
li lucidam fenestram aspicit, qua conspecta, pen-
nas, quas in terram decidens amiserat, pulchritu-
dinis alimento sibi enasci iterum non sine aliquo
dolore sentit, quemadmodum infantium dentes
cum dolore nascuntur. Sed postquàm longo pul-
chritudinis quasi haustu & alimento plumæ ani-

mæ renatæ & redditæ sunt, tum illa pennis adju-
 ta facilè in altum erigitur, & in cælum quasi avis
 euolat. Hæc in Phædro Platonis sententia est de
 pulchritudine. at Tyrius Maximus Platonis secta-
 tor pulchritudinem corporis floribus arborum
 comparat. quemadmodum enim, inquit, suauitas
 & pulchritudo florum nobis fructuum vbertatē
 promittit, sic corporis vernantis egregia species
 tandem aliquando in homine virtutes maturas
 affore pollicetur: atque vt diem aurora, sic animi
 ingeniique lumen formæ splendor aliquis nitōr-
 que antecedit. Isocrates verò in Helenæ encomio
 pulchritudinem cæterarum rerum omnium ma-
 ximè honestam & laudabilem esse dicit. Idque
 percipi ait ex tacitis hominum sensibus & cogi-
 tationibus. primùm enim aliarum rerum, quæ ad
 vitam necessariæ sunt, vt cibi, potus, vestitus, bo-
 næ etiam valetudinis quædam tantummodò cu-
 piditas in nobis oritur: neque ea omnia quum de-
 sideramus, amore corripi & incendi dicimur, qui
 summus & vehementissimus animi affectus pro-
 prius & peculiaris est hominum pulchritudinem
 solam admirātium. Præterea iis omnibus, qui aut
 fortitudine, aut prudentia, aut ingenio, aut poten-
 tia excellūt, naturaliter inuidemus: nisi ij nos sibi
 quotidianis beneficiis concilient, & quodammo-
 do repugnantes in sui amorem pertrahāt. At for-
 mosis mulieribus semel tantummodò aspectis il-
 lico amici beneuolique efficimur, neque vllō tē-
 pore in earum cultu defatigamur. Quinetiam hu-
 iusmodi personis seruimus & famulamur liben-

tiùs,quàm imperamus cæteris: atque ex formosis omnibus his plurimum nos debere existimamus, quarum iussis, imperiis, mandatisque obsequimur. Deinde si quis sese alteri nimis morigerum propter diuitias aut gratificandi facultatem præbeat, cum vulgò odimus, & quasi adulatorem vituperamus: eos verò qui pulchritudini seruiunt liberales, ingenuos & elegantes homines esse existimamus. Postremò tanta veneratione egregiam corporis formam prosequimur, vt si qua mulier illam mercede adducta prostituerit, ea quasi maximi criminis rea, turpis vbique infamisque habeatur: quæ verò mulieres pulchritudinem, quasi sacrarium quoddam, impiis prophanisque intantum & inaccessum seruauerint: illæ in perpetuū probantur ab omnibus, & quasi de republica benè merita celebrantur. Quòd si quis fortè, vt ait ille, hominum iudiciis minimè contentus decorum sententiam de ea re sciscitari velit: inueniet Iouē, aduersus alios omnes viribus & fulmine ysum, maiestatem suam, quasi de fastigio detractam, formosarum mulierum oculis & voluntati subiecisse. Etenim Amphitryoni similis ad Alcumenā venit, in pluuiam auream mutatus Danaem adiuit: in cygnum efformatus, primùm Nemesi, deinde etiam Leda se applicuit. Et vt breuiter dicam, semper arribus precibusque adhibitis, non aperta vi pulchrarum mulierum amorem venatus est. Denique speciem corporis decoram ita dii pluris quàm homines faciūt, vt superi vxoribus suis pulchrorum hominum amore flagrantibus

ignoscere videantur. Quin etiam multæ apud Poëtas diuæ reperiuntur, quæ amorem suum & consuetudinem, cum hominibus formosis decantari malint, quàm superstitiosè taceri. Cui quidem rei magno argumento est, quòd homines plures corporis pulchritudo, quàm aut fortitudo, aut temperantia, aut prudentia, aut alia quæuis animi ingenij uirtus in cælum sustulit, immortalésque reddidit. Hactenus Isocrates. Homerus verò illis omnibus antiquior tãti fecit vnus Helenæ formam & faciem, ut propter eam labores à Græcis Troianisque susceptos minimè prænitendos esse dixerit,

Οὐ νέμεσις Τρῶας καὶ εὐκνημίδας Ἀχαιῆς
Τοῖσι δ' ἀμφὶ γυναικὶ πολὺν χρόνον ἄλγεα πάχειν.

Et apud eundem quum Paridi Hector, τὴν τε κόμην, τὸ τε εἶδος, hoc est comam & faciem obieciſſet, ita respondit Paris

Οὗτοι ἀπόβλητ' ὅτι θεῶν εἰκυῖα δῶρα,
Ὅσα κεν αὐτοὶ δώσιν, ἐκὼν δ' ἐκ ἄν πῃς ἔλοιτο.

Nulli calicolum dona abiicienda Deorum:

Iis homines etenim multi caruere petitis.

Quæ genas vultusque.

ἅτε παρθενίοισι παίδων ἐφίζοισι βλεφάρεσι.

Hunc locum ita expressit Horatius libro 4. ode 13.

Et cantu tremulo pota Cupidinem

Lentum sollicitas, ille virentis &

Docta psallere Chiræ

Pulchris excubat in genis.

N A M quemadmodum Pindarus ait pulchritudinem

rudinem in puellarum oculis & palpebris insidere: sic Horatius in Chia psaltria genis Cupidinē fingit excubare.

Dominator hasta

Atque consultus bonus.

H I C Pindarus videtur imitatus Homerum ita scribentem de Agamemnone,

Ἀμφότερον, βασιλεὺς τ' ἀγαθὸς, κρατερός τ' αἰχμητής.

Consilio bonus, & præstans victricibus armis.

Q V A M V I S enim βασιλεὺς ἀγαθὸν πῖν & clementem Regem interpretentur: tamen notum est apud Græcos, cum propriè dici ἀγαθὸν, qui ad munus, officiūque suum obeundum maximè aptus & idoneus est, vnde homines egregij & dotibus corporis animique excellentes, vulgò κῆλοὶ καὶ ἀγαθοὶ appellantur. Nos verò regium munus & officium maximè versari existimamus in consiliis pro repub. capiendis. Ita vt qui hoc vno plurimùm valet, is propriè βασιλεὺς ἀγαθὸς dici possit. quin etiam idipsum notatio nominis indicat, græcè enim βάζειν alloqui, & λαὸς populum significat, dictiq; sunt ab antiquis Reges, βασιλεῖς, quòd populum frequenter in conuentibus & conciliis publicis alloquerentur.

Mollia iussu

H O C scribit Pindarus respiciens ad antiquam Aeginetarum potentiam: quoniam enim Aegina insula munitissima olim erat, & classibus externis inaccessa, ac bellicosæ rei que maritimæ expertis hominibus abundabat: ideo dicitur heroicis temporibus vniuersæ pænè Græciæ imperasse. Quin

etiam in bello Persico, Atheniensibus exceptis, omnibus Græcorū populis hæc vna ciuitas præstitit & militum & nauium multitudine: qua de re sic Pausanias lib. 2. ed. vsque auctæ sunt Aeginetarum opes, vt naualibus copiis Atheniensibus ipsis fuerint potentiores, & Persico bello secundum Athenienses maximum nauium numerum deduxere.

Hinc Athenarum lapidosa rupes.

FREQVENTER Pindarus Ἀθηνᾶς κραναῆς appellat, quod Attica regio lapidosa esset & aspera, atque, vt Græci loquuntur, πικρόεις μὴ, ὀλιγοφόρος δέ. Itaque quamuis, vt scribit Isocrates in Panathen. Athenienses primi omnium Græcorum terram exarasse & segetes seuisse dicantur, tamen ipsi frumēto ferè è lōginquis regionibus aduecto victitabant, vt ex illis Philippicæ verbis intelligi potest, πλείστον τῶν Ἑλλήνων ἀπαιτῶν ἡμεῖς ἐπιτάκτω σιτῶν χρώμεθα. quod etiā fortasse ob multitudinē inhabitantū accidebat. Scribit enim Xenophon in lib. ἀπομνημονευμάτων tertio, ciuitatem illam Græcorū omnium maximè amplam & populosam fuisse.

Calculus sic vos tacitus Pelasgi.

Hic Pindarus de nobili illo armorum iudicio loquitur, in quo ab Vlysse victus est Ajax Telamonius: idque non vocalibus Græcorum sententiis, sed tacitis & occultis. Græci enim antiqui in iudiciis calculis utebantur colorum varietate distinctis, vt Plutar. ostendit in vita Alcibiadis: nam cum ille impietatis reus accusatus, & ad causam dicendam publicè euocatus, nollet se iudicioistere,

stere, petiissetque ab eo quidam ex amicis, an Atheniensem erga se beneuolentiæ diffideret? respondit ille, se se in iudicio criminali caput suum ne matri quidem propriæ commissurum, quod vereretur ne illa per errorem in ferenda sententia nigrum calculum pro albosumeret. Ex quo etiam calculorum usu, qui græcè *ἡφοι* dicuntur, Græci decreta & iudicia omnia *ἡποίσματα* appellabant. Romani autem iudices aliquādo eorum exemplo calculos in urnam coniiciebant, aliquādo etiam, & ut opinor, frequentius sententias suas pronuntiabant: quamquā id omne ab actoris vel rei voluntate penderet, quorum alteruter vel uterque, quid in ea re fieri mallet, initio statim ostendere cōsueuerat, ut apparet ex Cluētiana Ciceronis in his verbis, Cōsurgitur in consiliū cum sententias Oppianicus, quæ tum erat potestas, palam ferri velle dixisset, ut Stalenus scire posset, quid cuique deberetur. Porro sæpè à doctis viris & ciuiliū rerum peritis quæsitum est, vtrum magis expediret in iudiciis, clam vel apertè ferri sententias. Aristoteles quidem tradit in quibusdā Græciæ ciuitatibus aded probata fuisse tabellaria & clandestina suffragia, ut legibus prohiberetur, ne iudices omnino inter se colloquerentur aut capita conferrent, quasi hæc taciturnitas valeret ad integritatem suffragiorum conseruandā, timorēque potentiae & gratificandi spem, & cæteros affectus similes iudicantium animis detrahendos. Cui tamen opinioni minimè ipse professor sapientiæ videtur accedere. Nam in Politi-

lib. 2. Polit. in ca. de Hippodami re-pub.

lib. 3. Polit.

cis de iudiciorum constitutione differens ita ferè scribit, τὸς πολλὰς ὧν ἕκαστος ἐστὶν ἡ ἀπειρία ἀνὴρ, ἐνδέχεται συνελθόντας εἶναι βελτίους, οἷον τὰ συμφορητὰ δεικναι τῶν ἐκ μίας ἀπαρίας χρηρηζέντων. Πολλῶν γὰρ ὄντων ἕκαστος μόνειον ἔχει ἀρετῆς καὶ φρονήσεως, καὶ ἐνδέχεται γίνεσθαι συνελθόντας ὥσπερ ἓνα ἄνθρωπον πλούποδα καὶ πολύχειρα καὶ πολλὰς ἔχοντα τὰς διανοίας. id est, Cum multi iudices congregati sunt in turba valent, quamvis singuli fortasse leues existimentur, quemadmodum conuiuia melius instruuntur multorum collata pecunia, quàm vnus tantummodò impensis. Præterea inter plures iudices vnusquisque partem aliquam prudentiæ & virtutis habet, videturque consilium & confessus diuersorum hominum, corpus aliquod esse multis brachiis multisque ingeniis & iudiciis præditum. Quæ si ita sunt, iudices perfecto à se inuicem exaudiri oportet, aliter enim minimè in vnum corpus ingeniũque coalescunt, sed languent veluti membra à se inuicem diuulsa & separata. Plato autem in lib. 6. de Legibus de ea re huiusmodi quasi oraculum edidit: ἄφωνος δὲ ἡμῶν δικαστὴς καὶ μὴ πλείων ἐν ταῖς ἀνακρίσεσι φεγγόμορος τῶν ἀντιδίκων ἢ καὶ ἄν ποτε ἰκανὸς γένοιτο περὶ τῶν δικαίων κρίσιν. id est, Iudex mutus, qui quæ non plura differit quàm patroni causarum, minimè ad res iudicandas idoneus habendus est. Quo in loco Plato sententiã Anacharsidis Scythæ videtur expressisse: quum enim ille è Scythia videndi discendique studio Athenas venisset, & in foro Atheniensium contemplatus esset oratores-eruditos & eloquentes, iudices autem stupidos, elin-

gues & mutos, dixisse fertur, sibi Atheniensium morem ineptissimum videri, quod apud eos imperiri homines, de doctorum oratione dictisque tacite iudicarent, quum longè tolerabilius esset insipientes inter se contendere, sapientes autem de stultorum controuersis ius dicere: atque, ut paucis absoluam, si aliqua iudicandi ars & scientia est, ut certè est ferè omnium prima, non minus ea ad veritatem eruendam doctorum hominum sermonibus, & colloquiis indiget, quàm aut philosophia, aut medicina, aut alia quæuis maximarum & optimarum artium. Præterea quemadmodum Plinius ait in Epistolis, metuendum est ne tacitis suffragiis irrepat impudentia: pauci enim conscientiam verentur: multi viris bonis auscultantibus perperam iudicandi infamiam timeant. Sanè negare non ausim controuersias aliquando exoriri inter procures & magnates virosque iudicibus ipsis formidabiles: quas si quis tacitis suffragiis dirimi velit, ne iudicium metu debilitatum existimetur, non illi inuitus assentiar, modò nihil de eare in vniuersum statuatur, nec qua forma sententiæ ferantur, litigatores eligant, sed iudices inter se collocuti pro personarum & rerum conditione decernant.

Rector Salaminis.

id est, Ajax Telamonius.

Mersus inermis.

SINE armis Achilles. Fingunt enim Poëtæ, quæ studia cuique viuenti fuerint, iisdem defunctum etiam delectari. Virgilius, -*quæ gratia currum*

S

Plur.

Epist. lib.

3.

*Armorumque fuit viuis, quæ cura nitentes
Pascere equos, eadem sequitur tellure repostos.*

O Mega.

Hic Poëta Megam patrem Dinia alloquitur, quem sublatum è viuis cupit ab inferis excitari: vt gloriam Dinia paternæ victoriæ æmulam aspicere possit. Atque hæc mortuorū inuocatio sæpè alias apud Pindarum inuenitur, vt in Olympiorum Ode 8. his versibus:

*Sed me excitantem iam decet infima
Tellure manes Blepsiadis sui
Narrare certamen nepotis.*

In Euterpe.

Nec desunt qui existiment Pindarum apud Græcos primùm ferè omnium de animorum immortalitate vaticinatum esse, cùm ea opinio, quemadmodum ait Herodotus, ex Aegypto fluxisset in Græciam, multis Græcis postea sibi tam celebre piùmque inuentum falsò vendicantibus, quos sibi ille minimè nominandos existimauit.

Spes nimias inanis exitus angit.

Hunc locum sic est imitatus Horatius lib. 4.
*Terret ambustus Phaethon auaras
Spes, &c.*

Carmen & morbos abigit nocentes.

Plutarchus in lib. de Musica.

Hoc loco apud Pindarum *χάμαρος* morbum denotat: nam græcè *χάμαρος* significat ægrotare. Porro veteres tradunt peste apud Lacedæmonios grassante, Terpandrum vel Thaletem Poëtam cithara iucundissimè canentem remedium ægrorantibus attulisse. Mira & alia multa memorantur de vi & efficacia musices in morbis minuendis

dis & leniendis:qua de re ita Plinius lib. 28. c. 2. Carmina quædam extant contra grandines, contraque morborum genera, quædam etiam experta, sed prodendo obstat verecundia in tantâ animorum varietate. Et Athenæus lib. 14. c. 10. scribit Ischiacos sanari si modò à Phryge aliquo Phrygia harmonia demulceantur. sanè Homerus author est certis carminibus adhibitis profluètem è vulneribus sanguinem sisti & comprimi.

Certe apud priscos viguit Thalia.

APUD Græcos nullum olim scriptum antiquius fuit carminibus Poëtarum, quod prisca ostendunt oracula, non oratione pedestri sed versibus comprehesa. Præterea Homerus & Hesiodus quadringentis annis integris Herodoti ætatem precesserunt, neque ante illos quicquam literis mandatum est, quod quidem ad posteros pervenerit. Qua ratione Cicero motus ait, Apud Græcos antiquissimum è doctis genus est Poëtarum. Immodò Græci veteres nullos alios, quàm poetas & historiæ & philosophiæ, & falsæ illius fabulosæque Thegoniæ authores habuerunt.

A D O D E N I X.

Charæ Pegasides.

PINDARVS ab initio huius carminis vsque ad hæc verba, *Nunc te summe Deum precor*. tantummodo ostendit quomodo minora quædam Pythia ab Adrasto Argiuorum rege, olim instituta fuerunt in vrbe Sicyone, quo ex certamine quondam Chromius palmam retulerat. post illa autem verba, *Nunc te summe Deum precor*, poeta

bellum à Siculis contra Carthaginenses gestum attingens paulatim ad ipsius Chromij laudes delabitur. cuius ordinis instituti lectorem tacitè admonens, Musas precatur vt ab vrbe Sicyone ad oppidum Aetnæ transeant victoris fidei creditum & cōmissum ab Hierone: quasi diceret, Musæ narrate primum celebritatem & originē Sicyonij certaminis, deinde Chromij ducis fortitudinem celebratē.

Mecum Aetnam lapidum mole recentium.

TRADIT Diodorus Siculus lib. II. Historiarum, Hieronem regem fratrem & successorem Gelonis Catanenses omnes expulisse sedibus suis, atque in his decem millia nouorum colonorum è Peloponeso & Syraculis accita cōstituisse, nomine etiam Catanæ vrbis in nomen Aetnæ commutato: partim quòd Catanensibus iratus esset, partim quòd honores maximos vrbiū fundatoribus haberi solitos in Græcia cupidè affectaret. Ideo Pindarus hoc loco Aetnam vocat νεοκτίαν, nuper conditam & constructam, hac in re voluntatem & desiderium potius Hieronis regis quàm rei veritatem sequens: quemadmodum in prima Pythiorum ode, vbi hæc nouæ coloniæ deductio eleganter describitur his versibus:

Ciues regendos huic genitor dedit

Laxis habens, nec sine libero

Virtutis vsu regulæque

Doride struxit opus decorum ;

Lycurgi alumnos mænibus ambiens.

Iamque Arg. Talai des. genus.

QVVM Amphiarus & Talaus apud Argiuos simul regnarent, Talaum Amphiarus è medio sustulit: sed Talai filius Adrastus, tandè cum Amphiarao rediit in gratiam, data ei in matrimonium sorore Eriphyle, cuius artibus postea effectum est ut Adrastus paternum solium recuperaret, & Amphiarus ad bellum Thebanum profectus terra dehiscente obrueretur.

Terris Sicaniis.

HIERONE regnante in Sicilia Carthaginenses insulæ occupandæ cupidi, sæpe oram maritimam classibus infestabant: idèd Iouem Pindarus precatur, ut Pœnorum metu Siciliam liberet.

AD X. ODEN.

Iuno libens posuit penates.

CERTÆ vrbes numerantur ab Homero Iunoni gratæ & acceptæ, quarum in numero reperitur vrbs Argiuorû, ut apparet ex his 4. Iliados.

Τὴν δ' ἡμεῖβειτ' ἔπειτα βοῶπις πότνια Ἥρη.

Ἥ τοι ἐμοὶ πρῆς μὲν πολὺ φίλταται εἰς πόλιν.

Ἄργος τε Σπάρτη τε καὶ ἑρυσσὶα Μυκῆνη.

Tres mihi sunt gratæ terris magis omnibus vrbes,

Argos, sparta potens armis, & lata Mycene.

QVEM locum Virgilius imitari cupiens sic loquitur de Carthagine. i. Aeneid.

Hanc Iuno fertur terris magis omnibus unam

Posthabita coluisse Samo: hîc illius arma,

Hîc currus fuit.

Plures ob audaces alumnos.

QVVM Pindarus urbem aliquâ laudare instituit, viros fœminasque illustres eiusdem vrbis

enumerat, & singulorum facta clariora recenset, quemadmodum in illa Olympiorū ode quæ incipit,

Frondentem oliua iam triplici domum.

Vbi Poëta urbem Corinthum exornare cupiens Sisyphi, Medæ, Glauci, & præcipuè Bellephontis Corinthiorum laudes persequitur: nec sanè iniuria. veteres enim vitia virtutes-ve hominum nō solūm educationi aut parentibus. sed etiam magna ex parte natali solo patriæque debere existimarunt. Qua de re sic Cicero in Oratione contra Rullum: Non ingenerantur hominibus mores tam à stirpe generis quàm ex iis rebus, quæ ab ipsa natura loci suppeditantur. Carthagenenses fraudulentis, non genere sed natura loci, quod propter portus suos multis & fraudulētis mercatorum sermonibus ad studium fallendi vocabantur. Ligures montani, duri atque agrestes. docuit ager ipse, nihil ferendo nisi magno labore. Campani semper superbi bonitate agrorum & fructuum. Propterea Homerus Ithacam Vlyssis patriā laudans dicit eam *την χεῖραν εἶναι*, asperam & infertilem, *ἀλλ' ἀγαθὴν κρεττοτέρων*, sed fortium virorum procreatricem. qua ratione motus Scripius, ut scribit Plato lib. i. de repub. I hemistocli obiecit illum non virtutibus propriis, sed ciuitatis suæ cōmendatione ad gloriam famāmque peruenisse. Atque his omnibus non pigebit opinionē Vlpiani summi Iurisconf. adducere qui in lib. Pandectar. ita scribit, Qui mancipia vendunt nationem cuiusque in venditione pronūtiare debent: plærumque

rumque enim natio serui aut prouocat aut deterrēt emptorem: quandoquidem præsimitur quosdā seruos bonos esse, quia nationis sunt nō infamatę: quosdam malos videri, quia ea natione sunt quę magis infamis est.

Persea.

DE factis Persei vide Ouid. Metam. lib. 4. & 5.

Epaphus stabiluit arces.

EPAPHVS filius fuit Iouis & Iūs siue Isis, quę natione Argiua bos primū, deinde Aegypti Dea facta est: ibique cum filio Epapho templa & diuinos honores obtinuit. Ouid. lib. 1. Metamorph.

*Hic Epaphus magni genitus de semine tandem
Creditor esse Iouis, perque vrbes iuncta parenti
Templa tenet.*

Et Diomedea.

LIBRI Iliados 5. initium huiusmodi est,

Εὐδ' αὖ Τυδΐδῃ Διομήδῃ Πάλλας ἄεινῃ
Δῶκε μένος καὶ δάρσος, ἣν ἔκδηλος μετὰ πᾶσιν
Ἀργείοισι γένοιτο.

Semperque Homerus Diomedī validiss. heroi Palladem adiungit, vt indicet vires humanas prudentia & consiliis indigere: eandem quoque ob causam Iliados 5. in expeditionē nocturnam simul Diomedes & Vlysses proficiscuntur, quorū hīc ingenio ille viribus excellebat. quibus ex fontibus illa Platonis præcepta fluxerunt, qui in Politico tradit hoc quasi arcanum ciuiliſ scientiæ, scilicet in publicis administrationibus fortes animososque homines, cū modestis & prudentibus

copulari oportere: vt inde quoddam veluti ingeniorum temperamentum existat maximè vtile & opportunum rebus gerendis. Huc etiam referendum est illud Horatij,

Vis consilij expers mole ruit sua.

Vim temperatam dii quoque prouehunt

In maius: ijdem odère vires

Omne nefas animo mouentes.

Pugnæ alacris rapidaeque nimbum.

Græcè, πλεωσι νέφος.

Hunc locum ita expressit Lucretius:
Scipiades belli fulmen, Carthaginis horror.

Et Virgilius in 6.

Duo fulmina belli, Scipiadae.

vna viro iuueni pepercit.

Hunc locū sic est imitatus Horatius lib. 10. Ode 17.

Vna de multis face nuptiali

Digna periurum fuit in parentem.

Splendidè mendax, & in omne virgo

Nobilis æuum,

Surge quæ dixit iuueni marito.

Atque imparem pressisse lectum.

Hac de re Plautus in Amphitryone.

En praeliorum stridor ahen.

A R G I S lunoni dies festi agebantur in ætæ nomine in honorem lunonis, in quibus Thixus lucta vicerat.

Tellus Adrasteis.

H O C est, Nemea regio, in qua Adrastus certamen sacrum Archemoro siue Opheltæ instituit.

Hæc præter optat.

Id est, præter Arginās, Isthmias & Nemeas palmas Thīæus olympicā victoriā desiderat, quasi honorum omnium fastigium & culmen.

Iam fructuosæ bis oleæ liquor.

Qui in Panathenæico certamine vicerant, oleum peluibus æneis inclusum auferebant.

Quas terra flammis vsta fudit.

Hoc ideo dicit quia metalla igni excocta colliquescent prius, deinde in vasa & pelues & cætera his similia efformantur.

Alta Clitor.

CLITOR vrbs est Argolica.

Tegea Arcadum.

TEGEA vrbs est Arcadū, de qua Homer⁹ Il. 2.

Καὶ Τεγένην εἶχον, καὶ Μαντινέην ἔργα τεύχον.

Quum vero Castor Castoris &c.

AIT Pindarus à Pamphæa Thīci proauo, quōdam Castorem & Pollucem hospitio exceptos, illosque certaminum omnium præsides postea semper hospitis sui nepotibus fauisse, pluresque vltro victorias & palmas vbique detulisse. Porro veteres scripserunt incorrupto adhuc sæculo Deos sapissimè hominum hospitiiis vsos, sed eorum vitiis postea iratos turpes infamesque; cætus vitare voluisse, qua de re sic Val. Catullus in nuptiis Pelei:

Præsentes namque ante domos inuisere castas

sæpius, & sese mortali ostendere cætu

Cælicolæ nondum sprete pietate solebant:

Sed postquam tellus scelere est imbuta nefando,

Institiâque omnes cupida de mente fugarunt,

T

*Omnia fanda nefanda malo permista furore,
 Iustificam nobis mentem auertere Deorum,
 Quare nec tales dignantur visere cætus,
 Nec se contingi patiuntur lumine claro.*

Mortalibus iustus fauentes.

HIC Pindarus relicta penitus laude Thiazii victoris Pollucis & Castoris mutuum amorem fatumque copiose explicat. quod quidem scribendi genus lyricis omnibus dithyrambicisque poetis perfamiliale olim & vsitatum fuit. Atque ut Pindarica alia & Horatiana exempla prætermittam, testis est Cicero Simonidæ lyricum poetam Pindaro paulo antiquiorem idem olim factitasse, in gratiam quoque Castoris & Pollucis, qui, ut ait ille, beneficii accepti memores poetæ illic mercedem longè optimam persoluerunt. verba hæc sunt Cicer. in lib. 2. de Oratore: Quñ Simonides cœnaret Crannone in Thessalia apud Scopam fortunatum hominem & nobilem, cecinissetque carmen, quod in eum scripserat, in quo multa ornandi causa poetarum more in Castorem & Pollucem dicebantur, nimis sordide Scopas ei dixit, se dimidium mercedis quam promississet daturum, reliquum ipse à suis Tyndaridis exigeret. Paulò post nunciatum est Simonidi ut exiret, stare ad ianuam duos iuuenes, qui eum euocarent: prodiit Simonides, neminem repperit: interim conclauis ruina Scopas cum suis oppressus est, & Simonides solus Tyndaridarum beneficio euasit. Nec verò mos iste poetarum ineptus aut absurdus est, quandoquidem prudentes & sapientes

pientes viri, in quibus nihil est vanum neque inane, modò nomen suum excellentis Poëte scriptis quasi marmori insculptum transeat ad posteros, de alius quàm de sese prædicari malunt grandia quædam & fabulosa, qualia ferè omnia poetarum ornamenta sunt. Quæadmodum enim Aristoteles scribit in lib. de arte Poet. *ἡ τὰ γινόμενα λέγειν ἔργον ἔστι τὸ ποιητὴς, ἀλλ' οἷα αὐτὸ γένοιτο.* Poëtarum officium est non res verè gestas exponere, sed tantummodo confictas & quales interdum euenire possunt, quamobré Pessennius Niger Imperator, vir grauis & serius, cùm ei Poëta quidam panegyricum carmen recitare vellet, dixit ei: scribe laudes Marij, vel Hannibalis, vel alterius ducis optimi vita functi, & dic quid ille fecerit, vt eum nos imitemur. Nam viuentes laudare irrisio est, maximè Imperatores, à quibus speratur, qui timentur, qui præstare multa possunt, & necare & proscribere. Atque hac ipsa ratione nonnulli existimant Virgilium res ab Augusto terra marique gestas attingere noluisse, sed potius fictum fabulosumque opus Aeneidos informasse, cui tamen dissimulanter & artificiosè egregias Cæsaris laudes, præcæque Romanarum rerum Origenes inseruit,

*spartian
in Nigro.*

Quippe ij vicissim calicolum dapes.

N V L L O S ferè Deos delusa antiquitas supersticiosius coluit quàm Castorem & Pollucem, nullos in priuatis publicisque sacramentis frequentius vsurpauit: & tamen mirum est, quàm varia quamque inter se pugnantia de iis antiqui scriptores tradiderint. Homerus quidem 3. Iliados

scribit eos mortales fuisse, & in patria Lacedæ-
mone sepultos iacere, his versibus,

Δοῖω δ' ἔδυναμαι ἰδεῖν κοσμήτορε λαῶν
Κάστορά θ' ἰππόδαμον, καὶ πύξ ἀγαθὸν Πολυδεύκαα.
Ὡς φάτο, τὲς δ' ἦδη κατέχεν φυσίζοος αἶα
Ἐν Λακεδαιμόνι αὖθι, φίλῃ ἐνὶ πατρίδι γαίῃ.

Alio in loco nempe Odyss. λ, dicit eosdem dela-
psos esse ad inferos, ibique alternis exoriri & occi-
dere. verba sunt Vlyssis,

Καὶ Λήδην εἶδον τὴν τυγδαρέα παρ' ἄκοιπν,
Κάστορά θ' ἰππόδαμον καὶ πύξ ἀγαθὸν Πολυδεύκαα,
Οἱ καὶ νέσθεν γῆς πύμην παρὸς Ζῆνος ἔχοντες,
Ἀλλοτε μὲν ζῶνσ' ἐτερήμερσι, ἄλλοτε δ' αὖτε Τεθναῖσιν.

PINDARVS verò hîc ambos perpetuò viue-
re ait, sed alternis in cælo terrâque habitare. He-
rod. in Euterpe scribit Διοσκῆρες. i. filios Iouis &
Leda, neque inter octo neque inter duodecim
Aegyptiorum Deos recenseri. Cicero lib. 3. de
natura Deorum, honorem haberi eorum virtuti-
bus non immortalitatibus. August. lib. 4. de Ciui-
tate Dei, proditum à doctis vtrumque eorum &
mortalem fuisse, & humana conditione defecisse.
Certè ab omnibus ferè Poëtis duæ veluti procu-
rationes & prouinciæ illis assignatæ sunt, bello-
rum & certaminum vna, nauigationum altera, vt
apparet ex hoc loco Horatij:

Dicam ὅτ' Alcidem puerόσque Leda,
Hunc equis, illum superare pugnis
Nobilem, quorum simul alba nautis
Stella refulsit,
Defluit saxis agitated humor ὅτ' c.

Et alio in loco,
 Sic te diua potens Cypri,
 Sic frâtres Helenæ lucida sydera,
 Ventorūmque regat pater. &c.

Hunc namque seuit diſſimilis parens.

DICIT Pindarus ex Iouis Ledaëque cōplexu
 primū Pollucem conceptū, deinde Castorē ex ea-
 dem Leda & Tyndareo, qui gemini postea simul
 vno partu editi sunt. Simile est poëtarū commē-
 tum de Hercule & Iphiclo, quod ipsum tamē ac-
 cidere posse nonnunquā scribit Aristot. lib. 7. c.
 4. de historia animal. his verbis: τὰ μὲν ἔν ὕστερον πολλῶν
 χρόνῳ συλληφθέντα ἔσδεν λαμβάνει τέλος. εἰ μὲν δὲ ἐγγὺς ἡ σύλλη-
 ψις ἐγένετο, τὸ σπικνυθὲν ἐξήνεγκαν, καὶ πίκτυσιν ὥσπερ δίδυμα
 χρόνῳ. καθάπερ καὶ τὸν Ἰφικλῆα καὶ τὸν Ἡρακλῆα μυθολογοῦσι.
 καὶ μοιχευομένη τις τὸ μὲν τῶν τέκνων εἰσικός τῷ ἀνδρὶ ἔτεκε,
 τὸ δὲ τῷ μοιχῷ. Si multum temporis inter duos cō-
 ceptus ex concubitu diuersorum intercedat, neu-
 ter felicem exitum habet: si verò paululum tem-
 poris interiectum sit, vterque perfertur: sicut in
 Hercule & Iphiclo apparuit, & in ea quæ gemi-
 no partu alterū marito similem, alterum adultero
 genuit. *Fratrique cunctorum bonorum &c.*

MULTA Xenophon & Plutarch. scripsere de
 amore fraterno, cui homines admoneri ipsa ver-
 bi notatione, vt plerique, ostendūt: frater, inqui-
 unt, dictus est, quasi ferè alter. Ego verò credide-
 rim potius, quemadmodum patris & matris vo-
 cabula Græca sunt, sic etiam fratris nomen Græ-
 cum esse origine. mouet me quòd Græci φεάτορας
 eos appellant ἀπὸ τοῦ φεάτορος. i. à puteo, qui ex codē

Plin. l. 7.
 c. 11.

puteo aquantur. Cuiusmodi olim fuerunt fratres, & hodie sunt in multis adhuc nationibus, quæ naturæ & charitati mutuæ maximè accommodatum existimant, fratres plures in iisdem ædibus, sub vnius patris famil. quasi reguli cuiusdam imperio nutuque victitare. Scio equidem communius à Græcis eos dici *φράτορες*, qui alio nomine tribules, vel gentiles, vel populares appellantur: sed notum est gentes omnes tribusque & fratrias à singularibus familiis cœpisse primū, deinde per varias ætates latius propagatas fuisse. Ita vt res huiusmodi non natura à se inuicem differant, sed tantummodo secundum maius & minus, vt loquitur Aristotèles. Nec mirum est Latinos aliena lingua abutentes, quod rotius cuiusdam proprium erat, id in parte significanda v. surpassisse.

A D X I. O D E N.

Præfecto Tenedio.

Πρωτεύς interpretati sumus præfectum. *πρωτεύς*, Athenis erant ex quingentis quinquaginta viri summæ rerum præfecti & præpositi, quorum imperium triginta & quinque dierum spacio definiebatur: quemadmodum scribit Libanius ad orationem Demosthenis contra Androktionem, facile autem crediderim apud Tenedios magistratum annum fuisse eiusdem nominis & potestatis.

Vesta potentium.

Εστία quæ voce paulum immutata Latinis Vesta dicitur, ab ethnicis olim admodum superstiosè culta

culta est; quæ quidē non terram, vt nonnulli crediderunt, sed elementum ignis efficacissimum & subtilissimum significabat. In eius honorem & Athenis, & in templo Delphici Apollinis, & in omnibus ferè publicis græcarum urbium palatiis ignis asseruabatur, vt ait Plutarchus in vita Numæ Pomp. Hunc morem Romani quoque postea sequuti sunt vel potius à Troianis quorum vicini Tenedii acceperunt: vt apparet ex his versibus Virg. lib. 2. Aened.

*Sic ait, & manibus vittas vestamque potentem,
Aeternumque adytis effert penetralibus ignem.*

Certè constat ethnicos delirantes huic falso numini tantum tribuisse, vt sine igne nullum aliis Diis legitimum perfectumque sacrificium fieri existimarent. Cuius rei Pindarus ipse testis est locupletissimus qui in Ode 7. Olymp. filios Solis minimè Palladi in lucem prodeunti satisfecisse ait, quia sacrificaturi in montem sine igni ascenderant. verba sunt Pindari,

*Καί τοι γὰρ αἰθέρας ἔχοντες
Σπέρμ' ἀνέβαν φλογὸς ὕψ,
Τεινέανδ' ἀπύρεϊς ἱερεῖς.*

SCRIBIT quoque Herodianus lib. 2. historiarum, crescente hominum adulatione & seruitute, vt ceteros diuinos honores, sic ignem etiam à Deorum cultu, ad Cæsarum venerationem translatum fuisse, & institutum, vt non tantum Imperatoribus, sed mulieribus quoque augustis in publicum prodeuntibus ignis præferretur. Nec verò pigebit hoc loco admonuisse lectorem, versicu-

lum istum:

ἄν περὶ πρυτανείᾳ ἀλλοτρίᾳ ἐστὶν, ad verbum videri trās-
latum à Virgilio in 2. Georg. vbi ait:

Dū patrij indigetes, & Romule, Vestāque mater

Quæ Thuscum Tiberim & Romana palatia seruas.

Virgilius enim admodum eleganter vocē hanc
Græcam πρυτανείᾳ palatia interpretatus est, quia
πρυτανείᾳ apud Græcos publicæ urbium domus e-
rant, in quibus ignis publicus custodiebatur, ma-
gistratus splendide habitabant, viri de repub. bene
meriti publicis sumptibus alebantur. Vnde illud
Socratis à Iudicib⁹ interrogati vulgare responsū,
se scilicet ita vixisse, vt in Prytaneo ali deberet.

Fortem Aristagoram libens Arcanis thal.

V E S T A M rogat vt Aristagoram Tenedi præ-
fectum collegasque eius libenter ædibus & tha-
lamo suo excipiat, quia vt diximus idem locus &
ignis publici custodiæ & magistratuum annuæ
habitationi destinabatur.

Omnes sceptrigeros te prope colloca.

A P V D Græcos non soli Reges aut Aesymnetæ,
sed etiam popularium urbium magistratus scep-
trum gerebant: quin etiam Athenis βακτηρία hoc
est bacillus insignis eorum erat qui ad tempus ele-
cti de controuersis ciuium iudicabant.

Conseruant Tenedon Hectoream.

T E N E D O S insula est, vt inquit Mela, Asia-
ticis regionibus adiacens & Sigæis littoribus ad-
uersa, sicque appellata à Deo Thene, vt in-
quit Cicero lib. 3. in Verrem, ibi sanctissime cole-
batur, quod primus in ea urbem condidisset.

Stephanus

Stephanus scribit eam insulam vnam esse τῶν Σπο-
γάδων, & à quibusdam Pamphylia adscribi.

Fumanti recreant te Dea victima.

P O E T Æ ridiculè admodum fabulantur Deos
suos & thuris & fumantium victimarum nido-
re nutriri. Vnde apud Aristoph. Deus quispiam ait
breui se Deosque cæteros fame perituros, quòd
rarò in vrbe sacrificetur. Itaque Homerus initio
Odyss. fingit Neptunum profectū ad Æthiopas,
vt occurreret hecatombę taurorū & arietum, ibi-
que solemnibus dapibus reficeretur. Versus sunt
huiusmodi Odyss. α,

Ἀλλ' ὁ μὲν Αἰθίοπας μετεκίαθε τιλόθ' ἔοντας,

Ἀνθρώπων ταύρων τε καὶ ἀρνείων ἐκατόμβης.

E T apud eundem lib. 3. Iliad. Iuppiter ideò se
Troianis fauere ait, quòd in ea vrbe nunquam
neque libationes, neque hostiarum nidores fumi-
que deficiant. Similitèr Horatius ita Venerem
alloquitur lib. 4. Ode 1.

Albanos prope te lacus

Ponet marmoream sub trabe cypria.

Illic plurima naribus

Duces thura, lyræque & Berecynthiæ

Delectabere tibiæ

Mistis carminibus non sine fistula.

Vt cunctis spatium muneris annum.

I N liberis ciuitatibus tam Græcis quàm barbaris
ferè magistratus annui erant : quemadmodum
Athenis ἀρχων, à quo denominationē annus acci-
piebat, sicuti apud Romanos à Consulibus: vide-
batur sic aditus claudi ad tyrannidem : sed apud

Liuius
lib. 4. de
bel. Pun.

Cic. 1. de
Inuent.

Romanos quum necessitas temporū exigebat, ut
viris in re militari excellentibus sapius Respub.
committeretur, nonnumquam iidem Coss. refi-
ciebantur, aut in prouinciis continuabātur. Quod
rard accidit, & solo ferè Punico bello cum Han-
nibale gesto panè ad internecionem P. R. apud
Græcos Epaminondas, quum tempore magistra-
tus elapso per tres menses integros contra legem
exercitū retinuisset, memorabile illud Leuctrense
prælium fecit, victisque Lacedæmoniis Thebano
populo quæsiuit imperium Græciæ, haud sanè
diuturnum, & simul cum ipso Epaminonda peri-
turum. quæ res contra legem gesta utiliter & glo-
riosè, magnam illis temporibus differendi mate-
riam præbuit literatis & otiosis hominibus.

Thebanis abauus tempor. feròx.

Hic est Menalippus, qui in bello Thebano à
Tydeo Diomedis patre occisus est.

Despondere sibi quidlibet impotens.

Hunc locum videtur imitatus Horatius, quum
ait,

*Nil mortalibus arduum est,
Cælum ipsum petimus stultitia.*

FINIS.

AD CLARISSIMUM ET
DOCTISSIMUM SENATOREM ET
Parisiensium inquisitionū Præsidem,
D. Nicolaum Suerum, de Pin-
daro in Latinos versus ab
ipso translato.

*AVSPICE dum Musa fidibus resonare la-
tinis*

*Thebanos aptas docte Suere modos:
Exili primum tibi Gallia nostra susurro
Accinit, ambiguo quippe retenta metu.
Tam facile hoc, Latiae quod nec sua secula linguae
Crediderant, Gallo Gallia credat opus?
Verum ubi Romanis animos mulcentia verbis
Pindaricae exaudit pleetra novata lyrae:
Acclamat, faustum, plena tibi Gallia voce,
Ingenij laudem certa referretui.
Quin duce te veteres gaudet renovare triumphos,
Et Brenno similem te putat esse suo:
Namque ut Martigenam Romam Marte ille
subegit,
Romano Romam vincis & eloquio.*

IONATHAS PETIT.

Εἰς Πίνδαρον κάλλιπα ῥωμαῖσι ἑρμηνευθέντα.

ΔΙΟΣ Αλέξανδρος πρῆσας Καδμῖον ἄστυ,
Πινδαρέων πάμπαν φείσασθαι τῶν μεγάρων.
ΣΟΤΔΟΡΙΟΣ δ' ἔμοῦνον ἔστω μελάδρον ἀοιδῶ,
Αὐτὰρ οἱ ἄλλο νέον τεύξεν ἐπ' Ἀυσονίης.
Καδμείη κελαδῶν τε πάρος φόρυγχι λιγείη,
Ῥωμαϊκὴν ἐπέων ἤνεσεν ἀρμονίην.

IDEM LATINE.

FORTIS Alexander, Cadmi cūm diruit urbem,
Pindaricus ignes reppulit à laribus.
At non SVDORIVS tantūm servauit ab igne
Aedes sed vati struxit in Ausonia:
Thebana sedenim cithara resonabat vt olim,
Nunc recinit Latiae carmina nota lyra.


TETRASTICHON.

QVIS nouus hic Cygnus nubes qui tendit in altas?
Dircaus simul est & Venusinus olor.
Voces, Flacce, tuae, res est tua, Pindare, tota:
Sudorio laudem debet vterque suam.


FED. MOREL. F.

Errata in Nemeis & Isthmiis corrigenda.

- Folio 9. pagina pr. versu 19. lege, cæli venisse sub auras.
F. 11. pag. 1. vers. 4. Funde viroque. F. eodem, pag. 2. v. 1.
lege, diues aruis.
F. 13. p. 1. v. penult. Inflata ventis
F. 16. p. 2. v. 13. Sic Timasarchi
F. 21. p. 2. v. 13. Namque agilis ficto mend.
F. 23. p. 2. v. 7. natique patrisque
F. 24. p. 1. v. 25. Huic Athenarum
F. 27. p. 2. v. 2. Tu quisquis Chr.
F. 28. p. 1. v. 7. merum potens
F. 29. p. 1. v. 20. Deinde illico fastidiosæ
Ibidem, v. 24. Luctasque
F. 30. p. 1. v. 21. Et mons Lycæi
F. eodem, p. 2. v. 18. Illum è virenti
F. 32. p. 2. v. 7. Virisque insuperabiles
F. 35. p. 2. v. 17. Atque efferatas
F. 36. p. 2. v. 11. Liuore cuncti sepositó
Ibidem, versu ult. Is maximarum
F. 37. p. 1. v. penult. Ad flumen, æternosque
F. 42. p. 1. v. 7. reclinans supino
Ibidem, v. 15. Expertus inuictumque pugna
F. eodem, p. 2. v. 8. Sedi propinquans
F. 43. p. 2. v. 25. Nate Lamponis
F. 46. p. 2. v. 21. Alcmene
F. 49. p. 2. v. 1. Quare merentem.
F. 51. p. 1. v. 9. Nam quondam omniparens Iuppiter.
Ibidem, v. 26. Nerine
F. 56. v. 3. Dirceoque semper



















30

